



24929/R

Galler

~~DA. B~~

S  
20/6/06  
984



500 15070

G 8



INTRODUCTIO  
IN  
**HISTORIAM  
LITTERARIAM  
ANATOMES**

Seu

Conspectus plerorumque, si non omnium tam veterum  
quam recentiorum scriptorum, qui a primis artis medicae  
natalibus ad haec nostra usque tempora

**ANATOMIAM**

Operibus suis illustrarunt

Una cum Indice nominum rerumque locupletissimo  
AUCTORE

**ANDREA OTTOMARO  
GOELICKE,**

Med. D. & in Viadrina Regia  
Prof. Publ. Ord.



---

FRANCOFURTI ad VIADRUM,  
Apud JOH. GODOFREDUM CONRADI, 1738.



INTOMY, BILLY...

15070

2310TANA

Gallons

~~PA. B~~





# PRAEFATIO

AD

## LECTOREM.



Annus agitur vigesimus quintus, ex quo *historiam anatomes antiquae* pariter ac *novae*, sive conspectum plerorumque, si non omnium, tam veterum quam recentiorum anatomicorum scriptorum, qui a primis artis medicae originibus ad praesentia usque tempora anatomen pro genio seculorum, quibus vixerunt, illustrarunt, publicae luci exposui. Ingenue confiteor, complures, quibus inter scriptores anatomicos locus aliquis merito concedendus fuisset, a me omisso esse; Id tamen publice probo mihi dari (quod tamen a non



a nonnullis factum) ideo non decebat, quod nullo OMNES, sed PLEROSQUE tantum promiserim; Si enim fidem publicam dedissem, me omnes ac singulos, qui unquam rem anatomicam sive antiquis sive nostris temporibus excolere cordi habuere, recensituro, promissum cecidisset utique in debitum. At vero cum *plerosque* tantum, non *omnes*, promiserim, fidem datam me liberaffe, omnes ingenui rerum harum aestimatores facile largientur. Accedit, rem litterariam sua natura ita comparatam esse, ut nunquam aliquid perfecti omnibusque numeris absoluti sperari possit, in hoc potissimum studii genere, quod, quia cum taedio & incommodis non paucis inevitabiliter conjunctum est, a plerisque negligitur, illis praecipue, qui, sine anatomes ope praxin clinicam recte ac feliciter exerceri posse, temere sibi persuadent. Quot praeterea scripta irreparabili damno flammis olim periire? Quot eximii codices in exterorum bibliothecis delitescunt, qui in hunc usque diem nostram ad notitiam nondum pervenerunt? Oporteret studii hujus litterarii fautores ac promotores iter in cultiora Europae regna, Galliam, Italiam, Hispaniam, Angliam, Germaniam Belgiumque foederatum suscipere, scrinia & bibliothecas publicas ibi excutere, & quod



quod huc usque ignotum nobis permanfit, publicam in lucem protrahere. Ita enim nullum foret dubium, quin res publica litteraria insignia, & quae in hac rerum humanarum imperfectione sperari licet, augmenta esset captura. Neque vero hic reticendum est, quod, quantum mihi quidem constat, pauci admodum fuerint, qui studio huic litterario ex professo sese adplicuerunt. Multa veterum anatomicorum nomina, tanto vero magis illorum scripta, absolute ignoraremus, nisi *Galenus* & nomina & fragmenta quorundam suis in scriptis conservasset posteritatisque commendasset. Multum quoque lucis historiae litterariae attulit biga virorum, in antiquitatis studio peritissimorum, *OLAUS* nempe *BORRICHIVS* & *HERMANNUS CONRINGIVS*, qui, licet fervidam inter se mutuo habuerint controversiam de antiquorum, inprimis *Aegyptiorum* monumentis litterariis, non medicinam tantum generatim, sed & *anatomem* speciatim concernentibus, multa tamen in apricum produxerunt, quae aeterno silentio pressa ac tenebris spississimis obnubilata mansissent, nisi litis hujus occasione in lucem tractata fuissent. Non minus in *introductione in universam artem medicam*, quae studio *Güntheri Christophori Schellhammeri* necessariis additamentis



auēta prodiit, idem *Conringius* ad locupletandam artem anatomicam symbolam suam contulit. Quem insuper nostrum latent insignia merita, quibus universum medicorum ordinem sibi devinxit DANIEL CLERICUS in historia, quam edidit, medicinae antiqua, in qua certe non pauca veterum monimenta excutiuntur, quae ad illustrandam anatomen non parum faciunt. Optandum solummodo foret, meliorem tutioremque ipsam viam praemonstrasse, qua recentiorum medicorum res gestae & inventa pari exactitudine enarrari sicque historia artis recentior ad haec nostra usque tempora continuata legi posset. Acerbius tamen est iudicium, quod de hisce CLERICI conatibus tulit JOHANNES FREIND, in historia medicinae, a GALENI tempore usque ad initium seculi decimi sexti producta atque continuata, quando ita loquitur: *Ad calcem novae hujus editionis (quae prodiit) speciem quoddam sex & quinquaginta paginis constans subjicitur, in quo eadem historia usque ad medium seculi decimi sexti, breviter continuari dicitur. Verum illud temporis spatium, utpote annorum mille ac ducentorum, nimis amplum est, quam ut in opusculo tam exili plene describi potuerit; Licet dimidia ejus pars in vanis obscurisque enarrandis non fuisset illiterati hominis ac fanatici istius, PARACELSI, somniis*



*somniis absunta.* Aequè acris est censura, qua eosdem illos CLERICI conatus perstringit. Verba haec sunt: *Utinam, inquit, esset eadem (sententia) quam de historia ipsa jure optimo pronunciavi; sed, ut vera fatear, ita parum absoluta aut elaborata mihi res videtur, ut ibidem multa negligenter, multa perperam dicta existimem.* Hujus vero censurae, nimium quippe acris ac morficantis reum me non faciam; Id potius agendum ulterius mihi est, ut seriei auctorum, qui historiam anatomes solertius excoluere, *Johannem Douglassium* adscribam, qui specimen *bibliographiae anatomicae*, sive catalogum omnium pene authorum, qui ab *Hippocrate* ad *Harvaeum*, rem anatomicam ex professo vel obiter scriptis illustrarunt, addidit, cujus novae editioni, quae an. 1734. lucem denuo adspexit, scriptores omis si accesserunt, imo & historia aliorum quorundam anatomes scriptorum, authore *Clar. Albino*, adjuncta cernitur. Denique locum quendam hic sibi vindicant aliquot *Schultzii* dissertationes, in academia *Altorffina* publice ventilatae, in quibus veterum anatomicorum profectus & inventa ad examen revocantur.

In tanta itaque auctorum, qui historiam anatomes tradiderunt, inopia, manum denuo operi  
( ) ( )  
admovi,



admovi, nullisque sumtibus, nullis laboribus per-  
perci, ut, qui adhuc deficiebant & in historia ana-  
tomiae olim publici juris facta omissi erant, scri-  
ptores undiquaque mihi compararem, ipse per-  
legerem, quaeque in illis vel noviter detecta vel  
correcta & emendata deprehendebam, fideliter  
excerperem inque usus tam privatos quam pu-  
blicos converterem. Unde hoc opus priori triplo  
auctius simul atque emendatius enatum est. Frue-  
re illo, Benevole Lector, mihi que favere perge.  
P. P. Francof. cis Viadrum die XIV. Februar.  
M DCCXXXVIII.







# PRAEFATIO

## HISTORIAE ANATOMIAE

### PRAEMISSA.

**Q**ui ad historiam litterariam exornandam  
 animum adjiciunt, rem odii invidiaeque  
 plenissimam adgrediuntur; Nam si qua  
 ulla in re, certe hic duobus extremis ut-  
 plurimum peccari solet; Nempe aut promiscue & in-  
 discriminatim omnia adprobantur, quod sycophantis &  
 adulatoribus facere solemne est, aut omnia temere  
 rejiciun-



rejiciuntur, quod sciolis & ridicule ambitiosis familiare esse solet, vel denique, quod prudentiorum est, rationalia de scriptoribus, eorundem moribus & operibus, ferenda sunt judicia, quod quam odiosum simulque invidiosum sit, neminem in hodierna morum corruptorum perversitate latere posse arbitror. Antiquissimum enim simulque verissimum est proverbium: VERITAS ODIUM PARIT. Multos philautia ita in transversum egit, ut nihil rectum verumque putent, nisi quod ab ipsis proficiscitur. Alii praejudicatarum opinionum & hypothesium semel receptarum auctoritatibus adeo mordicus inhaerent, ut, quod huic modulo adcommodari non potest, superciliose contemnant, rejiciant & secundum Alexandrum Massariam malint cum Galeno errare, quam cum aliis sapere; Alii vero ad exemplum Stoicorum patriam potius quam sectam suam proderent, vel, quod de sophistis Galenus adseruit, satius esse ducerent, patriam prodere, quam aliquod receptorum dogmatum deserere; Quo hominum genere



genere nullum novi stultius, perniciosius vel pestilentius. Quamvis itaque natura non usque adeo stupidi vel ab omni sano sensu derelicti simus, quin haec qualiacunque incommoda, cum hoc scriptionis genere quasi inevitabiliter conjuncta, facile praevideamus: Non tamen propterea a proposito semel coepto nos deterreri patiemur vel animum timide despondebimus, verum potius lectorum judicio nos animo imperterritito exponemus, composituri nos ad similitudinem Apellis, qui pone tabulam suam callide latebat, & praetereuntium censuras, cribrationes & judicia patienter audiebat: Similiter nos prudentiorum judicia, imo & pro re nata, acerbiores censuras, si tales promeruerimus, non timebimus, multo minus aegro animo feremus, imo potius eo omnes nervos intendemus, ut errores nostros, si quos commiserimus, sicuti talibus in rebus nihil a nobis humani alienum esse putamus, sollicitè corrigamus. Sciolos vero taliumque rerum, historiam litterariam medicam concernentium non sufficienter



peritos, humaniter simulque obnixè rogatos volumus, ut a refutatione vel censura acriore abstineant, ne necessitas nobis incumbat ipsis adclamandi illud Apellis: NE SUTOR ULTRA CREPIDAM;

Vel plane acerbioribus cribrationibus ipsos castigandi & in semitam rationis reducendi. Calumniarum in-

fensissimus sum hostis, omnis contra veritatis aman-

tissimus; Et sicuti adulandi artem non didici, nec

discere unquam volui: Ita contra libertatem sentien-

di tanquam bonum inaeestimabile semper magni aesti-

mavi. Qui aura populari regi sese patitur, vel ju-

dicia vulgi metuit, ad scribendum (in hoc potissimum

genere) prorsus ineptus est. Qui laudes non meren-

tur, a me etiam nullas expectabunt; Qui vero talibus

digni sunt, per me debitis suis encomiis non priva-

buntur, quod tamen sine omni fucò & verborum le-

nociniis fiet: Quia nullum unquam hominum genus

majori mihi abominationi fuit, quam adulatores &

parasitae, quam artem si calluissem, aut pro more

seculi



seculi callere voluissem, aliam procul dubio faciem jam dudum habuisset fortuna mea: Jam vero ab omni partium studio & foeda adulandi libidine alienissimus semper fui. Interim, ut ad rem ipsam jam accedam, eo praecipue propositum meum tendit, ut, cum multos egregios viros certatim haecenus observaverim laborasse in excolenda historia litteraria variae & omnigenae eruditionis: Deprehendi, solos fere medicos otio indulgere, paucis quibusdam exceptis, qui tamen vel fragmentis suis orbi erudito non satisfecerunt, vel alphabetica sua simplici recensione praeter auctorum nomina & librorum titulos variasque eorundem editionum formas nihil nobis enarrarunt. Nobis proinde aliam plane viam ingredi utile & necessarium visum fuit, totius medicinae & omnium ejus partium adcuratam historiam tam antiquam quam recentiore pandere, & quidem non solummodo, ut auctorum vitas & scripta, prout serie naturali temporis nobis occurrent, sed & potiora illorum inventa, singulares hypotheses, controversias



versias & alias memorabiles huc pertinentes circumstantias ordine recenseremus. Placuit autem initium facere ab historia ANATOMIAE, tanquam fundamento totius artis medicae, quam brevi historia Chirurgiae, & suo tempore Pharmaciae, Botanices &c. excipiet. Quibus omnibus secundum partes, in quas universum medicinae corpus dispesce consuevit, ita expeditis, ad pandendam totius artis historiam universalem, si DEUS vitam atque sanitatem concesserit, accedemus, hoc unicum duntaxat a celeberrimis quibuscvis artis nostrae antistitibus, ubicunque locorum degant, expetentes, ut, quibus otium est, in communem Reipublicae medicae salutem, ad promovendum tam utilem finem, collaborare non dedignentur. Vale hisce, Benevole Lector, nobisque ac proposito nostro fave. Dabam Hal. Magdeb. die 1. dec. 1712.

INTRO-





INTRODUCTIO  
IN  
**HISTORIAM ANATOMIAE,**  
A PRIMIS ARTIS ORIGINIBUS AD  
NOSTRA USQUE TEMPORA CONTINUA  
SERIE DEDUCTAM.

§. I.



Qui artem medicam suis Auditoribus digne ac fructuose tradere cupiunt, ab Anatomia tractationis exordium faciant necesse est; Haec enim fundamentum totius artis constituit, quo ignorato vel neglecto reliquam aedificii molem labilem fore ac ruinofam, quilibet facile comprehendit: Hinc relatum legimus, solemnem hancce consuetudinem jam antiquissimis temporibus in schola usque Asclepiadea viguisse, & tyronibus artis topographiam corporis humani *δεξιτῶς* demonstratam & partes  
A ejusdem



eiusdem tam externas quam internas sensibus expositas, ut sic, comprehensa partium historia, deinde earum structuram indeque fluentem functionem & usum eo rectius addiscere valerent.

## §. II.

Equidem moderni Academiarum mores neminem latere possunt, qui a prisca illa venerandae antiquitatis consuetudine in eo recedunt, quod Anatomia fusque deque habita, in tradenda doctrina medica illotis statim manibus ruant ad Physiologiam, quae vi vocis nihil est aliud, quam discursus de natura ejusdemque effectibus in corpore humano. Cum vero, quicquid demum Natura in corpore suo agat, per organa corporea illisque convenienter & congrue operetur, manifestum utique est, partium tam fluidarum quam solidarum, quippe quae nil nisi mera organa sunt, notitiam praerequiri, antequam, quid per talia organa, quo ordine & successu temporis organis talibus convenienter operetur natura, tyronibus artis declarari queat. Quomodo vero laesiones talium partium p. n. intelliget, qui earundem structuram s. n. hactenus nondum intellexit? Et quomodo earundem restitutionem in integrum suscipiet, cui ordinaria dispositio, a qua in alienam constitutionem descivit, ignota est?

## §. III.

Nihil autem hic repugno illis, qui serio (a) objiciunt simulque dolent, Anatomiam hodie non solum mera *ἀλλότρια* & a

---

(a) Digitum intendo in Celeb. STAHLIUM, qui haec talia modernis *Anatomes* cultoribus, non certe *joculariter* sed *serio* objecit, graviter adserendo: Hodiernae anatomiae, quam operosa & curiosa quin *sublimis* etiam nonnullis videatur, nullum vel saltem exiguum esse usum in medicina: Ita enim in programmata publico, quo *Anatomiam anatomiae seu demonstrationum*



& a medico scopo longissime recedentia tractare, sed & meas curiositates, minutias & subtilitates supervacuas ingenti studio confectari, cujus generis sunt, vasorum minimorum & vix sensibilium reptatus & inextricabiles ramificationes

A 2

per

---

*Et inventionum anatomicarum seriem Et usum ordiri Et prosequi significat, loquitur: In scenam hodie protrahitur ita versipellis (anatomy) ut pingi, fingi non desinat, Et saepe de fibra ita in diversum torquatur, ut inter affirmativam Et negativam discerpenda videatur. Visu, millies Argo oculatior, gustu omnem simiam superans, infinitorum saporum interpres, tactu vero ita exquisita, ut stipes contra sit aranea, certe trochleas, spiras, vestes, helices fibrarum, imo poros palps, secans, separans. Hic tamen praeposterus artis optimaе usus vel potius abusus non impedivit STAHLIUM, quo minus veram illi dignitatem, nobilitatem & praestantiam adfereret, dummodo suam intra sphaeram modeste sese contineret. Ita enim epistola, disputationi de medicina medicinae curiosae adnexa, ingenue fatetur: *Physica* inquit, quae talis, *anatomia* operosior, *chymica*, *phytographia* in suo ordine atque loco disciplinae sunt, a nemine prudente contemnendae; Sed, ut programmate, quo *vindicat theoriae vere medicae sistit*, circa finem prudenter monet, talem desiderat *anatomem*, quae *physiologiae vere medicae* praeluceat; Cum enim *physiologia* versetur circa usum partium, eo ipso vero supponat utique notitiam partium vel praeviam vel conjunctam: Ex his vero partibus solidarum numerus, consistentia, figura, situs, connexio, ANATOMIA: Crasis autem fluidarum CHYMIA ex parte nitatur: Perspicuum est, demonstrationes ex *anatomia* & *chymia* ad *physiologicam notitiam* maxime utiles esse ac necessarias. Id sibi dictum esse putent, qui nescio quam *sublimiorem* hodie *anatomem* crepant, quae, quo minus res in sensus incidentes tractare cordi habet, eo etiam a scopo vere medico alienior merito judicanda est. Imo idem illud ad animum serio revocent, qui contemtoribus artis anatomicae virum Celeberrimum praeter meritum adnumerarunt.*



per viscerum parenchymata, fibrillarum musculum componentium numerus, ordo, series, figura & magnitudo, glandularum pororumque in glandulis, incernicula veluti aemulantibus figura & constructio singularis, pro transmittendis, colandis ac secernendis certis tantum humoribus, ejusque farinae plura, quae omnia, si perita tandem atque circumspecta cheiragogia dextre evolvere & in apricum deducere liceret aut omni modo possibile esset, vix tamen luculentior fructus, quam ludibrium aut potius spectaculum sensuum sperandum inde foret. Nihil, inquam, talia objicientibus repugno; Quis enim, talia vere ita sese habere, ignorat? Interim tamen cavendum, ne, quod antiquitus jam fecerunt *Methodici*, quorum *Thessalus* caput erat, in alterum extremum prolapsi, nobis aliisque persuadeamus, humani corporis secundum partes suas, qua interiores qua exteriores, contemplationem futuro medico inutilem esse; Sciendum potius est, nos, Anatomiam hic tanquam fundamentum totius artis commendantes, longe eminentiorem illius usum praefixum nobis habere, nempe, ut mediante illa adprehendatur historia partium & organorum humani corporis, situs viscerum eorundemque cum aliis partibus connexio & praecipue constructio organico-mechanica & mutua illius ad effectuum determinationem & varietatem proportio agnoscat, indeque potissimum usus, in ipsa aliquando medicina & chirurgia deprehendendus, addiscatur.

#### §. IV.

Quae omnia si recte aestimentur & ad animum debite admittantur, facile patebit, Anatomiam *vel* circa solas tantum *εγχειρήσεις* seu *dexteritatem secandi* corpora versari, quo sensu Galenus distinctos scripsit commentarios de *exercitiis* seu



seu *administrationibus Anatomicis*, vel simul intendere, ut peritia tali secandi ipsae quoque partes tam externae quam potissimum internae innotescant & numerus, figura, situs, connexio & constructio seu texturae varia conformatio, pro futuris *usibus* tam *medicis* quam *chirurgicis* sensibus exponantur, vel altero simul oculo respicere ad *usum* & *functionem* talium organorum declarandum, quod in distinctis iterum commentariis de *usu partium* Galenum fecisse novimus.

### §. V.

Simul vero etiam adparet, ejusmodi sectionem administrari vel in *corpore vivo* (animalium nempe viventium) vel in *mortuo*, hominum scilicet, vel violenta morte peremptorum, vel certis morbis denatorum; Ex quo ultimo praecipue respectu *Anatomia* vere *Practica* exurgit, cujus ope talia saepius deteguntur, quae ante sectionem vix ulli in mentem venerant, quaeque unico ita obtutu innumeras speculationes, quae ante sectionem ad ravim usque indecoro & molesto fervore defendebantur, pessundant & evanidas reddunt. Harum sectionum beneficio hic deteguntur polypi aliaeque excrescentiae peregrinae, alibi ulcera vel apostemata; hic calculi, alibi vermes &c. Inde tandem enatum est egregium illud Theophili Boneti opus, quod *Sepulchretum* suum vocat, quodque omnes boni in summo habent pretio. Optandum profecto foret, Procere Imperii Romano-Germanici Professoribus medicinae in Academiis Germaniae similem libertatem indulgere, qualem Rex Christianissimus, quisquis tandem alio intuitu fuerit, vel Belgii foederati Ordines, sicuti non sine grata animi oblectatione, quamdiu inter Belgas versatus sum, recordor, suis liberalissime concedunt, in secandis cadaveribus hominum, in nosocomiis publicis defun-



defunctorum. Sed (b) quis vivet, quando ista fient, aut votorum nostrorum participes erimus?

## §. VI.

Ast propositum nostrum hac vice non patitur, in haec omnia prolixius diffundi; Nostra enim intentio eo tantum tendit, ut tyronibus artis brevem atque succinctam exhibeamus historiam illorum scriptorum, qui *rem anatomicam* a primis artis incunabulis usque ad praesentia nostra tempora suis operibus & lucubrationibus illustrarunt: Quo ipso obviam procedere laboravi meis meorumque Auditorum desideriis, qui, quotiescunque collegia anatomica aperienda fuerunt, toties defectum illum sufficientis historiae litterariae scriptorum anatomicorum mecum agnoverunt & conquesti sunt. Quo proinde in negotio ut & illis & mihi ipsi satisfacerem, adversaria mea, quae otio litterario indulgens ex lectione Auctorum collegeram, in ordinem redigere & primum in calamum dictitare cœpi, deinde vero laboris hujus pertaesus plane praelo submittere decrevi, sperans, me hoc ipso, si non apud omnes, bonos tamen, aequos & cordatos rerum judices aliquem

---

(b) Quod tunc temporis, cum haec scriberem, in votis habebam, id hodie munificentia singulari Regis nostri indulgentissimi in terris Prussio-Brandenburgicis, non sine laetitiae sensu adimpletum esse video. Non enim solummodo in sede Regia magnificum exstructum est *theatrum anatomicum*, in quo *cursum* suum facere coguntur, qui ad poliatorum vel physicorum provincialium officium adspirant, vel praxi medico-clinicae sese adcingunt: Sed & *Collegia medica provincialia* sunt erecta, quibus corpora mortuorum, qui publicis sumtibus in nosocomiis alebantur, cultro anatomico submittere licet. Neque dubium est, quin laudatissimum hoc ac vere regium institutum plures alii Principes suis in ditionibus sint imitaturi.



aliquem ad sensum & gratiam meriturum: Quid enim nasutuli quidam clanculum machinentur, ut ipsi soli emergant, nullo numero habendum esse existimo, praesertim ubi hujus suae in judicando facilitatis ac temeritatis semel atque iterum promeritas poenas subierunt; Ut mirandum potius sit: PISCATOREM ICTUM NON SAPERE. Quid vero non audet gloriosa & temeraria Juventus?

## §. VII.

Hisce interim ita constitutis, nemo, opinor, fuerit, qui in pejorem partem interpretabitur, quod promiscue ad hanc classem auctorum anatomicorum retulerim, tam, qui in solis administrationibus anatomicis tradendis occupati fuerunt, quam etiam, qui in historia partium earundemque usu evolvendo laborarunt, sive hanc notitiam adquisiverint per Zootomiam seu animalium tam vivorum quam enectorum sectionem, sive demum per cadaverum humanorum, certis morbis denatorum, apertionem. Cum enim omnes aequo jure huc pertineant, nemo propterea aliquem sibi scrupulum injici patietur.

## §. VIII.

Quamvis enim non sim nescius, anatomiam intra limites suos stricte sese continentem, praeter numerum partium, tam solidarum, nempe ossearum & cartilaginosaarum, quam solidescentium, nempe membranoso-musculosaarum, tendinosaarum, nerveaarum, ligamentosaarum imo & vasculosaarum, arteriarum, venarum, lymphaeductuum &c. figuram, situm, connexionem mutuam, indeque hauriendam mutuam communicationem ejusmodi partium vix aliud quicquam pro scopo suo habere: Desiderant tamen plerique, nimis sterilem, molestam ac taediosam fore ejusmodi tractationem,  
nisi



nisi simul ad texturæ organorum indagationem indeque fluentem usus atque officii determinationem digrediendi licentia concederetur. Quo intuitu nemini grave videbitur, si *anatomiam* aliam *physicam*, aliam vero *medicam* nuncupemus.

### §. IX.

Quae cum ita, sicuti dictum est, comparata sint, cur tanta cum *ἀντιστάσει* laboraremus in distinguendis atque a se mutuo secernendis illis scriptoribus, qui vel sola tantum exercitia anatomica, vel una cum illis etiam historiam partium tradiderunt, vel cum omnibus illis etiam simul usum earundem sibi declarandum elegere. Recenseamus potius illos, prout serie naturali temporis nobis occurrent, parum morantes, in quocunque demum dictorum operam suam collocaverint.

### §. X.

Vetustiore uti totius medicinae, ita potissimum anatomiae scriptorem praeter Hippocratem Coum vix reperiemus; Id quod tamen non ita intelligendum est, quasi ante Hippocratis tempora nemo fuerit, qui vel medicinam vel anatomiam excoluerit: Contrarium enim ex ipsis antiquorum testimoniis satis probavit & proinde altius origines *anatomicas* repetendas esse existimavit *Philippus Jacobus Hartmannus*, Phil. ac Med. D. hujusque olim in *Academia Regiomontana* PP. Ord. qui *exercitatione*, quatuor *disputationibus* eruditorum examini publice expositis, comprehensa, primos & reconditos artis anatomicae natales ex antiquitatis monimentis magna non minus industria quam eruditione evolvit atque conspiciendos exhibuit: Pro quo vere aerumnoso labore eo majores ipsi gratiae habendae sunt, quo pauciores fuere, qui illum in se suscipere sategere. Jucundum est, *primordia*  
*artis*



*artis, quae nondum ulla turpavit ambitio, quaeque nuda veluti conspicienda sese praebeat, minusque suo in habitu varietatis habeat, solertius eruere. Jucundius est, ex ortibus successus, ex successibus incrementa, ex incrementis decrementa rursus, atque continua rerum successione alias ex aliis vicibus vicissitudines cognoscere, sicuti Auctor ipse in praefatione loqui amat.*

## §. XI.

Verum, ut praeter jucunditatem ac delectationem etiam utilitati consulatur, placet singulas istas exercitationes breviter percurrere, ac praecipua rerum momenta fideliter inde excerpta hic in compendio sistere. Hae igitur exercitationes novem constant *capitibus*, in quorum *priore*, indicato ortu, anatomicae cum aliis artibus atque scientiis communi, inquiritur in causas, quae hoc studium antiquitus negligi fecerint, quae sunt: *Quod viva quondam mactare plerisque religio, cadavera vero vel contingere nefas, vel lacerare, scelus fuerit.* Ex quo vero victimas DIIS offerre, atque adeo animalia mactandi invaluit consuetudo, abesse vix potuit, quin aliqua, licet rudis anatomices forma sensim subnasceretur. Quis enim tam simplices & ab omni sanae rationis usu ita remotos sibi fingat ejus temporis homines, quin sacrificia facturi, *ex inspectione extorum* ea in usus suos transtulerint, quae vel ad historiam vel ad usum partium pertinebant? Unde & philosophis & medicis *extispicina* fuit citata, ut ex ea *anatomicen* primos suos hausisse natales, luculenter constaret.

## §. XII.

Ut vero distinctius pateret, quid potissimum *extispicinae* deberet *anatome*; Hinc *secundo capite* specialius indicat, comoda illa non in eo tantum consistere, quod *extispices* nomina graeca aequae ac latina partibus variis imposuerint, sed



quod partium animalium dissectione internarum quoque partium cognitioni viam paraverint, imo, quod plus est, in ipsis illis partibus etiam adnotaverint, quid *secundum* vel *praeter naturam* sese habere, vel plane ceu *insolitum* judicandum sit? Ad quod praestandum diuturno usu ac repetita inspectione attentaque consideratione viscerum opus fuisse, extra omnem dubitationis aleam positum est: Unde apud *Suidam* & *Stephanum* *splanchnoscopiae* & *splanchnotopi* ac *splanchnotomi* voces occurrunt; Ut satis indicetur, non sane obiter, sed summa attentione atque sollicitudine inspexisse extipisces interanea, non aliam quidem ob causam, quam ut ex varia illorum habitudine, si vel *secundum* vel *praeter naturam* sese haberent, vel praeter consuetudinem insoliti quid obferrent, eventura inde praesagirent.

### §. XIII.

Duobus proxime sequentibus capitibus, *tertio* & *quarto* id potissimum agit exercitationis *auctor*, ut membra illa interna commemoraret, quae ab *extipiscibus* fuere observata, sicq; *usus haruspicinae in re anatomica eo evidentior compareat*; Exemplo esse potest hepar ejusque lobus, vesica fellea, cor, pulmo, lien aliaeque partes, quas variis in animalibus lustrarunt *extipices*, eoque ipso rudiores *anatomes* notitiam sibi adquisivere! Et quis dubitet, quod praeter nudam partium historiam, qualemcunq; quoque manuum promptitudinem atque dexteritatem sibi adquisiverint? Erant enim partes quaedam v. g. cor a *victimariis* eximendae, id quod singulari *εγχειρησει* factum esse, locis quibusdam ex *Hippocrate* & *Galeno* allegatis ab *auctore* illustratur.

### §. XIV.



## §. XIV.

Progreditur hinc *capite quinto* ad *culinariam* veterum, quidve emolumenti in *rem anatomicam*, saltem *rudiores*, inde redundârit, exacte disquirat. Probabile enim est, coquos, cum tam victimariorum quam lanionum munia expedirent, ab his varias *ἐγχειρήσεις*, animalia mactandi visceraque eximendi, didicisse; Qua etiam de causa coquos ab anatomicis citatos esse, ex variis *Galen*i locis adstruitur, manifesto argumento, illos eo tempore secandi artis haud omnino imperitos esse judicatos. In gente hebraea saltem manifestissimum est, *anatomicen* ad laniones suos retulisse natales; Non enim licebat sancto huic populo aliam DEO immolare victimam, quam perfectam omnisque vitii expertem. Imo, quae in domesticum usum mactarunt animalia, eorum viscera sollicite scrutati leguntur; Quem morem in hunc usque diem pertinaciter observant Judaei, nullum animal mactantes vel comedentes, quod non omni ex parte purum, perfectum omnique labe destitutum fuerit deprehensum.

## §. XV.

Visis & consideratis primis *anatomices* incunabulis, pedem promovet auctor *capite sexto* ad ea tempora, quibus cultiorem induit faciem; Id quod circa tempora *Trojana* factum esse, haud contemnendis argumentis adstruit *nos*ter: Vix enim fieri potuisse videtur, ut chirurgi ejus temporis intelis extrahendis variisque vulneribus curandis fuissent occupati, nec tamen simul insignem in separandis variis partibus C. H. dexteritatem atque peritiam sibi adquisivissent. Quaerit autem hoc loco admodum adposite: Utrum *Aegyptii* prae *Graecis*, an vero *hi* prae *illis* anatomen citius excoluerint? Ac merito responderet: *Graecis* serius prae



*Aegyptiis* anatomen esse excultam. Antiquissimus enim apud Aegyptios mos viguit, corpora demortuorum condire; Id quod cum sine lustratione & dissectione fieri non potuerit: Pronum est, inde colligere, peritiam secandi haud vulgarem ipsos sibi adquisivisse; Taceo, *Aegyptiis* potissimum divisionem C. H. in *caput, thoracem, manus & crura* in acceptis referendam esse. Hinc vero demum ad Graecos transiit, quorum Philosophi ad Hippocratem usque laudabili studio excoluere *Anatomen*, inter quos tamen *Democritus* palmam aliis praeripuisse videtur, ut tamen, quod *Abderitis* esset exosa, perficere eandem non potuerit. Huic ordini *capite septimo* adsociavit quoque *Hartmannus* primum *Aristotelem*, per quem *anatomica* adolevit, deinde *Erasistratum*, qui ex eadem arte multum sibi laudis comparavit, tandemque *Herophilum*, cui *Galenus* hoc sincerum perhibet testimonium, quod in *dissectionis disciplina* fuerit consummatus. Nec tamen id, quod de philosophis *anatomes* cultoribus dictum, ea ratione intelligendum est, quasi interea medici otiosi fuerint spectatores eorum, quae a philosophis agebantur, imo hi potius *anatomen* sibi propriam fecere; Unde etiam suas scholas, ceu peculiaris disciplina postmodum nata est.

## §. XVI.

Uti vero *anatomicae disciplinae* initia, incrementa & progressus, ex antiquitatis monumentis eruta haecenus exhibuit Auctor: Ita nunc duobus postremis capitibus, *octavo ac nono* ejusdem statum nobis delineat, ex quo ejusdem paulatina decrements aestimari haud difficulter licet. Atro inprimis carbone notat *empiricos* atque *methodicos*, quorum illi *anatomicen* admodum contemptim habuere, hi vero, medicinam intra sex mensium spatium addisci posse, impudenter



denter mentiti sunt. Et licet aevo *Galen*i cura *anatomes* non quidem penitus rejecta fuerit, idem tamen ceu *flator fugientis peritiae anatomicae* à nostro sistitur. Quae vero *Galenum* insequuta fuêre tempora, adeo fuêre sterilia, ut nihil fere memoratu dignum de rebus anatomicis proditum fuerit. Nec meliora artis optimae fata fuêre *Arabum* aetate, non quod socordia ab adornandis *exercitiis anatomicis* abstinuêrint, sed religione Mahomedana, quam plerique illorum amplectebantur, prohibiti, a caedibus animalium abstinuerint.

### §. XVII.

Sub finem vero Seculi XV. & initium XVI. solertes quidam viri operi anatomico manum denuo admoverunt, quorum numero *Mundinus*, *Jacobus Carpens*is, *Realdus Columbus*, *Andreas Vesalius*, *Bartholomaeus Eustachius*, *Gabriel Fallopius*, *Carolus Stephanus*, *Platerus*, *Baubinus*, *Laurentius* aliique plures a nostro accensentur. Paucis ut nos expediamus, nulla hac aetate cultioris & eruditae Europae gens fuit, quae non in *anatomes* cultum quasi conspiraverit; *Germani*, *Itali*, *Galli*, *Angli*, *Dani*, *Sueci*, *Belgae* certatim quasi in augendo atque locupletando studio anatomico laborarunt. Solos inde *Russos* cum *Aethiopibus* & *Sinensibus* inde excipit; De *Russis* speciatim ex *Olearii* itinerario probat, quod *ab anatomia* & *sceletis* abhorreant; Aliter vero absque dubio sentiret *Hartmannus*, si hodie viveret: PETRI enim Magni Russorum Imperatoris munificentia vere regia factum est, ut *thesauri Anatomici Ruyschiani*, magna pecuniae summa cöemti, *Petropolim* fuerint translati; Qua in sede Imperatoria ejusdem Russicae Majestatis auspiciis hodie pari dexteritate *demonstrationes anatomicae* instituuntur, sicuti in ulla alia Europae universitate hucusque adornari consueverunt.

### §. XVIII



## §. XVIII.

Erutis hoc modo ex fontibus antiquitatis primis *scientiae anatomicae* originibus, accingit se *auctor* ad confutandum ac diluendum ea, quae contra *peritiam veterum anatomicam* in genere adferuntur; Cujus generis sunt: *Antiquos non omne animalium genus cultro lustrasse*, speciatim vero in *corpore humano* eiusmodi lustrationes nunquam instituisse; Eos nec *rationem subjecti* nec *elegantiam demonstrationis* attendisse; *Talibus adminiculis & instrumentis, quibus bodie instructi sumus, illos fuisse destitutos*, & quae sunt ejus generis plura, ex quibus omnibus tandem sic concludit: *Veterum anatomicas operas neque arte rudes neque ingenio minores his proximorum seculorum in hoc genere studiis aestimandas: Cum constet, nec occasionem nec animum illis defuisse, quin per omnia animalium genera cultro grassarentur anatomico, ut naturam penitus introspiciendam repanderent.*

## §. XIX.

Nimium itaque in venerandam antiquitatem eorundemque rem *anatomicam* injurii sunt, qui totam illam epocham *ab orbe condito per integra sex & triginta secula & dimidium ad Alexandri M. imperium usque effluxisse* putant, ut tamen vel nihil vel exiguum saltem anatomico in studio praestitum esse adpareat. Primo enim fidem omnem humanam superat, toto hoc temporis intervallo tanta ignavia atque socordia laborasse homines, ut, cum alias artes atque scientias magna solertia excolerent, solam *anatomen* neglexerint nulloque numero habuerint; Quod vel sola *extispicina*, ad notitiam C. H. partiumque ejusdem tam externarum quam internarum perveniendi, occasionem praebere potuerit imo debuerit: Cum *extispicum* officium praeter alia in eo consisteret, ut, quid *secundum*, quid *praeter naturam* vel plane *insolitum*



litum esset, adcurate perpenderent: Id quod praestare ne-  
tquam potuissent, nisi statum C. H. naturalem & ordinari-  
um probe cognitum atque perspectum habuissent.

## §. XX.

Deinde vero, quod (c) *Aegyptios* speciatim attinet, nullum  
dubium est, quin ipsi illi, qui in *physiologia*, *pathologia*, *materia*  
*medica*, *methodo medendi* imo *therapia* ipsa tam *medica* quam  
*chirurgica*.

---

(c) Plerique de peritia anatomica *veterum Aegyptiorum* tam ab-  
jecte sentiunt, ut, si, quae ab illis hac de re traduntur, vera  
essent, vix lanienae comparari mereretur. *Hermannus Conringi-*  
*us*, cui universa *Aegyptiorum* sapientia vel suspecta vel pla-  
ne magica superstitione contaminata videtur, fateri tamen  
coactus est, quod, cum *artem facturo necessaria sit corporis hu-*  
*mani notitia*, non certe *proletaria*, sed quae *dissectione comparetur*,  
*idem quoque Aegyptiis visum*; Et argumento id inprimis esse  
*studium illorum, quod huic rei ab illis est impensum*. Daniel le Clerc  
in *historia medicinae* part. II. Lib. I. Cap. III. p. 298. etiamsi  
inficias ire vix auit, ex *balsamatione corporum* in anatome  
antiquissimam illam gentem proficere aliquid potuisse;  
Negat tamen, quod, cum leges obstarent, curiositati suae  
omnino satisfacere potuerint. Verba ejus haec sunt: *Il est*  
*vray, qu'en Egypte l'on avoit accoutumé des long-temps auparavant*  
*d' embaumer les corps morts, ce qui ne pouvoit se faire sans les ou-*  
*vrir; Aussi Galien avoüe - t - - il, que cette coutume pouvoit avoir fourni*  
*aux medecins de ce pays-la une occasion favorable de s' instruire. Mais,*  
(Sic enim pergit Clericus,) *comme il n'y a pas d'apparence, que ceux,*  
*qui travailloient a ces embaumemens, osassent satisfaire entierement leur*  
*curiosité, ni fouiller aussi avant, quil' il auroit été nécessaire dans les*  
*corps humains, que l' on regardoit comme quelque chose de sacré: l'*  
*anatomie ne put pas s' etre beaucoup avancée, pendant que l' on n'a-*  
*voit pas d' autres moyens, que celui-là. Il falloit necessairement avoir*  
*des cadavres, sur lesquels on put tout entreprendre. Huic congru-*  
it alius locus, qui pag. 713. in notula \* circa finem reperitur,



*chirurgica imo pollinctura tam laudabiles fecerant. progressus, anatomen solam reliquerint incultam. Ipsi Reges, Eusebio teste, antiquissimis huius temporibus, rei medicae operam navasse leguntur, imo secundum Plinii irrefragabile testimonium, iidem Aegyptiorum reges corpora mortuorum, ad morbos cognoscendos, consecasse dicuntur. Memoratur inprimis Eusebio Athostis*

---

ubi inquit Clericus: *Au reste, on voit par ce passage de Diodore, que la pratique des embaumemens, quelque frequente qu' elle fut chez les Egyptiens, ne devoit pas les rendre plus hardis a faire les dissections de corps humains. Si ceux, qui etoit appelez par leur profession a en faire l'ouverture, dans la vuë de les conserver, etoit regalez de coups de pierres par les assistans, a quel peril n' auroint pas eté exposé ceux, qui auroint entrepris de dechiqueter ces mêmes corps depuis la tête jusqu' aux pieds, comme il auroit fallu necessairement le faire pour s'instruire a fond de la nature de toutes les parties, de leur situation, connexion etc. Schultzius histor. Med. Period. I. Sect. I. Cap. III. §. XIII. & sequentibus simpliciter profitetur, se nondum unicum invenisse argumentum, quo antiquis Aegyptiis, ante Graecorum adventum res suas sibi habentibus, aliquod praeclarum meritum de anatome vindicari possit. Hujus vestigia premit Gottlieb Stolle in introductione in historiam litterariam medicinae, qui quidem concedit, eos, qui circa balsamationem corporum mortuorum versati sunt, qualemcunq; notitiam de situ ventriculi, hepatis, lienis, renum, pulmonis aliorumque viscerum acquirere sibi potuisse, eximie autem falli, qui propterea anatomicam quandam peritiam vindicare ipsis vellet: Quia alias sacrificuli ethnicorum, imo ipsi plane laniones anatomicorum seriei essent adscribendi. Simili plane ritu de anatome Aegyptiorum ratiocinatur Bruckerus, qui, quasi rem omnem fundamentaliter exploratam haberet, audacter scribit; Scientiam illorum anatomicam illa lanionum vix perfectiorem vel meliorem fuisse. Hisce omnibus jungimus tandem Johannem Junckerum, qui in conspectu physiologiae medicae atque hygieines in forma*



Athostis sive Athostas quidam, qui *libros anatomicos* scripserit, additque auctor *antiquitatum anatomicarum*, cujus dissertationes antea in synopsi exhibuimus, quod ex *Ful. Africano* id desumerit, qui *Manethonis*, sacerdotis *Aegyptii* libros excerpens, haec reliquerit: Ἀθῶδης - - - ἔ φέρονται βιβλοὶ ἀνατομικαί; ἰατρός γὰρ ἦν.

## §. XXI.

Verum sunt, qui cum *Conringio*, strenuo illo *antiquitatum Aegyptiacarum* irrisore, ea omnia, quae de libris *Athostis* anatomicis antea retulimus, *fabulosa* esse credunt; Quasi unus hujus viri auctoritate omnis fides historica niteretur.

C

Non

---

tabularum haud ita pridem in publicum emissio, ingenue quoque fassus est, *exiguam anatomes peritiam fuisse* Aegyptiis, imo libros *Athostis* regis anatomicos ab antiquitate esse confictos, *Plinii narrationem esse incertam & luculentum inscitiae illorum anatomicae testimonium* adferri ab *Herodoto* Libro II. p. 136. Quae omnia licet hac vice suo loco lubens relinquam, non possum tamen, quin hisce omnibus *Olaum Borrichium*, virum in omni antiquitate versatissimum opponam, qui non modo disertis verbis enunciavit, *primos hominum Aegyptios ad discendum ex anatome naturam interiorum animalium industriam suam laudabili ausu contulisse & primos hominum humana viscera ad morbos investigandos aperuisse*, sed & luculentum *Manethonis* apud *Eusebium* Pamph. in Chron. testimonium de *Athosti*, antiquissimo Rege Aegypti, non ex faece, sed ex archivis depromptum esse, adserere haud dubitavit. Et quamvis hanc *Borrichii* adsertionem vel *fabulosam* vel risu dignam esse existimaverit *Conringius*: Recte tamen regessit *Borrichius*, multos alios libros pro *fabulosis* habendos vel ridendos esse, si ad condemnandum sufficeret, ab alio non memorari, quo inprimis argumento usus est *Conringius*, acerrimus *Borrichii* insectator. Reliqua, quae ab aliis pro imminuenda, quam in anatomicis sibi adquisiverunt, fama, adferri in medium solent, vix refutatione digna sunt.



Non autem veritatis studio, sed solo contradicendi pruritu ductum Conringium tam illustria veterum testimonia suspecta reddidisse, ex ipsis ejus verbis, quae de *hermetica medicina* Lib. I. Cap. X. attulit, perspicuum est. Ita enim inquit: *Sed hoc* (quod de *Atbosta* modo retulimus) *FORTASSIS est fabulosum. Certe talis libri nusquam alibi fit mentio: Eoque nec a nobis vel in laudem vel in vituperium ejus dici quicquam potest. Et paucis interjectis, modestia fere omni deposita, sic pergit: Quae tanquam ab Aegyptiis accepta narrantur, plane stulta sunt & inepta. Verum acri, quam optimo jure meruerat, censura perstringitur à Borrichio, viro antiquitatum peritissimo: Quasi vero, inquit, gravius quicquam in vituperium ejus (Manethonis apud Eusebium) dici posset, quam illud: Esse fortasse fabulosum. Quot libri fabulosi erunt, si ad condemnandum id satis sit, ab alio non memorari? Constat autem, docente Eusebio, Manethonem ex archivis hausisse, non ex face. Quam indignum vero sit Conringiano nomine hoc judicium, illud FORTASSE satis indicat. Ut vehementer miremur, quâ fieri potuerit, ut magnum nihilominus pretium in eo nonnulli reposerint, sibi aliisque persuadentes, quanto plausu eruditissimus quisque hanc Conringii admonitionem exceperit; Quam tamen quivis imperitae plebis suppeditare potuisset. Si enim cum fide historica ea ratione agi liceat, quid tandem credendum? Annon eodem jure de illis, quae C. Nepos de vitis Imperatorum & Q. Curtius de rebus gestis Alexandri M. retulit, dicere integrum erit; *Esse totum hoc FORTASSE fabulosum*; Non miror autem, Conringium usque adeo dubitanter de *Atbosta* locutum esse, qui *Hermetem Trismegistum* unquam fuisse, dubitavit, aut, si extiterit, magum vel daemonem fuisse, improvide adseruit, à Borrichio propterea paulo acerbius castigatus. His tamen omnibus nullo numero habitis, sunt, qui, ad absurditatem*

tem



tem testimonii adeo luculenti augendam, audacter scribunt: Quod ad *Manethonianam fabulam*, ut illi rentur, reprobendam, sufficiat, audire, hujus *Atbotis*, primi scil. anatomici scriptoris Aegyptii aetatem mille & fere trecentis annis superare mundi creati tempus, quod Moses *Ἰεστηλευς* indicaverit; Quam tamen monstrosam opinionem Chronologis discutiendam relinquo.

## §. XXII.

Converto me potius ad alterum aequae luculentum testimonium *Plinii*, qui, in Aegypto *reges corpora mortuorum ad scrutandos morbos inscuisse*, perhibuit: Quod, cum tanta luce radiet, ut nullum dubium admittere queat, ex eo tamen infringere nonnulli moliuntur, quod ad recentiora pertineat tempora, & de illis *Lagidis* sive *Ptolomeis*, qui medicorum industriam amplissimo favore foverint & excitaverint, sit intelligendum; Cum alii longe rectius id de antiquissimis temporibus, ante conditam Alexandriam intellexerint.

## §. XXIII.

Quid de *pollinctura* Aegyptiis usitata dicam, quae certe rem eorum anatomicam haud parum juvit atque promovit? Quanquam enim alii aliter de hisce profectibus sentiant, ipse tamen *Conringius*, veritate rei convictus, dicere ausus non est, nihil prorsus *hujus doctrinae* eos (Aegyptios) tenuisse; Quum enim, inquit, *laniones continuo usu aliquid addiscant eorum, quae ad corpora brutorum attinent, quidni & hi pollinctores quaedam addiderint?* Nec obstat, *paraschisten*, secundum *Diodori* testimonium, *quam primum abdominis tantum, quantum lex jubet, disseccuit, ex templo aufugisse, persequentibus eum, quotquot adsunt, cum lapidum jactu & execrationibus, ac si piaculum in ipsum advertant;* Id inquam, nihil obstat: Cum in hunc usque diem contu-



melius & probris, & si per leges liceret, forte etiam lapidum jactu & execrationibus ignara plebs eos adficere soleat, qui in secandis corporibus hominum versantur, qui tamen propterea à tam laudabili studio sese avocari neutiquam patiuntur. Quid? Quod silentium antiquorum scriptorum nullum solidum suppeditet argumentum, ex quo inferri valide liceat, omni scientia anatomica *Aegyptios* fuisse destitutos.

#### §. XXIV.

Denique (d) meum quoque feci argumentum, quod ab *Aegyptiorum* consuetudine depromptum est, *secundum quam, teste Plutarcho sept. sap. convivio p. 148. sceleton mensae convivantium inferre eosdemque hortari solebant, ut meminerint, se non ita multo post tales fore.* Nec ab hac sententia facile me dimovebunt difficultates, quae ex (e) *Plutarcho & Herodoto*, quem ille ante oculos habuisse dicitur, ab aliis in medium producuntur.

ille

---

(d) Vid. not. (e) pag. 116. & 117. Period. II. hist. Med. Universal. & histor. Anat. §. X. p. 9.

(e) Cum sententiae contrariae patroni facile animadvertant, haud exiguum momentum accessurum interpretationi *Xylandri*, si vocabulum *sceleti* sensu tecnico à *Plutarcho* adhibitum esse, probari posset; Omnem movent lapidem, ut *Xylandri* glossema, quod *intempestivum* vocant, falsitatis convincant. Eum in finem *Plutarchum* committunt primum *Plutarcho*; Quod enim is libello, *septem sapientum convivio* p. 148. Τὸν Ἀἰγυπτίων σκελετόν dixerat: Id eundem *Symposiacor.* VIII. p. 736. de *cadavere, corpore mortuo* exposuisse, volunt, atque adeo locum illum ad *esteologiae* ab *Aegyptiis* excultae probationem nihil prorsus conferre concludunt. At vero, quid vetat, quo minus vocabulum *sceleti* pro termino tecnico, istis etiam etiam antiquissimis temporibus usitato, habeatur & agnosca-



## §. XXV.

Nec multum stringunt argumenta, quae in contrarium allegantur, ad scientiam *Aegyptiorum* anatomicam quôvis modo extenuandam. Esto, lege publica prohibitum fuisse Aegyptio homini, canem vel aliud tale impurum animal

C 3

interficere

tur? Nam το σκελες, quod ἀπο τῆ σκελλειν sive σκελλειν, ab arefaciendo, exsiccando nomen habet, os & in pl. σκελη ossa significat; Unde enatum vocabulum σκελετος, i. e. compages ossium aridorum sive exsiccatorum, sive, ut idem *Suidas* interpretatur, cadaver aridum, ἄσπερον. Quae etymologia altero *Plutarchi* loco, quo, quod σκελετον antea vocaverat, nunc νεκρον, *cadaver*, *corpus mortuum*, sed ἄσπερον, aridum, exsiccatum, solis ossibus artificiose inter se mutuo constans, nuncupat; Et quid hoc aliud est, quam sensu tecnico à *Plutarcho* acceptum esse sceleti vocabulum? Deinde vero, quod clarissimum; ut putant, testimonium ipsius *Herodoti*, quem *Plutarchum* ante oculos, quasi ipsi testes ejus rei oculati fuissent, habuisse fingunt, attinet, illud eximie pro nostra militat sententia. Circumfert, inquit, vir quidam νεκρον εν σπορῷ ξυλινον πεποιημενον *cadaver in loculo jacens, ex ligno fabrefactum, quod & sculptura & pictura quam exactissime assimilatum est.* Quid quaeso haec παραδειγματα νεκρων ξυλινα, sive, τυποι ξυλινοι ανθρωποειδεις, simulacra sive typi hominum mortuorum lignei fuerunt? An forte imagunculae, icunculae ex ligno paratae, homini sculptura similes, quibus puellulae primis infantiae annis ludere consueverunt? Neutiquam; Nam de his dicere citra absurditatem non potuissent convivantes: Hominem vita functum talem i. e. imagunculam vel icunculam ligneam fore. Et quis credat, quenquam convivantium, ostenso tali simulacro ligneo, mortalitatem ad animum sibi revocaturum fuisse? Contra exactissime hoc quadrat sceleto, i. e. compagi sive osseae, sive lignae, ex ligno ad illius similitudinem fabrefactae: Nam de hoc vere dici potest: *Hominem vita functum talem fore.* Quia, postquam



*interficere, aut ab alio interfectum diffecare*, quid inde? Nitimur in vetitum. Severissimis legibus prohibitum est, ne puella, furtivis amoribus gravida facta, puerum ex se natum interficiat; Et sunt tamen quotannis, quae, rigore legis non obstante, criminis hujus reas sese faciunt. Et licet quam maxime formidine poenae ab animalibus talibus interficiendis ac diffecandis abstinuissent; Nemini tamen prohibitum erat, ea mactare animalia, quae in cibum concessa ipsis erant. Et quidni ipsis licuisset, in talium animalium interaneis perstrandis sese exercere, ut illorum naturam exquisitius scrutarentur? An vero crebrius vel rarius id factum fuerit, idoneorum testimoniorum defectu nec adfirmari nec negari potest.

### §. XXVI.

Caeteroquin tam misera esse eorum argumenta, qui qualemcunque peritiam Anatomicam *Aegyptiis* vindicare haud erubescunt, ut, referri tantum ea, pigeat, permultis aliter videtur; Saltem Doctiss. & in omni antiquitate versatissimus *Borrichius* id sibi tam facile à *Conringio* persuaderi passus non est.

### §. XXVII.

---

putredo vel vermes carnes consumferunt, sceletos talis seu homo osseus relinquitur. Et hic est, qui omnium efficacissime viventes, potissimum convivantes mortalitatis, & ut praesenti hilaritate modice uterentur, commonefacere potuit. An vero vocabulum hoc technicum *σκελετος* toti Graeciae usque adeo novum fuerit, ut in nullo scriptore, qui ante Alexandri M. tempora quicquam litteris consignaverit, reperiatur, curiosa quidem, anxia tamen indagine vel ideo non indignum est, quia, si quis contrarium demonstraverit, praemium aequae splendidum est reportaturus, ac si problema quoddam, quod Academia scientiarum Parisiensis proponere solet, solvisset.



## §. XXVII.

Ast mittamus *Aegyptios* & ad rem anatomicam *Sinensium*, *Japonensium* & *Malabarum* nos convertamus! Quod *Sinenses* ac *Japonenses* attinet, altum ubique silentium est penes auctores. Ipse *Cleyerus*, qui specimina quaedam medicinae *Sinicae* in lucem protraxit, pauca vel nulla peritiae anatomiae vestigia ista in gente detegere potuit. (f) *Freindius* adferere haud dubitavit, *Sinenses*, quibus etiam *Turcas* jungit, *artium mechanicarum cognitione contentos, scientias negligere*. Diligenter quoque evolvi scientiam omnem *Sinensem*, quae sub inscriptione: Confucius Sinarum Philosophus; jussu Ludovici Magni, Galliarum Regis & opera Patrum quorundam Societatis Jesu edita fuit; Verum nihil eorum, quae peritiam anatomicam redolerent, prolixo isto in opere reperire licuit. Ut audaciam (g) *Andreae Cleyeri* aliorumque, qui coecam ipsi fidem adhibuere, satis mirari nequeamus, qui adferere haud veritus est, circulationem sanguinis medicis *Sinensibus*, ultra 4000. annos, prius, quam Europaeis innotuisse. Esto, excidisse illis *circuitus* vocabulum; Nunquam tamen inde probabunt *circulationis sinicae* adfertores, veras illius leges unquam ipsis perspectas fuisse. Exactius tantum pendatur ficti circuitus exemplar, ut per duodecim vias ordinarias absolvi ab illis fingitur, & ex *Cleyero* in Dialogos suas  
trans-

---

(f) In historia medicinae pag. 202.

(g) Verba ejus in epistola ad Simonem Paulli, quae Actor. Haffn. Vol. IV. Part. I. Obs. I. p. 4. exstat, haec sunt: *Unicam rem magnae molis, quam vix mente complecti possum, nedum facultate consequi, narrari licet, medicis Sinensibus tot retro seculis (ultra 4000. annorum) usum circulationis sanguinis innotuisse prae Europaeis,*



transferri curavit (h) *Barchusen*, & mendacissima opinio sponte se prodet. Quod *pulsuum* doctrinam subtilius atque curiosius, quam utilitas vel necessitas requirebat, excoluerint, nullum quoque argumentum praebet, quod de motu humorum circulari quicquam ipsis innotuerit, quod cum invento Harvaeano comparari nullo modo possit.

### §. XXVIII.

De *Malabaricae gentis* scientia anatomica idem esto iudicium. (i) *Jobannes Ernestus Gründlerus* candide edisserit, *anatomes fere ignaram eam esse, adeo ut ne viscerum quidem situm sci- ant: Medicos tamen ocularios scire de hac parte satis accurate loqui. Pulsuum aequè adcurati, ac Sinenses, sunt observatores.*

### §. XXIX.

Praeterea satis constat, ante Hippocratis tempora jam dudum in *schola Aesculapiadea* floruisse anatomen seu artem secandorum corporum; Id quod ab ipso Galeno solerter adnotatum legitur. Nempe patres in administrationibus Anatomicis suos instituisse infantes, eosque à prima statim infantia dissectionibus brutorum animantium adsuevisse; Adeo ut orali veluti traditione haec ars à patre transierit in filium; Hinc & ea tempestate methodum tractandarum administrationum Anatomicarum describere supervacuum erat, quia aequè impossibile erat, in familia Aesculapiadea anatomiam dediscere, quam literas alphabethi, cum utrumque eodem tempore addiscerent. Ad summum vero perfectionis fastigium tempore Asclepiadarum evectam fuisse anatomen, quis praeter Galenum

---

(h) In histor. Medic. dialog. XIV. p. 378. 379. & 380.

(i) In *medico malabarico* seu brevi relatione de statu artis medicae inter gentes *Malabaricas*. Recensio scripti hujus Volum. I. Actor. N. C. in appendice p. 106. & seqq. exhibita est.



Galenum adfirmabit? Interea tamen sine qualicunque scientia anatomica nec vulnerum, nec ulcerum, nec luxationum, nec fracturarum &c. chirurgiam tractare potuisse veteres, evidentiissimum est, quia praesupponit cognitionem situs naturalis partium, articulationis ossium, tendinum, nervorum, ligamentorum, vasorumque sanguineorum reptatum & communicationem, sine quorum omnium exquisita notitia praxis chirurgica exerceri nequit, cujus tamen peritos aequae ac intelligentes fuisse Asclepiades, constat inter omnes.

### §. XXX.

Interea extra dubium est, Hippocratem primum fuisse, qui libros quosdam anatomici, ut prima fronte videtur, argumenti consignavit. Nemo autem miretur, anatomica Hippocratis partim cruda esse ac rudia, partim falsa, aliena & confusa, partim vero titulos libris praefixos argumento in illis tractato rarissime, imo vix quidem respondere. Sunt autem hujus generis libri Hippocrati passim adscripti, *de natura ossium*, in quo tamen nihil minus, quam de ossibus tractatur, de *glandulis*, de *carnibus*, de *genitura*, de *natura hominis*, de *natura pueri*, de *anatomy seu corporum resectione*. &c.

### §. XXXI.

Equidem, si secundum parasitarum quorundam & adulatorum placita rem anatomicam Hippocratis dimetiendam atque dijudicandam esse sentiamus, nihil erit, quod eidem in solidum vindicare non susceperint, quorum tamen pleraque ita comparata sunt, ut citra omnem contradictionem pro recentioris aevi inventis reputari mereantur: Cujus generis sunt negotium circulationis sanguinis, quod disertis verbis Hippocrati adscribere non dubitat *Theodorus Janssonius ab Amelooven*, in alienum, quippe sensum detorquens loca quaedam



dam textus Hippocratici, in quibus tamen quidvis aliud potius, quam sanguinis motus circularis, de quo hic solummodo quaestio est, evinci potest. Iisdem plane difficultatibus laborant, quae de ovariis mulierum vel vasculis lymphaticis vel plane vasis lacteis ad mammas mulierum tendentibus & lac sincerum iisdem subministrantibus, quae tamen in hanc usque diem anatomicorum lyncaei demonstrare nesciunt, Hippocrati tanquam primo inventori incongrue & praeter meritum tribuuntur; Sed haec omnia prolixius recensere piget, quia talium narratiuncularum nullum, ne minimum quidem vestigium in scriptis Hippocratis reperitur.

### §. XXXII.

Equidem dubitari adhuc posset, an anatomen ad medicinam feliciter faciendam tam necessariam esse judicaverit, ac permulti hodieque sibi persuadent. Dubitandi rationem ipse suppeditavit *Hippocrates*, sophistis comparando, qui de natura aliter sentiant, quam medicae arti conveniat.

### §. XXXIII.

Quicquid vero sit, ut tamen quodammodo nostro satisfaciamus officio, pauca tantum quaedam *anatomiae Hippocraticae* specimina producemus. (k) Obscura (l) confusa & jeju-

---

(k) Quod anatomia *Hippocratis* tanta obscuritate laboret, non modo sponte D. le Clerq. in historia medicinae Part. I. Lib. III. Cap. III. p. 118. fatetur, sed & tres ejus rei rationes allegavit, quarum *prima* est; Quod in ejus scriptis sive vere sive falso ipsi adscriptis permulta contradictoria occurrant. *Alter*a est: Quod, etiamsi omnia, quae singulis de partibus praedicavit, congererentur, nihil tamen perfecti, quorumque alterum ex altero justa connexionem sequeretur, oriturum inde foret. *Tertia* denique est; Quod numerosi in textum irreperint errores, stylus ejus sit concisior & multis locis ob-



& jejuna admodum sunt, quae circa originem arteriarum aequae atque venarum protulit: Licet enim alicubi per

D 2

tran-

scurior, ut difficulter ab iis plane intelligatur, qui alias idiomatis graeci non sunt imperiti. Ut taceam, ipsa quoque MSCTA originaria admodum inter se mutuo discrepare. Quae tamen difficultates, eodem Clerico iudice, facilius superari sese paterentur, si Galeni liber, quem de anatome Hippocratis inscripsit, aetatem tulisset; Quamvis non sine solidis rationibus idem suspicetur, Galenum quandoque passionibus seductum, de meritis antiquissimi hujus medici abjectius, quam par erat, sensisse.

- (1) Miram esse in scriptis Hippocrati attributis confusionem circa arteriarum & venarum originem, ex libro de alimentis & de principiis aut carnibus, si inter se mutuo conferantur, liquido adparet. Libro enim de alimento §. VII. p. 596. ita differit: *Radicatio venarum hepar; Radicatio arteriarum cor; Ex his aberrant in omnia sanguis & spiritus, & calor per haec meat.* His contraria sunt, quae libro de principiis aut carnibus §. VI. p. 115. leguntur: *Duae sunt cavae venae a corde, alteri nomen est arteria, alteri vena cava, juxta quam cor situm habet. Et plus habet calidi arteria, quam vena cava, & spiritum condit ac conservat.* Evidentior evadit contradictio, si tria alia loca ex libris de natura ossium, de natura humana & de locis in homine cum duobus prioribus comparentur: Quo ex labyrintho felicius non extricabitur Hippocrates, quam ingenue agnoscendo atque confitendo cum Clerico, non omnes, quos citavimus, libros, Hippocratis genuinos, sed spurios atque supposititios esse. Quia vix probabile est, virum tam gravem usque adeo sui immemorem fuisse, ut, quod uno loco adfirmaverat, altero iterum negaret. Omnis adulatio sedulo hic est cavenda; Macrobius dixisse, Hippocratem tam falli quam fallere nescium, adulatorium est. Nec ab hoc vitio plane alienus est Heurnius, qui nullius rei hucusque ingeniose detectae ignarum eum fuisse, improvide adseruit. Anatomica ejus, si non omnia, certe pleraque, rudia sunt & jejuna. Proinde Duglassio, in



transennam veluti agnoscere videatur, sanguinis omnis fontem universalem esse cor, sicuti pituitae, aquae in liene, bilisq; in jecore quaerit: Alibi tamen iterum adserit, venarum originem tanquam radicem esse hepar, & arteriarum cor, atque ex his per omnia sanguinem & spiritus pervagari, caloremq; per haec permeare; Mox vero iterum aperte sibi ipsi obloqui videtur, dum adstruit, venas pariter atque arterias originem suam aequaliter ex corde derivare: Quis enim haec omnia Hippocratem tanta contradictione proferre potuisse existimet, si circulationem sanguinis, ut (\*) nonnullis visum est, cognovisset.

#### §. XXXIV.

*Bibliographiae anatomicae specimine*, adstipulari neutiquam possum, quando is pag. 2. tanta fiducia de scientia anatomes Hippocratica praedicat: Primum illum divino afflatum numine, & sua fretum *μεγαλοδουχια* plura, ad artem anatomicam spectantia publicis consignasse monumentis, quae licet huc & illuc sparsa reperiantur, ex iis tamen simul sumtis integrum anatomiae corpus condi & erigi possit. At vero, si Hippocratica haec cum modernorum systematibus comparentur, heu! Quantum est, quod ignoravit Hippocrates. Reliquas vero summi hujus & incomparabilis medici laudes ac merita in universam rem medicam, lubens agnosco.

(\*) Non miror, praeter *Lindenium*, qui Hippocratem de circuitu sanguinis edidit, etiam *Almelowenium* fuisse, qui *Hippocrati* notitiam *motus sanguinis circularis* adscripsit, qui quippe ultimus in eo totus est, ut recentissima inventa antiquis promiscue vindicet: Verum id potius miror, non paucos recentiorum eadem cum illis chorda oberrare. *Jacobus Douglas* in *Bibliographiae specimine* p. 3. disertis verbis id tribuit *Hippocrati*, quod multa sparsim de sanguine tradiderit, quae *motum ejus circularem* ut & *secretiones* humorum ipsi satis innotuisse, commonstrare videantur; Allegat etiam loca quaedam, ex



## §. XXXIV.

Rectius differit de structura & substantia cordis, eam nempe *musculosam* esse, ut fundamentum totius sui tractatus inde

D 3

mutua-

quibus idem illud probare contendit. Ex multis pauca tantum, quae reliquis luculentiora videntur, testimonia adducere mihi liceat. Primum libro II. de *diaeta* textu XLV. 15. ita legitur: *Calefacto sanguine & attractio, celerem circuitum* (περίοδος) *faciunt ea, quae in corpore sunt, & cum reliquum corpus prae spiritu purgatur, tum quod compactum est, calescens attenuatur & simul ex carne foras sub cutem extruditur, atque hoc sudor calidus vocatur. Hoc autem excreto & sanguis in naturalem statum restituitur & febris remittit.* Alter locorum a Douglassio citatorum Libro de *insomniis* textu XII. occurrit his verbis: *Haec omnia sic visa sanitatem homini designant, & corpus recte habere, omnesque circuitus* (περίοδος) *& exhibitiones ciborum ac secretiones* (ἐκκρίσεις) *integras esse.* Tertius eodem libro textu XIII. sic se habet: *Flumina non solito more fluentia, sanguinis circuitum* (περίοδος) *significant, & auctiora quidem fluentia, excessum, imminuta vero defectum.* Addimus hisce alium, qui libro I. de *diaeta* textu XXXII. hoc modo legitur: *Tardiore existente circuitu, (περίοδος) sensus paulatim allabuntur, & qui acuti existunt, parum commiscuntur. propter circuitus* (περίοδος) *tarditatem.* Agmen claudat locus, qui libro de *morbo sacro* textu II. de subsistentia sanguinis, motui contraria, testimonium tale subministrat: *Sed spiritus quiescit & cerebrum compingitur, & sanguis stat vel subsistit.* Verum enim vero, licet singula haec loca de *periodo sanguinis* loquantur, atque adeo motum sanguinis seu fluxum & refluxum ejusdem *Hippocrati* non omnino ignotum fuisse, satis clare evincant: Nondum tamen ab adfertoribus circulationis *Hippocraticae* evictum est, imo nunquam forte evincetur, talem eisdem perspectam fuisse sanguinis περίοδος, qua arteria magna omnem ex ventriculo sinistro sanguinem excipit & per varias suas ramificationes tam supernas quam infernas undiquaque toto in corpore dispensat, deinde vero, postquam officio



mutuatus esse videatur *Loverus*, medicus anglus, in eleganti  
suo

---

suo perfunctus est sanguis, in venas ingressus, per cavam tam superiorem quam inferiorem omnis ejus moles in ventriculum cordis dextrum exoneretur, qui ab arteria pulmonali exceptus per totum pulmonum corpus distribuatur, ac novo ibi calore aëreque per respirationem hausto impraegnatus recipiatur in venam pulmonalem, ejusque beneficio in sinistrum cordis ventriculum infundatur, sicque verum circulum suo motu perficiat. Talem vero ideam de eodem sibi formasse *Hippocratem*, ex nullo locorum antea allegatorum liquet. Eodem vero modo cum testimoniis, quae pro circuitu sanguinis eidem adserendo in disputatione medico-historica *de vestigiis circuli sanguinis apud Hippocratem* in scenam produxit *Stentzelius*, Professor *Wittebergensis*, comparatum est. Loca enim ex libro *de corde* text. V. IX. ac X. adducta obscuriora sunt, quam ut ex illis motus sanguinis periodicus, sicuti antea à nobis est delineatus, itus nempe sanguinis ex corde per arterias ad peripheriam partium & ex his reditus ejusdem per venas ad cor probari possit, nisi coacta quadam interpretatione illis succurratur. Proinde *Pittcarnio*, &, qui paria cum illo fecere, *du Hamel* & *de Stair* adsensum potius praebemus, qui quippe in eo consentiunt omnes, conceduntque, *Hippocrati* fluxum ac refluxum quidem sanguinis, sed per easdem semper vias fieri solitum, Euripi in modum, perspectum fuisse, motum vero à corde per arterias ad partes, & ab his per venas ad eundem sanguinis fontem, nempe cor, profunde ignorasse. Et quamvis inficias ire nolumus, structuram cordis motumque ejusdem generatim *Hippocrati* quadantenus innotuisse: Inde tamen non consequitur, totam instrumentalem cordis rationem, quae potissimum in motu ejusdem systaltico ac diastaltico consistit, plane ipsi perspectam fuisse. Reliqua, quae tum à statu corporis humani sano & naturali, tum etiam à morbofo & praeternaturali petuntur, testimonia, nisi hic & illic commoda interpretatione interpolentur, ad circulationem sanguinis *Hippocrati* adserendam parum vel nihil conferunt.



suo tractatu de corde. Si genuinus esset (de quo tamen Galenus acque ac Erotianus dubitant) libellus de corde, dubio vix locus esset, praeclare reliquam ejus structuram cognitam ipsi fuisse. Praeter pyramidalem cordis figuram, recte agnoscit tunicam laevem (pericardium hodie dicitur) circumdatam habere, in qua modicus humor (liquor pericardii) contineatur velut urina, ut putare possis, in vesica cor diversari. Quod vero, hunc humorem cor emingere, credat, erroneum est aliterque a recentioribus probatum. Admittit insuper libelli auctor, cor duos habere ventriculos, uno in amiculo discretos, nempe ab utraque parte unum, nihil autem inter se similes, sed alterum in dextris ad osculum, alterum in sinistris situm esse. *Illum* amplioris omnino ventris & magis inanem quam alterum esse, neque extremitatem cordis attingere, sed caudam ejus ambire, solidum item & velut extrinsecus assutum: *Hunc* autem subter sinistram mammam maxime in directum situm esse, ubi etiam saltus (pulsus) ipsius significationem sui praebeat. Ambos ventriculos densos ac asperos interna sui parte & velut subcorrosos esse, magis tamen sinistram quam dextrum. Hos fontes naturae humanae & hic flumina esse, quibus totum corpus irrigetur. Describuntur porro auriculae cordis tanquam corpuscula mollia atq; cavernosa, prope exortum venarum circa ventriculos confluentia, quibus tamen longe alienus vindicatur usus, nempe quod organa sint, quibus natura aërem rapiat. Id tamen recte iterum adseritur, auriculas hasce privatim tum inflari tum considere ac contrahi, i. e. motu tam *diastaltico* quam *systaltico* gaudere. Denique valvulas vasorum sangvineorum non omnino ignorasse videtur libelli auctor; Osculis enim singulis tres pelliculas subornatas esse, rotundas in summo, velut circulum semisectum, agnoscit additque, admiratu-



miraturos, qui rei intelligentes sunt, quomodo oscula & aërtarum fines claudant. Quod si quis (ita enim pergit auctor) veteris, eximendi cor mortui, moris gnarus, aliam auferat, aliam reclinet, neque aquam neq; flatum immissum in cor penetraturum opinatur. De cerebro judicat, illud totum, quantum est, glandulosum existere ac proinde superfluas corporis humiditates instar spongiae resorbere; Cui hypothese in tantum subscribunt nonnulli recentiorum, qui substantiam cerebri corticalem glandulosam esse supponunt, supponunt, inquam, non probant: Aliter vero rem sese habere, ex scriptis *Ruyfchianis* clare constat. Duplex in homine, quemadmodum in aliis animalibus esse, & medium ipsius tenuem dividere membranam adseruit. De spinali medulla recte quidem sentit, *eam a cerebro descendere*, dissentit vero in eo, quod medullae nomen injuste obtinere existimet, cum nulli alii medullae, quae aliis ossibus inest, similis sit, sola etiam membranas habeat, quibus alia medulla destituitur. Quae de auditus organo disserit, aliquam quidem ejus notitiam produnt, sed cum iis, quae de aurium tam externa quam interna structura *du Vernay*, *Schelhammerus*, & nuper adhuc *Cassebohmius* in medium protulerunt, comparari nequaquam merentur, Ita enim inquit *Cous*: (m) *Foramina aurium ad os durum & siccum, lapidi simile pertingunt. Jam vero ad ipsum os est cavitas antrosa; Strepitus autem ad durum formantur, os autem cavum resonat per durum. Pellicula vero in aure juxta os durum tenuis est, velut aranearum tela, & omnium pellicularum siccissima. Aurium meatum intortum & angustum, aurisque externae structuram cartilagineam esse,*

recte

---

(m) Libro de principiis aut carnibus textu 16.



recte agnovit. Ingenti vero obscuritate laborant, quae de (n) *organo visus* modoque *visionis* disputavit; nisi forte excipere inde placeat, quae in crassos sensus incidunt. Mentionem enim facit pupillae & membranarum oculum constituentium. Humorem vero crystallinum, quem glutinosum esse statuit instar thuris transparentem, aliter non videri, nisi ubi oculo rupto exiit. Vitio etiam laborat descriptio (o) organi loquelae. (p) Pulmonis structuram aeq; ac positionem obscure pariter describit, quinque tamen apices, quos lobos & summitates vocant, habere dicit, cinereo colore alioquin praeditum & notis cavernosis punctum, (q) natura insuper sua ficcum esse & gracilescere, ubi amplius quid, quam pro natura ficcatus fuerit. (r) Frigidum quoq; natura & respiratione refrigerari. (s) Arteriam, nempe asperam, circulis compositam consimilibus rotundis, in superficie se mutuo contingentibus, in summitatem pulmonis definere. (t) Mammas muliebres glandulis adnumerat. (u) Glandulas in articulis, sub alis, in inguine & juxta venas jugulares reperiri adseruit, ad quam classem etiam (w) tonsillas refert. Venarum nomen promiscue transfert ad designanda quaecunque vasa sanguinea tam venosa & arteriosa, quam alios quoscunque ductus, v. g. ureteres & nervos. Si-

E

militer

- 
- (n) Locus, qui de principiis inscribitur, occurrit Text. XVIII. qui tamen prolixior est, quam ut hic locum invenire queat.
- (o) Conferatur eodem libro textus XIX.
- (p) Libro de anatome seu resectione Textu I.
- (q) L. de Locis in homine Text. XXXVII.
- (r) L. de corde Textu V.
- (s) Libr. de anatome seu resectione statim in initio.
- (t) Libr. de *glandulis* textu XI.
- (u) Libr. de *glandulis* text. III.
- (w) Loco allegato textu V.



militer indifferenter utitur vocabulis nervorum, tendinum atque ligamentorum, inter quae tamen omnia, nemine negante, magna intercedit differentia, ceu in disputatione nostra de *structura & usu nervorum*, nec non in ea, quae de *structura & usu tendinum* agit, prolixius deduximus. Recte tamen animadvertit: Nulla nervos cavitate gaudere. De musculis tanquam instrumentis motus, praeter solum nomen in scriptis Hippocratis nihil occurrit.

### §. XXXV.

Quod viscera abdominis attinet, ubique desideratur requisita exactitudo. In descriptione primarum viarum nihil occurrit, quod vel nomina vel situm vel connexionem vel officium intestinorum ulla methodo, anatomicis solemni, nobis describat, sed mira ubique reperitur confusio. Illud vero simplicem oculorum observationem effugere non poterat, canalem intestinorum esse unam atque continuam fistulam, quae à summo oesophago ad extremum usque podicem protendatur; Sicuti & illud longa inquisitione non indigebat, hepar adjacere ventriculo, eique tanquam viscus multo sanguine repletum, gratum conciliare calorem sicque ad *πέψιν* seu ciborum concoctionem non parum conferre. Differentiam inter intestina *tenuia* & *crassa* perspectam habuisse videtur; Mentionem enim facit crassorum, eaque comparative majora esse quam illa pronunciat, & dependere, ait, ex (x) mesenterii membrana, quae *mesocolon* hac parte vocatur. Ipsum autem *mesocolon* ex nervis de spina dependere putat. (y)

Longi

---

(x) Libro de venis textu I.

(y) Libro de structura hominis ad Perdiccam, Regem Macedonum text. VII.



Longitudinem cubitorum tredecim intestinis vindicat: (z) Speciatim vero describit *colon*, & quod à *colo* situm est, *rectum*, quod princeps vocat, carnem copiosam habens & in summum anum desinens. (aa) Praeterea glandulas intestinis inesse, easque majores, quam alibi in corpore. Substantiam vero ventriculi esse mere nervosam, autophiae repugnat. (bb) De reliquo, quicquid de hepate & liene profert, à vero longe alienissimum est: Ignota enim est arteria ista cartilaginosa, quae oblique deorsum ad renes protensa inducitur. Falsum est, venas originem suam ex hepate deducere; Falsum est, substantiam lienis mollem quidem & spongiosam, resorbere partem humidi ventriculo infusi, reliquum attrahere vesicam & in urinam convertere: Sciunt enim hodie tyrones artis, talia pleraque inspectioni oculari repugnare. (cc) Ejusdem farinae est adsertum: Hepar similitudinem quidem cum omnibus aliis habere, verum sanguinolentius quam alia existere. Admittit insuper, (dd) idem illud duos habere apices, quos *portas* appellant, in dextris *locis* sitas. Ab hoc vero obliquam venam inferne ad renes tendere. (ee) Alibi, & merito quidem accusavi *Hippocratem*, quod verum hepatis situm ignoraverit.

E 2

§. XXXVI.

---

(z) Libro de Anatome text. III.

(aa) Libr. de glandulis text. III.

(bb) Superfedeo, haec omnia per partes probare, prolixitatem vitaturus.

(cc) Libr. de resectione text. II.

(dd) ibidem eodem textu.

(ee) Histor. Med. Univ. p. 526. Male vero id habet *Stollum*, quod *Hippocrati* imputaverim, quasi ipsum plane hepatis situm ignoraverit, cum *jecur in thorace ita dicto concludi adseruit*. Verum nulla mihi ratio est, cur ab hac sententia recedam, quicquid etiam miretur *Stollus*. Non certe ignoravit *Hippocrates* positionem *sepi transversae*



## §. XXXVI.

Quamvis autem haec omnia sic sese habeant: Nihilominus tamen inter multas falsitates hinc indemica veritatis emicat; Quorsum pertinet, quod renes inter corpora glandulosa retulerit, licet in eo iterum suum patiat deliquium hypothesis, quod singulari renes pollere efficacia vel facultate attractiva, serum ad sese alliciendi, sibi persuasit. Caeteroquin de partibus genitalibus utriusque sexus nihil adfert consideratione dignum. Uterum foemineum distinguit in partem dextram & sinistram; Dextram calidiorē solidiorēque esse, hincque in eadem mares concipi

---

seu *diaphragmatis*, ceu ex Libro de *resectione* textu III. & popularium II. textu IV. satis liquet, unde potuisset, imo debuisset liquido agnoscere, parietem hunc intergerinum thoracem seu medium ventrem ab infimo sive abdomine, crasso plane & in oculos incurrente testimonio ita distingvere, ut impossibile prorsus fuerit, hepar in thorace collocare; Id quod cum nihilo secius fecerit, crassissimae ignorantiae reum sese fecit. Excusatio quorundam tam antiquorum, *Aristotelis* & *Ruffi Ephesi*, quam recentiorum, *Bartholini* & *Theodori Janssonii ab Almeloooven*, qua *thoracis* nomine totum illud a *claviculis* ad *pudenda* usque, *b. e.* & *medium* & *infimum ventrem* complexi dicuntur, calva est: Quia, qui inter *thoracem* & *abdomen* septum transversum interjectum esse fatetur, crassam & vix excusandam prodit ignorantiam, si contra omnem oculorum fidem jecoris situm in thorace quaerat, quem in dextro hypochondrio infra diaphragma in abdomine quaerere potius debuisset. Mirari igitur desinat *Stollus*, quod inscitiae eo ex capite coarguerim *Hippocratem*, cui propterea nulla a me injuria inferitur, quod adfertio mea veritati & autopsiae omnino consentanea est. Vid. *Stollii* introduct. in histor. litter. medicinae p. 392. not. (e).



concupi dicit. Sperma virile non in peculiari quadam officina elaborari adferit, sed ex toto corpore, & ex solidis ac mollibus partibus & ex universo totius corporis humido fcerni adseverat: Maximam tamen feminis partem è capite secundum aures in medullam spinalem ferri. Neque secundum *Hippocratis* hypothesein viri tantum, sed & foeminae semen emittunt, & quod paradoxon videbitur, in viro utrumque, tam foemineum quam masculinum semen inest, similiterque in muliere res sese habet. *Sceletopoeiam* tamen, *Hippocratis* tempore non amplius ignotam fuisse, documento esse potest *sceleton*, ex aere fabrefactum, quod *Apollini Delphico* consecratum dicitur.

## §. XXXVII.

Atque ex hisce paucis documentis aestimari facile potest, quae & qualis *anatomiae Hippocraticae* facies fuerit? Ut hinc a vero tantopere abluere non videatur, quod *oratione de usu medicinae Wittebergae* habita insinuat *Johannes Hermannus*, ejusdem artis in dicta Academia P.P. hisce verbis: *Hippocrates cum in Graeciam discessisset, scholae curam tradidit Polybo, genero suo, quem in ejusdem administratione excepit Diocles Carystius, qui primus anatomica ex professo peculiaribus scriptis tradidit & auctor putatur libri de morbis mulierum, inter Hippocraticos reperiundi.* Quae si vera sunt, ex scriptis *Hippocratis* multum solertiae profectumque in anatomicis expectare integrum non erit. Floruit A. M. 3538. Obiit vero apud Larisfaeos anno aetatis suae 109. juxta alios 104. vel denique, prout alii volunt, anno aetatis nonagesimo; Quam tamen litem biographis discutiendam relinquo.

## §. XXXVIII.

Ex lumbis *Hippocratis*, teste *Galeno*, duo ejus filii, *Thesalus* una cum *Dracone* prodire. De *priore* disertis verbis



enunciavit *Galenus*: Nihil illum dogmatum, quae a patre acceperat, immutasse; Unde pronum est colligere, profectus ejus in re anatomica non valde praeclaros fuisse. De *Dracone* tanto minus occurrit, quod memoratu dignum sit.

### §. XXXIX.

At vero de *Polybo*, quem *Lindenius* medicum illustrem, discipulum & in schola successorem *Hippocratis*, alii ejusdem generum vocant, favorabilius alii, citra solidam tamen rationem, sentiunt. Quos enim de natura *seminis humani* scripsisse fertur libros, non tam *anatomici*, quam *physiologici* sunt argumenti.

### §. XL.

Nec a *Diocle*, quem a patria *Carystium* communiter vocant, multa praeclara hac in arte sunt expectanda (gg). *Plinius* secundum aetate ac fama ab *Hippocrate* eundem vocat, medicisque dogmaticis adnumerat; *Iustus* vero in *chronologia medica* sub *Dario Hystaspe*, Persarum Rege, vel, ut aliis placet, sub *Antigono*, ad quem libellum de *tuenda sanitate* itemque epistolam de *morbis praesagiis & extemporaneis eorum remediis* perscripsit, vixisse eundem memorat. Quatacunque vero ejus fama in arte medica fuerit: Pauca tamen excultae anatomes existant monimenta. *Plutarchus* quidem citavit ejusdem *ἀνατομίας*, verum ex scriptis *Empedoclis* ipsum profecisse putat. (hh) *Galenus* hoc quidem elogio exornat *Dioclem*, quod de administrationibus anatomicis aliquid memoriae prodiderit, sed (ii) alio loco eundem insimulat, quod multa in corpore ignoraverit, imo leviori tantum brachio & minus

---

(gg) Hist. nat. Libr. XXVI. Cap. 2.

(hh) Administrationum anatomicarum Libr. II.

(ii) de dissectione matricis.



mus accurate res anatomicas tractaverit, usque adeo ut ejus narrationem quidem habendam esse censuerit.

## §. XLI.

Jungimus huic *Praxagoram*, (kk) *Nicharchi* filium, pariter *Coum*, ob anatomes culturam memorabilem; Verum, cum scripta ejus perierint, de profectibus ejus anatomicis nihil certi enunciare possumus, sed testimonio (ll) *Galen*i qualitercunque contenti esse debemus, qui & *Diolem* & *Praxagoram* & *Philotimum* multa, quae sunt in corpore, ignorasse perhibet. Eidem tamen debemus, quod, quid antiqui *cotyledonum* nomine intellexerint, declaraverit. Nervos a corde originem trahere, adleruit; Et (mm) venae cavae nomen tribuit ductui, qui ab hepate ad renes tendit. Caeteroquin praeceptor fuit *Herophili*, qui, ut suo loco patebit, insignem scientiae anatomicae famam laudemque sibi comparavit. De *Philotimo* jam antea ex *Galen*i testimonio percepimus, quod illis fuerit adnumeratus, qui non nisi rudem & valde superficialiariam de re anatomica notitiam sibi compararunt.

## §. XLII.

Ejusdem *Praxagorae* discipulis accensetur quoque *Plistonius*; An vero & quid in anatomicis praestiterit, non constat; Imo nomen ejus ignoraremus hodie, nisi memoria illius a *Galeno*, cui permulta *historiam litterariam* concernentia debemus, conservata nobis esset. *Clericus* citat quidem aliquos ejus libros, v. g. de humoribus, & de usu aquae ad conservandam corporis sanitatem; Qualia tamen argumenta non anatomem, sed physiologiam atque diacteticen illustrant.

## §. XLIII.

---

(kk) eodem libro pag. 213.

(ll) eodem libro p. 212.

(mm) Discimus hoc ex *Ruffo Epheso* in de appell. corp. hum. libr. I. cap. 33. & 36.



## §. XLIII.

Porro *Galen*i studio in acceptis referendum est, quod aliorum quorundam veterum medicorum nomina, licet non aequè illorum dogmata omnia, nobis conservata sint. Hos inter *Eudemus* quidam memorandus est, quem, ut (nn) *Clericus* loquitur, *Galenus* ubique jungit *Herophilo*, eidemque ob studium anatomes exactius excultum comparat, laudatque, quod originem nervorum rectius antecessoribus suis cognoverit. An vero *ductus pancreaticus*, cujus inventionem *Wirsungio* debemus, ipsi innotuerit, ex loco (oo) *Galen*i minime dilucescit. *Glandulae intestinales*, quas *Peyerus* detexit, & fluidum quoddam intestinis, ad chylum crudiores diluendum, inferre docuit, non sunt confundendae cum glandulis pancreaticis, ex quarum singulis subtiles ductus excretorii prodeuntes coeunt tandem, unumque majorem *pancreaticum* sive *Wirsungianum* hodie dictum efformant, qui osculo suo in duodenum hians humorem suum, salivali analogum effundit. Rectius, mea sententia, ductum choledochum *Eudemo* perspectum fuisse, diceretur, qui quippe inventu eo facilior

(nn) Histoire de la medicine seconde partie Liv. I. Chap. VIII.

(oo) Locus integer Libr. II. de semine p. m. 683. ex interpretatione *Johannis Leonhardi Feliciani* sic legitur: Ex glandulis, quae ad radicem linguae sunt, saliva eodem fertur. Jam vero in intestina reliquiae ex ventriculo, biliosus vero humor ex jecore, ex glandulis item quibusdam aliis, quae hic quoque sitae sunt, lenta humiditas, salivae per quam similis descendit; de quibus quidem glandulis non parva quaedam inter dissectionis Professores quaestio est, ab *Herophilo* & *Eudemo* exorta. Et paucis interjectis sic pergit: Quod, quae salivam gignunt, glandulae ipsam in os evidentibus venulis stillatim effundant, quodque totae etiam fauces a glandulis ejusdem utilitatis causa humectentur, nemo est amplius, qui nesciat; Jam enim inter omnes dissectionis Professores maxime constat.



facilior est, quo certius humor biliosus, compressa cystide fellea, eundem manifestat.

## §. XLIV.

Meminit quoque Galenus *Antigenis* cujusdam, eumque anatomicis rudioribus adnumerat; Cumq; nulla alia, quantum mihi constat, peritiae ejus anatomicae documenta essent, hoc *Galeni* testimonio merito adquiescimus.

## §. XLV.

Cum itaque, ut ex haecenus dictis liquido satis constat, tam pauca, tamque obscura imo superficiaria anatomes solidius excultae inter medicos vestigia occurrant: Dispiciendum nunc nobis erit, an plura, clariora ac solidiora inter philosophos reperiantur? Prodeat igitur primum inter Graeciae philosophos *Democritus*, *Abderita*, *Pythagorae* non quidem discipulus, attamen imitator, quem, licet philosophi potissimum sibi vindicent, suo tamen jure ad nostrum quoque censum pertinet. Quamvis enim medicinae studio ex professo sese non adplicuerit, sed ad contemplandas rerum naturas animum suum adjecerit, quem ob finem etiam praecipuam orbis partem, Aegyptum, Persiam, Chaldaeam ipsasque Indias permigravit: Anatomiam tamen ipsum diligenter coluisse, ipse *Hippocrates* testis est. Hic enim, cum ad eum sanandum ab Abderitanis evocaretur, in sectionibus diversorum animalium eundem occupatum deprehendit; Cumq; ex ipso quaereret, quare id faceret, nihil aliud responsi locutit, quam indagandae insaniae causa, quam tanquam effectum bilis considerabat, id fieri: Ex quo mox cognovit *Hippocrates*, *Democritum* non esse fatuum, sicuti populares ejus credebant, sed hominem sapientissimum, suaeque opera, nempe medica, non indigere. Equidem non ignoro, quod



de epistolae hujus, ex qua tota haec narratio est deprompta, ingenuitate dubitaverint viri celeberrimi & adhuc nonnulli illorum dubitent: At vero, quamdiu clariora magisque convincentia argumenta non adducuntur, fabellis totam hanc narrationem adscribere non auesim. Atque hoc potissimum intuitu *Johannes Georgius Volckamerus*, celebris medicus Norimbergensis, sub nomine ac titulo *Zootomiae Democriteae* librum evulgavit, qui evolvi meretur. Caeterum, ipso *Cicerone* teste, tantum tribuit extorum in animalibus inspectioni, ut ex solo extorum habitu & colore rerum, quas terra procreat, ubertatem tenuitatemque, aëris item salubritatem ac pestilentiam significaret.

### §. XLVI.

Quod ad *Pythagoram* attinet, videtur quidem philosophiam cum medicina conjunxisse, ejus tamen profectus ultra theoriam vix sese extenderunt. Sectioni animalium, ut interiora eorum pernosceret, ipsum sese adplicuisse, non constat. Ex ejus tamen discipulis inclaruit *Alcmaeon*, Crotoniensis, qui, referente (pp) *Chalcidio*, corpora animalium dissectuit, ut partes eorum interiores perspectas sibi redderet. Opiniones ejus, quas de odoratu & gustu, de semine, nutritione foetus in utero, de sanitate ac morbis recensuit (qq) *Clericus*, non tam anatomen quam physiologiam respiciunt. An vero, quod capras per aures spirare crediderit, cognitum habuerit ductum, ex palato ad aurem internam ducentem, quem hodie *tubam Eustachianam* adpellamus, in medio merito relinquimus, cum *Bartholomaeum Eustachium* primum ejus inventorem fuisse, inter omnes satis constet.

### §. XLVII.

---

(pp) Commentar. in Timaeum Platonis.

(qq) Histoire de la medicine premiere part. L. II. Chap. VI.



## §. XLVII.

Ejus discipulus, *Empedocles*, Agrigentinus, a quibusdam etiam anatomicorum ordini adscribitur; Quo jure, nunc dispiciemus. Equidem, quod peculiares ejus opiniones attinget, quas de *formatione animalium*, itidemque de *respiratione foetus in utero*, *Galeno* id referente, fovit, illae sane non *anatomien*, sed *physiologiam* respectant. Cumque libri ejus injuria temporum perierint, ignotae nobis mansissent reliquae ejus opiniones, quas de C. H. partibus earundemq; officio habuit, nisi earum memoriam *Plutarchus* nobis conservasset. Is enim libro de *placitis philosophorum* de *Empedocle* refert: Quod *audium fieri docuerit, quando aër allabatur cochleiformi fabrica illi, quam interiori auris parte exacte elaboratam instar tintinnabuli suspensam esse & pulsari dicit.* Ubi perpendendum relinquitur, annon cochlearis illa cavitas, ossi petroso auris insculpta, sit illa ipsa, quam a *Fallopium* tempore cochleae nomine anatomici indigitarunt.

## §. XLVIII.

Transitum potius facio ad *Platonem* Atheniensem, de quo non tam quantus philosophus, sed quantus fuerit anatomicus, disquiremus. Quod si autem peritiam secandi *Platonicam* ex *Macrobio* judicio aestimare deberemus, summa potius ruditas eidem imputanda foret; Ab hoc enim accusatur, quod statuerit, *divisas esse vias devorandis cibatus & potui; & cibum quidem per stomachum trahi, potum vero per arteriam, quae trahaea dicitur, fibris pulmonis illabi.* Cum vero difficulter alii persuadere sibi potuerint, tantum philosophum usque adeo crassum & in sensus plane incurrentem committere potuisse errorem: Hinc *Galenus* suo jam tempore imputatione tam gravi eundem absolvere aut saltem mitiori interpretatione *Platonis* dicto succurrere adlaboravit. Quan-



tacunque vero impendatur opera, ad eundem ab hac *Macrobiani* accusatione liberandum, non melior tamen lectori conceptus ingenerabitur, si universum ejus systema ad rigorosius examen vocare susceperit, in quo quippe nihil ipsi occurret, quod anatomen cultiorem sapiat; Quae enim de *medulla* sive *cerebro*, de *corde* & *pulmonibus*, de *jecinore*, de *generatione* & *semine virili* aliisque talibus rebus disseruit, ne *physiologiam* quidem illustrant, tantum abest, ut *anatomes* incrementis promovendis symbolam conferre potuerint.

### §. XLIX.

Inter discipulos & auditores *Platonis* tanquam sol inter stellas minores emicuit potissimum *Aristoteles*, *Stagirita*, ex familia *Asclepiadum* oriundus: Pater enim ejusdem *Nicomachus*, qui fuit *Amyntae*, *Macedonum* Regis medicus, a *Machäone*, *Aesculapii* filio genus suum ducebat. (rr) *Galenus* non vulgaribus maectat illum elogiis, ipsi *Herophilo* atque *Eudemo* eundem comparando; Verum *Galenum* in laudandis vel vituperandis aliis subinde adfectibus suis nimium tribuisse, exemplis variis probari facile posset, nisi ex ipsis *Aristotelis* opinionibus, quas de variis partibus corporum animalium

---

(rr) Adscribam locum integrum, prout libro de *dissectione uteri* Cap. 9. p. 217. legitur, ubi nempe de testibus & vasis seminariis foeminarum sermonem instituit. *Atque hanc vasorum conjunctionem*, inquit, *neque Aristoteles, neque Herophilus, neque Eudemus agnovit; Qui quidem viri a me in praesentia commemorati sunt, non quod soli hoc ignorarint, sed quod, cum optime dissectionem tractarint, hoc non adverterint. Nam Dioclem, Praxagoram, Philotimum ac reliquos fere omnes veteres, sicut pleraque alia, ita hoc quoque in corpore nostro ignorasse, mirum non est: Quippe qui rudem quandam, non exactam dissectionis cognitionem habuerunt; Unde neque ullam mihi illorum rationem habendam, censeo.*



lium habuit, satis compareret, ut suis locis indicabitur. Hunc vero in finem non solummodo immensam pecuniae summam (ss) octingentorum talentorum) ab Alexandro M. Macedonum Rege accepit, sed & in mutuam ac veluti sociam

F 3

ope-

(ss) Fabulosa nonnullis videtur tota haec de plus quam regia Alexandri M. liberalitate, narratio, licet luculentis *Aeliani* & *Athenaei* testimoniis nitatur. Incerta quidem eo ex capite videri posset, quod *ille* regiam hanc munificentiam *Philippo* Macedonum Regi, *hic* vero *Alexandro* ejus filio eandem tribuat. Verum haec contradictio non vera, sed apparens tantum est; Quod enim *Philippus* affecit, *Alexander* perfecit. Neque vero putandum est, tantam pecuniae vim una & indivisa summa *Aristoteli* solutam esse, sed, uti ille plurimos consecutive annos scribendae animalium historiae, qualem optabat *Alexander*, impendit: Ita probabile est, quotannis aliqua talenta *Aristoteli* esse persoluta, idque tamdiu continuatum, donec ingens illud & aerumnosum opus, quod moliebatur, ad colophonem perductum esset. Quo solo admissio, caput rumpendum non est, an tantam pecuniae summam totius Macedonici Regni census, si multorum annorum redditus *Alexander* in unum *Aristotelem* contulisset, efficere potuerit? Vel, an ante *Asiam* devictam tam prodigiosam summam dederit *Aristoteli*, an eadem armis subacta? Vel an totum aerarium militare tunc temporis non ultra LXX. talenta paratae pecuniae recondiderit? Imo in apparatus ad tam arduam expeditionem ab *Alexandro* suscipiendam ducenta talenta infumi & mutuo accipienda fuerint? Quae omnia *Aristobulus* apud *Plutarchum* tanta fiducia testatur, ac si ipse aerario regio adstitisset pecuniamque ipse numerasset. Quantacumque vero haec sit credulitas, eidem tamen plenissimam fidem quidam adhibere non dubitant; Quo jure id faciant, ipsi viderint. An igitur multum gloriae inde sit aucupaturus, qui *primus* incertitudinis hanc postulavit narrationem, ut *Stollus* sibi persuadere videtur, in medio merito relinquo.



operam ipsi adjuncti sunt innumeri alii totius Graeciae & Asiae homines; venatores, piscatores, agricolae, opiliones ejusque fortis alii. Credidisses autem, *Aristotelem* hisce adminiculis adjutum in concinnanda animalium historia mirabilia praestitutum: Aliter tamen rem sese habere, norunt ii, qui innumeros errores in dicta illa animalium historia detexerunt: Cum enim omnibus anicularum narratiunculis crederet & fabulosis plebis traditionibus imponi sibi patetur, quomodo possibile fuisset, errores praecavere? Accedit, *Aristotelem* in sola tantum brutorum animantium sectione substituisse & ad corporum (tt) humanorum anatomen nunquam descendisse: Unde partium internarum notitiam non aequè

---

(tt) Famosa haec est quaestio ab aliis dudum agitata, *an Aristoteles hominum corpora unquam incidere & incisa inspexerit?* Mihi negativam ideo defendere placuit; Quia alias tam palpabiles & oculari inspectioni repugnantēs errores committere vix potuisset, uti sunt: *Occiput vacuum esse; Cerebrum nullas intrare venas; In mulierum craniis unam tantum suturam eamq; circularem esse insculptam; In viris verò tres adesse, quae tamen in unam plerumque coeant. Sub thoracis appellatione etiam abdomen comprehendendi, nulla diaphragmatis facta mentione, & quae sunt ejus furfuris plura, quae tanta audacia edisserere vix potuisset, si humana corpora dissecuisset dissectaq; inspexisset.* Et quid pluribus opus est testimoniis, cum *Aristotelem* ipsum habeamus confitentem, dicentemque: *Corporis humani partes esse ignotas, ac proinde de illis non aliter, quam ex analogia vel similitudine, quam habent cum aliorum animalium partibus, judicandum esse.* Et quamvis locus hic alibi a nobis allegatus tanta luce radiet, ut nihil habeant contrarium sentientes, quod regerant: Fingunt tamen nonnulli, quos inter suum quoque nomen profitetur *Stollius* (not. z. loc. superius citato) politicas quasdam rationes subtus latuisse, quae commoverint *Aristotelem*, ut, tempori prudenter serviendo, sectiones corporum humanorum a se factas occultaret, & insidias, pericula & perse-



aeque adquisivisse Aristotelem, mirandum non est. Id quod & ipsemet *Histor. Animal. Lib. 1. Cap. XVI.* non diffitetur, dicens: Partes internas corporis humani esse ignotas, ac proinde

cutiones aliorum caute evitaret. Sed artificiis talibus tam callide invigilare, non erat necesse *Aristoteli*, qui quippe in summa Principis sui gratia erat, ac proinde furorem plebis, quod metueret, non habebat. Accedit, quod non Athenis cum Principe suo, sed in villa quadam regia commoratus sit, ubi a plebis consortio & frequentia remotior libere, si voluisset, sectioni corporum humanorum invigilare potuisset. Adfirmantium rationes tanti ponderis non sunt, ut a sententia nostra nos dimoveant. *Stollus* p. 391. l. c. ex *Job. Conradi Barchusen* libro de medic. orig. & progr. dissert. IX. p. 126. & seqq. has profert: *Homo, inquit, plurimum cerebri proportionem magnitudinis, ac humidissimum habet, continent id membranae duae &c.* Id vero, constare non potuisse *Aristoteli*, infert, nisi caput hominis aperuisset. Verum si hoc ita se habeat, cur *occiput vacuum esse*, temere pronunciavit? Taceo, de *cerebro hominis portione longe majori & mole sua omnium reliquorum animalium cerebra superante* aliunde *Aristoteli* constare potuisse. Quod ulterius scribat idem, *cor tantum in sinistram partem vergere*, solo sensu tactus, ut quivis alius, explorare poterat, nec apertione thoracis ideo opus erat. Quod idem porro adjiciat: *Lienem humanum suillo similem esse, iterumque, jecur hominis rotundum ac bubulo simile esse*; Id partim autopsiae non ubique respondet, partim aliunde ipsi constare potuit &c. Ut minus rationis habuerit *Barchusen*, ex hisce praemissis hanc deducere conclusionem: *Hac & similia, quomodocunque fuerint, abunde (mea sententia parum vel nihil) probant, anatonem quoque in hominibus aevo Aristotelis institutam, neque Herophilum neque Erasistratum primos fuisse, qui cadaveris humani sectionem instituerunt. Aevo inquam, Aristotelis: Aliud enim est, aevo Aristotelis, aliud, ab Aristotele sectionem corporum humanorum esse institutam.*



inde de illis non aliter, quam ex analogia & similitudine, quam habent cum aliorum animalium partibus, judicandum esse. Qua propter parasitarum rursus artificium redolet elogium illorum, qui dicunt, nihil ignorare tantum virum potuisse; Quales turpissimorum adulatorum laudes, quibus ad prostitutionem usque patronos suos prosequuntur, boni viri tacite subinde rident.

## §. L.

Quemadmodum vero analogica illa partium ex corporibus brutorum in humana translatio, multiplicium in anatomia errorum causa fuit: Ita similia plane fata expertus est *Aristoteles*, qui, ut antea dictum est, corpora humana nunquam disseccuit. Imo non pauca quoque experientiae contraria sunt, quae in brutorum dissectione sibi detexisse visus est, quae tamen, *Galenus* iudicio, optimo viro condonanda sunt, quia illi quoque, qui totam suam vitam speculationibus anatomicis consecrarunt, in plurimis tamen, exemplo *Marini*, hallucinati sunt. Hujus autem generis sunt: Omnia animalia collum habere flexile, ex vertebrae quippe sibi mutuo contiguis compositum, solo lupo & leone exceptis; Horum enim animalium collum ex uno & continuo osse compositum esse; Ossa leonum carere medulla, unde fortassis ingens & mirandum eorum robur deducendum. Cor consideravit tanquam principium omnium venarum & ipsius quoque sanguinis, quo sensu idem illud etiam dixit primum vivens & ultimum moriens; Arteriam magnam primum vocavit *aörtam*, sicuti *Galenus* de venarum & arteriarum dissectione observat. Primus quoque *Aristoteles* de partibus humani corporis earundemque adpellationibus aliquid litteris prodi-



prodidit. (uu) Distinxit illas in *caput, collum, thoracem, brachium & crus duplex*, abdomine omisso. In corde tres statuebat cavitates, quas ventriculos vocabat, sicuti in hunc usque diem hoc nominis cavitatibus istis imponere consueverunt anatomici; Medium omnium minimum esse statuit, sed sanguinem temperatum, dextrum calidiorem, sinistrum frigi-

G

frigi-

(uu) Divisio haec partium C. H. constare potuit *Aristoteli*, ut tamen corpora humana difsecare non fuerit necesse. Id enim si fecisset, crassum illum & sensus plane ferientem vitare potuisset errorem, quo *thoracis* adpellatione omne id comprehendisse dicitur, quod a collo ad os pubis usque se extenderet. Vidisset enim sine dubio, septum transversum sive diaphragma cavitatem *thoracis* ab illa *abdominis*, tanquam parietem quendam intergerinum tam manifeste discriminare, ut impossibile prorsus fuerit, pro uno eodemque ventre *thoracem* aequae atque *abdomen* habere: Id quod ipse *Aristoteles* innuere satis videtur, dum alio historiae animalium loco disertis verbis hoc indicat, dum inquit: *Post thoracem venter est*. Id vero licet longe evidentissimum sit, audent tamen nonnulli hunc errorem, quem cum *Hippocrate* communem habuit, excusare; Id quod inter alios *Bartholinus* in *anatomia sua reformata* fecit, dum *praefatione* libro II. de *media cavitate* praemissa sic scribit: *Antiqui vero, ut Hippocrates & Aristoteles totum illud a clavibus ad pudenda usque, h. e. & medium & imum ventrem sub nomine thoracis complexi sunt: Itaque hac significatione Hippocrates recte scripsit: Epar in thorace locatum esse: Quod alii imperiti non intelligentes, putarunt, Hippocratem anatomes ignarum fuisse. Imo vero; Atque adeo male Bartholinus imperitiae eos coarguit, qui palpabilem hunc errorem Hippocrati aequae ac Aristoteli imputarunt, cum boni atque cordati viri officium sit, omni conatu impedire, ne errores semel commissi in seram usque posteritatem quasi per traducem propagentur. Malunt proinde alii errorem describentium hic suspicari.*



frigidiores continere, sed reliquis ampliores esse ac capaciores, omnes vero habere communicationem cum pulmonibus sustinuit; Sicuti autem venas, ita & nervos ex corde suam habere originem adseruit: Unde commune tam sensus quam motus principium juxta *Aristotelem* est cor. De cerebro eo abjectius sensit, quo magnificentius de usu & officio cordis locutus est: Illud enim dixit esse tantummodo massam ex phlegmate & terra compositam, nullum sanguinem continentem, omnisque sensus expertem, cujus tanquam massae frigidae officium sit, calorem cordis nimium temperare vel refrigerare. Adseruit enim, *cerebrum nullas intrare venas*. Et quamvis simplicem sensum fallere non posset, medullam oblongatam & spinalem cum cerebello & cerebro immediatam habere continuitatem: Non dubitavit tamen adserere, illam differentis plane naturae, nempe calidae esse. Frigidum insuper & inspectioni oculari contrarium est, viri cerebrum illud foemellarum quantitate longe superare. Occiput plane vacuum esse, opinatus est; Unde statim liquet, quam adcurate interiora capitis humani perlustraverit. In mulieribus cranium unam tantum eamque circularem habere futuram; Virorum vero calvariae tres inesse, quae plerumque in unam coeant, statuit. Costas in thorace utrinque octo numeravit. Pulmonem tamen hominis non tam multifidum esse ac aliorum animalium, recte agnovit. Hepar, splen & renes vix alium effatu dignum usum habere, quam ut firmitudini vasorum ex illis egredientium subserviant. Renes tantum *ad melius esse* factos, jecur juvare coctionem ciborum in ventriculo & intestinis, & lienem spongiae instar reforbere humiditates vaporosas ex ventre inferiore exhalantes; Testiculos masculis non *ad absolute*, sed *ad bene esse* a natura concessos, & quae sunt ejus farinae plura, in quibus prolixius recensendis nunc non occupabor.



## §. LI.

Scripta hujus generis, quae posteritati reliquit, sunt imprimis historia animalium, tractatus de partibus animalium, item libri ἀνατομῶν & ἐκλογὴ ἀνατομῶν, quae omnia anatomici argumenti sunt: Non enim dubium est, quin in illis libris comprehensum fuerit, quicquid cadavera secando in subjectis variis deprehenderat. An vero libris (ww) hisce figurae, quibus hodie anatomicorum scripta exornantur & illustrantur, fuerint adjectae, admodum dubito. Denique, quae articulationes ossium respiciunt, non neglexit. Natus est Stagyrae A. M. 3670. Obiit vero anno aetatis suae sexagesimo tertio, illo nempe, quem climactericum magnum vulgo adpellant medici.

## §. LII.

Sicuti vero prisca medici & anatomici nimia timidine peccarunt, & solis tantum brutorum sectionibus contenti,

G 2

cada-

---

(ww) Libros *anatomicorum* Aristoteli adscriptos figuris pictis exornatos fuisse, difficile fuerit aliis persuadere, tanto vero minus idoneis argumentis probare. Crebrae remissiones ad τα παραδειγματα, την διαγραφὴν & τα σχήματα difficultatem non tollent. Idemque hoc dubium non sine fontica ratione movit *Stollus* Introd. in hist. med. Cap. I. de anatomia & physiologia not. t. qui insuper p. 403. & 404. dum de anatome *Mundini* ipsi sermo est, tanquam errorem mihi exprobrat; quod illam cum figuris prodixisset scripserim: Si enim tales figurae tempore *Mundini* nondum in usu fuerunt, tanto minus credibile est, tempore *Aristotelis* illas fuisse usitatas. Eandem tamen sententiam de figuris, eum in finem depictis, ut lectoris oculo ea subicerent, quae sermone describentis vel edisserentis nunquam satis perspicue proponi mentibusq; lectorum imprimi possunt, fovit quoque *Cassarus Hoffmannus* instit. med. Lib. II. cap. 22. Et probabile est, hunc sufficienti fundamento destitutum seduxisse alios, ut figuras tales *libris anatomicorum Aristotelicis* adjectas fuisse, sibi aliisque persuaderent.



cadavera humana cultro anatomico subicere religioni sibi duxerunt: Ita contra alii, ejurata omni humanitatis lege, nimia saevitia & crudelitate delinquere coeperunt, quia plane corpora humana *viva* secare non erubuerunt: Quo nomine infames sese reddiderunt *Herophilus* atque *Erasistratus*, quippe qui primi corporum humanorum secandorum curam, spreta omni invidia, susceperunt, si verum est, quod *Cornelius Celsus* de ipsis refert.

### §. LIII.

*Herophilus* Chalcedonijs, vel, ut vult alio loco *Galenus*, (ww) Carthaginiensis, qui Ptolomaeo Sotere sceptrum Aegypti tenente vixit, tali hominum sceleratorum, morti a Regibus dicatorum *vivisectione* magnam sed infamem sibi famam comparavit. *Tertullianus* libro: *unum esse spiritum & animam*, sexcentos ipsum secuisse adstruit, quod procul dubio secundum figuram rhetoricam intelligendum est. *Herophilus* ille, inquit *Tertullianus*, *medicus aut lanius, qui sexcentos exsecuit, ut naturam scrutaretur, qui hominem odit, ut nosset, nescio an omnia interna ejus liquido explorarit, ipsa morte mutante, quae vixerant, & morte non simplici, sed ipsa inter artificia exsectionis.* Non est autem mirandum, *Herophilum* hominem ethnicum, missa omni humanitate, homines vivos, utut nocentes, secuisse: Id potius vehementer miror, *Christianissimum Galliarum Regem*,  
Ludo-

---

(ww) *Schultzius* hist. med. period. II. Cap. III. ominatur, scribarum errore factum esse, ut in *Galen*i codicibus speciatim lib. I. de usu partium *καρχιδωριος* scriberetur; Quod quippe ex unius litterulae permutatione fieri facile potuerit. Quam conjecturam suo loco relinquo.



Ludovicum II. (\*) medicis Parisiensibus permisisse, ut milites capite damnatos simulque calculo laborantes, in perinaeo vivos inciderent, sicque calculi vesicae extrahendi modum

G 3

perqui-

(\*) Dum de *Herophilo* ejusque peritia anatomica in *historia Anatomies* §. XXIV. p. 22. & 23. sermonem feci, incidenter data hac occasione monui, barbarum esse facinus, permittere medicis vel chirurgis, ut milites vel alios facinorosos homines capite damnatos simulque calculo laborantes vivos incidant sicque calculi vesicae extrahendi modum perquirant; Ad didi, barbaros, non christianos tale facinus decere. Invenit hic, ut passim alibi, quod carperet, auctor observationis VIII. Sect. II. bibliothec. noviss. p. 67. qui proinde hanc sibi quaestionem discutiendam ac decidendam sumpsit: *Sitne barbarum facinus, in capite damnatorum vivis corporibus experimenta curationum novarum & periculosarum instituere, jubente vel permitte magistratu?* Non dubitat quidem is, affirmativam tueri eoque fine speciosa quaedam argumenta undique conquirere, quibus adsertum suum suffulcire conatur, quae tamen, si verum fateri liceat, a contraria, quam ego defendi, sententia me hucusque dimovere non potuere. Difficulus persuadebitur facinoroso, certam licet mortem promerito, exitium nedum *laudatissimum & omnibus numeris & momentis tam justitiae quam clementiae & prudentiae absolutissimum consilium*, in se statuisse principem, vel quemvis alium legitimum magistratum, si, qui ad gladii vel laquei poenam per leges ob commissi delicta & constitutiones criminales jure condemnatus erat, nunc potius, ex mero quasi judicis arbitrio, & ut medici *novarum curationum experimenta*, auctoritate publica muniti, instituere possent, ad vivi sectionem damnaret. Vel enim sceleratus talis *moritur*, vel *salvus evadit*; Si moriatur, quid inde? *Debebat mori*; Recte utique, debebat mori; Sed non quovis mortis genere, quod a mero judicis arbitrio penderet, sed quod per leges & constitutiones cujusvis imperii determinatum esset. Sic v. g. in imperio Romano-Germanico in infligendis poenis normae ac regulae instar habetur



perquirerent. Barbaros, non Christianos, talia exercuisse decet. Interim hac secandi frequentia non vulgarem sibi dexteritatem & peritiam practicam adquisivisse chirurgos gallos, in

*constitutio criminalis CAROLI V.* a qua, qui jus vitae ac necis habent, rarissime recedere solent, nisi forte fontica quaedam causa subfit. Si vero evadat, quid quaeso lucrabitur inde Respublica? An spes est, furem v. g. qui furando, &, quod crimini huic plerumque conjunctum est, latrocinia ac caedes committendo tranquillitatem publicam turbavit, sicq; vel suspendii vel cruri fragii poenam sibi conscivit, ad meliorem indolem ac frugem reversurum, si praedicto modo aggratiaret princeps talem sceleratum hominem? Metus potius est, ne delictis novis delicta vetera talis sit aucturus sicque ipso opere probaturus, quam eximium justitiae vel clementiae consilium in se statutum sit.

Quod exempla adlata attinet, tantum abest, ut fidem, quae illis jure debetur, ipsis denegem, ut potius ceu testem oculatum me ipsum sistam, qui quippe ante complures jam annos hisce meis oculis vidi, quod circulator quidam, ad vim antidoti sui, quod *orvietanum* vocabat, comprobendam, cuidam fervorum suorum fortissimum venenum, magistratu id permittente, exhibuit, qui non modo ingentia ventris tormina, sed & ejusdem enormem intumescuntiam cum convulsionibus & sudoribus frigidis circa frontem erumpentibus, instantis mortis indiciis, inde expertus est. Si mortuus inde fuisset homo de reliquo innocens, nemo dubitasset, quin pro homicida circulator iste habendus fuisset, tantum abest, ut laudem mereretur. Denique non est hic quaestio, quid factum sit? Sed, an jure factum fuerit? Frustra igitur me accusavit observationis auctor, quod *Ludovicum II.* Galliae Regem (de quo solo hic sermo est) *indigne exagitaverim*, dum barbarum & christiano indignum facinus sum interpretatus, quod is medicis Parisiensibus ejus temporis permiserit, milites capite damnatos simulque calculo laborantes vivos incidere, sicque ejus extrahendi modum



in propatulo est. Homines aequae ac bruta ipsum cultro anatomico subjecisse, (xx) Galenus testis est.

### §. LIV.

Huic debetur exquisitior pulsuum discretio & differentiae, quamvis ad futiles usque subtilitates easdem prosequutus sit & hinc aliorum censuram non immerito incurrat. Huic debemus, quod nervorum ex cerebro & medulla spinali prodeuntium structuram & usum primus demonstraverit. Nec reliquam cerebri structuram illi ignotam fuisse, id inter alia documento est, quod trium superiorum sinuum durae meningis concursum *torcular* vocaverit. Herophilus est, qui primum intestinum, immediate ventriculo continuum vocavit *Δωδεκαδακτυλον* seu duodenum; Ipsemet est, qui duabus oculorum tunicis nomen dedit *retinae* & *arachnoideae*; Primus quoque *nervos* ita dictos *opticos* foramine pervios esse dixit, sed unicam tantum glandulam esse adseruit. A nonnullis quoque inventor *vesicularum seminalium* esse creditur. Quae ab aliis traduntur, quasi duplex genus *venarum meseraicarum*, aliarum nempe, quae ad glandulas liquorem quendam devchant, aliarum vero,

---

exactius perquirere. Idem plane de Friderico III. Danorum Rege, nonnulli referunt, qui eandem *Thomae Bartholino* licentiam indulserit; Fides tamen sit penes Authorem.

(xx) Uti frequentior *Herophili* in hoc *Galeni* scripto de *dissectione matricis* injicitur mentio: Ita disertis verbis, dum Cap. V. p. 216. de venis & arteriis ejusdem sermonem facit, de illo testatur, quod in hominibus quoque dissectionis periculum fecerit; Ita enim inquit: *Nec diffido, tamen, quin Herophilus, saepe haec in foeminis etiam invenerit: Qui cum in aliis omnibus, quae ad artem spectant, eruditus sane fuit, tum vero ad dissectionis exquisitissimam exercitationem pervenit, ac majori ex parte non in brutis, ut plerique solent, sed in hominibus ipsis periculum fecit.*



vero, quae chylum ad hepar referant, indeque suspicantur, quod huic fundamento innixus *Asellius* inventum suum de *venis lacteis* superstruxerit, majori obscuritate laborat, quam ut conjecturae huic tam facile locus relinqui possit. Hic est, qui membranae, ventriculos cerebri investienti, nomen *Choroides* dedit; Hic est, qui parastatis virilibus denominationem suam imposuit; Idem denique est, qui vas sanguinem ex dextro cordis ventriculo ad pulmones tendens, primus *venam arteriosam* adpellavit, quod venae similis quam arteriae ipsi adpareret, & contra vasi sanguineo ex pulmonibus ad ventriculum cordis sinistrum deproperanti, *arteriae venosae* nomen tribuit, quod magis ad indolem arteriae accedere ipsi videretur. Ex quibus omnibus, quales in arte anatomica progressus fecerit, haud difficulter colligi potest: Unde hisce rationibus commotus *Gabriel Fallopius*, non dubitavit *Herophilum* adpellare *Evangelistam Anatomicorum* & *Galenus* ipse perhonorificum ipsi praebet testimonium, quod longe exquisitissimam in administrationibus anatomicis peritiam possederit. Artem anatomicam, teste *Galeno*, professus est *Alexandriae*, verum scripta ejus dudum periire; *Galenus*, parcus caeteroquin aliorum laudator, ingentibus ipsum encomiis exornavit, addiditque, non in brutorum tantum, sed & hominum corporibus secandis occupatum ipsum fuisse. *Fallopius* non minores ipsi laudes tribuit. *Praxagoram* habuit praceptorem, unde ipsius aetas haud difficulter colligi potest.

## §. LV.

Pari cum *Herophilo* infamia notatus est *Erasistratus*, quod exuta omni humanitate, homines vivos anatomiae subjecerit. Vixit, Eusebii testimonio, sub Ptolomaeo Philadelpho, vel secundum alios, sub Seleuco Nicanore A. M. 3714. & praceptorem



ptorem habuit Chrysippum. De patria ejus inter se non conveniunt auctores, cum alii *Coum*, alii *Sicyonium* illum fuisse credant. Quanta ejus fama fuerit, non solummodo ex curationibus ejus aestimari potest, sed & elogiis, quae ipsi tribuuntur. *Macrobius* enim *Saturnal. Libr. ult.* ipsum vocat *vetustum medicorum famosissimum & nobilissimum*. Quoad peritiam anatomicam, qua omnes praecedentium temporum artifices, *Galenus* ipsius, qui tamen in multis ipsi contrarius est, testimonio, superavit, illius pauca quaedam fragmenta in scriptis *Galenus* hinc inde occurrunt: Propria enim *Erasistrati* scripta ad nostram usque aetatem non pervenere. Memoratu dignum est, quod vasa lactea per mesenterium decurrentia, jam suo tempore observaverit *Erasistratus*; Sed simul notandum, quod primo vasa ista habuerit pro arteriis, lactis copia repletis, deinde quod tantum in hoedis nuperrime lactatis eadem observaverit, quamvis absurdum non sit statuere, in hominibus quoque eundem vasa ista observare potuisse, si verum est, quod communiter dicitur, eum nempe eodem modo, uti *Herophilus*, vivorum hominum suppliciis destinationum corpora dissecuisse. Credidit tamen etiam, vasa ista lactea primum solo aëre repleta esse, deinde vero lacte demum repleri; Quod non aequè in malam partem accipiendum est, quia ignoravit, vasa lymphatica a lacteis non differre substantia, sed omnem differentiam in eo tantum consistere, quod ordinariè & primario lympham, secundario chylum vehant. Usus cerebri & nervorum inde prodeuntium rectius agnovit cum *Herophilo*, quam omnes praecedentium temporum medici; Alios tamen nervos sensui, (yy) alios

H motui

---

(yy) Communiter quidem creditur, *cogitationes posteriores sapientiores esse prioribus*; Unde forte inferret aliquis, sententiam *Erasistrati*, quam de origine nervorum senex fovit, quamq;



motui inservientes & priores ex membranis cerebri, posteriores vero ex cerebro & cerebello suam habere originem agnovit, licet *Galenus* moneat, *Erasistratum* seniore factum hanc suam hypothesein immutasse, & omnes aequaliter, sive sensui

cerebrum & spinalem medullam esse credidit, priori illi, quam juvenis habuit atque ex dura meninge repetiit, anteponendam esse; Verum oculatiorem & in investiganda nervorum origine adcuratiorem fuisse *Erasistratum*, dum juvenis fuit, quam senex factus, uti quisquis facile concedit: Ita errorem sponte eundem & agnovisse & revocasse, nulla veritatis specie dici potest. Quamdiu enim solidiora, quam hucusque factum fuit, argumenta pro destruenda hac sententia, quae ortum nervorum ex meningibus derivat, non adducuntur, saluum manet B. *Gobtii* adsertum in nuperrimo ejus scripto, in quo *insufficiencia cerebri ad sensum & motum animalis expenditur*, meningumq; ad illos *indispensabilior usus adsertus*, *adversus vagas intimationes Joh. Philippi Burggravii, Jun. ulterius argumentis ex scriptis adversarii depromptis stabilitur*. Confer etiam, quae a me contra eundem in controversia, quam mihi de *spiritibus animalibus e foro medico relegandis* movit, disputata sunt. Nec frustra, ad sententiam suam tuendam, hoc argumento usus est, quod vulnerata dura matre statim motus animalium pereat; Quem tamen effectum a longe alia causa derivat *Galenus* libro VII. de Hippoc. & Platon. decretis Cap. III. p. 54. his verbis: *Qua maxime in parte, si crassa membrana vulneretur, meatus totus una cum extremitate ventriculi cerebri posterioris aperitur. Id quod praecipue fuit in causa, ut Erasistratus deciperetur existimaretque, ex membranae vulneratione immobile continuo animal reddi; Inspiciebat quippe in bobus, qui in prima vertebra ferirentur, statim, ubi membrana divisa confractaque esset, motum interire; Id tamen non ex laesione, ut putat Galenus, sed ex posterioris ventriculi nudatione contingebat; Quod vel inde perspicuum omnibus esse potest, quod, licet aliis omnibus in partibus disrupta fuerit membrana, animal nullum hujusmodi nocumentum patitur.*



sensui sive motui subserviant, ex cerebro originem deducere, tandem concessisse. Statuit quoque in cerebro ventriculos, eosque omnes inter sese mutuo habere communionem. Ortum vasorum sanguineorum ex corde recte repetiit. Valvulas quoque vasorum cordis diversamq; eorum structuram, quatenus vel intro-foras vel foras-intro spectant, vidit & vel ipse vel discipuli ejus nomina *tricuspidalium* & *sigmoidearum* ipsis imposuere, similiterq; duplicem cordis motum, systalticum aeq; ac diastalticum perspectum habuit: Credidit tamen, venam cavam tantum sanguine, arteriam vero aörtam spiritu repletam esse: Quod idem ferebat judicium de omnibus reliquis arteriis, nempe solo spiritu seu aëre secundum naturam repletas esse, uti ipse quoque sinister ventriculus. Judicabat autem, hunc spiritum naturaliter in arteriis contentum, esse vitalem & procreari ex aëre, intra corpus adsumpto, & primo quidem in pulmonem, deinde vero in cor, ortasq; ab eo arterias irruere; Hinc vero arterias & musculorum cavitates extendi necesse esset: Quam tamen opinionem refutavit *Galenus peculiari libello*, & quidem hoc argumento: *Si vulnere arteriis illato sanguinem egredi conspiciamus, vel in arteriis sanguis continetur, vel in ipsas aliunde confluit; sed vulnere arteriis illato sanguinem statim exire conspiciamus; Igitur in arteriis sanguis continetur, non spiritus vel aër.* Interim huic errori ansam subministravit, quod comprehendere non posset necessitatem duplicis generis vasorum, sanguini vehendo dicatorum; Ex quo tamen dubio extricare sese facile potuisset, si mysterium circulationis sanguinis cognovisset. Ita enim mox simul comprehendisset, arterias esse, quae ex corde sanguinem excipiant & ad periphericas partes advehant; Venas vero esse, quae eundem, posteaquam suo officio perfunctus est, ad communem fontem revehant. Cutem dixit esse



contextum arteriarum, venarum, nervorumque, in quo refutatur a *Galeno*. Substantiam hepatis mollem dixit parenchyma, seu massam venis hepatis, ex quarum coalitu constat, circumjectam. Splen esse viscus in corpore humano prorsus inutile, credidit *Erasistratus*, qua in re communem habuit sententiam cum *Ruffo Epbesio*: Unde postea pullulavit traditio, splen hominibus salva vita excindi posse, imo & cursoribus actu excindi.

### §. LVI.

Post horum duorum in anatomicis heroum tempora usque ad *Galenum* paucissimi fuere, qui peritia secandi, potissimum corpora humana, innotuere, *Ruffo Epbesio*, medico graeco insigni, excepto, qui una cum *Critone* sub Imperatore Trajano vixit, anno post N. C. 112. Reliquit fragmentum de appellationibus partium humani corporis & tractatum de utero, in quo vasa quaedam spermatica, a reliquis praetervisa, adnotasse videtur. Reliqua vero ejusdem non sunt magni admodum momenti. *Tubam* tamen uteri, quam hodie *Fallopianam* dicimus, sub nomine *paraestatae varicosae* primus descripsit.

### §. LVII.

Meminit quoque *Galenus* cujusdam *Marini*, anatomici graeci, quod ex studio potissimum anatomico non levem sibi famam comparaverit. Jungit eidem *Numisianum*, & de utroque praedicat, quod hanc artem novis inventis amplificaverint. Dicitur vero *Marinus* scripsisse commentaria anatomica, quae a *Galeno* citantur *Libro II. administrationum anatomicarum*, simulque obscuritatis & imperfectionis ab ipso coarguuntur, quod suo loco relinquendum, cum scripta *Marini* ad nos integra non pervenerint. Sed adnotarunt jam alii, *Galenum* in  
sua



sua juventute magna laborasse prurigne & insolentia viris doctis insultandi. Quis fidem nobis faciet, *Marino* subinde injuriam non fuisse factam, cum libri ejus hodie desiderentur? Scripsit libros XX. de ignoratis in anatomia a *Lyco*; Adcuratius tamen, notante *Douglassio*, musculos aliis descripsit. *Clericus* adnotavit, *Marinum* fortassis primum fuisse, qui inter antiquos glandularum ad secretiones peragendas usum indicaverit.

## §. LVIII.

Similiter haud infrequens in scriptis Galenicis mentio injicitur *Lyci* cujusdam, quem latini *Lupum* dicerent, qui sectae empiricae alioquin addictus erat. Dicitur commentarium admodum prolixum scripsisse de musculis, ut propemodum quinque millia versuum continuerit, de quo tamen *Galenus* animadvertit, non solummodo multos musculos esse omisos, verum etiam permultis eundem scatere erroribus. Oculo quinque tantum musculos tribuisse fertur.

## §. LIX.

Memorat quoque *Dioclem*, a patria *Carystbium* dictum, cujus post Hippocratem maxima fuit existimatio, unde alterum *Hippocratem* Athenienses ipsum adpellabant & cujus supra facta est mentio. Eundem hunc *Galenus* laudat, quod primus fuerit, qui libros anatomicarum administrationum posteritati reliquerit: Existimat enim, anatomiam in schola Asclepiadea perfectissime excultam & orali traditione propagatam, monumentis litterariis non indiguisse, proinde vitio ipsis non vertendum, quod de administrandis confectionibus nemo illorum aliquid memoriae prodiderit. Quia enim domi apud parentes pueri exercebantur, uti lectione & scriptura, ita etiam cadaverum sectionibus,



quid libris anatomicis fuisset opus? Quare etiam, ne incidendi rationes cuiquam sic edocto memoria exciderent, non magis erat metuendum, quam linguae elementa scribere obliviscerentur ii, qui ab ineunte aetate ipsa didicere. Posteaquam vero, narrante sic *Galeno*, temporis progressu non modo liberis, verum etiam alienis artem communicare honestum censuerunt, sicque factum fuit, ut non amplius in corporum confectionibus exercerentur pueri: Hinc protenus necessario accidit, ut eam infelicius condiscerent, exercitatione, quam in pueritia auspicari solebant, abolita, quae, quantum ad omnia valeat, omnes prisca palam videntur ostendisse, non solum vocantes eos humanos, qui in artibus excellunt, sed breviter universos, qui tota vita probitatis titulo inclaruerunt, quemadmodum & his contrarios inhumanos ac rudes. Cum igitur ars (& potissimum pueros in anatomia exercendi) *Asclepiadum* familia excidisset, deinde multis successibus in deterius vergeret, opus fuit commentariis, quibus speculatio ipsius integra conservaretur. Verum de *Diocle* jam §. XL. a nobis actum est, sicuti & (zz) *Eudemi* §. XLIII. jam facta fuit mentio.

## §. XL.

---

(zz) Non sine causa miratur *Stollus* introduct. in hist. litt. medicinae Cap. I. de *anatomie & physiologia*, id quod superius §. XLIII. commemorandum fuisset, *Eudemi*, famosi licet anatomici sui temporis, neque in introductione *Conringiana*, neque in historia anatomiae *Goeluckiana*, neque in Bibliographia anatomica *Douglassi* ullam factam esse mentionem; Merito, inquam, miratur; Equidem me quod attinet, vix probro id dari mihi potuisse existimo, idque ideo, quod in privatum tantum usum auditorum meorum theses istas, ex quibus deinde *historia anatomiae* est enata, conscripseram; Unde fieri facile potuit, ut unus vel alter, commemoratione licet dignissimus,



## §. LX.

*Aelianum Meccium* introducit *Galenus* in prooemio de dissectione musculorum, tanquam suum praeceptorem, eique tribuit librum de anatomia musculorum, addito elogio, quod adcurate conscriptus sit. Citat etiam *Martianum*, cumque invidum & vitilitigatorem vocat: Fuit tamen in honore propter duos libros de re anatomica conscriptos.

## §. LXI.

Similiter commemorat *Galenus* *Pelopsis* cujusdam, tanquam praeceptoris sui, qui pariter de dissectione musculorum scripserit, in defectu vero subjectorum humanorum suas demonstrationes in corporibus brutorum tantum modo instituerit, v. g. in demonstratione musculorum linguae usus fuerit lingua bovina, quam tamen methodum tanquam incongruam multorumque errorum matrem, jam superius consideravimus. In eo insuper paria faciebat cum *Hippocrate*, quod originem venarum quaereret in capite, ac cerebrum praecipue tanquam fontem non solummodo venarum, sed & omnium reliquorum vasorum totius corporis  
confi-

---

silentio praetermitteretur. Hunc igitur defectum monitus nunc emendaturus, locum quendam inter subtiliores anatomicos cultores eidem relinquere eo minus dubitavi, quo magis honorifica sunt elogia, quae ipsi a *Galeno* tribuuntur. Primus locus libro VIII. Cap. I. p. m. 547. ubi contra illos disputat, qui nervorum originem ex corde repetunt, his verbis occurrit: *Illi igitur primi hujusce prolixitatis auctores existere, qui contra evidentia mentiri non erubuerunt: Non Hippocrates, neque Erasistratus, neque Eudemus, neque Herophilus, neque Marinus, qui omnes post veterum memoriam dissectoriam speculationem, negligentia posteritatis interlapsam pro se quisque restituerunt. Reliqua silentio praetermitto.*



consideraret. Artem anatomicam publice professus est, certo testimonio, non vulgares ipsum in ea progressus fecisse.

### §. LXII.

Praeter hos alii quidem adhuc occurrunt in scriptis *Galenii*, quos tanquam praeceptores suos veneratur, uti sunt *Heracianus*, de quo memorat, quod eidem alexandriae docti non perfunctoriam operam ipse dederit, deinde *Phecianus*, *Satyrus*, *Stratonicus* & forte alii plures; An vero in anatomicis quicquam peaeftiterint, altum penes ipsum est silentium, nisi quod de *Stratonico* disertis verbis indicet, quod anatomiam non intellexerit. In cuius rei confirmationem adducit, quod crediderit, ex semine viri praevalente generari masculos, sicuti ex praedominio spermatis foeminini generentur foemellae; Quam quidem sententiam in pretio suo relinquit, imo suam facere non dubitat *Galenus*, in eo interim enormiter hallucinatum esse monet, quod magnam crediderit esse differentiam inter masculos & foemellas, intuitu arteriarum & venarum, ad partes spermaticas utriusque sexus pertinentium.

### §. LXIII.

Discussa tandem ac superata ista barbarie, tanquam ex novo orbe in scenam prodiit *Galenus*, de quo, priusquam loquendi faciamus initium, paucis mentio injicienda est *Aurelii Cornelii Celsi*, qui ultra centum & quinquaginta annos ante *Galenum* vixit. Medicis propter purissimam simul atque elegantissimam latinitatem in deliciis est, unde & vulgo *medicorum Cicero* & *latinus Hippocrates* dici consuevit. Praeter libros de re medica, scripsit etiam de politu & figura ossium totius corporis humani; Quae potissimum ratio est, quare hic penitus omittendus non fuerit.

### §. LXIV.



## §. LXIV.

Ordine nunc sequitur *Claudius Galenus*, quem a patria *Pergamenum* vocant, omnium post Hippocratem medicorum veterum facile princeps, qui sub Trajano Imperatore primum eminuit, sub Antonino autem Philosopho, Commodo & Aelio Pertinaci demum floruit. Hic, quid in re anatomica praestiterit, & in quo praecipue laudem praecessoribus suis dubiam fecerit, ex libris ejus anatomici argumenti haud dubie aestimabitur, de quibus tamen priusquam loquamur, commune removendum est praejudicium, Galenum nempe in solis tantum brutorum corporibus secandis operam suam collocasse, humana vero cadavera ab ipso unquam secta fuisse, primus in dubium vocavit *Andreas Vesalius*, qui insuper adjecit, omnia, quae homini propria sunt, fide Herophili a Galeno tradita esse: Huic enim adserto repugnare videtur, quod ipsemet subinde gravissime invehatur in illos, qui cor vel linguam bubulam incidunt, nescientes, quod plurimum hae brutorum partes ab humanis discrepent. Praeterea plus uno loco indicavit, naturam hominis ab aliis animantibus diversam esse. Absurdum autem fuerit talia protulisse, nisi ipsemet differentiam illam cognovisset. Et omne tandem dubium cespitantibus eximit locus, qui *Libr. VI. Cap. IV. de usu partium* humani corporis occurrit: *De numero*, inquit Galenus, *loborum aliorum cujusque animalis definire non est propositum: Neque enim alterius cujusquam instrumenti ipsorum constructionem attigimus, nisi forte in homine explicando eo invitati fuerimus traducti. Quod si morte intercepti non erimus, illorum etiam constructionem membratim, quomodo nunc hominum, disseccantes, aliquo tempore explicabimus.* Neque obstat, Galenum interdum partes brutorum cum partibus

I

corporis



*poris humani* confudisse, quia aequè in *illis* atque in *his* occupatus fuit, & post ingens illud intervallum forte primus, qui utrumque fuscipere ausus est. Imo author est suaforque, ut, qui in dissectione corporum humanorum felices facere cupit progressus, in anatome brutorum, potissimum simiarum sese prius diligenter exerceat; quae quippe animalia omnium maximam cum homine convenientiam habeant.

### §. LXV.

Equidem non contemnendas profert rationes *Riolanus*, quibus probare intendit, antiquis medicis cadavera humana secare non licuisse, nempe penuriam fuisse cadaverum humanorum priscis seculis, eo quod rogo imposita quam primum cremabantur, quod lege Mosaica cruci vel patibulo suffixa intra biduum vel triduum humabantur vel cremabantur, quae deinde consuetudo apud Romanos quoque introducta fuit; Quod horrendum olim fuit, morticina tractare, eamque ob causam vespillones urbe summos, & carnificem urbis domicilio privatum, quod Judaeis tactus corporum mortuorum prohibitus & Graeci infames atque invisi fuerunt, qui cadaver tetigerant &c. Neglectis tamen omnibus hisce rationibus concludit, injuste Galenum accusari, quod nunquam hominem inciderit, & anatomen non hominis, sed simiae tradiderit.

### §. LXVI.

Verum ut tanto clarius dilucescat, quantos qualesve prae omnibus aliis, qui aetate ipsum antecesserunt, in *anatomicis* fecerit progressus, operae pretium esse duxi, univsum *anatomiae Galenicae* systema in compendio hic sistere. Auspicabor a generalioribus, ad specialiora sensim transiturus.

Quanto



Quanto anatomes studio is flagraverit, quantumve in eo pretium reposuerit, ex ejus commendatione, regulisque generalibus, anatomen concernentibus, satis liquet, quales v. g. sunt: (a) *Anatomen saepius & accurate celebrandam*; (b) *Solis libris anatomicis non oportere eum credere, quicumque operum naturae velit esse contemplator, sed propriis oculis accedere, aut cum aliquo eorum, qui cum anatomicis versati sunt, versari, aut ipsum per se diligenter exercitari anatomis manu obeundis. Quamdiu autem legerit solum, omnibus (Galeno) prioribus anatomicis credet*

12

co

(a) De compos. med. per genera Lib. III. p. 465. ita inquit: *Si frequenter in simiis ejusque tendinis & nervi positum ac magnitudinem contempleris, exacte poteris etiam, si humani corporis incidenti copia tibi undecunque suppetet, singula, ut vidisti, celeriter invenire. Quod si inexercitatus omnino facias, nihilinde promovebis. Quemadmodum nec medici bello germanico, barbarorum corporum insectionis potestatem habentes, amplius quippiam didicerunt iis, quae coqui intelligunt; Etenim empiricorum anatome casu contingens prolixum nugamentum est.*

(b) Libr. II. de usu partium C. H. Cap. 3. p. 241. *Quicumque ait, vult operum naturae esse contemplator, non oportet eum libris anatomicis credere, sed propriis oculis; aut ad nos accedere, aut cum aliquo eorum, qui nobiscum versati sunt, versari; Aut ipsum per se diligenter exercitari, anatomis manu obeundis. Quamdiu autem legerit solum, omnibus me prioribus anatomicis credet, eo magis quo plures sunt. Confer locum eximium, qui Libr. III. de compos. medic. secund. gener. p. 465. his verbis occurrit: Hac (empiricorum anatome) nugacior est, ex libris anatomicis institutio, non absimilis iis, qui secundum paroemiam ex libro gubernare dicuntur. Quandoquidem enim contemplati palam a praeceptore ostensos nervos & tendines ipsorum, nisi denuo eos videant, & tertium & saepius deinceps loci accurate, in quo positi sunt, non meminere, multo minus ex lectione peterunt addiscere.*



*eo magis, quo plures erunt.* Optandum foret, utramque hanc regulam diligenter commendatam sibi habere tyrones artis: Nullum enim dubium est, quin & saepius sese exercitando, & manum operi admovendo, breviori temporis intervallo majorem sibi dexteritatem & peritiam in hac arte sibi sint adquisituri, quam si in sola librorum anatomicorum lectione plurimorum annorum decursu fuerint occupati.

### §. LXVII.

Deinde, ne quis *Galenum*, nullum se in secundo ordinem servasse, injuste criminetur, sciendum est, suasisse ipsum anatomes cultoribus, ut primum omnium naturam (c) ossium perdiscerent, deinde ad musculorum confectionem sese converterent, hinc ad arterias, venas & nervos progredierentur, tandemque viscerum, ad haec intestinorum, adipis & glandularum inspectionem sibi commendatam haberent: Unde patet, in omnibus anatomes partibus, hodie recenseri solitis, *osteologia, myologia, angiologia, neurologia, splanchnologia & adenologia* sese nostrum exercuisse.

### §. LXVIII.

Quod vero prae ceteris anatomes partibus ossium notitiam commendaverit, ideo factum est; Quia, (d) quod in

---

(c) Locus integer administr. anat. Libr. I. cap. 2. p. 127. sic legitur: *Ossium omnium natura perdiscenda est, sive in humano sive in simiae corpore, modo possis. Post illa mox ad musculorum incisionem properandum. Nam hae duae corporis partes reliquis omnibus veluti fundamenta subjecta sunt. Deinde licebit quodvis discere primum, sive arterias, sive venas, sive nervos. Atque in horum confectionibus versato, viscerum natura, ad haec intestinorum, adipis & glandularum innotescet. Quae ipsa rursus per se penitus inspicere convenit.*

(d) Libr. I. administr. anat. cap. 2. p. 126. statim in principio.



in tentoriis praestant pali *καμακας* Graeci dicunt) & in aedibus parietes, id in animalibus ossium substantia; Quippe ad (e) hujus imitationem caetera in animante solent effingi mutarique.

## I 3

## §. LXIX.

(e) Sic enim loco modo allegato porro scribit *Galenus*: Quoniam, inquit, corporis forma ossa repraesentat, & his aliarum partium natura respondet; Velim te inprimis exactam humanorum ossium cognitionem peritiamque indipisci, non obiter ea spectare, neque etiam ex libris solum discere, quos Graecorum quidam *ὀσσεολογίας* i. e. ossium interpretationes vocant, alii *σκελετες*, quasi dicas, cadavera assiccata. Et paucis interjectis ita pergit: Hoc autem sit opus tuum, hoc studium, ut non librorum modo lectura, verum sedula etiam inspectione fideque oculata cujusque ossis humani speciem accurate perdiscas. Quod quidem in Alexandria multo facilius facies, ubi medici ossium disciplinam auditoribus ante oculos exponunt. Enitendum itaque tibi censeo, ut in Alexandria commoreris, si non alterius, at hujus certe rei solius gratia. Quod si non assequaris, licebit vel in hunc modum hominum ossa contemplari, quo ego quoque usus sum. Siquidem inspexi subinde admodum vel sepulchris quibusdam vel monumentis dissolutis. Atque etiam fluvius aliquando sepulchrum pauculis mensibus negligentius exstructum superans, ipsum ex facili dissolvit, totumque cadaver agminis impetu tractim ductum, carnibus quidem jam putrefactis, caeterum ossibus adhuc inter se strictim cohaerentibus, usque ad stadium pronum derulit. At cum ipsum locus portuosus margine altus excepisset, eodem cadaver appulit. Atque hoc tale nobis occurrit, quale medicus ipsum ad adolescentis disciplinam de industria praeparasset. Ceterum mihi visum est, etiam latronis quandoque cadaver assiccatum, paululum extra viam in monte procumbens, . . . vulturibus devorari; Qui carnibus illius biduo absumtis, cadaver exsiccatum, tanquam ad doctrinam, quicumque inspicere voluisset, reliquerunt. Locum tam prolixum me excerpisse & huc transtulisse, vel ideo me non poenitet, quia inde addisco 1.) *σκελετον* Galeni aetate dictum fuisse hominem exsiccatum. 2.) Aeque facile, in cadaver tale assiccatum incidere potuisse



## §. LXIX.

Suntque ossa *Galeno* generatim (f) corpora durissima & aridissima maximeque terrestria, quae tanquam fundamenta ad universam corporis substantiam sustentandam subjiciantur iisque omnia adnascantur stabilianturque. Deinde humani corporis ossium invicem cohaerentium universam (g) compagem adpellat sceleton; Unde etiam nonnulli, qui de ossibus differuerunt, libros suos *περι σκελετῶ* inscripserunt. Distingvit praeterea inter *apophysin* & *epiphysin* omniumque articulationum modos sollicite describit. Ad specialia deinde descendens, enarrat primum (i) ossa capitis una cum osse jugali ossibusque maxillarum & nasi ac dentibus. Hinc ad spinam progreditur ordineque vertebrae colli, dorsi & lumborum nec non ossis sacri & coccygis subjungit, universamque tractationem ossibus, quae sacro committuntur, claudit, tandemque de ossibus thoracis, de scapulis, claviculis & humero agit. Et, ne quid in historia ossium desideretur, ossa quoque, artus tam superiores quam inferiores componentes, subjungit.

## §. LXX.

---

antiquissimas gentes, v. g. Aegyptias, indeque structuram & connexionem ossium addiscere, si vel maxime lege publica prohibitum fuisset, cadavera humana disseccare & sceleta sibi parare. Velim proinde haec cum iis conferri, quae superius de Aegyptiorum peritia anatomica a nobis disputata sunt.

(f) Libro de ossibus ad tyrones p. 78. & 79.

(g) loco modo citato.

(h) eodem mox allegato loco.

(i) Libro toto de ossibus ad tyrones.



## §. LXX.

Non vero ossium tantum historiam digne profecutus est; Sed & in vasorum sanguineorum, arteriarum venarumque anatome laudabilem omnino comprobavit industriam: Ubi tamen ante omnia notat errorem veterum, qui (k) arterias interdum etiam venas adpellarunt; Id quod vel ideo mirandum non est, quod motum sanguinis circularem & consequenter etiam arteriarum venarumque usum ignoraverint. Et licet forte dici posset, (l) arterias ceu vasa pulsantia considerandas ac proinde ex illarum pulsu melius illos edoceri debuisse, notum tamen est, quod *Erasistratus* cum asseclis suis non crediderit, sanguinem excitare pulsum, sed aërem in arterias irruentem. Atque hoc sensu (m) *arterias pulmonis venosas, venas vero arteriosas* esse docet, eaque occasione *Epicureos* notat, dicens: *Mentem esse, quae omnia designet, disponat, ornet, non corpusculorum concursu quodam fortuito inter se cohaerentium vim*: (n) Arteriis duas peculiare adserit tunicas, alteram anteriorem, venae similem, alteram interiorem, hujus fere quintuplam, quae insuper durior, in transversas fibras dissoluta, exterior vero rectis fibris & quibusdam mediocriter obliquis, transversis nullis contexta sit. Interiorem (o) tunicam crassam duramque esse debuisse, inde colligit, quia propter motum perpetuum robore quodam opus erat; Quod, si tenuis fuisset tunica, sustinere non potuisset.

## §. LXXI.

(k) Libr. III. prorrheticor. p. 366.

(l) Libr. VII. administr. anat. cap. 4. p. 188.

(m) Libr. VI. de usu partium C. H. cap. 13. p. 305.

(n) L. VII. administr. anat. cap. 5. p. 189.

(o) L. VII. de usu partium C. H. p. 309.



## §. LXXI.

**¶** Originem omnium arteriarum a (p) corde, speciatim ab aërta, ex sinistro cordis sinu enata, merito repetit: Unde summae eos (q) imprudentiae reos agit, qui principium earundem aliud, quam cor constituerunt. Divisionem arteriae in (r) duas partes itidem agnoscit, quarum altera ad spinam deflectatur, partibus omnibus inferioribus arterias immiffura; Altera vero fursum ad caput feratur, quae & ipsa omnibus, quae sunt supra cor, vasorum propagines est praebitura. Addit insuper; Divisionem (s) duorum horum ramorum ideo inaequalem fuisse, quod in animali plures sub corde, quam supra cor, sunt partes. Notat praeterea, (t) nullam arteriam in corpore sine conjugue sua vena reperiri; Licet venae quaedam sine arteriis reperiantur (u). Arterias a venis discrepare non modo crassitie

(p) Lib. XVI. de usu part. C. H. p. 428.

(q) Lib. VI. de Hipp. & Plat. decret. cap. 3. p. 526.

(r) Lib. XVI. de usu part. C. H. cap. 9. p. 437.

(s) ibidem.

(t) Libr. XVI. de usu part. H. C. cap. 13. p. 441.

(u) ibidem libr. VI. c. 13. p. 304. & 305. Qua occasione graviter invehitur *Galenus* in *Asclepiadem*, ironice quidem ipsum vocando hominem sapientissimum, sed simul tamen variis imputationibus ipsum onerando, ipsumque dicendo virum jactabundum atque insolentem, cujus errores partim ex contemptu & imperitia anatomes, partim ex logicae speculationis ignoratione promanaverint, & cujus proinde scriptorum flagitia prosequi nolit. Quod, quae nunquam ab ipso percepta fuere neque cognita, sine ulla dubitatione, de illis ut exploratissimis ausus sit pronunciare; Quod *Herophili* dissectiones respuerit; Quod *Erasistratum* condemnaverit; Cui denique sordeat *Hippocrates*. Graves profecto accusationes, quas hodie nemo facile sine bile audiret, nedum concoqueret!



fitie, sed & numero & qualitate tunicarum; Interiorem enim tunicam, quae crassa est ac dura, quaeque fibras habet transversas, venae ipsae, iudice *Galeno*, non omnino habent. Cur (w) *arteriam venosam* adpellaverit, quae ex sinistro cordis ventriculo, *venam* vero *arteriosam*, quae ex dextro procedit, ejus rei rationem jam superius attulimus. Denique duplicem in arteriis motum, systolem nempe atque diastolen agnovit.

### §. LXXII.

Descriptis arteriis, veniamus nunc ad venarum anatomicam *Galenicam*; (x) His toto in corpore unicam tantum peculiaremque concedit tunicam, & eam quidem valde tenuem; Exterior namque membrana ipsis nonnunquam obhaerescens, secundum *Galeni* sententiam, accedit tantum, ubi colligari quibusdam vel fulciri vel contegi desiderat. (y) Principium & originem omnium venarum jecur esse statuit; Quia, inquit, si a corde originem traherent, pulsus editurae forent; Et quod omnes venae cum ipso continuatae conspiciuntur; Id quod nullius nisi principii indicium esse possit. Quo fundamento suffultus, stolidum esse judicat adsertum illorum, qui putarunt, venarum paria quatuor a capite in corpus descendere.

### §. LXXIII.

De *nervis* generatim praedicat: (z) Quod, licet in omnes corporis partes ferantur, illorum tamen nullus neque in ossa, neque in cartilagine, neque in ligamenta neque in

K

quasvis

---

(w) Libr. VII. administr. anat. cap. 4. p. 188.

(x) Ibidem cap. 9. p. 189.

(y) Libr. VI. de Hippoc. & Plat. decretis cap. 6. p. 531.

(z) Libr. XVI. de usu part. H. C. cap. 2. p. 429.



quasvis glandulas inferatur. Habet vero pro (aa) nervis eos tantum funiculos albicantes, qui a cerebro & spinali medulla ortum suum derivant, nulla gaudent cavitate, & sua natura neque dilatantur neque contrahuntur. (bb) Adcuratius *Hippocrate* illos distingvit a *tendinibus* ac *ligamentis*; Quae enim ex musculis enascuntur corpora nervosa, nomine tendinum ipsi veniunt; Per *ligamenta* vero intelligit nervos colligantes; De omnibus vero praedicat, quod cavitatis sint expertes. (cc) Uniuscujusque nervi naturam triplici, ait, constare substantia, media quadam & intima, arborum medullae quam simillima, quam haud dubie a cerebro suam trahere originem existimat, & duabus exterioribus, prima, quam e tenui membrana, altera vero, quam e dura crassaque exoriri existimat; Unde refert, *Erasistratum*, cum exteriorem nervi partem solam conspexisset, quae ex crassiore membrana progrederetur, ab ea totum nervum oriri, opinatum esse; Additque: Hac sua sententia pleraque suorum commentariorum referuisse, dum ubique inculcavit: *Ab operiente cerebrum membrana nervis originem esse*. Verum, ubi jam consenuisset, solisque artis speculationibus vacans, diligentiores dissectiones fecisset, tandem, judice Galeno, animadvertisse *Erasistratus* dicitur, nervorum intimam partem quasi medullam e cerebro nasci. Quid vero de hoc *Galeni* judicio sentiendum sit, alibi jam discussimus. Denique distingvit nervos in (dd) *molles* ac *duros*, impossibile esse existimans, ut duri ex cerebro, molles vero spinali medulla procedant, cum, ad exactiorem sensum, productione cerebri

---

(aa) *ibid.* Libr. XV. cap. I. p. 420.

(bb) *ibid.*

(cc) Libr. VII. de Hipp. & Plat. decretis.

(dd) Libr. IX de usu part. C. H. cap. II. p. 348.



cerebri molliore, ad motionis vero robur duriore nervo opus fit.

§. LXXIV.

In *musculorum* quoque *confectione* haud perfunctorie ver-  
fatum fuisse *Galenum*, imo potius omnes suos antecessores  
hac in parte anatomes superasse, libri, quos de *ana-*  
*tome* itemque de *motu musculorum* conscripsit, evincere satis  
possunt. In *prooemio* de *musculorum dissectione ad tyrones* inge-  
nue confitetur, plures quidem ante ipsum hanc anatomes  
partem adgressos esse, neminem tamen sine reprehen-  
sione, *Marino* excepto, qui multo adcuratius, quam alii, hoc-  
ce argumentum tractaverit. Meminit praeterea & *Pelopis* &  
*Lyci* & *Aeliani*, quorum labores in *dissectione musculorum* in  
pretio merito habendi sint. Et quanquam *Lycus* clarissime o-  
mnium & optime musculos dissecuisse credatur; Se tamen  
non inutilem laborem suscepturum confidit, si, quae a supe-  
rioribus medicis praetermissa vel minus diligenter scripta,  
aut etiam a se ipso inventa sint, manifestaverit.

§. LXXV.

In genere musculos habet pro partibus carnofo-tendi-  
nolis motuumque voluntariorum instrumentis. Tradit prae-  
terea non tantum modum artemque musculos consecandi,  
sed & eorundem historiam prolixè prosequitur, a capitis e-  
jusdemque partium musculorum descriptione exorsus, indeq;  
ad musculos gutturis, colli, thoracis & adnexorum progressus,  
quos tandem ventris, epigastrii, sedis, ani & adnexorum mus-  
culi consequuntur. Nec reticuit musculos, qui ejus tempo-  
re (ee) incogniti erant, a se vero inventi ac demonstrati sint,

K 2

quorum

---

(ee) Administ. anat. libr. II. cap. 9. p. 143. Confer etiam  
*Douglassi* bibliographiam anatomicam.



quorum pertinet *platysma moyoides*, deinde musculi *interossei* ac *lumbricales*, nec non musculus in capite exiguus, quem hodie *rectum minorem anteriorem* vocant, aliique plures veteribus prorsus ignoti.

### §. LXXVI.

Hoc itaque modo *arteriarum, venarum, nervorum, musculorum* aliarumque partium *similarium*, veteribus ita dictarum anatomen perfecit *Galenus*; Nec tamen propterea *modum confectionis* neglexit: Abunde enim in eo prospexit quoque tyronibus artis, dum integros novem libros de *administrationibus anatomicis* reliquit, qui à *Johanne Andernaco*, non modo latinitate donati, sed & post diligentissimas *Andreae Vesalii* & aliorum castigationes plurimis in locis correcti sunt. In his enim affatim instruitur artis anatomicae tyro, qua nempe ratione non modo sceleton artificiose parare, sed & docta atq; perita manu cultrum aliaque instrumenta anatomica dirigere debeat, ut molliores omnes partes rite ac scientifice confectionentur. Proinde excusat veteres, quod de *confectionibus administrandis* nihil litteris mandaverint; Quod quippe eo tempore minus necessarium erat; quia illis tam frequens fuit tamq; familiaris & in communi usu anatomica administratio, ut domi apud parentes etiam ab ipsa pueritia olim exercerentur. Postea vero tam praeclaro exercitio intermisso, opus fuit commentariis, quae anatomicam disciplinam integram conservarent.

### §. LXXVII.

Et, licet ad *anatomen* proprie nihil spectet, usum partium tradere, sed hoc muneris *Physiologi* inprimis sibi impositum esse putent: Per se tamen patet, nihil solidi ab his praestari posse, nisi facem accendat anatome. Imo, quamvis libri

*Galenus,*



*Galen*i, quos de *usu partium* C. H. conscripfit, ad gustum praesentis, in quo vivimus, seculi adcommo-  
dati non sint: Tantis tamen laudibus (ff) a nonnullis depraedicantur, ut pro  
perfectis omnique numero absolutissimis habere illos non du-  
bitent.

### §. LXXVIII.

Nec denique usum anatomes indicare neglexit, qui non  
in eo tantum consistit, ut proprietatem (gg) essentiae unius-  
cuiusque partis, intuitu imprimis actionis & usus, quem prae-  
stat, nos edoceat: Sed &, quod (hh) chirurgicae medendi  
K 3 rationi

(ff) In horum numero est *Clericus*; Ita enim sermonem hisce de  
libris instituens, inquit: Si les administrations anatomiques  
ne sont pas entieres, les autres livres & sur tout ceux de  
l'usage des parties, supplent ce, qui manque aux premiers.  
Ces mêmes livres sont un chef-d'oeuvre, qui a été admiré de  
tout temps, & qui fait le mieux voir l'étendue du génie  
de son auteur. Verum hoc elogium sine dubio de génio se-  
culi, quo vixit *Galenus*, intelligendum est. Interea huic ju-  
dicio propemodum par est, quod de libris hisce *Hermannus*  
*Conringius* introduct. in art. med. cap. IV. §. 17. p. 155. tulit  
hunc in modum: Concedit is quidem, maxime inter omnia  
(*Galen*i scripta) excellere libros de *usu partium*, quod quippe  
opus incredibili ἀνρίθεια & singulari plane ingenio sit con-  
scriptum, & in quo auctor vim iudicii sui potissimum decla-  
raverit; Merito tamen adjicit: Fatendum esse, multa apud  
*Galenum*, etiam in ipso de *usu partium* opere occurrere, quae  
cum veritate non usque quaque imo non raro neutiquam  
conveniant, utut identidem de corporum humanorum se-  
ctione gloriatur.

(gg) Libr. I. de locis affectis.

(hh) Libr. I. administr. anat: Quum per chirurgiam, inquit Gale-  
nus, musculos ipsos propter abscessus altiores, incidere interdum co-  
gamur, actionis ipsorum cognitio maxime ex usu est, ut tum perdiscere



rationi absolute illa sit necessaria. Imo nec (ii) praerogativam, quam *mortuorum* prae *vivis* anatome sibi vindicat, neglexit.

### §. LXXIX.

De anatome, quam Graeci *κατα περιπτωσιν*, quod casu accidat, veteribus admodum decantata, quamque medici magna celebritate profiteantur, hoc tulit iudicium: Quod (kk) spectatorum naturam edocere non possit; Eo quod prius conveniat, multo otio quamque particulam inspicere, ut statim visa cognoscatur, praesertim in hominibus ipsis, fin minus, certe in animalibus, homini similibus, quorsum imprimis simias retulit.

### §. LXXX.

Corpus universum distinxit in tres *ventres* & *extremitates*, ad illos abdomen, thoracem & caput, ad *has* vero artus tam superiores quam inferiores revocando, quae distinctio in hunc usque diem inter anatomicos adhuc usitata est. Nec abhorret *Galenus* a distinctione partium in *continentes* & *contentas*

*possis, omnem abigendo calumniam, functionem in magnis vulneribus, ubi musculus totus transversim dissectus fuerit, abolituram. Taceo, qui musculorum actiones novit, eum chirurgum alios quidem musculos caute, alios autem incisurum audacius. Praestat tamen, consilio Galeni, pro fibrarum ductu ipsorum decisionem moliri.*

(i) De hac praerogativa administ. anat. Libr. IX. cap. I. sic loquitur: In cadavere *anatome celebrata* cujusque particulae situm, numerum, substantiae proprietatem, magnitudinem, figuram & compositionem edocet: In vivo autem *consectio* interim functionem ipsam manifesto ostendit, interim ad hujus inventionem ratiocinationes exhibet. Nulli igitur obscurum est, oportere, ut mortui animantis *consectio* eam *praeceat*, quae in vivo *administratur*.

(kk) Libr. I. cap. 2. administ. anat.



*tentas*: Ad *illas* refert cutem, quam commune artuum omnium velamentum vocat, quamque cuticula (*επιδερμίδα* Graeci dicunt) tegit. Habet eam pro parte (ll) similari atque (mm) ex venis, arteriis & nervis constare adserit, disputans eum in finem contra *Erasistratum*, qui quippe eam trium horum vasorum complicationem esse negavit. Cuti (nn) membranam immediate, vult, esse substratam; Quam tamen sententiam confutat *Vesalius* indeque infert, *Galenum* non humana, sed brutorum tantum corpora consecuisse. Ulterius docet, huic membranae cutim tam firmiter adnatam esse, ut separari inde nequeat.

### §. LXXXI.

Ad partium continentium censum reducit quoque musculos abdominis, quibus remotis in conspectum prodit *peritoneum*, (oo) corpus tenue & aranearum telae consimile, quod cessantibus musculis transversis oboritur. Nomen suum inde traxisse, opinatur *Galenus*, quod praetendatur omnibus tum visceribus, tum intestinis, tum vasis, quae inter septum transversum & crura habentur, imo & aliis, quae his interjacent, omnibus obduci, ex quorum grege fit etiam uterus & vesica. Caeterum refert de eodem, quod, si quis seorsim peritoneum absque omnibus iis, quae id contingunt, inspicere possit, circulum quendam referre sit observaturus, qui in quibusdam ejus partibus laxos processus, in quibusdam foramina tantum obtineat. Neutiquam vero simplex & unicum, sed ex duobus corporibus compositum esse corpus credit, & quidem, ut alibi docet, pure nerveum.

### §. LXXXII.

(ll) Libr. de inaequali intemperie p. 83.

(mm) Libro: An sanguis natura in arteriis contineatur? cap. 4.

(nn) Libr. II. de locis affectis p. 22.

(oo) Libr. VI, cap. 4, administr, anat,



## §. LXXXII.

Tradita peritonei descriptione, ad (pp) omentum, Graecis ἐπιπλουν dictum, progreditur. Id inter reliqua animantia maximum homines obtinere, ait, quod nulli intestinorum sit connatum, nisi quod quibusdam pauculis ligamentis in dextra parte laxiori intestino, quod *colon* adpellant, connectatur. Agit dehinc de *mesenterio* ejusque arteriis & venis, porro de ventriculi & intestinorum tunicis, de jecoris differentia in homine ac caeteris animalibus, de intestinis in specie, de liene & ejus vasis, de hepate ejusque vasis & meatu fellis, deque renibus & meatibus urinariis, quam universam tractationem musculorum, qui retinendis & propellendis excrementis praesunt, descriptione obsignat.

## §. LXXXIII.

Verum de hisce omnibus & reliquorum ventrium contentis distinctius nunc agendum est. Non enim sine fontica ratione *Galenus*, a sectione abdominis, viscerumq; in eo contentorum, anatomen est exorsus; Cujus quippe instituti sui hanc reddit rationem; Ne videlicet diutius asservata computrescerent; Quae etiam ratio ejus est momenti, ut in hunc usque diem anatomicis adprobetur.

## §. LXXXIV.

Sub diaphragmate itaque situm suum habet ventriculus una cum intestinis, de quorum positione, structura & officio sic sentit *Galenus*: Fundum ventriculi ad dextram se extendere, eumque recipiendorum ac digerendorum alimentorum gratia factum esse, medium inter hepar ac splenem occupare locum, ut ab hisce visceribus tanquam fomitibus caloris blande



blande adficiatur, sicque ciborum concoctio melius promoveatur. Figuram oblongo-rotundam ideo ipsi adscribit, quod ea omnium minimum laesioni obnoxia ac insuper capacissima sit. Ex duabus tunicis, interiore membranosa, quae villos rectos superne deorsum tendentes, externa vero carnosiore, quae transversos habeat villos, contextum esse ventriculum idque merito ita factum, siquidem ventriculus ad seipsum per stomachum esculenta admittat & quasi alliciat, & quidem rectis istis villis, propellat vero transversis. Externam membranam, qua musculosa exterius tegitur, a peritoneo oriri, & cum aliis visceribus infimi ventris communem habere. Paucas ad ventriculi fundum, paucas ad ejus oris partes & omnino obscuras quasdam ad oesophagum ferri venas; Siquidem hic via solum ciborum erat, ventriculus vero coctionis officina, sicuti intestina distributionis instrumentum sunt. Cumque nulla animalis particula ex se ipsa sensum habeat innatum, sed ex nervis illum mutuetur: Hinc ejus rei gratia par nervorum haud mediocre deferri ac disseminari contendit, maxime vero os ejus superius & partes ipsi continuas nervis contextas esse; Unde exquisitus ejus sensus dependeat. Denique duplex os sive orificium, alterum supernum, alterum infernum eidem adscribit, per quorum illud cibi ingrediantur, per hoc vero quomodocunque praeparati denuo egrediantur, cui insuper peculiare *pylori* nomen tribuit.

### §. LXXXV.

Pylozo continua sunt intestina, quae in *tenuia* & *crassa* distinguuntur; Ad priora pertinent *duodenum*, ab *Herophilo* sic dictum, quod *Galenus* ἐκφύσιον i. e. adpendicem vocat. Alterum *jejunum* ac tertium *ileon* dicitur. Eorundem (qq) substantia

L

non



non est a ventriculo diversa, nisi quod hic concoctionis, illa vero distributionis chyli sint instrumenta; Quam etiam ob causam canalis intestinorum non extenditur simplex usque ad anum, sed quam plurimis circumvolutionibus & spiris orbiculatis in medio intercipitur, idque ideo, ne alimentum ex animali citius elabatur, factum esse contendit. Duas illi tunicas seu membranas vindicat, interiorem & exteriorem quarum quidem fibrae transversae sint, ita tamen, ut in nonnullis intestinorum villi quoque recti secundum longitudinem protendantur, ad transversorum tutelam. Extimae tunicae superinducta est alia tenuissima, quae peritoneo suos debet natales, sicuti easdem quoque origines tunica ventriculi extima agnoscit. Crassorum intestinorum principium est *coecum*, deinde *colon* tandemque *rectum*, quod in anum definit, & musculo quodam sphinctere munitum est, quo minus invitis elabantur excrementa. Et ne sine praesidio vasa sanguinea incederent, (rr) meseraeo intestina esse alligata, similiterque per illud corpora carniformia, quae glandulae vocantur, dispersa, *Galenus* author est.

#### §. LXXXVI.

Veniamus nunc ad duo viscera hypochondriaca, hepar nempe & lienem, quorum illud in dextro, hoc vero in sinistro hypochondrio situm suum naturalem habet. Substantiam hepatis *Galenus* pro peculiari carne habet, quam *Erasistratus* ejusque sectatores uno *parenchymatis* nomine enunciarunt. Credit praeterea, hepar esse primum (ss) sanguificationis organon & venarum omnium principium. Superficiem ejus distingvit in *concavam* & *convexam*; Illa excipit  
venas

---

(rr) *ibid.* cap. 20. p. 282.

(ss) *Libr.* IV. cap. 12. p. 276. de usu partium.



venas, ex mesenterio ad eam pertinentes, quem locum ubi omnes colliguntur, *portas hepatis* vocant. Circumdatum est hepar tenui membrana, quae more reliquorum abdominis viscerum a peritoneo suam derivat originem. (tt) Minimum nervum ipsi dedisse naturam, ideoque neque ad motum aliquem, neque ad sensum hoc viscus animali concessum, opinatur *noster*. Quem enim motum habet, ex vicinia phrenis nanciscitur. Partes, in quas diffinditur hepar, lobos vocat. Concavae parti cystidem felleam esse implantatam eamque bilem in hepate separatam excipere, simplicem sensum fallere non poterat.

## §. LXXXVII.

In sinistro hypochondrio situm est splen, quod habet pro (uu) instrumento, quo limosi, crassi & melancholici humores in hepate geniti purgentur, quosq; per vas venosum tanquam per stomachum attrahat. Vehementer proinde indignatur *Erasistrato*, quem quippe adserere non puduit, viscus hoc a natura, nihil licet temere, nihil frustra agente, conditum totumq; inutile esse. Substantiam ejus parenchymaticam esse credit, raram nempe ac laxam, instar spongiae cujusdam, ut succos crassos facile attrahat & excipiat. Quanquam autem lienis caro laxa sit atque fungosa, magno tamen intervallo a pulmonis carne, judice *Galeno*, relinquitur, utpote quae laxissima sit & levissima & paulo minus alba, ex spuma quippe quadam veluti coagulata. Multas visceri huic tribuit arterias, & tres potissimum rationes allegavit, cur leve, rarum & arteriosum factum sit lienis corpus, quod insuper membrana tenui, ex peritoneo ortum suum trahente, rectum est.

L 2

§. LXXXVIII.

(tt) Libr. IV. cap. 13. p. 277. de usu partium C. H.

(uu) Eodem libro cap. 15. &amp; 16. p. 279. &amp; 280.



## §. LXXXVIII.

Lumborum regionem occupant renes, de quibus ita sentit *Galenus*: (ww) Esse nempe instrumenta concava, stomachis instructa, aliis quidem attrahentibus, aliis vero tenue hoc & aquosum excrementum emittentibus. Adjacere illos utrinque venae cavae paululum sub hepate, ideo factum esse putat, ut, quicquid in sanguinem assumatur, confestim purgetur, solusque postea is purus per totum corpus eat, paucō omnino ipsi admisto aquoso humore. Idem porro observat, (xx) renem dextrum in omnibus animantibus eminere elatiorem & a spinæ vasis haud exiguae magnitudinis vasa, arteriam nempe atque venam in eos inferi. De pelvi renali & ureteribus, urinam ad vesicam deportantibus, obscure quidem loquitur, rem ipsam tamen agnovisse videtur; Quia (yy) *sinus* corpore quodam membranaceo circumdati, & vasis *concavi* & *oblongi*, illi continui mentionem facit; Quod an meatus, an arteria, an vena adpellari mereatur, ipse ambigit; Alibi tamen distinctius hisce de partibus loquitur, & (zz) *ureteris* commemorat. Urethrae vero disertis verbis mentionem injicit, quam unica tunica, peritoneo tamen tecta & vesicae substantiae haud absimili constare existimat. Ejusdem vesicae musculus, quem *σφικτήρ* dicunt, ideo adpositum esse putat, ut eam constringat sicque impediatur, ne invito urina excernatur. (aaa) Figuram renibus simam, qua parte vena & arteria inferuntur, adscribit,

---

(ww) Libr. eodem cap. 8. p. 271.

(xx) Libro VI. cap. 13. p. 185. administr. anat.

(yy) Eodem libro cap. 13. & 14.

(zz) Libro V. de usu partium C. H. cap. 5. p. 287.

(aaa) ibidem.



bit, illi vero oppositam rotundam adpellat. Nervus reni insertus, judicio *Galen*i, est usque adeo exilis, ut sensum fallat: Arteriae vero ac venae eo ampliores concessae illis sunt; Cujus rei rationem reddit eoque ipso *Erasistratum* redarguit, qui quippe, cum solum spiritum in arteriis contineri crediderit, rationem dare non potuerit, cur tantae magnitudinis arteriae renibus sint insertae.

### §. LXXXIX.

Exposita renum structura & officio, ad vesicam, quae est urinae receptaculum, veniendum est; Huic *Galenus* (bbb) simplicem tantum tunicam adserit; Nam secunda, quam nonnulli eidem vindicant, peritoneo exterius eidem obtenso ortum suum debet. Distingvit eam, more recentiorum anatomicorum, in *cervicem* & *fundum*, quarum partium illa musculo sphinctere est munita, ne invitis urina egrediatur, sed tamdiu retineatur, donec eam excernendi necessitas incumbat animali. Vesicam (ccc) foeminarum brevior, sed latior virili cervicem obtinere, recte notavit.

### §. XC.

Restant partes genitales utriusque sexus; Cum que uterus foeminarum praecipuum sit organon, in quo foetus gestatur atque enutritur: Peculiarem tractatum de ejusdem dissectione reliquit *Galenus*. Sita est matrix inter vesicam urinariam & intestinum rectum. Magnitudo in omnibus non est eadem; In iis enim, quae nondum conceperunt, multo est minor, quam in iis, quae aliquoties peperere. Figuram

---

L 3

habet

(bbb) Libro VI. administ. anat. cap. 7. p. 183.

(ccc) Libro de dissectione matricis cap. I. p. 215.



habet vesicae similem. Tenuibus quibusdam fibris intestino recto & vesicae, sed huic tamen pluribus adnectitur. Alligatur tamen etiam ossi sacro. Corpus ejus duabus constat tunicis opposito modo inter se adplicatis, quarum exterior nervosa, ea tamen natura utraeque, ut distendi & contrahi possint. Haec, nempe venosa, ab interiori parte satis aspera est, praecipue ad fundum; Altera vero, quae huic adjacet, nervosa vesicae tunica longe crassior, multisque venis & arteriis intercepta est. Arterias nanciscitur ab arteria magna, venas vero a vena cava. Praeterea distingvit eam in *cervicem* & *fundum*; Illi adscribit substantiam musculosam, carne dura & *cartilaginea* constantem, eique foramen inesse credidit, per quod foemina & menstrua sua expurget & maris genituram excipiat. Testes mulierum a lateribus matricis siti sunt, utrinque alter juxta cornua, magnitudine tamen virilibus longe minores, forma itidem & habitu multum diversi. Verum haec omnia ad eam *ἀνρίβειαν*, quam in anatome partium genitalium muliebrium conspiciendam praebuere recentiores, non accedunt.

### §. XCI.

Idem plane judicium de partium genitalium virilium anatome ferendum est. Quae exterius in conspectum prodeunt, sunt membrum virile & scrotum una cum testiculis vasisque intus conclusis. (ddd) Testiculi virorum propria membrana sunt circumdati, quam *darton* appellat, deinde etiam *elytbroides*, i. e. vaginali ac denique scroto, quibus omnibus testes foeminarum destituuntur. (eee) Paucissimi nervi, secundum *Galen*i placitum, per testiculos aequae ac scrotum

---

(ddd) Ibidem cap. 9. p. 217.

(eee) Libro XLV. cap. 13. p. 418. de usu partium C.H.



scrotum distribuuntur; Quia neque ad sensum exactiorem neque ad motum voluntarium exercendum pluribus opus fuit; Cum contra virga maris atque aliae ad pudendum virile pertinentes partes, sensum quendam exactiorem, ob coitum venereum, plures nervos fuerint adeptae. (fff) Virgam, dicit, oriri ex superioribus ossium pubis partibus (ggg) Corpus membri virilis constructum est ex partibus nervosis atque cavernosis, ut spiritu repleri sicque tendi ac rigidum evadere possit; Proinde aliam sui structuram neque potuit neque debuit obtinere, quam praedictam & quidem non solius coitus causa, sed quo, meatu diducto ac directo, semen quam longissime ejacularetur masculus, cum foemella coitum exercens. Vasa testiculorum sunt una arteria & una vena, quorum *illa* ex trunco arteriae magnae descendente oritur, *haec* vero in venam emulgentem sinistram inferitur.

### §. XCII.

Relicto *abdomine* ad *thoracem* progredimur, quam utramque cavitatem *diaphragma* distingvere, rectius *Hippocrate* agnovit *Galenus*. Nec (hhh) structura ejus incognita ipsi fuit; Differre enim ab omnibus aliis musculis non modo figura, verum etiam situ & actione; Rotundam esse ipsius figuram, situm vero obliquum partibusque anterioribus ac superioribus ad pectorale os pertingere, inde autem retro semper ac deorsum ferri, donec spinam contingat, cui etiam ad lumbum coalescit, satis perspexit. Praeterea mediam ejus partem (iii) nervosam esse & nervos suos a spinali medulla colli

---

(fff) Libr. XV. cap. 2. p. 421. de usu partium C. H.

(ggg) Ibid. cap. 2. & 3. p. 421.

(hhh) Ibid. libr. XIV. cap. 5. p. 401.

(iii) Libr. VIII. administ. anat.



colli recipere, peripheriam vero carnosam seu musculosam esse, recte observat.

### §. XCIII.

Aperto thorace utrumque latus sive costae interius membrana sat valida, quam *Galenus* simpliciter *membranam* succingentem adpellat, tanquam amiculo tectae conspiciuntur. Et quamvis pleuritidis multis locis mentionem fecerit, pleurae tamen nomen ipsum adhibuisse, non legitur. Eodem modo, sicuti membranas in duas cavitates thoracem distingventes *διαφραγττοντες* h. e. separantes vocat, quibus hodie mediastini nomen ab anatomicis impositum est. Pleurae soboles est, suaque duplicatura cavitatem thoracis dextram a sinistra distingvit.

### §. XCIV.

Duo intra sese continet viscera, nobilissimis functionibus dicata, cor nempe una cum pulmonibus. Cordi, quo nomine veteres etiam os ventriculi superius indigitarunt, carneam ac duram adscripsit substantiam, ex multiplicibus quidem fibris conflatam, ut musculis persimilis videri possit, quae tamen ab ipsis discrepet perspicue. Ordinem ac seriem fibrarum, prout *Loverus* eas delineavit, adcurate evolvisse non videtur. Cor praeterea originem arteriarum praebere & compositi motus, quem pulsum vocamus, auctorem esse, itidem adseruit. Et, ne sensu omni destitueretur, quamvis exquisitum ei non competere, omnes nôrint, suos quoque (kkk) nervos accepit, licet exiguos, qui tamen non in cor ipsum, sed in pericardium inferantur, majoribus tamen animalibus exceptis. Quo vero in ipsum dividantur modo, id sensu perspicue dignosci non posse, ultro fatetur.

### §. XCV.

---

(kkk) Libro VI. cap. 18. p. 310. de usu partium C. H.



## §. XCV.

Agnovit insuper duos cordis sinus seu ventriculos. Figuram ei coniformem vindicat. (III) Valvulas quoque cordis, quas membranas adpellitat, & quarum aliae intro progrediantur, aliae vero foras vergant, conspexit. Et in *vena* quidem *arteriosa* membranas tres intus foras spectantes consideravit, quas, qui anatomicas accuratius pertractaverint, a figura litterae *sigma* vocant *σιγμοειδείς*. Aliud vero *arteriae venosae*, quam in pulmonem distribui credit, orificium, duarum membranarum foris-intro spectantium habet epiphy-  
sin, quarum figuram nemo anatomicorum virorum cuiquam rei cognitae adsimilare est adgressus. Neque enim, qui *τριγλοχινας* denominaverunt, a figura cujusque, sed a mutua inter sese ipsarum compositione nomen imposuerunt. Etenim ipsarum inter se compositio cuspidum telorum eminentiis atq; angulis, quos *γλωχίνας* Graeci adpellant, penitus est similis.

## §. XCVI.

De (mmm) auriculis cordis, quas epiphyfes nervosas & cavas, ante orificia constitutas dixit, id praedicavit, quod non modo peculiarem naturae substantiam fuerint fortitae, quae in nulla alia habeatur particula, verum quod etiam laxae reliquo tempore sint & idcirco concavae; Cum vero cor dilatatur, quo modo membranae tendantur ac contrahantur, ob idq; ipsum materias ex seipsis expressas cordi praemittant. (nnn) Situm cordis, si thoracem spectemus, supra septum in media fere parte collocavit *Galenus*; Basis enim ejus medio prorsus totius thoracis sita est loco, mucro vero inferiorq;

M

pars

---

(III) ibid. cap. 14. p. 306.

(mmm) ibidem cap. 15. p. 307.

(nnn) Libr. II. de Hippoc. & Platon, decretis cap. 4. p. 472.



pars tantum protenditur, quantum cordis magnitudo occupat spatii. (ooo) Pulmones eidem quidem undique circumfundi, suis lobis ceu digitis quibusdam in orbem ipsum complectentes, utrisque vero circumdatum esse thoracem.

## XCVII.

Transitum nunc facimus ad alterum thoracis viscus, nempe pulmonem, de quo *Galenus* ita docuit: Eum extrinsecus membrana quadam vestiri, quae in peripnevmonia haud raro adficiatur. (ppp) Substantiam ejus raram, laxam & mollem esse, ac, more hepatis, vasis quam plurimis quasi contextam, quorum intervalla carne molli instar stoebes cujusdam oppleantur. Nullum per proprium pulmonis corpus dispersum esse (qqq) nervum, idque pulmoni admodum conducere, procul dubio, ut sensus minus exquisiti capax esset; Duos tamen perquam tenues nervos a sexta cerebri conjugatione ortos, recipere extrinsecus, per membranam ipsum ambientem quasi disseminatos, idem *Galenus* auctor est; Pulmonem tribus constare (rrr) vasis, corpus ejus contextentibus, una vena, duabus arteriis, & ad tracheas totum attrahi spiritum. Et arterias quidem pulmonum (sss) raras esse factas, venas vero densas. Loquitur etiam de (ttt) lobis pulmonum, & eorundem quinque numero

---

(ooo) Libr. VI. cap. 7. p. 298. de usu partium C. H.

(ppp) ibid. Libr. VII. cap. 2. p. 313.

(qqq) Libr. II. de loc. affectis p. 17. & L. IV. p. 52.

(rrr) Libr. VII. cap. 9. p. 313. de usu partium C. H.

(sss) Loco proxime allegato lib. VI. p. 305.

(ttt) *Dum thorax dilatatur, inquit, aliam quidem ejus capacitatem superior complet lobus; Quam vero illius partem obliquam & angustam costae spuriae inferne circumscribunt ac terminant, eam alius*



mero esse statuit; Magnam tamen eorum diversitatem in animalibus obtinere, sponte agnoscit. Quinto illorum hunc specialem vindicat usum, quod venae cavae stabiliendae gratia factus sit.

### §. XCVIII.

De (uuu) trachea seu aspera arteria, cujus summas partes *λαρυγγα* vocant, ita docet; Eam ex substantia cartilaginea esse constructam, quae tota in exactam circuli circumferentiam sit contorta, ut ejus pars convexa extra promineat, intus vero sit concava; Circulos hos ligamentis membranosis fortibus connexos esse; Partem tracheae, subjectum oesophagum contacturam, non amplius cartilagineam, ac proinde imperfectum quadantenus esse circulum figuramque litterae) unamquamque referre cartilaginem; Unde *συμμοειδεις* adpellatas esse conjicit: Exterius tectam esse membrana quadam, quae veluti indumentum quoddam atque amiculum totius arteriae sit considerandum. Hanc ipsam arteriam asperam, ubi claves praetergressa in thoracis cavitatem pervenerit, dividi & in omnem pulmonis partem ferri, inque omnes ejus lobos distribui; Non tamen discedere a natura, quam superna parte obtinet, neque ulla in re dissidere, aut variare soboles ejus omnes, sed similiter omnes cartilagines *συμμοειδεις*, membranosis ligamentis contentas usque ad extremos visceris lobos conservari; Idque solum in pulmone

M 2

vas

---

*praelongus occupat. Atque hac quidem ratione duo utraque parte magni existunt lobi, quintus vero ille parvus in dextris venae cavae gratia a transverso septo usque ad cordis aurem pertingit.*

(uuu) Totam hanc asperae arteriae una cum omnibus ac singulis ejus partibus descriptionem ex Libr. VII. de usu partium C. H. mutuo accepimus & ipsissimis *Galen*i verbis, quantum res ipsa tulit, expressimus.



vas sanguine omnino vacuum esse. Posthaec singularis huius constructionis rationes redduntur. Laryngem seu bronchi caput ex tribus magnis cartilaginibus, nihil neque figura neque magnitudine iis, quae asperae insunt, similibus constare. Anteriorem esse maximam, extrinsecus convexam, intus vero concavam, scuto maxime similem, a cuius similitudine *Θυρεοειδης*, i. e. scutiformis nomen sit impositum. In cartilagine, cricoide dicta, demonstravit capitula, sicuti in arytenoide sinus ostendit, & per haec utramque cartilaginem articulatione admodum mobili invicem committi animadvertit, idque forte primus, cum nec ab antiquis, qui quippe aetatem non tulerunt, nec recentioribus articulatio ista adcurate descripta legatur. Tertiam cartilaginem in angustum valde desinere, cuius oram superiorem arytenoiden anatomici vocant.

### §. XCLX

His ita praemissis agit de musculis eorundemque numero & origine, & quo imprimis modo aperiant claudantque larynga; Haec vero omnia, quae ad laryngis constructionem pertinent, ignorata esse a viris anatomicis, quae ipsum aetate praecesserunt, audacter scribit. Dictis musculis nervi, quos *recurrentes* dicunt, pro motu eorum praestando, inferuntur; Quos, an *Ruffus Ephesus*, uti nonnulli existimant, jam viderit, alibi discussimus. Id vero dubio omni carere videtur, quod *glottidem* ejusque ligamenta, praecipuum vocis organon, primus detexerit *Galenus*. Ut enim vocem edat animal, indigere, vult ille, transitu spiritus (aëris) angustiore, sed qui paullatim ex amplo ad strictius tendat, paulatimque rursus ex strictiore amplificetur; Id quod, secundum *Galen*i sententiam, penitus efficit corpus id, quod

γλωττιδα



γλωττιδα, i. e. lingulam, & γλωτταν, i. e. lingvam laryngis ipse nominat. Denique nec glandulas laryngi adjacentes describere neglexit, quas, ut ipse loqui amat, laxiores semper & fungosiores reperiatis, eum in usum a natura factas, ut partes omnes, quae tum ad laryngem, tum ad fauces attinent, humore perfunderentur.

## §. C.

Thoraci exterius incumbunt mammae, quem situm in foemina omnium aptissimum esse *Galenus* iudicat; Neque enim de positione uberum in brutis sollicitus est, cum solius hominis mammas exponere ipsi sit propositum. Unde incidenter liquet, quanta injuria eundem adficient, qui solas bestias ipsum secuisse comminiscuntur, quos *Douglaffius* refutavit. Substantiam earundem credit esse (www) glandulosam, quae etiam secretioni lactis apprime convenit. Mamas praeterea suas habere arterias & venas, hasque cum (xxx) utero, imo & cum testiculis tacitam fovere communionem, ipse quoque *Galenus* auctor est.

## §. CI.

Ad supremum ventrem, nempe caput, in anatomes *Galenicae* brevi delineatione devoluti, praecipua tantum momenta recenserebimus; Unde tamen sufficienter patebit, haud perfunctorie in illius anatome nostrum esse versatum. Observat itaque, ossibus calvariae remotis, in conspectum prodire (yyy) membranam, quae cerebrum

M 3

in

---

(www) Libro VII. cap. 22. p. 328. de usu partium C. H.

(xxx) de venarum arteriarumque dissectione p. 115.

(yyy) Petita haec sunt ex fragmento Libri IX. de *anatomicis administrationibus*, quo cerebri dissectionem, admodum tamen imperfectam complexus est *Galenus*, cum reliquum *noni* una



in orbem contegit, duram sive cuticularem, & alteram sub ea, tenuem mollemque. Meningum vocabulo, quò anatomici hodie utuntur, ideo abstinet, quod veteres non hasce solum membranas, sed & omnes reliquas vocitarent meninges; Id quod ex *Hippocratis* & *Dioclis* monumentis constaret, quorum & *Marinus* in opere anatomico fecerit mentionem. Memorat praeterea varias cerebri partes, corpus callosum, plexum choroiden, conarion, corpus psallioides, ob fornicis similitudinem ita adpellatum, nates cerebri & corpus vermiforme. Cerebri ventriculos quatuor agnovit, duos nempe anticos & duos posticos. Descriptio substantiae cerebri, dum mollem & humiditatis ratione adipi proximam dixit eandem, magna imperfectione laborat. In vertice cerebri duas invicem congregi venas existimavit; Quam regionem *Herophilus* a torcularis similitudine (zzz) *lenon* vocavit. Idem quoque constituit principium & originem (1) nervorum, illorum nempe instrumentorum, quae sensum motumque voluntarium per omnia animalis membra diducunt; Ac proinde vehementer redarguit *Pelopem*, eumque incredibilis absurditatis reum agit, qui non tam nervorum, quam (2) venarum potius & arteriarum principium illud constituit. Molem cerebri humani maximam esse, quomodo intelligendum sit, contra *Lycum* disputat.

## §. CII.

Observat praeterea *Galenus*, (3) corpus cerebri per omnia

---

cum decimo, undecimo, duodecimo, decimo tertio, quarto & quinto ipsis in exemplaribus graecis desiderentur.

(zzz) Libr. IX. administr. anat. p. 207.

(1) Libr. III. de Hipp. & Plat. decretis p. 491.

(2) Libr. VI. de Hipp. & Plat. decretis p. 528.

(3) Libr. IX. de usu partium C.H. p. 348.



omnia sibi simile non esse, sed partibus anterioribus, ubi incipit, molle, inde vero semper magis ac magis seipso durum effici. Qua porro parte spinali medullae conjungitur, ibi reliquis sui partibus esse durius; Quo loco & spinalis medulla, quam aliis sui partibus sit mollior; Paullatim autem hanc quoque, quo magis deorsum progreditur, eo effici durior.

## §. CIII.

In postica capitis parte situm est *cerebellum*, ἐνυπαρίον dictum, quod mediante (4) meninge dura ibi duplicata a cerebro ipso sejungitur. Substantia ejus cerebro longe durior est, ea potissimum parte, qua spinali medullae continuatur.

## §. CIV.

Cumque *cerebelli* hujus quaedam continuatio sit *spinalis* medulla, de (5) ea disquirat primum *Galenus*, cur crassitiem ejus inaequalem? Et cur tenuem magis ac magis atque angustam partibus inferioribus natura fecerit? Cujus conformationis rationem haud improbabilem is allegavit. Exstitit vero imo existere debuit, ut nervi, omnes partes, quae sunt sub capite, moturi, distribuerentur. Adferit porro; (6) Spinalen

(4) Libro IX. cap. 5. p. 345. ubi sic loquitur *Galenus*: *Cam ibi crassa meninx esset, etiam tunicam non putavit esse comparandam (natura) cum posset haec certe duplicari atque in seipsam mediam venas recipere.* Num igitur id solum factum ab ipsa est ingeniose? An hoc etiam adhuc artificiosius? Quod duplicationem istam non ad hanc unam rem fecit utilem: Sed cum a cerebello cerebrum sejungi oporteret, in eo potissimum loco constituit, ubi simul quidem via vasculi futura, simul autem utraque sui parte, altera quidem cerebrum, altera vero cerebellum esset complexura.

(5) Libro XII. cap. 15. p. 394. de usu partium C. H.

(6) Loco proxime citato.



nalem medullam cerni totam in nervorum propagines, quarum octo & quinquaginta numerat, consumi, non aliter, quam arboris truncus in ramos quam plurimos. (7) Loca, unde nervi emergunt, undique tuta esse profitetur, ad securitatem comparata, quia spondylis spinæ sint circumdati, ut nervi non premantur, neque contundantur, neque rum-pantur. Addit denique, spinalis medullæ (8) tuniculas duas membranam exterius ambire.

### §. CV.

Nervos quod attinet, (9) septem conjugationes seu paria recenset, quæ ex cerebro & cerebello suam derivant originem, quorumque distributiones per partes & organa, ad quæ tendunt, describuntur. Primum par ei *opticum* audit seu *visorium*, circa magnas eminentias, quæ anteriorum cerebri ventriculorum latera claudunt & *thalami nervorum opticorum* vocantur, exortum. *Alteram conjugationem* musculis oculos moventibus inferi & per illos distribui, ait, unde *oculorum motorii* vocantur hi nervi. *Tertiam conjugationem* per linguam disseminari, ceu organon gustus: Unde *gustatorii* adpellantur. *Quartam conjugationem* ex eodem cum tertia foramine prodire credit, præcedenti duriores ac minores esse & per palatum distribui sicque partem organi gustus constituere. *Quintam conjugationem* a Marino sic dictam ita describit Galenus: Eam quidem ex una exquisite radice non exurgere, sed manifeste duplicem esse, & ad aurem tendere auditumque excitare; Unde etiam par *nervorum auditoriorum* dicitur. *Sextum*  
par

---

(7) Ibidem.

(8) Libro de ossibus ad tyrones cap. 8. p. 82.

(9) Universam hanc descriptionem nervorum ex capite prodeuntium ex Galeni libro de *nervorum dissectione ad tyrones* a primo capite ad octavum usque mutuati sumus.



*par* secundum *Galenicam* recensitionem in plurimos dividitur ramos, qui deinde per ventriculum, intestina & mesenterium, renes aliaque viscera disseminantur. Postremum & *septimum par* cum potiores suos ramos linguae communicet, ad varios motus producendos, non injuria *linguae motorium* vocatur.

### §. CVI.

Recensitis nervis ex cerebro prodeuntibus, progredimur ad recensitionem *Galenicam* nervorum (10) ex spinali medulla ortum suum derivantium; Qua in serie occurrunt primum conjugationes, quae ex vertebriis colli, deinde quae ex vertebriis thoracis, ac tandem, quae ex lumborum, ossis sacri & coccygis vertebriis exurgunt, & per omnes corporis partes, quae sunt sub capite, distribuuntur, ad sensum & motum illis communicandum.

### §. CVII.

Restat, ut ad organa sensuum externorum, oculos, aures, nasum, linguam ipsumque tactus instrumentum pedem promoveamus, visuri adhuc, quam de eorundem fabrica atque structura, quatenus anatomen spectat, descriptionem, *Galenus* nobis reliquerit? Quatenus, inquam, anatomen spectat; Nam de singulorum horum organorum usu & actione hic agere velle, extra sphaeram nostram foret; Cum ad oeconomiae animalis explicationem rectius pertineant.

### §. CVIII.

Dicendi igitur initium subministrat nobis (11) oculus, cu-

---

(10) Petita haec sunt ex libro paullo ante allegato & quidem a cap. II. ad 17. usque.

(11) Fabricam oculi prolixè descriptam sistit *Galenus* integro Libro X. de usu partium C. H. p. 354. 355. & sequent.



lus, cujus fabricam partesque tam interiores quam exteriores sic satis adcurate describit, nec obliviscitur modi, quo visionis actum administrari contendit, adjecta etiam figura, ut distinctius & facilius comprehenderetur. Humores oculorum tres agnoscit, *vitreum*, *crystallinum* & *aqueum*, cui etiam substantiam spirituosam jungit. Tunicas vero seu membranas ad septenarium reducit numerum, quarum primam *ἀμφιβληστροειδην* seu *retiformem* vocat, ideo quod retis similitudinem habere ipsi videtur. Altera est *arachnoides*, ob subtilitatem ac tenuitatem, aranearum telae haud ab similem *Galeno* ita adpellata. Succedit *tertia*, quam *choroidem* vocat, quamque pro sobole tenuis meningis agnoscit, quae, licet reliquis fortior sit, vix tamen satis virium obtinere existimat ad seipsam tuendam, cum nec circumjacentium ossium duritiem citra noxam ferre potuerit; Unde infert, necesse fuisse, ut a crassae meningis tunica investiretur, quae proinde ordine *quarta* est. *Quinta*, secundum *Galeni* mentem, subjectis omnibus commoditatem praestat haud spernendam, tum ne a circumjacentibus ossibus adficiantur, tum etiam, ne in vehementissimis motibus aliquo tempore a sese abrum pantur. *Sextam* in duram tunicam vult esse insertam, in qua sint musculorum, oculos moventium aponevroses. *Septimam* praeter has omnes, omnino aliam esse contendit, periostei scil. insertionem, quae simul quidem totum oculum cum ossibus colligaret, simul autem & moventes ipsum musculos operiret. Et hanc membranam, addit ulterius, usque adeo conspicuam esse, ut etiam ante anatonem sese sistat, albam, cujusmodi nempe cernatur, desinentem vero in circulo, ubi & omnes aliae subjectae sint, & ubi album nigro jungatur. Quem locum rerum periti *iridem*, alii vero *coronam* adpellitent.



## §. CIX.

De palpebra inferiore sermonem instituens, in genere confitetur, se musculum majoris oculorum canthi, ab aliis animadversum, nunquam vidisse. Imo de existentia ejus dubitasse *Galenum*, inde colligi licet, quod in αἰγιλαπῶν curatione chirurgica non modo abscindatur plerumque, verum etiam totus locus sic aduratur, ut non nunquam squamae a subjectis ossibus abscedant, cum interea palpebra ad motum suum expediendum, nihil prorsus impediatur. Cumque motum habeant oculi voluntarium, eumque a musculis mutuuntur: Hinc (12) quatuor distinctos adscripsit illis motus, unum, quo intro versus nares adducantur, alium, quo extra versus parvum angulum abducantur, tertium, quo sursum versus supercilia attollantur, & quartum, quo deorsum versus malas trahantur: Inde vero infert, consentaneum fuisse, ut musculi, motuum illorum duces, totidem quoque numero fuerint, & duo quidem a lateribus, alter scil. in altero angulo, alique duo, quorum unus infernus, alter supernus. Cum vero etiam oculum circumagi, esset melius, naturam, existimat, duos alios positione obliquos effecisse musculos, singulos in singulis palpebris versus minorem angulum supra & infra extensos; Atque horum musculorum beneficio, oculum maxime quaquaversum prompte circumagi ac circumverti, haud abs ratione sibi persuadet.

## §. CX.

Organon auditus, nimirum aurem ejusque fabricam superficialiter admodum & imperfecte descriptum reliquit. Substantiam illi tribuit cartilaginosa; Quam etiam ob

N<sub>2</sub>

causam

---

(12) Libro mox citato cap. 9.



causam nihil omnino in hominibus moveantur, aut exiguum quendam & valde obscurum habeant motum; Cum contra in quibusdam animalibus, equis v. g. asinis &c. aures sint mobiles atque versatiles, easque semper circumagere ac vertere ad sonos & voces soleant, cum usum harum partium ita a natura haec animalia sint edocta. Figuram extrinsecus convexam, intrinsecus vero concavam habere aures, ideo factum esse putat, ne quid in meatum incideret, neve ipsae facile adficerentur. (13) Os petrosum flexibus obliquis instar labyrinthi propterea esse pertusum, quod frigidi aëris vires integras flexuum varietate sensim exolveret, aliorum vero corporum exiguum impetum longe ante propulsaret. Quid de nervorum auditoriorum distributione senserit *Galenus*, superius jam dictum est.

### §. CXI.

De odoratus instrumento peculiari libello egit *noster*. Interea operose probare contendit, odoratus organon nec nasum, nec interiorem ejus tunicam, nec aliam quamvis narium partem esse, sed in anterioribus cerebri ventriculis sensum odoratus fieri ac perpetrari. Notat insuper, inter odoratum & gustum quendam esse consensum; Qui vel inde patere potest, quod adfecto uno plerumque alter simul adficiatur.

### §. CXII.

Ad linguam, ceu gustus instrumentum, duplicis generis nervos, alios *duros* & alios *molles*, vult derivari; Illos motui linguae inservire, hos vero tunicae seu membranae nervosae linguae inferi, cujus ope animal sapores percipiat & distingvat. Et cum sine humido linguae sufficienti sapores fieri ne-

---

(13) Libro VIII. cap. 6. p. 334. de usu partium C. H.



ri nequeant, duas radici linguae glandulas, salivam in os derivantes, adpositas esse existimat.

### §. CXIII.

In instrumento tactus definiendo admodum inconstanter se gerit; Modo enim membranis, modo nervis per partes distributis sensum tactus vindicat; Quam opinandi inconstantiam suo loco relinquimus.

### §. CXIV

Reliquit denique *Galenus* fragmentum quoddam de *vocalium instrumentorum dissectione*, in quo causam, materiam, locum & modum vocis determinavit. Vocem & sermonem ceu res inter se mutuo distinctas merito considerat, quia alia sunt organa formandae voci, alia loquelaе inservientia. Instrumentum vocis esse laryngem, operose demonstrat. Postquam enim prolixè exposuit, ex pluribus simul & sibi mutuo adplicatis cartilaginibus laryngem efformari, mox subjicit, vocem in larynge effici & plurimum dilatari atque compri-  
mi, aperiri & claudi exacte nonnunquam supremum ejus orificium. Praeterea explicat, quod & quale (14) symptoma animalibus eveniat, fibris intercostalium musculorum sectis.

N 3

### §. CXV.

(14) Locus integer Libro VIII. cap. 3. p. 199. de anat. administrationibus ita legitur: *Incisa*, inquit *Galenus*, *linea notabili per membranam costas succingentem in quorumq; intercostali, animal semispirans protenus & semivocale redditur. Si autem in altera thoracis parte aequè secta fuerit, spiratio & vox aboletur; Quemadmodum etiam, in contractione thoracis inaniti, per sectiones aëre extrinsecus illapso, eos obturaveris, respirabit confestim animal vocemque emittet. Quod autem utrisque fibris sectis* (ita enim paulo post pergit) *in omnibus musculis intercostalibus, non vox modo, sed & efflatio intereat, id suum inventum esse profitetur; Ubi*



## §. CXV.

Scripta igitur anatomici argumenti, quae *Galenus* reliquit, sunt libri administrationum anatomicarum, quarum priores novem adhuc supersunt, posteriores vero desiderantur, quos in gratiam *Böethi*, Romanorum Consulis, qui magno anatomicae speculationis amore flagrabat, sese confecisse, ait; Deinde libri septendecim de usu partium humani corporis, quos summis, & forte praeter rationem, extulisse laudibus *Conringium*, superius memoravimus. Prostat item liber de ossibus ad tyrones, aliusq; de dissectione musculorum, & alius de dissectione nervorum nec non de dissectione venarum & arteriarum, itemque liber, in quo demonstratur, arterias naturaliter sanguinem continere, contra *Erasistratum* ejusque affectas, de anatomia matricis, de motu musculorum, de formatione foetus, de semine & nonnulli alii. Monet insuper hinc inde, sese libros concinnasse de anatome *Hippocratis* & *Erasistrati*, item alios de vivis resecandis aliosque de incidendis mortuis, uti & synopsin librorum anatomicorum *Lyci* & *Marini*, qui omnes injuria temporum periêre, & quos interea, si integros haberemus, multis supervacuis disceptationibus superfedere possemus, anatomicen *Hippocratis* ejusdemque inventa concernentibus: Multi enim tam absurdi sunt, ut, quidquid hodie novi erudito orbi medico exponatur, ex textibus *Hippocraticis*, invito licet & reclamante sensu litterali, extorquere non vereantur.

## §. CXVI.

---

haud injuria metuendum, ne, dum de propriis inventis loquitur *Galenus*, nauseam moveat *Stollio*, cui quippe hoc ideo semper taediosum est, quod propria laus fordeat: Quasi auctori cuidam id semper vitio vertendum sit, si, quod invenit, vel primus observavit, sibi etiam tribuat; Id quod, mea sententia, citra propriae laudis adfectionem fieri omnino potest, imo tota die hodieque fieri, nemo ignorat.



## §. CXVI.

Post *Galen*i tempora pauci Graecorum fuere, qui monumenta quaedam anatomica nobis reliquerunt, praeter *Soranum*, *Oribasium*, *Meletium*, *Theophilum Protospatarium* & *Anonymum* quendam Graecum, qui tamen omnes, cum *Galen*i fidem dubiam vel suspectam reddere ausi non fuerint, rem anatomicam nihil quicquam juvarunt vel promoverunt.

## §. CXVII.

*Soranus*, Ephesius, methodicae haeresi, cui addictus erat, judicio Coelii Aureliani, ultimam veluti manum admovit. Erat autem acerrimus sectator Thessali Tralliani, quales tamen Galenus acriter perstringit asinosque vocare non erubescit. Vixit sub Trajano & Adriano Imperatoribus Romanis, & primum Alexandriae, deinde vero Romae praxin medicam exercuit. Distinguendus est ab alio Sorano, pariter Ephesio, sed qui priore junior est, atque de morbis mulierum Libr. IV. scripsit: Unde illius fragmentum esse videtur liber de utero pudendoque muliebri, qui Parisiis graece impressus & cum libellis Ruffi Ephesii editus est.

## §. CXVIII.

*Aetium*, a patria *Amidenum* dictum, nonnulli *Oribasio* coevum fuisse existimant, sed *anatomica* suis in scriptis vix delibasse, uno ore fatentur omnes. Idemque de illo sentit *Freindius*, nempe *anatomen* in prolaxis ejus operibus penitus esse omissam.

## §. CXIX.

Idem de *Alexandro* ferendum est judicium, qui quippe pariter *anatomen* fere intactam reliquit, magisque in parte artis medicae therapeutica occupatus fuit.

## §. CXX.



## §. CXX.

*Paulus* vero, *Aegineta* communiter adpellatus, qui sub *Honorii*, Romanorum imperatoris, regimine floruit, paucula, *anatomien* concernentia, libris septem *de re medica* conscriptis interspersit, v. g. de liene, musculo vesicae cervicem ambiente & pauca alia.

## §. CXXI.

Speñtat huc *Aretaeus*, Cappadox, de cujus aetate nihil licet constet certi; Id tamen certum est, *anatomes* non omnino ignarum illum fuisse; Differuit enim de pulmonibus & membrana costas succingente. Renibus substantiam vindicavit glandulosam, & venae cavae extremitates capillares intra hepar venae portae osculis committi observavit.

## CXXII.

*Oribasius*, Sardus vel Sardonianus, aliis vero Pergamenus dictus, medicus graecus & Juliani apostatae, Imperatoris Romanorum archiater, quicquid de rebus anatomicis scripsit, omne ex Galeno hausit; Id quod tamen, iudice *Freindio* in *Historia medicinae*, non impedit, quo minus ejus ope multa clarius in *Galeno*, tam ad anatomiam quam ad medicinam spectantia, intelligantur. Imo & in reliquis dogmatibus medicis ita Galenum lectatus est, ut nomen *simiae Galenicæ per contemptum* inde reportaverit. Dico, *per contemptum*; Nemo enim facile gloriae sibi duxerit, alterius simia adpellari, nisi admodum absurdus fuerit adulator; Adulatore vero nullum hominum genus absurdius est & commiseratione dignius. Floruit sub Juliano, Valentiniano & Joviano, Imperatoribus Romanis circa annum Christi 330. & Juliano praecipue admodum familiaris fuit; unde & ab eodem quae-



Quaestor Constantinopolitanus constitutus est, succedentium vero Principum invidia omnibus bonis privatus & in exilium missus, tandem vero revocatus est. Scripsit librum collectaneorum artis medicae, quo totius corporis anatomie explicatur. *Freindius* tribuit (15) *Oribasio* descriptionem glandularum salivalium.

### §. CXXIII.

Graecis hisce posterioribus etiam accensetur *Meletius* medicus atque philosophus christianus. Scripsit de natura structuraque hominis opus, quod ex graeco in latinum vertit *Nicolaus Petrejus*, corcyraeus: Exemplar vero graecum in quibusdam bibliothecis Galliae adservatur. Riolanus opus illud vocat *onomasticon corporis humani*, quod in eo plurimorum nominum origines evolvantur, quae in etymologico magno graeco non reperiuntur.

### §. CXXIV.

Verum abjectius de *Meletii* opere sensisse *Riolanum*, deprehendent, qui adcuratius illud perlustrare, curae cordiq; habuerint. Praedictus *Petrejus*, qui latinitate donatum istud in publicum edidit, in epistola dedicatoria ad *Hieronymum Saulium*, Archiepiscopum Genuensem ac Bononiae legatum aliter de *Meletiano* opere sensit: *Nostrum* nempe omnes antiquorum libros (ut ipsemet testatur) sibi evolvendos proposuisse, ut, quod in eorundem voluminibus sparsim de homine comprehensum nec absolute explicatum esset, in unius operis seriem redigeret. Ab elementis scilicet mundi exorsum *Meletium*, ad corporis elementa progressum explicuisse, quo pacto hoc animal gignatur? alimentumq; sumat? Ac

O

qvot

---

(15) Plura qui legere cupit, evolvat *Oribasii* anatomiam, quae cum notis *Dundas* graece & latine in 4. 1734 prodiit.



quot vitales, naturalesque ac animales facultates, suas in ipso actiones ostendat? Tum etiam, priusquam corporis partes figillatim explicare aggrediatur, perspicue declarasse, quomodo mens per sensus agat? Quod triplex animae facultas sit? Nec non, quot virtutes, quae principales appellantur, sint, quaeve virtutis ac vitiorum genera, quae ex ipsis proveniunt, habeantur? Simulque, quo pacto gaudium, tristitia, risus, lacrymae ac somnus constituentur? Ex quibus, plus utique praestitisse *Meletium*, quam solum *onomastricon* publico exhibuisse, clare constare potest.

### §. CXXV.

Id quod ut tanto adhuc evidentius adpareat, totius operis indicem & argumentum ad ipsius *Auctoris* mentem hic exhibebimus; Praemissis enim quibusdam generalibus, disquirat ordine: Quot facultatibus homo praeditus sit? Agit deinde de partibus corporis tam similaribus quam dissimilaribus deque corporis humani divisione, speciatim vero de capite & ejus ossibus futurisque, ac qua de causa caput tali appellatione censeatur, curve rotundum, non autem in longum porrectum sit, nec non quot nominibus nuncupetur? De cerebro & oculis, & quot tunicis ac humoribus hi consistant, & cur quidam albi, nonnulli vero nigri sint? De visibili spiritu & quaenam ipsius potentia sit? De naso & olfactibus, qui ejus ministerio proveniunt, & quonam pacto olfactus constituatur, & ubi desinat? De angulis oculi magnis parvisque; De mandibula superiore & inferiore; De auribus earumque substantia, & audibili sensu; De mento & genis; De facie, & cur sic appelletur, quaeve ex ipsa significatione eliciantur? De ore, & quae interiora ejus sunt, lingua ac dentibus, & de universis, quae in ipso existunt; De voce & quonam



nam pacto gignatur? De thoracis situ, de collo & spinæ vertebra deque spina ipsa & de dorsi medulla; De costis, & quot homo præditus sit? De membrana, qua costae teguntur & de septo transverso; De pulmone & corde, & quæ utriusque actio & quonam pacto cor situm sit, quæve ejus figura; De stomacho & intestinis & quomodo appellentur & quæ eorum actio, tum quonam pacto appetitus & coctio fiant? De jecinore ejusque substantia & quæ ejus actio facultasque habeatur? De liene, & qua figura præditus sit? De ventre superiore & inferiore, de loco pubis, de osse, quod sacrum nuncupatur, de podice, de testibus & penis glande & quæ in ipsis corpora? De inguinibus; De manibus & ossibus, quæ in ipsis sunt, & nominibus eorumque actionibus; De digitis, de foeminibus & acetabulari, deque crure ac poplite. Quæ fane omnia plus arguunt, quam solum *onomasticon*.

## §. CXXVI.

*Nemesii*, qui *Gratiani* & *Theodosii* ætate vixisse dicitur, mentionem hoo loco non fecissem, nisi in *Jacobi Douglas* bibliographia anatomica legissem, *rationem circulationis sanguinis*, eidem *dudum cognitam* & *verbis satis significantibus adumbratam fuisse*. Quod adsertum uti famæ *Harvaei* multum detrahit: Ita plenius merito examen sibi expostulat; Id quod, ut hoc loco instituatur, longe alienum a scopo nostro fuerit. Scripsit librum unum *de natura hominis*.

## §. CXXVII.

*Theophilus Protospatarius*, medicus graecus huc quoque pertinet. Edidit libros V. de fabrica humani corporis graece, quos latio donavit *Junius Paulus Crassus*, *Patavinus*. In his occurrunt quaedam, quæ notitiam ejus in anatomicis mi-



nime proletariam fuisse, evincunt qualia sunt: Substantiam linguae esse musculosam; Duos palpebrarum musculos occlusioni, unum vero apertioni earum inservire; Primum nervorum par ex primis cerebri ventriculis egredi & per nares distribui.

### §. XXVIII.

Prostat etiam anonymi graeci isagoge anatomica, quam e bibliotheca regum Galliae munificentissime communicatam *Laurembergius*, medicus germanus, civitate latina donatam edidit.

### §. CXXIX.

Haec vero omnia, quae hisce graecis, quos vulgo *posteriores* vocant, in re anatomica profecta sunt, non magni admodum momenti existunt, uti ex dictis abunde constat.

### §. CXXX.

Neque vero praeclari quippiam a medicis *Arabibus*, superstiti in primis *Mahometanae* addictis, sperandum est, cujus quippe lege prohibebantur, ne corporis humani sectionem adgrederentur. Et licet quidam illorum religionem christianam profiterentur, atque adeo *anatomen* tractare, illis interdictum non esset: Nihilofecius tamen, cum ab antecessorum, nempe graecorum vestigiis vel latum ungvem recedere, religioni sibi ducerent; Hinc artis incrementa non multum promovêrunt.

### §. CXXXI.

Faciamus itaque periculum, visuri, quid unus vel alter illorum praestiterit? De *Rbasi*, Albubetri, cui ob multiplicia, quae fecit, experimenta, cognomen *experimentatoris* datum est, quique sub *Almansore*, rege *Cordubensi*, secundum *Renatum*



*natum Moreau*, juxta alios vero sub *Henrici IV.* imperio floruisse dicitur, *Jacobus Douglas* in *bibliographia anatomica* hoc sincerum perhibet testimonium: Quod *anatomen* eleganti ordine comprehenderit, & quicquid *Hippocrates* atque *Galenus* sparsim multis in voluminibus tractarunt, succincta enumeratione pro statu nempe *anatomes*, in quo tunc temporis fuit, complexus fuerit.

## §. CXXXII.

De *Constantino*, Africano, nihil in operibus ejus occurrit, quod peritiam ejus *anatomicam* comprobet, nisi quod *stomachi* descriptionem aliquo in loco operum suorum exhibuerit, & de *natura humana* brevem commentarium reliquerit.

## §. CXXXIII

At vero in *Albucasae* scriptis non modo sceleti, sed & oculi humani una cum palpebris figura reperitur; Ut taceam, illum scientiae anatomicae utilitatem aeq; ac necessitatem satis agnovisse, qua quippe ad chirurgiam fructuose exercendam carere non potuit, quaeque ad errores in praxi caute evitandos artificem quasi communiat.

## §. CXXXIV.

Similiter de *Abensina*, seu, ut vulgo, corrupte licet, vocatur, *Avicenna*, notum est, quod *anatomica* quaedam v.g. de *nervis*, de *arteriis* & *venis*, itidemque de *ossibus* ac *musculis* reliquis suis scriptis interferuerit. Quibus & illud addimus, quod viscerum, quorum morbos atque curationes tradidit, descriptionem *anatomicam* ubique praemiserit, documento plane manifesto, quod *anatomen* debito in honore ac pretio habuerit.

## §. CXXXV.

Reliqui, qui supersunt, arabes medici, de *anatome* ejusq; augmentis non admodum solliciti fuerunt; Atque adeo in-



gens seculorum intervallum intercessit, ex quo res anatomica turpissime neglecta atque hinc omni suo splendore propemodum orbata fuit. Quamvis enim medici latino-barbari, qui a seculo decimo tertio ad decimum septimum vixere, non omni penitus laude defraudandi sint: Crudiorem tamen & rudiores fuisse illorum anatomiam, peritis artis non est ignotum: Unde & illorum scriptorum jactura, quam litterati fecerunt, tantopere dolenda non est.

### §. CXXXVI.

Solus *Mundini*, (16) Bononiensis, libellus ex isto aevo superest, ex quo de reliquis ferri potest judicium: (17) Populariter enim descripsit anatomiam, prout nempe in theatris anatomicis publicis demonstratur. Vixit circa annum 1305. & scripsit anatomen omnium membrorum interiorum humani corporis, quae postea cum *adnotationibus* & figuris prodiit. Errores tamen ejusdem varios detexit *Matthaeus Curtius*, quod tamen tanto minus vitio vertendum est *Mundino*, quia (18) pri-  
mus

(16) *Douglas* in bibliogr. anat. p. 44. *Mediolanensem* ipsum vocat.

(17) Judicia auctorum de *Mundini* anatome varia sunt, quibusdam eandem laudantibus, aliis vero permulta in illa desiderantibus. *Nicolaus Massa* honorifice admodum de illo sentit, virumque in sectione celeberrimum vocat, sub quo anatome primum in Italia resurrexerit. *Conringius* introd. in art. med. cap. III. §. XXVIII. existimat: Eum *pro captu illius seculi* rem anatomicam non nisi rudi modo tradidisse; Quod suum judicium de anatomicis *Mundini* conatibus cap. IV. §. XIX. repetit additque, quod cum post natis nullo modo sint comparandi. A *Riolano* accusatur, quod methodo tantum populari anatomen suam confarcinaverit, & ex *Galeno* in usum scholarum exscripserit.

(18) Invenit hic iterum, quod carperet *Stollus*: Quod nempe §. XLIIX. historiae anatomes dixerim: *Mundinum scripsisse*



mus fuit, sub cuius conatibus res anatomica in Italia resurgere coepit, cum antea ingens & spississima barbaries universum orbem occupasset.

### §. CXXXVII.

Ad eandem hanc aetatem pertinet *Bernardus Gordonius*, sive de *Gordonio*, in cuius opere, *lilium medicinae* inscripto, varia de *anatomye oculorum*, de *auribus*, de *naribus*, de *partibus in ore*, de *partibus colli*, de *usu uvulae*, de *voce*, *oesophago*, *intestinis* & *splene* sunt intermixta.

### §. CXXXVIII.

Hujus quoque aetatis est *Guido de Caultraco*, natione *Gallus*, & *Raymundi* in monte *peffulano* discipulus, qui tamen ipse postea in eadem hac academia artem medicam atque chirurgicam cum laude & adplausu publico professus est. Cumq; optime is intelligeret, *chirurgicam* sine *anatomye* subsidio dextre exerceri non posse: Hinc in chirurgiae tractatu non modo de anatomia membrorum *communium*, *universalium* & *simplicium*

---

*anatomien* C. H. cum *figuris*. Praeterquam vero, quod verba quaedam in textu male omissa fuerint illaque hoc modo legi debuerint: *Scriptit anatomien omnium membrorum interiorum humani corporis*, quae postea cum adnotationibus & figuris prodit: Id tantum miror, cur eundem hunc errorem, si pro tali haberi mereatur, *Schultzio* non pariter exprobraverit, qui anatomicis *Aristotelis* libris *figuras pictas* fuisse adjectas, ex crebris ad τα παραδειγματα, την διαγραφήν, τα σχήματα remissionibus aestimat. Si autem *Aristotelis* aevo usitatum jam fuit, *figuris* uti: Tanto probabilius fuerit, tempore *Mundini*, longe id usitatus fuisse. Verum hac excusatione nequidem opus est, cum nullibi dictum sit, *figuras ligno vel aeri incisas* anatomiae *Mundini* additas esse. Confer, quae §. LI. not. (ww) hac de re jam monita sunt.



*simplicium*, sed & de anatomia membrorum *propriorum*, *particularium* & *compositorum* egit.

§. CXXXIX.

Nonnulli *Richardum Anglicum*, ut nempe a *Parisiensi* distingvatur, ad hanc quoque aetatem referunt, qui circa annum 1336. vixisse dicitur. Scripsit librum unum de *anatomia*.

§. CXL.

Spectat hoc *Nicolaus Nicolas*, Florentinus, qui sub *Wenceslao* & *Ruperto*, Romanorum Imperatoribus floruit. In *sermonibus medicinalibus* anatomica quaedam occurrunt, v. g. de anatomia *arteriarum* & *nervorum*, de anatomia partium capitis contentivarum, ut & de anatomia partium externarum capitis essentialium contentivarum, de anatomia epiglottidis & canna pulmonis, nec non de anatomia cordis & panniculorum ac pectoris interiorum.

§. CXLI.

Jungimus huic *Mattheum de Gradibus*, qui in *Gymnasio Ticinensi* artem medicam publice professus est. Anatomica ejus haec sunt: De anatomia oculi, auris, nasi ac dentium; Porro de anatomia pectoris & pulmonis, itidemque de anatomia felle ac splenis, intestinorum, renum ac vesicae, nec non de anatomia matricis.

§. CXLII.

*Georgius Valla*, Placentinus, ad hoc etiam seculum pertinet. Scripsit opusculum de *humani corporis partibus*.

§. CXLIII.

Seculo decimo quarto medici pariter scientiam anatomicam non admodum locupletarunt: Nam praeter *Johannem de Concorreggio*, *Alexandrum Benedictum* & *Johannem de Karthar*



*iban* non valde multi innotuere. *Johannes de Concorreggio*, Mediolanensis, artem medicam in variis Italiae Aca-  
demiis, potissimum Bononiensi ac Ticinensi docuit, in  
qua ultima etiam anno 1438. vitam cum morte commutavit.  
Edidit varios tractatus anatomiam spectantes, nempe de di-  
spositionibus capitis & partium ejus, de dispositionibus  
cordis, pectoris & partium ejus, de dispositionibus stoma-  
chi, hepatis, splenis aliorumque membrorum naturalium,  
de *dispositionibus* membrorum genitalium, testiculorum, ma-  
tricis aliorumque adnexorum.

#### §. CXLIV.

*Alexander Benedictus*, Veronensis Italus, suo quoque ju-  
re inter anatomicos hujus temporis referri meretur, quia  
anatomicen, i. e. integram corporis humani historiam Lib.  
V. prosequutus est. Floruit A. C. 1495. imperante Maximi-  
liano I. Romanorum Imperatore: Eximium enim suae ae-  
tatis medicorum decus in Italia fuit. Postquam addiscendae  
artis suae gratia remotissimas gentes peregrinando visitave-  
rat, inde tandem reversus, non solummodo in republica  
Venetorum praxin feliciter exercuit, verum etiam in Gym-  
nasio Patavino artem suam publice docuit. *Jacobus Douglas*  
in *bibliographia anat.* de illo adhuc commemorat, quod duo  
in foemellis foramina juxta urinae exitum observaverit, quae  
quidem *orificia venarum esse* perperam statuit, ex quibus vero  
humor magno in plerisque impetu, masculorum more & lon-  
gius quidem cum titillatione exiliat, qui tamen pro femine  
prolifico haberi neutiquam mereatur.

#### §. CXLV.

Habuit etiam non minorem famam circa finem hujus  
& initium seculi decimi quinti *Alexander Achillinus*, Bononi-  
ensis



ensis, qui non tantum ipsemet edidit anatomiam corporis humani, quae anno 1521. prodiit Venetiis, verum etiam in anatomiam *Mundini* commentatus est, quae cum *Johannis de Ketbam* praxi, fasciculus medicinae inscripta, prostat; Ut vel hanc ob rationem anatomicorum scriptorum numero eximendus non sit. Sunt tamen etiam, qui ossiculorum auditus, mallei nempe & incudis inventorem eum fuisse perhibent.

#### §. CXLVI.

*Johannes de Kartban*, alias *Kethan* vel *Johannes de Ketham* dictus, Alemannus, fuit tantum medicus empiricus, qui tamen valde inclaruit sub Alexandro VI. Pontifice Romano. Scripsit fasciculum medicinae, in quo praeter alia etiam tractat de membris generationis, de matrice & testiculis, de anatomia *Mundini*, & de anatomia *Achillini* aliisque.

#### §. CXLVII.

Ast seculo decimo quinto peritia anatomica altius evehit solidiusque excoli coepit, laudemque non exiguam sibi compararunt medici quidam Itali, ex quibus potissimum nominamus Jacobum Carpum, *Gabrielem de Zerbis*, *Nicolaum Massam*, *Matthaeum Curtium*, *Realdum Columbum*, *Petrum Matthiam Pinum*, *Bartholomaeum Eustachium*, *Gabrielem Fallopium*, *Basianum Landum*, *Johannem Baptistam Cananum*, *Constantinum Varolium*, *Gabrielem Cuneum*, *Julium Caesarem Arantium*, *Archangelum Piccolomineum*, *Fabricium Bartholctum*, *Cassparem Tagliacoticum* aliosque, quos deinceps recensebimus.

#### §. CXLVIII.

Horum proinde omnium historiam ut paucis exhibeamus, a (19) *Jacobo Carpo*, Bononiensi, initium dicendi facere placet,

---

(19) Parum abest, quin pro impostore me habeat *Stollus*, imputando mihi, quod histor. anat. p. 45. & 47. *Jacobum Beren-*



placet, qui floruit circa annum 1522. & professionem chirurgicam simulque anatomicam in Academia Ticinensi sustinuit. Qualem se gesserit in studio anatomico, inde conjicere licet, quod de se ipsemet testetur, se aliquot annorum decursu plus quam centena cadavera dissecurisse. Quod vero homines vivos etiam dissecuerit, sicuti atrocissimum hoc crimen a nonnullis ipsi objicitur, vix mihi persuaderi patior. Tralatitium esse videtur, quod scribit *Fallopium libro de lue venerea*, eum nempe, *Jacobum Carpenssem*, cum admodum infensus fuisset Hispanis, duos hujus nationis aegros, lue venerea laborantes, cepisse, vivosque anatomicis administrationibus destinasse, eamque ob causam in exilium relegatum,

P 2

Ferrariae

---

*garium & Jacobum Carpum* pro duabus personis falso habuerim. Bis duobus locis unius ejusdemq; personae mentionem me fecisse, ingenue fateor: Pro duabus personis habuisse *Berengarium & Carpum* nego. Alias in *historia chirurgiae* p. 194. eundem sine dubio errorem commissem. Verba loc. cit. haec sunt: *Jacobus Berengarius, Carpenssis*, quem ideo *Jacobum Carpum* communiter vocant &c. Unde cordatus & passionum expers lector haud difficulter intelliget, me aequè bene ac forte melius *Stollio*, qui in sua introductione in artem medicam, *coadjutoribus* usus est, scivisse, *Jacobum Berengarium & Jacobum Carpum* unam eandemq; esse personam. Quid si vero idem eodem jure exprobrarem *Stollio*, quod duas distinctas personas inter sese mutuo confuderit, exemplo *Lithopadii Senonensis & Johannis Albosi*, quem deinde errorem, sine dubio monitus, in *praefatione* circa finem emendavit. Praeterea *Johannis Fernelii* librorum therapeutices universalis p. 708. & p. 727. atque adeo bis commemorat additque: *Se librorum horum superius mentionem facere debuisse*; Id quod tamen optima in forma jam fecerat. Videt itaque, memoriam admodum labilem esse, & longe facilius esse, *festucam* in alterius, quam *trabem* in suo oculo animadvertere.



Ferrariae mortuum esse. Anatomiam *Mundini* non solum commentariis, sed & adnotationibus amplissimis illustravit, textu ejusdem vero nitori restituto, in quo libro crudelem illam saevitiam homines vivos secandi vehementer execratur. Talia interim objecta ipsi sunt, ut magis invisus exosusque redderetur. Edidit quoque brevem isagogen in anatomiam corporis humani cum figuris anatomicis. Detectiones, quas fecit, primariae hae sunt: Divisiones in musculis abdominis, quas hodie *inscriptiones* vocant, habet pro chordis, contractionem eorum juvantibus; Adpendicem intestini coeci additamentum coli esse existimat. In utero unicam tantummodo concavitatem admittit. Glandulas sublinguales cum ductibus suis excretoriis similiter agnovit, itidemque lineam albam, quam ipse *centralem* adpellavit.

### §. CXLIX.

*Gabriel Zerbus* sive *de Zerbis*, Veronensis, floruit circa finem seculi decimi quarti & initium decimi quinti, artisque anatomicae peritia sua tempestate clarus, in Academia Patavina medicinam publice professus est. Edidit non solummodo figillatim anatomiam infantis, sed & conjunctim anatomiam totius corporis humani & singulorum illius membrorum. Habuit autem vitae suae exitum meritis suis plane difformem eumque miserrimum, quem *Bruno Seidelius* in scripto suo de morbis incurabilibus nobis reliquit; Eum nempe, cum ad satrapam quendam Turcicum in Illyrico vel Mysia propinqua curandum evocatus esset, eumque a morbo suo liberare non potuisset, a satellitibus confossum & sic nefanda morte viventium coetu sublatum esse.

### §. CL.

*Nicolaus Massa*, Venetus, Trincavellii coaevus, floruit circa



circa annum 1560. vel juxta *Justi* chronologiam medicam anno 1522. Evulgavit anatomiae librum introductorium, in quo quam plurimas partes, actiones & utilitates H. C. manifestavit, quae a ceteris tam veteribus quam recentioribus praetermissa fuerant. *Conringius* eundem pariter reprehendit, quod opus ipsius anatomicum non solum ex *Galeno* maximam partem concinnatum, verum etiam barbaro stylo conscriptum sit; Id quod tamen vitio seculi, in quo vixit, tribuendum est. Caeterum multa quoque rem anatomicam concernentia comprehenduntur in epistolis ejusdem medicinalibus.

### §. CLI.

*Matthaeus Curtius*, Ticinensis Italus, fuit medicus admodum celebris; Non enim solummodo in Academia Patavina & Bononiensi, sed & Florentiae atque Pisis artem suam partim exercuit, partim publice professus est, saepius quoque in aulam Pontificiam a Clemente VII. Romano Pontifice evocatus. Scripsit explicationem in anatomiam *Mundini* 27. chartis seu figuris, & obiit Ticini anno 1544.

### §. CLII.

Potuissemus hic forte omittere *Michaëlem Columbum*, quippe qui inter scriptores anatomicos alio nomine non innotuit, nisi quod *Johannis Valverdae de Hamusco* anatomen C. H. ex hispanico in latinum sermonem transtulerit; Ast *Realdus Columbus*, Cremonensis, praestans fuit anatomicus, qui de re anatomica XV. libros scripsit. Ordo vero, quem in universo suo opere anatomico servavit *Columbus*, hic est: Primis quatuor libris agit de ossibus & cartilaginibus, cui tractationi subjungit dissertationem de ligamentis, particulis nempe ad unienda ossa compagemque ipsam ossium continendam



dam admodum necessariis, ne ex sede sua dimoveantur, & huc illuc dilabi temere possint; *Postremo* tractatum hunc concludit ea parte, in qua sceleti faciendi artem quandam haud inutilem monstravit.

### §. CLIII.

*Libro quinto* prolixam orditur tractationem de musculis, *sexto* de jecore & venis, *septimo* de corde & arteriis & *octavo* de cerebro ejusque membranis, de medulla spinali & nervis in universum agit; *Libro nono* prosequitur tractationem de glandulis, *decimo* agit de oculis, *undecimo* speciatim de uvula tonsillisque nec non de tunica vestiente nasum, palatum, os, oesophagum, ventriculum, intestina & asperam arteriam, de pulmone, pleura & mediastino, de oesophago, ventriculo & intestinis, de mesenterio & omento, de liene, vesicula felle, renibus, vesica, peritonaeo, abdomine, de vasis seminariis, testibus, pene, utero & umbilico. *Libro duodecimo* de formatione foetus atque de situ infantis in utero disquiritur; *Decimo tertio* de integumentis corporis universalibus, cuticula, cute, pinguedine & membrana carnosa, deque pilis & periosteo disputatur; Tandemque *duobus postremeis libris*, nempe *decimo quarto* & (20) *quinto* de  
viva

---

(20) Duos hic iterum errores sibi detexisse visus est *Stollus*; *Alterum*, quod in omnibus XV. *Columbi* libris, quos de re anatomica reliquit, ea tantum contineri crediderim, quae in *anatomicis raro conspiciuntur*. Alterum vero, quod LXX. chartis eos illustratos esse scripserim. Quoad *prius*, ipse, qui duas *diversas* editiones ante oculos habui, nunquam credidi, quod omnes *Columbi* libri ea tantum contineant, quae in *anatomicis raro conspiciuntur*; Verum ad postremum tantum, nempe XV. missis prioribus respexi, quem *Columbus* ipse sic inscripsit: *De iis, quae raro in anatome reperiuntur*. Quo-



viva sectione iisque, quae in anatome raro conspiciuntur, singulares observationes adnectuntur.

#### §. CLIV.

Succesit *Vesalio*, magno ac celeberrimo sui temporis anatomico, Patavio discedenti, ac deinde in Gymnasio Romano anatomiam publice professus est. Quamvis autem *Vesalio* magistro usus sit in anatomicis, eum tamen irritandi acerbiusq; vellicandi nullam occasionem praetermisit, eamq; ob causam non tantum ingrati hominis crimen sibi accersivit, - sed & a *Vesalio* itidem acerrime castigatus, simulque infimulatus est, quod scientiae anatomicae satis peritus non fuerit. Caeterum *Columbo* huic, *Realdo*, tribuitur, quod eximiam methodum conficiendi sceleti monstraverit.

#### §. CLV.

Romae ex eodem, quod hic tractamus, studio ingentem sibi famam comparavit *Bartholomaeus Eustachius*, Sancto-Severinus, dum non solummodo in sectionibus brutorum animantium, sed ipsorum quoque cadaverum humanorum diligentissimam Romae navavit operam. Non quidem integram partium H. C. historiam concinnavit; Attamen varias scientiae anatomicae partes sibi evolvendas sumpsit. Etenim de structura & officio renum, de vena azygos, de organis auditus, de dentibus, examen ossium, aliaque opuscula anatomica scripsit.

#### §. CLVI.

ad *posterius* vero, interpretationem, quam obtorto collo mihi obtrudit, non agnosco. Quae enim quaeso sequela est: Sermonem §. LIX. histor. anat. de *Mundini* anatome faciens, per *chartas* intellexi *figuras*; E. §. seq. per *chartas* similiter intellexi *figuras*. Quilibet enim optimus ipse est verborum suorum interpret.



## §. CLVI.

Fuit *Eustachio* vivo fidus laborum socius *Petrus Matthaeus Pinus, Urbinas*, qui *opuscula* ejus *anatomica* Venetiis A. 1574. in 4to denuo edidit, sed partim autoris annotationibus ex *Hippocrate, Aristotele, Ephesio, Aretaeo, Galeno, Vesalio* aliisque, partim tabulis nonnullis anatomicis, renum potissimum conformationem, tria auditus ossicula cum aliquo mallei musculo, brachii vasa sangvifera & dextrum cordis ventriculum dilucidantibus locupletata.

## §. CLVII.

Cumque praeterea *Eustachius* capite *decimo sexto* libri de structura renum tabularum suarum anatomicarum, sex & quadraginta librique de dissensionibus & controversiis anatomicis mentionem fecisset, diu quidem utrumque desideratum est, donec *Lancisius* tabulas, apud *Rubeorum* familiam latentes, ex ejusdem *Pini* capsulis protraheret & publicae luci sisteret. Eorum, quorum *Eustachius* inventor vel saltem delineator existit, summa haec est: Glandulas renibus incumbentes, quas postea *Casseri*us renes succenturiatos & *Thomas Bartholinus* capsulas atrabilarias & *Warthonus* glandulas ad plexum vocarunt, primus detexit. Meatum auris, a caverna tympani sive conchae in narium cavitatem latiori foramine desinentem, primus quoque investigavit, unde *tubae Eustachianae* titulo a plerisque insignitur. Invenit quoque tertium auditus ossiculum, quod *stapedem* adpellant. Primus itidem externum musculum, in majorem mallei apophysin terminatum, descripsit. Multi quoque rentur, in equis ductum thoracicum longe prius demonstrasse *Eustachium*, quam *Pecquetus* in canibus eundem ostenderet. Non minus veram renis humani conformationem internam exacte suppeditavit. Veficulas



ficulas item seminales & vasorum deferentium cum illis conjunctionem & duos seminis in capite gallinaceo meatus perspicue depicta primus exhibuit. Mutuas vasorum meseraicorum ad modum arcuum communicationes adcurate expressit. Occipitales musculos primus pinxit, quos tamen *Fallopianus* ab anatomicis praetermissos esse dixerat. Plures alias detectiones ab *Eustachio* factas in adversariis suis anatomicis primis memoravit *Clar. Morgagnius*.

## §. CLVIII.

*Ludovicus Bonaciolus*, sive, ut ab aliis scribitur, *Bonnaciolus*, Ferrariensis, celebris magnaeque auctoritatis medicus sua tempestate fuit. Edita ab ipso est *enneas muliebris*, ad *Lucretiam*, *Ferrariae* Ducissam, in cujus cap. i. de uteri cujusque partium confectione agitur, & inter alia, anatomen uteri spectantia, occurrit etiam descriptio *nymphae* & *clitoridis*, quae pudendorum muliebrum partes uti sua natura distinctae sunt; Ita vitato errore veterum, qui promiscue hisce vocibus utebantur, eas ceu distinctas descripsit.

## §. CLIX.

Non decet silentio praetermisisse *Vidum Vidium*, Florentinum, qui non solummodo Lutetiis Parisiorum artem medicam publice professus est, sed & practice exercuit: Unde in aulam regiam a Francisco I. Galliarum Rege evocatus ibidemque archiatri munere laudabiliter perfunctus est: Hinc deinde perhonorificis conditionibus & amplissimo salario in Italiam invitatus, Pisis artem suam publice docuit, dictamque professionem per integros 20. annos dexterrime exornavit. In artis medicinalis, quae Venetiis 1611. in fol. 3. tomis in publicum est emissa, tomo tertio Libri VII.



de anatome C. H. occurrunt, 78. tabulis aeri incisus illustrati & exornati. Et licet ingenue confiteatur auctor, se non pauca ab aliis mutuo accepisse, imo & figuras quasdam *Vesalianas* in ipsius opus tranlatas esse: Id tamen non impedit, quominus labores ejus utilitate sua satis se commendent.

### §. CLX.

*Johannes Thomas Minadous*, Rhodigii patre medico, *Johanne Baptista Minadoo* natus est, &, postquam sparta medici ordinarii in aula Ducis *Mantuani* aliquamdiu functus erat, professionem in *Academia Patavina* suscepit. Habuit disputationem de adaequato subjecto facultatis anatomicae.

### §. CLXI.

*Petrus Matthaeus Pinus*, Urbinas, scripsit adnotationes in opuscula anatomica *Bartholomaei Eustachii* ex *Aristotele*, *Hippocrate*, *Galeno* aliisque auctoribus collectas, quae prodierunt Venetiis anno 1563. sicuti jam paulo ante a nobis relatatum est.

### §. CLXII.

Memoratur quoque *Parthenius* quidam incertae nationis (plures enim innotuere, & inter alios poeta Nicolaus hujus nominis) qui dialogos quasdam edidit de humani corporis sectione, personis interloquentibus *Platone* & *Harpago*, quae prodierunt Argentorati anno 1529.

### §. CLXIII.

Non minus hic commemorari meretur *Gabriel Fallopius*, Mutinensis, qui propter ingentia in rem anatomicam merita medicis non est ignotus. *Mutinae* anno 1490. lucem adspexit publicam, &, postquam totam fere *Europam* peregrinando pera-



peragraverat, redux in patriam anatomiae professione publica in Academia *Patavina* condecoratus est, ibidemque anno 1563. (alii dicunt anno 1562.) aetatis suae septuagesimo tertio mortuus est. Scripsit institutiones anatomicas, & quae ab omnibus summopere aestimantur, observationes ejusdem generis, in quibus multa adnotavit, quae a *Vesalio* neglecta & praetermissa fuerant; Quod tamen tanta ubique modestia fecit, ut, mentione semper honorifica *Vesalii* praemissa, non solum titulo Doctoris divini ipsam condecoraverit, sed & modestissime suas animadversiones protulerit. Edidit etiam expositionem in librum *Galen*i de ossibus, lectiones quoque de partibus similaribus H. C. tandemque compendium de anatome corporis humani. Multum imprimis laudis meretur opus eximium observationum, in quo non pauca plane nova & ab aliis praetervisa, leguntur, quam hanc laudem nonnulli alii dubiam ipsi reddere moliantur; Id saltem certum est, quod primus descripserit meatus seminarios, ad latus uteri paulo infra testem utrinque excurrentes, quos hodie *tubas Fallopianas* in mulieribus, *cornua* vero in brutis adpellare solemus.

#### §. CLXIV.

*Bassianus Landus*, Placentinus, Montani primum discipulus, deinde collega & in Academia Patavina professor publicus, scriptoribus anatomicis vel propterea adnumerari meruit, quod anatomiam C. H. & historiam humanam seu libros duos de cognitione singularium hominis partium ediderit. Habuit vero infelicem & meritis suis nulla ratione respondentem vitae exitum: Aliquando enim domum noctu reversus, ante aedium suarum fores a sicario quodam septem vulneribus confossus, sicque nefario modo trucidatus est.

Q<sub>2</sub>

§. CLXV.



## §. CLXV.

Habuit etiam ingenium ad artem anatomicam, uti vulgo ajunt, natum *Johannes Baptista Cananus*, quem alii *Cananium* scribunt, Ferrariensis; Unde in arte anatomica tantam sibi famam adquisivit, ut nonnulli alterum *Vesalium* eundem appellare non dubitaverint. Edidit musculorum H. C. picturam dissectionem, quae anno 1572. Ferrariae prodiiit. Valvulas praeterea in venis detexisse, ejusque inventi *Vesalium* certiores fecisse perhibetur.

## §. CLXVI.

Eximium insuper patriae suae decus extitit *Constantinus Varolius*, Bononiensis, qui primum in academia patria professione chirurgica claruit; deinde vero in aulam Romanam, Gregorio XIII. pontificatum tenente, evocatus & Papae archiater constitutus est, simulque in Archilycae Romano anatomiae professionem suscepit. Obiit Romae A. 1575. cum trigesimum secundum aetatis suae annum ageret. Primus detexit originem nervorum optidorum, & ab ipso in hunc usque diem nomen suum habet eminentia cerebri, quam vocant *Varolii pontem*, qui circa posticam trunci medullae oblongatae partem conspicitur, & utrinque ex binis, nonnunquam vero ternis gibbosis eminentiis vel potius processibus, ex eodem cerebello ad quarti ventriculi circumferentiam protuberantibus, constat.

## §. CLXVII.

Novum quoque anno 1570. modum secandi cerebrum in lucem protraxit, qui ab ipso nomen accepit, & *Varolianus* hodieq; vocatur; Cujus, secundum descriptionem *Ruyschianam* haec est ratio: Ipso capite a collo amputato, & separatis omnibus illius tegumentis exterioribus, musculis frontis, cervi-



cervicis, aurium &c. oculos cum omnibus tunicis ex orbitis suis effodiunt, postea caput imponunt vertici atque calvariae apertionem ferra aggrediuntur, non vero in eodem loco, atque in alia methodo factum, sed multo profundius in ipsa nasi radice, adeo ut ferra supremum orbitarum oculi circulum ossium contingat; Tandiu continuant sectionem per calvariae peripheriam, usque ad magnum occipitis foramen, donec inferior capitis pars vacillet, atque nervorum paribus cum arteriis & venis calvariam perforantibus sectis, ima cerebri pars in conspectum veniat. Atque in hac methodo occurrit primo fissura magna, cerebrum in duas partes dirimens; Pia mater nervos opticos instar aranearum telae investiens. Carotidum & cervicalium vasorum rami diversi, glandula pituitaria. In cerebello prostant nunc processus vermiformes, cum ponte, intus itur ad ventriculum quartum, nobilem; Ex hoc progressus fit ad tertium, ubi obvius est fornix, septum pellucidum & laterales ventriculi magni &c.

## §. CLXVIII.

*Gabriel Cuneus*, Mediolanensis, discipulus atque sectator magni anatomici, *Vesalii*, deinde vero in academia Ticinensi anatomiae professor, aegre ferens, praeceptorem suum a quodam discipulorum *Jacobi Sylvii*, *Francisco Puteo*, qui apologiam in anatome pro *Galeno* contra *Vesalium* scripserat, tam indigne tractari, ejusdem defensionem suscepit, edito examine doctissimo hujus apologiae *Puteanae*. Pullularunt autem controversiae hae inter *Vesalium* & *Sylvium* ex his praecipue fontibus: Cum *Vesalius* primum inciperet severius animadvertere in *Galenum* ejusque dogmata, quem haecenus infallibilem ac veluti classicum judicauerant medici istius temporis propemodum ad unum omnes, tam graviter inde irrita-



batur *Sylvius*, ut in epistola ad *Vesalium* scripta eundem gravissime increparet, quod dogmata *Galen*i reprehendere imo plane falsitatis arguere ausus esset; Cui epistolae opposuit *Vesalius* mox alium librum, quem quidem proprie de radice chinae inscribit, multa vero ad rem anatomicam potius pertinentia exponit, ac proinde demonstrat, *Galenum* non solum anatomias corporum humanorum nunquam instituisse, verum etiam historiam partium earumque usum imperite tradidisse. Quo scripto longe adhuc vehementius exasperatus *Sylvius*, in furorem propemodum agi coepit, ac proinde libellum edidit, cui hic fuit titulus: Depulsio vesani cujusdam calumniarum in *Hippocratis* atque *Galen*i rem anatomicam: Cui tamen virulento scripto nihil reposuit *Vesalius*, apologiam tamen pro *Vesalio* suscepit *Renatus Henerus*, in qua totius pene negotii anatomici controversiae explicantur.

#### §. CLXIX.

Bononiae *Julius Caesar Arantius*, Bononiensis, ultra triginta annos anatomiam in Academia patria, in qua etiam lauro doctorali antea coronatus erat, & publice docuit & exercuit, tantoque annorum intervallo non exiguam sane secandi peritiam sibi adquisivit. Praeter alia scripta edidit librum observationum anatomicarum, & historiam uteri in gravidis & foetus humani admodum adcuratam; Quo tractatu eam praecipue laudem obtinuit, ut historiam foetus humani primus & solidius & exactius, quam huc usque factum fuerat, tradere coeperit. Obiit anno 1589.

#### §. CLXX.

Romae eadem peritiae atque dexteritatis anatomicae laude floruit *Archangelus Piccolbominus*, Ferrariensis, quem alii

*Piccol-*



*Piccolbomineum* scribere malunt, etiamsi *Riolani* auctoritati nimium, quam par erat, tribuentes, existiment, non tam in sectione cadaverum exercitatum ipsum fuisse, quam potius de usu partium subtiliter disputasse; Id quod & edita ejus opera haud obscure innuere videantur, quae inscribuntur *Praelectiones anatomicae*, mirificam C. H. fabricam explicantes, quae animae vires & quatenus corporis partibus tanquam instrumentis ad suas actiones obeundas utatur. Prodierunt Romae ex officina Bartholomaei Bonfadini anno 1586. Verum hoc *Riolani*, & qui cum ipso sentiunt, judicium suspectum aliis videtur, qui quippe difficulter persuadere sui possunt, *Piccolbomineum* tot eximias detectiones in arte anatomica facere potuisse, nisi manus admodum exercitata attulisset; Hujus generis sunt: Quod cerebrum duplici constet substantia, altera *cineritia*, altera *medullari*; Quod substantiam medullarem distinxerit in *medullam globosam, oblongatam & spinalem*; Quod omnes nervos ex *medulla oblongata* originem trahant; Quod processus mammillares nervorum odoratoriorum nomine insigniverit; Quod post *Galenum* prostatas tribuerit mulieribus; Quod peritoneum non simplici membrana, sed duabus lamellis constare adseruerit; Quod lineam abdominis albam, quam *Riolanus* negavit, descripserit. Et quae sunt ejus generis plura, apud *Douglassium* in bibliogr. anat. prolixius legenda.

### §. CLXXI.

*Fabricius Bartoletus*, Bononiensis, in academia patria atque Pisana anatomiam, deinde vero in Mantuana medicinam professus est. Edidit anatomicam microcosmi humani descriptionem, per theses dispositam, in amphitheatro Pisano propositam. Natus est anno 1588. denatus vero anno 1630. aetatis suae quadragesimo secundo.

### §. CLXXII.



## §. CLXXII.

Referimus huc *Casparum Taliacotium*, Bononiensem, pariter *Arantii* coevum simulque aemulum, in schola patria *anatomiae* atque (21) *chirurgiae* Professore publicum, non quod *anatomica* ex professo scripserit, sed quod *chirurgiam* praecipue excoluerit, quae, ut aliquoties in hoc scripto monebimus, sine exacta *anatomiae* cultura exerceri nequit. Edidit *chirurgiam* novam de *variorum labiorumque defectu per insitionem cutis ex humero*, arte omnibus hactenus ignota resarciendo, de qua suo tempore pluribus agemus. Natus est anno 1553. obiit vero 1599. cum annum aetatis suae 53. attigisset. Verum quid de hac, membra curta artificialiter restituendi methodo sentiam

---

(21) Circa *Taliacotii* vitam & professionem, qua perfunctus est, duo iterum notavit *Stollus*; Quorum alterum est, quod eum cum *Lindeno* professorem *chirurgiae* *FALSO* vocaverim; Alterum vero, quod sphaema typographicum, quod in *Lindenium renovatum* irrepsisse contendit, meum fecerim. Priori adferro inde robur aliquod conciliare adlaborat, quod in prima eaque rarissima libri hujus editione professor *theoricae & anatomes* disertis verbis vocetur; Verum enim vero miror ego vehementer, *Stollum* moris in plerisque Germaniae & exteris academiis usitati oblitum esse. Docuit certe *Taliacotius* primis professionis suae annis *theoricam & anatomen*, successu vero temporis *chirurgicam* est professus. Ipsemet in *praefatione* ingenue id fatetur his verbis: Itaque in id, qua potui, cura & diligentia incubui, cum *meae professionis esset &c.* Loquitur vero ibi potissimum de *chirurgia*. Nec vero computus vitae ac mortis *Stollianus* adcuratior esse videtur. Nam si *Taliacotius* anno 1546. Bononiae natus, & anno 1599. denatus, & tamen annum 53. aetatis suae attigit, error calculi manifeste se prodit: Hoc enim modo 47. tantum annos vixisset. Ut proinde errorem typographicum hic agnoscere nulla cogat necessitas. At vero operae vix pretium est, ut ejusmodi minutiis diu immoremur.



sentiam, in historia chirurgiae p. 119. & 120. exposui, additis simul rationibus, quibus adductus pro *cathedrati* ac *speculativa* potius quam pro (22) *clinico-practica* operatione *chirurgiam* hanc *Taliacotianam* habui, quam ingeniosa caeteroquin videatur *Stollio*.

R

Recti

(22) Ingeniosam hanc operationem a *Stollio* dictam esse, tolerari utcunque potest; Quod vero eandem simul in effectum deduci posse, & *practicam* esse, crediderit, ideo condonandum ei est, quod professione non sit medicus. Interim herculeum, ut ipsi videtur, *Heistero* & *mibi* argumentum opponit, quod *Taliacotius* Libr. I. cap. 33. duos feliciter a se curatos patientes sistat, deinde Libr. II. cap. 3. ad diuturnam provocet experientiam, imo in epistola dedicatoria ad *Mantuanum* Ducem scribere ausus fuerit: *Quod in hoc chirurgiae genere aliis medendo profuerit.* Ut proinde, quid veri hisce omnibus subesset, experirer, loca a *Stollio* allegata attente perlegi, sicque deprehendi, quod *Taliacotio* sermo ibi sit de illo *curtarum narium* vitio, quod *nasi medio quadantenus excavato sit*, & *summo ejus dorso inciso*; Id quod contingit quandoque, si ense adactio, media tollatur ipsius *nasi caro*, & velut infixâ forcipe pars ejus evellatur; Exempli loco equitem quendam *Melitemsem* sistere non dubitavit, cujus nares in monomachia hancce calamitatem exceperunt, quem tamen feliciter satis curaverit. Ad quod credendum facile inducor, quia tale *narium* vitium, etiam sine imaginaria tali chirurgia *curtorum* restitui sese patitur, cum amissa *narium* pars cartilaginosa sensim sponte natura regeneretur, tandemque extremitates, adposito novo nutrimento, sensim denuo coalescant. Simile enim sui simile generat, caro nempe carnem & cartilago cartilaginem. Quando vero ad *diutinam experientiam* & *usum* provocât *Taliacotius*, sciendum est, ipsi de *decubitu aegro rite servando* sermonem esse, non de successu inauditae ac propemodum ridiculae hujus chirurgiae, per *insuionem* nempe reparandi membra amissa. Taceo, non dissimulare nostrum, occurrere in praxi tales *curtarum narium, aurium & labiorum* differentias,



Rectius proinde sibi aliisque consuluisse, si rationes loc. cit. allegatas prius refutasset; Id quod tamen non fecit.

### §. CLXXIII.

Ab Italis transitum facimus ad Gallos, qui, ut studiorum laude semper floruerunt, ita quoque scientiam anatomicam laudabili opera promovere adnisi sunt. Ex his vero laudem praecipue meruerunt *Johannes Guintherius*, Andernacus, *Ambrosius Pareus*, *Ludovicus Vassaeus*, *Andreas Laurentius*, *Guilielmus Rondeletius*, *Jacobus Sylvius*, *Johannes Fernelius*, *Carolus Stephanus* aliique plures.

### §. CLXXIV.

Non existimamus, quenquam aegre laturum, quod *Johannem Guintherium*, Andernacum, qui natione quidem Germanus fuit, sed in Gallia potissimum artem medicam exercuit, ibidemque etiam rem anatomicam non parum illustravit, scriptoribus Gallis adnumeraverimus. Sermonis graeci peritissimus fuit, quem primum Lovanii in Brabantia, deinde vero Lutetiis Parisiorum magno cum adplausu docuit. Fuit vero etiam excellens medicus, cujus fama Parisiis ita inclaruit, ut tandem medicus regius salutatus fuerit. Motis autem eo tempore saevissimis belli tempestatibus Lutetiis discessit, & primum Metim, deinde vero Argentoratum concessit, quibus omnibus in locis non tantum medicinam feliciter exercuit, sed & anatomiam hucusque fere neglectam revoca-

---

*quae resarciri nullo pacto possunt*; De quibus proinde nullam diutinam experientiam, nullum usum habere potuit. Denique in dedicatione ad *Vincentium Gonzagae*, *Mantuae* & *Montisferrati* Ducem, memorat quidem, se *aliis medendo profuisse*; Id quod tamen de talibus tantum casibus intelligere fas est, qui citra *infectionem*, reparationem sui admittunt.



revocavit. Caeteroquin fuit praeceptor *Vesalii*, qui & honorifice admodum de ipso loquitur. Commentatus est in libros Galeni de *administrationibus anatomicis* & libros IV. *Institutionum anatomicarum* secundum sententiam Galeni ad candidatos medicinae scripsit. Non autem theoretice tantum tractavit *anatomem*, sed, ut ipse testatur, quae inter secandum observavit, in commentarium compendiosum ac facilem redegit, in quo cujuscunque partis situm, numerum, substantiam, magnitudinem, figuram & connexionem explicuit. Memoratu vero digniora, quae in illis occurrunt, haec sunt: Quod corpus glandulosum, in centro mesenterii reperiundum, *pancreas* adpellaverit; Quod uterus foeminarum duos habeat sinus, nullo tamen septo interposito, sed qui in unam definant angustiam, quam cervicem uteri dixit. Quod musculus, cervicem vesicae ambientem transversis constare fibris adseruerit &c. Natus est Andernaci Ubiorum, oppido ad rhenum sito anno 1497. obiit vero Argentorati anno 1574. aetatis suae anno (23) octogesimo septimo.

## §. CLXXV.

Consimiliter *Ambrosius Paracelsus*, Chirurgus Regis ordinarius

R 2

narius

(23) Notat hic iterum *Stollus* errorem chronologicum, in vitae descriptione *Guintheriana* commissum; Id quod etiam, facta computatione adcuratori sic sese habet. Nam si anno 1497. natus, anno vero 1574. denatus, annos tantum 77. in universum transegisset. Verum cum ad minutias partim ipse hoc referat, sicuti revera est; partim vero errorem typographicum a Lindenio commissum interpretetur, facillimum quidem fuit, in errorem hunc incidere, sed aequae facile eundem corrigere. Sed fortassis id non monuisset *Stollus*, nisi ex Clar. *Douglassio* aliter edoctus fuisset. Oculi plus vident, quam oculus.



narius, magis quidem chirurgiae laude inclaruit, ob arctissimum tamen nexum, quo chirurgia cum anatomia copulatur, hanc non neglexit. Ut enim particulares tractatus, quos de hoc argumento edidit, nempe de partibus animalibus in capite, de partibus vitalibus in thorace, de ossibus, de musculis &c. taceam, evulgavit quoque integram totius corporis humani anatomen. Quanquam igitur meritis suis laudibus *Paraeus* defraudandus non sit, tam in chirurgica quam anatomica scientia: *Riolanus* tamen non dubitavit de operibus ejus sinistre admodum judicare, nempe anatomen *Paracelsi*, gallice scriptam, postrema manu fictam & elaboratam esse a junioribus medicis Parisiensibus, utpote quorum industriam in condendis libris suis emendicasset & pretio redemisset, sperans, se, aeternandi quippe nominis cupidissimum, immortalitatem hoc modo sibi comparaturum; Itaque *Paracelsi* anatomen multis scaterere erroribus, etiamsi methodice sit conscripta, concludit. Sed hic communissimus aemulationis perversae atque vitiosae fructus esse solet. Alia longe clarissima rei hujus documenta legere licet in animadversionibus *Riolani* in plerosque sui temporis anatomicos, antropologiae suae adjunctos, quibus pro more suo acriter singulorum errores perstringit: Qua in re si eam, quae requiritur, modestiam ubique observasset, institutum ejus tantopere taxandum non esset: Cum vero interdum nullum plane reprehendendi modum observaverit, ea, qua alias defraudandus non esset, laude maximam partem semet ipsum privare videtur. Caeterum integra ejus opera anatomico-chirurgica cum figuris anatomicis & variis instrumentorum chirurgicorum formis in XXVI libros divisa & latius donata Parisiis prodire studio & opera *Jacobi Guillemeau*, Chirurgi Regii Parisiensis anno 1528.



## §. CLXXVI.

*Ludovicus Vassaeus*, Catalaunensis Gallus, discipulus *Jacobi Sylvii*, in compendium redactus ea, quae *Galenus* alii-que de *re anatomica* sparsim reliquerant, edidit tabulas IV. in anatomen corporis humani, quae Lutetiis anno 1540. lucem adspexere publicam.

## §. CLXXVII.

Ast reliquis suis popularibus palmam dubiam facere videtur *Carolus Stephanus*, medicus Parisiensis, atque vel ideo prae omnibus sui & praecedentis aevi anatomicis hanc singularem meretur praerogativam, quod (24) *primus* partes animalium figuris delineare suscepit, quod ante ipsum nemo facere adgressus erat, a *Stephano Riverio* eo in opere adjutus. Edidit de dissectione humani corporis Libros III. una cum figuris & incisionum declarationibus Parisiis anno 1545. inter quas sex sceleti humani figurae visuntur, quarum prima & secunda *ossa* tantum, tertia & quarta *ligamenta*, quinta & sexta *musculorum* ortum & insertionem repraesentant: Praeter dictas vero duae aliae sceleti humani figurae, *ner- vorum* cursum offerentes, exhibentur. Partes genitales mulierum octo figuris expressae cernuntur. In viris vero scrotum

R 3

ejusque

---

(24) Quando §. LXXX. histor. anat. p. 60. de *Carolo Stephano* retuli, quod *PRIMUS* partes animalium figuris delineare suscepit, convenienti modo intelligendum hoc est, nempe quod *inter primos*, sive *in primis* id fecerit. *Stollus* ipse, de *Jacobo Berengario* sermonem faciens, *inter primos* eundem refert, qui opera sua anatomica, additis figuris, clariora reddere conatus fuerit; Additque, se non de figurarum anatomicarum inventoribus, sed restauratoribus tantum loqui: Quam interpretationem, utpote nec *Schelhammero* nec mihi contrariam, libens admitto.



ejusque *septum* adcurate descriptum eidemque diaphragmatis nomen impositum esse legitur. Omnium vero partium administrationem ea ratione proposuit, qualis ab ipso in corporum dissectione solemniter observata fuit.

### §. CLXXVIII.

Idem ille *Stephanus de la Riviere*, alias *Riverius* dictus, cujus modo meminimus, chirurgus celebris Parisiensis fuit, ediditque figuras elegantissimas & incisionum declarationes in *Caroli Stephani*, de quo modo dictum est, libros III. de dissectione partium H. C. evulgatos Parisiis anno 1545. in folio.

### §. CLXXIX.

Omnibus vero nationis gallicae scriptoribus vel ideo anteponi meretur *Jacobus Sylvius*, Ambianus Picardiae, medicus sui temporis celebris, qui Lutetiis Parisiorum anatomiam magno cum adplausu primus docuit, &, quod ante ipsum nemo fecerat, singulis quoque partibus H. C. suas appellationes imposuit. Cumque *Vesalium* minus honorifice de re anatomica *Galen*i sentire observaret, ipse tanquam accerrimus ejusdem assecla coeco auctoritatis amore ita seduci sese passus est, ut virulentum scriptum, sub titulo: *Vesani cujusdam calumniarum in Hippocratis Galenique rem anatomicam*, in *Vesalium* evibraret: Tantus enim fuit *Galen*i admirator, ut, quod subinde monebat *Vesalius*, *Galenum* quaedam ignorasse, aegerrime tulerit, & exquisitissime inde offensus fuerit. Audivit *Johannem Tagaultium*, & institutiones *anatomicas* nec non observationes quasdam in secandis variis corporibus edidit. Quamvis autem exquisitam in secando peritiam non aequae habuerit *Sylvius*, ejus tamen libri anatomici lectu nec injucundi nec inutiles sunt. Ejus anatomen commentariis  
illustra-



illustravit *Bartholomaeus Perdualcis*, Parisiensis. Commentatus est in librum *Galen*i de ossibus, aliosque, qui *anatomici* sunt argumenti. Inventa ejus, quibus *anatomien* ditavit, apud *Jacobum Douglas* in *bibliographia anatomica* legi possunt. Natus est anno 1491. & Lutetiae obiit coelebs anno 1555. cum annum aetatis 63. implevisset.

### §. CLXXX.

Reliquit discipulum & auditorem *Marescotium*, quem *Riolanus* (mirandum, quod unum laudet, cum omnes alios promiscue reprehendat) scholae Parisiensis oraculum vocat, quique in illa anatomien publice demonstravit, & anatomiae exercendae ipsos etiam chirurgos adfuefecit, quod ante illius tempora factum non fuerat. Nominavit musculos laryngis, pharyngis, linguae ossisque hyoidis, quorum deinde nomina, ab aliis quoque exscripta & usurpata fuerunt. Atque hunc deinde sequutus est *Germanus Courtinus*, Parisiensis, qui pariter anatomiae laude clarissimus fuit.

### §. CLXXXI.

Quid dicemus de *Johanne Fernelio*, Ambiano, Henrici II. Galliarum Regis archiatro, qui ceu oraculum artis medicae suo tempore habebatur? Ita sane in praxi versatissimus simulque felicissimus fuit, siquidem ex illa quotannis 1200. libras gallicas lucratus est. Neque hoc exiguae ipsi laudi ducitur, quod invisam sterilitatem a domo regia depulerit. Anatomica quidem ex professo non scripsit; Ipsius tamen physiologica historiam partium simul comprehendunt. Natus est Claramontii in Gallia anno 1506. obiitque Lutetiis Parisiorum anno 1558. cum ad aetatis suae annum quinquagesimum secundum adscendisset.

### §. CLXXXII.



## §. CLXXXII

Pariter *Guilielmus Rondeletius*, Monspeliensis, nihil quidem effatu dignum praestitit in anatomicis, desiderio tamen non vulgari eundem flagrasse rem anatomicam promovendi, inde non obscure colligi potest, quod Rex Christianissimus ipsius suasu theatrum anatomicum erigendum curaverit. Audivit discipulus *Guintherium* in *anatomicis*, deinde *Claramontii* praxin medicam exercuit, & anno 1545. in Academia Monspeliensi professor ordinarius constitutus est. Dicitur vero *Rondeletius* tanto ingenii & iudicii acumine polluisse, ut, quicquid semel scripserat vel conceperat, nunquam relegeret vel corrigeret. Probro tamen ipsi datur, quod quendam liberorum suorum morbo extinctum cultro anatomico subjecerit, quod an tantopere vituperandum, tanquam si in propria viscera saeviisset, aequo censori dijudicandum relinquimus. Pari censura dignum foret, si, quod fertur, verum esset, nempe quod filiorum gemellorum secundinas in Gymnasium adferri curaverit, ut, quod rarum in illis & curiosum esset, istudiosis demonstraret. Interim primus fuit, qui vesiculas seminarias in homine notavit, & praeter multa alia medici argumenti, scripsit etiam anatomen. Natus est Monspelii anno 1507. & obiit ibidem non sine multorum luctu anno 1566. cum aetatem suam ad annum quinquagesimum octavum produxisset.

## §. CLXXXIII.

Hisce adnumeramus *Leonardum Botallum*, Astensem, philosophiae ac medicinae Doctorem, nec non Christianissimi Regis Caroli IX. consiliarium & medicum, qui, ut Auctor prae loquii ad lectorem refert, & *Mediolani* & in *Patavina* ac *Ticinensi* Academia (in qua etiam Doctorali laurea decora-



decoratus fuit) celeberrimis praeceptoribus, *Cardano, Paterno, Frisimelica, Trincavellio, Fallopio* aliisque disciplinam medendi didicit, omnesque medicinae partes, speciatim vero chirurgicen, sub fratris sui *Secundi Botalli* ductu & auspiciis exercuit, tandem vero in Regis Galliarum, Reginae matris & *Francisci Vallesii Ducis Andium* Regis fratris, aulam pervenit. Ortus fuit ex *Asta*, Galliae *Cisalpinæ* civitate, quam *Pedemontium* communiter vocant; Ut proinde Gallis potius quam Italis accenseri mereatur. Cumque præter medicinam magno quoque in pretio habuerit chirurgiam, hæc vero sine anatomiae subsidio digne exerceri nequeat: Hinc eam ab ipso omnino neglectam non fuisse, probabile est. Testes interim ejus rei esse nobis possunt observationes, quas operibus *Botalli Johannes van Horne*, Professor *Lugduno-Batavus*, qui in publicum illa simul juncta edidit, inseri curavit, quales sunt observationes de rene monstroso, de ossibus inter utrumq; cerebri ventriculum repertis, de vena arteriarum nutrice &c.

#### §. CLXXXIV.

Agmen claudat inter scriptores anatomicos Gallos *Andreas Laurentius*, archiater & consiliarius *Henrici IV.* Galliarum Regis; Natus est *Monspeliæ* in Galliis, loco ob studium medicum famigeratissimo, in qua Academia non solum gradum Doctoris adquisivit, verum etiam professionis publicæ munere perhonorifice donatus. Reliquit nobis elegans opus anatomicum, quod eam præcipue ob causam laudem meretur, quia ea, quæ ad anatomiam stricte pertinent, seorsim exponuntur, & quæstiones physiologicae vel potius & meliori jure, physicae, pariter seorsim tractantur, in quo non paucos impingere video, sicuti in anatomia *Diemerbroeckii* hoc præcipue culpandum est, quod nimis digressionibus phys-



ficis opus praeter necessitatem amplificaverit. Caeterum labores suos anatomicos dedicavit Henrico M. Galliarum Regi. Figurae animadversionibus *Laurentianis* subjunctae maximam partem ex *Vesalio* depromptae sunt, ut alienis plumis superbire voluisse plerisque visus fuerit: Unde *Riolanum* etiam tanquam adversarium expertus est, sive quod habuerit veras causas ipsi insultandi, sive quod mero pruritu exagitatus hoc fecerit, sive studio aemulationis ductus. Acerrima sane est censura, quae in *Riolani* anthropographia legitur his verbis: *In re anatomica pluribus abundat (Laurentius) erroribus, nullumque fere caput est de re anatomica, in quo ipse non peccarit aut hallucinatus fuerit. Errorum causa fuit, ut opinor, nimia Laurentii credulitas, qui aliorum manibus & oculis confisus, plurima tanquam vera & extantia literis mandavit:* Ex quibus intelligitur, *Laurentium* suis manibus nunquam aut leviter rem anatomicam tractasse, neminemque fore peritum anatomicum, nisi manus in secandis & perscrutandis cadaveribus humanis attritas habuerit.

### §. CLXXXV.

Opus ipsum quod attinet, constat illud libris duodecim, in quorum *primo* hominis dignitas, anatomes praestantia, utilitas, necessitas & universalia artis anatomicae praeccepta explicantur. Libro *secundo* ossium omnium historia describitur; *Tertio* de cartilaginibus, vinculis, membranis & villis agitur; *quarto* de vasis, venis nempe, arteriis & nervis; *Quinto* de carnibus viscerum, glandularum & muscutorum; Et *sexto* describitur historia partium nutritioni dicatarum ac proinde ordine agitur, praemissa corporis, speciatim ventris inferioris divisione, de cuticula, cute, adipe, panniculo carnoso, de peritoneo, vasis umbilicalibus, epiploo, intestinis tam crassis quam tenuibus, mesenterio & pancreate, vena,



vena portae, ventriculo, hepate & vesicula fellea, liene, vena cava, renibus, ureteribus & vesica.

### §. CLXXXVI.

Hinc ad librum *septimum* fit transitus, in quo partium procreationi dicatarum tum virilium tum muliebrium historia sistitur. In *octavo* historia foetus exhibetur, & generationis principia, conceptus, confirmatio, nutritio, vita, motus, tandemque partus ad *Hippocratis diavola* accommodate explicantur. In libro *nono* partes vitales, pulsus quippe & respirationis organa, in *decimo* organa animalia, cerebrum cum cerebello & medulla spinali, in *undecimo* organa sensuum ac tandem in *duodecimo* artuum historia cum controversiis eo pertinentibus describitur.

### §. CLXXXVII.

Proximum jam locum tribuimus Hispanis, &, qui his contermini sunt, Portugallis, quorum non immerito etiam referimus maris mediterranei insulanos, Siculos: Quamvis enim in Hispania multa sint, quae felicibus scientiarum progressibus, potissimum medicinae & anatomiae impedimenta objiciunt: Surrexerunt tamen inde, qui manum operi ad-moverunt, inter quos nobis potissimum innotuere *Andreas a Lacuna*, *Antonius Ludovicus*, *Johannes Philippus Ingrassias*, *Johannes Valverda*, *Alphonsus Rodericus Guevara* & forte alii plures nobis ignoti.

### §. CLXXXVIII.

*Andreas a Lacuna*, natione Hispanus, Segobienfis, discipulus *Tagaultii*, patrem medicum, *Jacobum Ferdinandum a Lacuna* habuit. Fecit primum medicinam, in exercitu gloriosissimi Imperatoris Caroli Vti, postea vero Reipublicae Metensis poliater constitutus tandemq; aliquot Pontificum



Romanorum, speciatim Julii III. archiater factus est. Praebuit exemplum, a gravitate & nobilitate Hispanica, quam nostri saepe ad deridiculum usque extendunt, eoque nomine acriter perstringunt, aliorumque ludibrio exponunt, non abhorrere, artem medicam facere. Fuit enim eques auratus, nec tamen a dignitate sua alienum existimavit, Doctoris publici honores ambire & perhonorifice impetrare; Toleti enim Carpentorum medicinae Doctor creatus est. Anatomiam quidem non edidit, sed methodum tamen anatomicam scripsit, sive contemplationes de sectione corporis humani, in epitomen redactas, quae Parisiis anno 1535. prodierunt. In hac methodo ita se gerit, ut a descriptione oris ordiatur, & in cerebro desinat, in quo quippe cibos, alibi rite digestos, ultimam & absolutissimam transmutationem adipisci imo plane in spiritum converti existimat. Hinc a dentibus ad linguam progressus fraenulum ejus describit & rationem reddit, cur linguae potissimum ac pudendis fraenulum tale natura indiderit? Quibus deinde subjungit descriptionem tonsillarum, uvulae & labiorum, tandemque gulae & ventriculi & intestinorum historiam subjungit. Pyloro speciatim musculus vindicat constrictorium & intestino coeco tribuit, quod, etiamsi suo in fundo nullum habeat orificium, duobus tamen aliis, uno, per quod trahat, altero, per quod expellat, sit instructum. Claruit circa annum 1552.

### §. CLXXXIX.

*Bernhardinus Montana* de Monferrato, medicus regius, de hominis anatomia tractatum edidit, qui luci publicae expositus est Vallesoleti anno 1551. in folio.

### §. CXC.

*Petrus Ximenes*, medicus Valentinus scripsit dialogos de anatomia.

### §. CXCI.



## §. CXCI.

*Michaël Gavassetus*, Novellariensis, exercitationem methodi anatomicae, item librum de praeludiis anatomicis seu totius medicae artis fundamentis edidit. Dedicerat sine dubio, artem salutarem profitendo (erat enim medicinae professor in academia *Patavina*) philiatris, ad sacra artis adspirantibus, necessaria esse fundamenta quaedam, quibus reliquum aedificium superstruant: Itaque *praeludiis* suis *anatomicis* viam ipsis praemonstravit, qua sensim ad altiora eniti possent. Deinde vero ad *exercitationem methodi anatomicae* pedem promovit, qua, exempli loco, *anatomem brachii* exhibuit, & primum ossa, quibus constat, deinde articulationem eorundem, tandemque cartilagines, ligamenta, membranas, arterias, venas, nervos ac musculos descripsit.

## §. CXCII.

*Franciscus Michinus* de sancto archangelo scripsit observationes anatomicas, quae anno 1554. in 4to Venetiis prodierunt.

## §. CXCIII.

Ex Lusitanis *Antonius Ludovicus*, medicus Ulyssiponensis fuit, qui studio anatomico claruit. Post obitum ejus compendium anatomicum sub ejusdem nomine prodiit, in quo multa nova dogmata, anatomiam concernentia, deprehenduntur. Scripsit etiam tractatum de corde, in quo tum *Aristotelis* quam plurimi errores explicantur, tum vero plurimae quaestiones enodantur. Verum haec non tam ad *anatomem*, quam physiologiam spectant. Vixisse dicitur circa annum 1538.

## §. CXCIV.

In *Sicilia* ex magni *Vesalii* discipulis & sectatoribus, non tam *anatomiae* quam *chirurgiae* laude claruit *Johannes Philippus*



*Ingrassias* five ab *Ingrassia* dictus, *Siciliensis*, *Fallopio* & *Columbo* coevus; Natus est *Rachelburgi* in *Sicilia*, & concivibus suis admirationi fuit, unde & *Hippocrates Siculus* dictus est. Docuit primum artem medicam in *Gymnasio Neapolitano*, hinc tandem in aulam *Philippi II.* Regis *Hispaniarum* evocatus, archiattrorum numero adjunctus est. Fuit quidem sectator magni *Vesalii*, nihil tamen, quod argumentum anatomicum spectat, scripsit, nisi quod commentaria ediderit in librum *Galenii* de ossibus, iconibus naturam apte imitantibus insignita. Caeteroquin debetur ipsi (25) prima detectio tertii ossiculi in aëre interna, quod stapedem vulgo vocant *anatomici*, licet non ignotum sit, primam ejus inventionem sibi quoque arrogasse *Columbum*, quem tamen ideo reprehendit *noster*. Dicitur quoque structuram ossis *cribriformis* primus demonstrasse.

### §. CXCIV.

Inter ejusdem *Vesalii* sectatores suum quoque nomen professus est *Johannes Valverda*, quem alii *Johannem Valverdum de Hamusco* vocant, *Hispanus*, *Realdi Columbi* discipulus in anatomicis, qui *Italorum* praeceptis primum imbutus anatomes

---

(25) Qua occasione & modo ipsi innotuerit hoc ossiculum, ipse hisce verbis enarravit. Anno 1540. dum publice *Neapoli* theoricam & practicam, ambas medicinae sic vocatas partes atque anatomem quoque profiteremur, id tertium non invenimus, sed reperimus (casu & fdrtuito) ipsum enim minime quaerebamus, quia nullam de eo notitiam neque suspicionem habebamus; Scalpro autem malleoque auris ossa percutientes, ut internas cavernulas & in ipsis contentas substantias circumstantibus scholaribus nostris ostenderemus; Ubi jam duo priora ossicula demonstravimus, tertium ossiculum, nescio quo modo, in tabulae plano casu potius inspeximus, cuique e vestigio *staphae* primum nomen imposuimus, aliquando etiam os *deltoides* nuncupavimus.



anatomes peritiam tandem ex Italia in Hispaniam transtulit. Edidit (26) anatomiam hispanica primum lingua conscriptam, quam deinde *Michael Columbus* latio donavit, impressam Venetiis anno 1589. Sectator fuit *Vesalii*, uti dictum, eique debentur egregiae sculpturae *Plantinianae* aeri incisae. Omnes tamen ex *Vesalio* petiit, & vel incorruptas retinuit vel subinde mutavit, forte ne fraus detegeretur. Adjecit tamen figuris *Vesalianis* quatuor novas, de quibus tamen non admodum benigne sentit *Archangelus Piccolhomineus*: *Quod nempe opera naturae minus plene exprimant*; Id quod sufficit, ad comprobandum, judicia *Riolani* & *Vesalii* solido suo non caruisse fundamento.

## §. CXCVI.

*Alphonsus Rodericus Guevara*, Hispanus, scripsit librum de *anatomia*, qui *Conimbricae* prodiit anno 1592.

## §. CXCVII.

*Germanis*, etiamsi revera primum locum mererentur, modestiae tamen causa postremum concedimus, qui certatim etiam in promovenda scientia anatomica laborarunt: Non excludimus tamen etiam *Belgas*, *Anglos*, *Prussos*, quippe quos omnes ad hanc classem optimo jure referri posse, persuasi sumus. Pertinent huc *Andreas Vesalius*, *Jodocus Willichius*, *Guilielmus*,

---

(26) Si *Riolani*, quod de ipso tulit, judicio standum, non tam ob *scriptionem*, quam potius ob sincerum, quo flagrabat, anatomem propagandi desiderium famam est adsecutus. *Riolano* consentit *Vesalius*, qui quippe de illo retulit: *Quod manum sectioni nunquam adhibuerit*. Adstipulatur *Carcanus*, eidem impunitans, quod nihil viderit in *anatomicis*, lippus quippe atque lusciosus, quique ideo conspicienda naso semper affixa habuerit, & solummodo *Columbo*, qui & ipse male dissecuerit, adstiterit.



*elmus Hormannus, Gualtberius Hermannus Ryffus, Felix Platerus, Volcherus Coiter, Johannes Lygaeus, Johannes Gersdorff, Leonardus Fuchsius, Johannes Dryander, Christophorus Rhumbaum, Salomo Albertus, Petrus Pavius, Johannes Bokelius, Henricus de Topelstein, Robertus Recorde* aliique plures.

### §. CXCVIII.

Primus igitur prodeat, divino donatus ingenio, Vir fecandi peritia clarissimus *Andreas Vesalius*, Andreae pharmacopolae filius, Bruxellensis Brabantinus, origine alias Germanus, nempe Vesaliensis Ducatus Cliviae, & *Jacobi Sylvii* discipulus, quem *celebrem & nunquam satis laudatum* virum adpellat. Hic (27) *primus* fuit, qui errores in anatomicis a *Galeno* commissos castigare, imo & in reliquis dogmatibus medicinam concernentibus ab eodem dissentire ausus fuit, cum  
ante

---

(27) Ominatur *Stollus*, me *Paracelsi* oblitum esse, qui quippe ante *Vesalium* jam ausus esset *Galeno* contradicere. Verum patiatur quaeso, ut causam meam libere perorem. *Galeno* ejusque dogmatibus nemo ullus minus *Paracelso* noxae attulit. Non sufficit, nugae vocasse scripta *Galenii*; Id quod simpliciter tantum dixit, non probavit *Paracelsus*. Et frustra idem insimulatur, quod anatomes ignarus, phantasticas tantum & cerebrinas speculationes protulerit, nihil vero demonstraverit, sola sua auctoritate suffultus; Quod manes ejus in abyssu gehennae sint sepulti, ex qua quippe litteras ad *Paracelsum* miserit; quod adsertum temerarium est. *Galenum*, medicorum principem diabolo in podicem involasse, quae phrasis est solo *Paracelso* digna; Quod scripta ejus minus profint medicis, quam rusticis *Petrus de Crescentiis*. Idem quoque insimulatur, quod veritati contraria scripserit. Et *Galenum* non esse medicum, sed rhetorem; Quasi implicaret, rhetorem esse & medicum; Dolet insuper (ironice) commentaria *Galenii* ceu thesaurum pretiosum, in monasteriis hinc inde delitescere. *Galenum* &



ante illa tempora in *Galenum* ejusdemque fidem, coeco auctoritatis praejudicio seducti medici jurassent, nec a placitis ejus vel latum unguem recedere ausi essent. Quid in *re anatomica* praestiterit, vel exinde dijudicare non erit arduum, quod a nonnullis *anatomicorum* princeps, imo ab aliis artis *anatomicae* (28) pater atque restaurator vocetur: A puero enim arti huic ita se adplicuit, ut adolescens 28. annorum factus, jam fabricam suam C.H. ediderit. Parisiis praeceptorem habuit *Sylvium*, etsi sollemniter protestetur, se in anatomicis ab ipso nihil didicisse, cujus tamen contrarium *Riolanus* aliis persuadere laboravit, sed peritiam secandi adsecutum esse

T

---

*Avicennam*, si hodie (*Paracelsi* tempore) viveret, non pro magistris, sed discipulis habendos esse. Doctrinas eorundem esse mendaces, & neq; theoriam neq; praxin ulla niti experientia. Dispendium pretiosi temporis esse, scriptis eorundem perlegendis illud impendere; Imo, quod plus est, ipforum ne quidem mentionem esse faciendam. Taedet, plures ejus farinae flosculos ex *Paracelsi* scriptis eruere, ex quibus interim ceu totidem ungvis agnosci facile potest leo. En tibi, mî Stollî, specimina quaedam reformationis *Paracelsisticae*! Si alia tibi non suppetant, satius mea sententia fuisset, TACERE. Ratum ergo firmumq; manet, *Vesalium* solidius *Paracelso*, & primum quidem *Galeni* dogmata castigasse.

(28) Hoc tamen non obstante a *Piccolhomineo* inter *plagiarios* est relatus; Ita enim scribit ille: Si mihi aliquando per otium licebit, luculenter monstrabo, quaecunq; bona scribuntur a *Vesalio* in magno illo de *re anatomica* volumine, omnia ex *Hippocrate*, *Aristotele*, *Galeno* aliisque antiquioribus esse transcripta, horum virorum nulla prorsus facta mentione; Quaecunque vero falsa ab eodem scribuntur, quae quam plurima sunt, ex suo furibundo Marte prodiisse, & privatim multa licet sunt, quae a *Galeno* suffuratus est, illius tamen nullam unquam mentionem facit, nisi cum ei quicquid falso adscribit, ut sibi reprehendendi occasionem pariat.



esse, nullo usum magistro. Interim *Sylvius* contumeliosis ipsum convitiis onerare non desit, quod a doctrina *Galen*i contra seculi morem recedere conatus est. Has vero injurias cum sperneret *Vesalius* nihilque responderet, *Sylvius* quendam discipulorum suorum, nomine *Franciscum Puteum* excitavit, qui apologiam pro anatome *Galen*i contra *Vesalium* scripsit, qui tamen refutatus est a *Gabriele Cuneo*, *Vesalii* discipulo & sectatore. In Academia *Patavina* jussu Senatus *Veneti* publice docuit, & quidem cum summa omnium admiratione. Tantorum meritorum fama allectus gloriosissimus Imperator, *Carolus V.* cui etiam *Vesalius* labores suos anatomicos dedicavit, in aulam Hispanicam eundem evocavit, sicque post obitum ejus *Philippi II.* filii archiater factus est. Anatomiam insuper professus est in Academia *Basileensi*, in qua etiam sceleton humani corporis summo artificio a se elaboratum reliquit, quod in hunc usque diem in medicorum auditorio religiose adservatur. Edidit jam in juventute sua, uti superius dictum, de fabrica H. C. Libr. VII. elegantissimis figuris illustratos, item examen observationum anatomicarum *Gabrielis Fallopii*. An vero, quod ante aliquot annos orbi anatomico persuadere conatus est *Mangetus*, *disquisitionem corporis humani anatomicam*, & quidem *per tabulas*, ediderit, ego quidem ignoro, idemque se ignorare fatetur *Clar. Morgagnius*: Tali enim inscriptione a *Vesalio* librum unquam prodiisse, nec Vir laudatus, nec alii, quantum mihi constat, recordantur. Docuit etiam epistola quadam, venam axillarem dextri cubiti in pleuritide cum fructu secandam, & succum melancholicum ex ramulis venae portae ad sedem pertinentibus expurgari. Multa quoque anatomica tractavit in epistola, qua modum propinandi decocti radicis chinae insinuat, etiamsi titulus talia non promittat. Interim eximia haec  
merita



merita alios non impedivere, quo minus ipsi imputaverint, quod multas brutorum partes homini tribuerit, nec tamen lectorem ea de re monuerit; Id quod praeter *Columbum* & *Arantium* ipse quoque *Eustachius* fecit. Natus est anno 1514. denatus vero 1564. cum annum aetatis suae quinquagesimum adsecutus esset. De modo & ratione obitus ejus non omnes invicem conveniunt: Plerique enim credunt, ipsum a senatu *Veneto* in locum defuncti *Fallopium* in Italiam denuo evocatum, in itinere, suborta tempestate, in insulam *Zazynthum* ejectum, ibidemque ab omni ope derelictum in misero tuguriolo inter barbaros obiisse. *Conringius* vero alias enarrat circumstantias, ipsum nempe ex itinere *Hierosolymitano* reducem pestilentia correptum, inque insulam *Zazynthum* deportatum atque a suis neglectum, sub arbore quadam exspirasse, postea vero a Batavo quodam agnitum atque sepultum fuisse: Quod ipse quidem adscribit arcano DEI judicio, utpote qui tot sepulchra, solo anatomiae amore, cadaveribus suis spoliasset, indignus propterea, qui post mortem locum inveniret, in quo corpus ejus conderetur. Alii denique dicunt, ipsum, cum *Palaestinam* invisendi cupiditas animo incessisset, morbo repentino correptum circa insulam *Zazynthum* obiisse. Reliqua ejus facta, quomodo ex dirissimae inquisitionis manibus a Rege suo ereptus sit, quod foeminam strangulatione uteri detentam, quam post triduum cultro anatomico subjecerat, adhuc viventem secuerit, mittimus, quae apud *Antonium Teissier* pluribus legi possunt.

### §. CXCIX.

Fratrem ejus, *Franciscum Vesalium*, inter anatomicos quidem non refero; Silentio tamen non penitus praetereundum esse censeo, quod *Andreae Vesalii*, fratris, epistolam de



erroribus *Galen*i in *anatomie* in publicum edidit & *Cosmo Mediceo*, Tuscorum Duci dedicavit.

§. CC.

*Frankofurtum*, antiquum illud ac celebre bonarum artium emporium, in suo fovit sinu *Jodocum Willichium*, Rosellianum Prussum, medicum sui temporis valde eruditum & quondam *Academiae Viadrinae* decus, qui primum *Frankofurti ad Oderam* graecae linguae, deinde vero medicinae Professor constitutus est, posteaquam aliquot annis ante in eadem alma *Viadrina* Doctoris gradum impetraverat. Natus est anno 1501. denatus vero A. 1552. sicque ad annum aetatis suae quinquagesimum primum adscendit.

§. CCI.

Quod scripta ejus spectat, memorat quidem epistola nuncupatoria, *commentario anatomico* praemissa, alia adhuc anatomica sese editurum, in quibus exactius omnia sit perscrutaturus: Verum, an promissis suis steterit, admodum dubito, cum aliorum ejus generis scriptorum ab alio quopiam mentionem factam esse, non meminerim. *Commentarius* iste, de quo hic locorum sermo nobis est, erotematica methodo est conscriptus, per quaestiones nempe & responsiones, comprehenditque compendiosam omnium corporis humani partium enumerationem. Divisus vero est in *quatuor libros*, in quorum *primo*, exposita significatione vocis *anatomes*, disquiritur, quae & quot sint corporis principes partes & ventres? Quomodo imus venter partiendus? Et quae partium ejus internarum distributio? Hinc progreditur ad musculorum abdominis enumerationem ac deinde disquirit de peritoneo & omento, de mesenterio, intestinis, jecinore, liene, renibus, vesica, ventriculo, vasis seminariis virorum,  
testibus,



testibus, epididymide, parastatis, scroto, pene, de vasis seminalibus mulierum, utero, membranis foetum involventibus nec non de ossibus imi ventris. Non tamen negandum est, hac in tractatione non pauca occurrere, quae exquisitiori modernorum gustui non arridebunt, qualia sunt: Jecoris parenchyma esse veluti sanguinem recens concretum; Virtutem ei competere *ἀπατοποιητικὴν*; In quatuor fere fibras hepar dissecari, quibus a nonnullis nomina magis culinario quam mathematico more indita sint, cum primam focum, alteram mensam, tertiam cultrum & ultimam vocaverint aurigam, quibus omnibus nihil aliud innuitur, quam ad coquenda cibaria destinatum esse jecur; Venam cavam sese habere ceu aquaeductum, ex quo per tubos & canaliculos sanguis in totum corpus ejusque universas partes derivetur &c. Recte tamen animadvertit, corpus hepatis & paucioribus & minutioribus arteriis refartum esse; Unde infert, inter alias & hanc unam esse causam, cur, an spiritus naturalis uspiam existat, dubitetur.

### §. CCII.

Relicto interim abdomine, ad pectoris contemplationem sese accingit *Willichius*, & postquam figuram ejus expendit, ad partitionem illius progreditur, & primum partes cutaneas & musculosas, deinde glandionicas, uti ipsemet eas adpellat, nempe mammas recenset, subjuncta costarum, sterni & cartilaginum pectoris brevi enarratione. Progressus inde ad membranas pectorales, mediastinum, pleuram, pericardium septumque transversum, indicat praeter cordis situm, magnitudinem, figuram, partes ejus tam externas quam internas, ventriculos cum septo sinuum intermedio, ipsam quoque pulmonum substantiam, figuram, una cum vasorum pulmonem constituentium officio; Describitur deinde aspe-



ra arteria suis cum partibus, ejusdemque situs, indeque progressus fit ad collum & spinam, sicque haec etiam tractatio de thorace absolvitur. Et quanquam circa singularum harumce partium descriptionem non pauca moneri possent, quae juxta antiquorum hypotheses perperam dicta & recocta sunt, brevitati tamen studentes, hic omittimus.

### §. CCIII.

Pergimus potius ad supremum ventrem, nempe caput, quod supra reliquos corporis nostri artus eminet, tanquam arx inter reliqua urbis moenia, ceu in quo praecipue sunt partes, quae motui membrorum & sensui, cognitioni & intellectui potissimum conducunt. Indicata autem capitis figura enarratisque ejus partibus, sincipite & vertice, occipite, facie, fronte, superciliis, & palpebris, convertit sese primum ad naturam oculorum explanandam, deinde ad narium cum temporibus, malis ac genis, oris atque labiorum barbaeque contemplationem sese confert, & pericranium, cranium cum suturis & duabus maxillis, altera superiore, altera inferiore, dentibusque atque gingivis, palato, faucibus, uvula, amygdalis, lingua, & epiglottide explicat. Progreditur hinc ad interiora cranii rimanda, & expositis cerebri involucris, de cerebro ejusque partibus, infundibulo nempe, plexu reticulari & septem nervorum syzygiis prolixum quidem sermonem instituit, cum hodiernorum tamen *ακριβεια* non comparandum.

### §. CCIV.

Caeterum *quarto & postremo libro* de membris explantatis agitur, inter quae primum ossa scapularum referuntur, & quid brachium, ala, cubitus & radius cum carpo sibi velint, expla



explanatur. Recensentur deinde muscoli brachii cum summa manu ejusdemque partibus, non neglectis quoque venis, arteriis atque musculis extremæ manus. Hinc ad pedis magni explicationem fit transitus, & de ossibus ilium atque pubis & coxis, de natibus itidem, femore, genu atque patella, crure ejusque partibus, talo cum osse naviculari, calce, tarso, planta atque digitis universus commentarius obsignatur.

§. CCV.

*Guilielmus Hormannus*, Sarisburiensis, edidit anatomiam corporis humani & obiit anno 1535.

§. CCVI.

*Gualtherius Hermenius* (Hermannus) *Ryffus*, quem alii *Ryff* scribere malunt, Argentinenfis, Moguntiae anno 1539. medica arte claruit. Multa quidem anatomica edidit, sermone tamen germanico, quorum tamen aliqua civitate latina donata sunt. Non est confundendus cum *Jacobo Rueff*, Tigurino & professione chirurgus, qui, etiamsi de conceptu & generatione hominis physiologice tractaverit, anatomicam tamen matricis ejusque partium descriptionem neutiquam omisit.

§. CCVII.

*Georgius Entius*, Londinensis, eques auratus & collegii Regalis medicorum Londinensium praeses, scripsit animadversiones in *Malacbiae Truſthoni* diatriben de usu respirationis primario cum responsionibus & instantiis, item apologiam pro circulatione sanguinis, qua *Æmilio Parisano*, medico Veneto, respondetur.

§. CCVIII.

*Thomas Geminus*, sive, ut *Douglassius* scribit, *Gemini*, Lyfienfis, chalcographus tantum fuit, qui, licet artis anatomicae penitus



penitus fuerint ignarus, edidit tamen compendiosam totius anatomiae delineationem aere exaratam anno 1545. Quam tamen ex epitome *Vesaliana* petiit. Ac proinde vitio ipsi vertitur, quod nomen Vesalii ubique reticeat, & propria industria *figuras Vesalianas* inventas & elaboratas esse gloriatur.

### §. CCIX.

*Henricus Petraeus*, Smalcaldiensis, postquam absolutis studiis suis in Academia Marpurgensi gradum Doctoris in arte medica acceperat, tandem in eadem etiam anatomiae, botanices, atque chirurgiae Professor constitutus est. Scripsit λόγον ἐγκωμιαστικόν, in quo studii anatomici laudes & utilitates varias breviter complectitur.

### §. CCX.

*Johannes Posthius*, Palatinus, Germersheimii quippe natus, *Laurentii Jouberti* & *Guilielmi Rondeletii* discipulus & auditor gradum accepit *Valentiae*, academia *Galliae Narbonensis*, deinde medicinam castrensem aliquamdiu exercuit, tandemque Episcopi Herbipolensis medicus corporis factus est. Inde vero iterum *Heidelbergam* evocatus, Friderici IV. Electoris Palatini archiatrium per integros 12. annos egit. Scripsit observationes anatomicas in anatomiam *Realdi Columbi*, item mantissam anatomicam, quae cum *Thomae Bartholini* historiarum anatomicarum centuria V. & VI. edita est. Dexteritatem secandi, qua pollebat, in musculorum confectione imprimis praebuit conspiciendam; Id quod sequentibus ex specimenibus luce meridiana clarius est. Sic v. g. musculos, labra ad os & intra dentes attrahentes, quatuor esse statuit, duos in inferiori & totidem in parte interna; Inter cartilagine costarum unicum tantum, non duplicem, ut in spatiis inter-



intercostalibus, esse musculum; Quartum maxillae inferioris musculum non a *styliformi* sed *mammillari* processu oriri, eumque tendinea sui parte ossi hyoidi adhaerere. Peni sex vindicavit musculos; Ut alia taceam. Lucem hanc adspexit *Germerheimii*, oppido Palatinatus inferioris anno 1537. denatus vero 1597. Morbachii anno aetatis suae sexagesimo.

## §. CCXI.

*Felix Platerus*, Senior, Basileensis, antecessor & in Academia *Basileensi* Professor sui temporis eminentissimus, patriam habuit Basileam Rauracorum & lucem hanc adspexit anno 1536. Captus medicae artis studio nihil intermisit, quod ad finem istum adsequendum faceret: Unde multis peregrinationibus institutis feliciterque absolutis domum reversus est, & anno aetatis suae vigesimo primo in academia patria lauream doctorem accepit, indeque poliater ac tandem Professor medicinae factus est. Quantam suo tempore famam sibi adqvisiverit, exinde haud obscurum est colligere, quod ad multos Germaniae Principes, Saxoniae, terrarum Brandenburgicarum, Lotharingiae, Würtembergiae, imo & externos exterarumque, Catharinam, Henrici IV. Galliarum Regis sororem unicam, haud semel evocatus sit. Scripsit de structura & usu partium humani corporis Lib. III. tabulis methodice explicatos, iconibusque adcurate illustratos, in quorum *primo* partium humani corporis simplicium structura & usus exponitur, ut, natura illarum prius cognita, deinde ejusdem corporis, quod ex illis componitur, constructionis ratio tanto melius intelligatur. Hinc *libro secundo* ad compositarum partium conformationem usumque transitus fit, ut nempe, quo pacto primaria corporis organa, ad praecipuos oeconomiae animalis actus, nutritionem, procreatio-

U

nem



nem, vitam, sensum motumque edendos, ex simplicibus invicem concinnatis conformentur, cognoscatur. *Tertio* vero libro partium H. C. per icones delineatarum explicatio exhibetur. Seorsim etiam egit *Platerus* de partibus mulierum generationi dicatis, cum iconibus & explicationibus, illarum delineationem accurate ostendentibus. Obiit A. 1614. postquam senium 78. annorum attigerat, & praxin medicam integris 56. annis exercuerat, professioni vero medicae 45. annis praefuerat. Cadavera humana plus quam quinquaginta secuisse dicitur; Ut brutorum corpora silentio praeteream.

## CCXII.

*Volcherus Coiter*, Groeninga-Frisius, Reipublicae Norimbergensis Physicus ordinarius, fuit diligens simulque curiosus rerum anatomicarum perscrutator. Edidit tabulas externarum & internarum principalium H. C. partium & anatomicas exercitationes, novis & artificiosis figuris illustratas. Publici etiam juris fecit tabulas de cartilaginibus, item historiam ossium infantis, quae cum *Henrici Essonii* tractatu de ossibus exstat. Prodierunt quoque ejus studio collectae lectiones *Fallopii*, de partibus similaribus H. C. quibus diversorum animalium sceletorum explicationes, iconibus artificiosis illustratae accesserunt. Natus est anno 1534. denatus vero 1600. cum ad annum aetatis suae sexagesimum sextum pervenisset.

## CCXIII.

*Johannes Ligaeus* evulgavit libros IV. de harmonia humani corporis anno 1556. Sublimiorem, quam nonnulli hodie crepant, anatomen excoluisse non videtur, cum grandiorum tantum membrorum descriptionem exhibuerit: In *primo* namque libro manuum tantum, humeri & cubiti nec non extremorum



morum pedum atque crurum constitutionem sistit. In *secundo* abdominis viscera, nutritioni inservientia describit. In *tertio* cor & pulmones eorumque partes ac tegumenta recensuit ac denique in *quarto* cerebri nervorumque fabricam exhibuit.

## CCXIV.

*Johannes Gerdorff* vel *Gersdorff*, uti ac aliis scribitur, Argentinenfis, scripsit anatomiam C. H. anno 1551. Dicitur vero potissimum chirurgiam exercuisse, ad quam tamen rite & cum successu exercendam, anatomes notitia summe ipsi necessaria fuit.

## CCXV.

*Leonardus Fuchs*, Tübingensis, quem alii Wemdingensem Svevum fuisse credunt, a nonnullis *Medici Illuminati* titulo cohonestatur. Postquam hic *Ingolstadii* gradum acceperat, concessit *Monachium*, metropolin *Bavariae* & Ducum sedem, ibidemque praxin medicam magno cum adplausu exercuit, hinc *Ingolstadtum* reversus, professionem artis suae publicam suscepit, quam cum per integrum biennium decenter exornasset, *Onoltzbachium* vocatus Marchionumque Brandenburgicorum archiater dictus & constitutus fuit. Ex aula iterum evocatus est in Academiam *Tübingensem* ibique praeter alias medicinae partes potissimum anatomiam professus est. Quanta vero viri hujus merita publica fuerint, vel exinde licet aestimare, quod Imperator Carolus V. privilegia, ornamenta & insignia nobilitatis ultro ipsi contulerit; Imo & a *Cosmo Mediceo*, magno *Hebruriae* Duce, stipendio 6000. coronatorum in aulam perhonorifice invitatus est, spartam tamen oblātam generose recusavit. Quod scripta ejus nostri argumenti attinet, concinnavit epitomen



de fabrica H. C. ex libris *Galenii* & *Andreae Vesalii* duobus to-  
mis in 8vo cum figuris.

§. CCXVI.

Quid vero ista in epitome tractaverit *Euchsius* noster, paucis edifferemus. In duas nempe partes distinxit illam, inque prima illarum de ossibus & musculis, in altera vero de instrumentis tam nutritioni famulantibus, quam speciei propagandae servientibus, de cordis itidem structura & organis ipsius functioni ministrantibus nec non de structura cerebri instrumentisque ipsius actioni famulantibus prolixè differuit. In *Praefatione ad Lectorem* non injuria conquestus est: Anatomicen a Germanis medicis maximam partem contemptam atque neglectam esse: Quae praecipua etiam causa ipsum permovit, ut manum operi admitteret, & epitomen quandam concinnaret, quae partium humani corporis rationem ita explicaret, ut cujusque partis functionem & usum, ipsius quoque situm, figuram, magnitudinem, colorem, substantiae naturam & ad caeteras partes connexum, breviter & perspicue ob oculos poneret, hocque nomine in medicorum scholis ad enarrandum proponi rectè posset. Huic vero usui ante illa tempora inservire non potuisse scriptum *Mundini* de anatomie, inde demonstrat, quod non modo permultis erroribus sit refertum, sed & plenior ossium, musculorum nervorumque historia in eodem desideretur. Et quanquam *Carpus* prolixis commentariis *Mundinum* illustrare conatus fuerit; Tantum tamen abfuit, ut *Mundinianum* opus a contemptu vindicaverit, ut prolixitatis nimiae nomine plus ei odii potius conciliaverit, praesertim quum multa parum necessaria admiscuisset, nec errorum rationes non modo non detexisset, sed & tueri potius voluisset.

§. CCXVII.



## §. CCXVII.

Et quanquam *Galen*i anatomica *Andernacus* & *Willichius* in epitomen redegerint, omnibus tamen constare existimat *Noster*, *Galenum* simiarum potius & canum, quam hominum historiam contexuisse; Solum itaque restare *Vesalium*, qui exquisita diligentia fabricam humani corporis *sua aetate* scripserit & concinno ordine descriptam litteris mandaverit: Nisi enim hujus commentarii exstarent, veretur, ne multarum corporis humani partium vera historia destitueremur. Unde non potest satis mirari quorundam insolentiam, qui *Vesalii* conatibus tam perditè obstrepere audeant, eumque multis & mendacibus conviciis proscindere non vereantur, lacerentque nullo alio nomine, quam quod *Galen*i anatomica parum quadrare humano corpori ostenderit. Atque adeo concludit tandem *Fuchsius*, se alio fine compendium suum de humani corporis fabrica non concinnasse, quam ut Lectori ad facilius intelligendos *Vesalii* commentarios viam sterneret; Cujus quippe anatomica tantum abest, ut contemnenda esse existimet, ut illum potius omnibus aliis (suo tempore notis) imo ipsi plane *Galeno* praeferat.

## §. CCXVIII.

Verum cunctis hisce *Fuchsii* expostulationibus hodie non est opus, postquam & *Johannes Münnicks*, Professor *Ultrajectinus*, opusculum suum *de re anatomica* & *Johannes van Horne*, Professor *Lugdunensis*, suum *microcosmum*, adnotationibus *Pauli* imprimis locupletatum, & *Laurentius Heisterus* Professor olim *Altdorffinus*, nunc vero *Helmstadiensis*, compendium suum anatomicum Professoribus artis in manus tradiderunt, ex quibus quippe libris Juventus Academica in hac medicinae parte abunde imo longe melius instrui potest, quam ex *Fuchsi*ana epitome.



## §. CCXIX.

*Johannes Dryander*, Hassus, postquam gradum in medicina Moguntiae acceperat, in academia Marpurgensi medicinae Professor constitutus est, ibidemque integros 24. annos magna nominis sui fama docuit, & artem anatomicam novis inventis auxit atque locupletavit. Anatomiam *Mundini* ad vetustissimorum eorundemque aliquot MStorum codicum fidem collatam justoque suo ordini restitutam, item anatomiam capitis humani, anatomiam matricis, in qua quaedam nec veteribus nec recentioribus cognita discussit, edidit. Denique anatomiam infantis ex *Gabriele de Zerbis* & anatomiam porci ex traditione *Cophonis* in publicum emisit. Mortuus est anno 1560.

## §. CCXX.

*Christophorus Rumbaum* vel *Rumbaum*, quem nonnulli *U-ratislaviensem*, alii *Jauranum Silesium* fuisse volunt, integram quidem humani corporis descriptionem non edidit, sed tantum exercitationes quasdam de partibus C. H. scripsit, quibus generatio, substantia, usus, sanitas, morbus & curatio illarum exponitur, quae tamen omnia non tam anatomici, quam potius physiologici & pathologico-therapeutici argumenti sunt.

## §. CCXXI.

*Guilielmus Fabricius*, a patria communiter *Hildanus* dictus, lucem hanc adspexit Hildenae in Helvetia anno 1560. & praxin chirurgicam non solum *Lausannae*, verum etiam *Bernae* feliciter exereuit, & officium medico-chirurgi in aula Marchionis Badensis, *Georgii Friderici*, laudabiliter sustinuit. Quamvis autem, uti dictum, in chirurgicis potissimum excelluerit, non neglexit tamen etiam anatomica, quibus quippe chirur-



chirurgus in sua arte carere minime potest. Decantavit itaque laudes anatomiae & de ejusdem praestantia & utilitate tractatulum edidit, in quo *arteria venosa* a trunco suo abscissa delineata sistitur. Praeterea vero patellae a membranis suis mundatae delineatio in eodem continetur.

§. CCXXII.

*Jacobus Milichius*, Friburgensis *Brisgoiae*, in academia *Wittebergensi* plures annos medicinam publice docuit, ibidemque apoplexia correptus obiit anno 1559. Habuit orationem de studio doctrinae anatomicae, item de partibus & motibus cordis, aliamque de pulmone & discrimine arteriae tracheae & oesophagi.

§. CCXXIII.

*Salomo Albertus*, anatomicus non incelebris, qui artem suam in academia *Wittebergensi* publice docuit, in publicum emisit historiam plerarumque partium H. C. membratim scriptam, librum quoque de ostiolis venarum, item orationem de disciplina anatomica, quo orsu coeperit, quomodo sensim aucta atque ad posteros transmissa sit? Quam si haberemus, multa fortassis rem anatomicam ejus temporis concernentia excerpere inde liceret. Egit quoq; tum de libro *Galenii*, qui de ossibus inscribitur, tum de aliis ad anatomen spectantibus rebus; Reliquit etiam libellum de structura ureterum renis dextri mirifica, uti & observationes anatomicas. Cochleam auris, judicio *Douglassi* primus delineavit & valvulam coli, quam plerique *Baubino* tribuunt, cognitam habuisse dicitur. Ipsemet enim commemorat, se primum in castore, deinde vero in homine eandem detexisse.

§. CCXXIV.

*Petrus Pavius* vel *Pauw*, uti Belgico idiomate vocatur, *Amstel-*



*Amstelraedamensis Batavus*, anatomicus *Leydensis*, primum in academia *Rostochiensis*, ubi gradum Doctoris impetraverat, anatomiam publice docuit: Hinc vero in academiam *Leydensem* sese contulit, ibidemque professionem anatomicam atque botanicam nactus est, quam etiam integros 28. annos dexterrime exornavit, Amphitheatrum anatomicum variis humanis brutorumque sceletis, & instrumentis anatomicis instructum ditavit: Edidit etiam primitias anatomicas de ossibus H. C. item anatomicum succenturiatum, epitomen quoque Anatomicam *Andreae Vesalii*, quam notis & commentariis suis illustravit. Edidit denique observationes anatomicas selectiores, quas *Thomas Bartholinus* publico communicavit & cum ejusdem historiis anatomicis rarioribus prodiere. De valvula intestini duas quoque epistolas scripsit. Natus est anno 1564. denatus vero 1617. cum annum aetatis suae quinquagesimum quartum attigisset. *Fabro* praeceptore in anatomicis usus est: Vidit tamen etiam *Aquapendentem*, cadavera secantem. Unde ipse cadavera humana aequae ac bruta secandi ingentem sibi dexteritatem comparavit. Orationem funebrem honori & memoriae ejus dixit *Aelius Everhardus Vorstius*, Lugdunensis pariter Professor medicinae.

## §. CCXXV.

*Sebastianus Theodorus Winsbemi*us habuit orationem de studio doctrinae anatomicae, quae in tomo IV. declamationum *Philippi Melancthonis* exstat.

## §. CCXXVI.

Cum hoc non est confundendus *Menelaus Winseni*us, Leowardiensis, qui compendium anatomiae, triginta disputantibus, sub ejus praesidio in illustri academia *Franequerana* habitis, constans reliquit.

## §. CCXXVII.



## §. CCXXVII.

*Johannes Bokelius*, Hamburgensis, fuit Professor medicinae primarius in Academia *Julia*, pro cujus usu etiam anatomien corporis humani edidit, sicuti ea singulis annis Helmstadii tradi solet, anno 1585.

## §. CCXXVIII.

*Henricus de Topelstein*, qui hujus aetatis est, scripsit anatomiam utriusque sexus.

## §. CCXXIX.

*Johannes Cajus*, Nordvicensis Anglus, *Montani* discipulus fuit *Patavii*, qui postea in academia *Cantabrigiensi* laurum accepit, & dexteritate sua ita sese commendavit, ut regis, *Eduardi VI. Mariae & Elisabethae*, reginarum Angliae medicus corporis successive factus fuerit. Scripta ejus anatomica sunt: *Commentarius in libros Galeni de administrationibus anatomicis*, item in ejus librum de *motu musculorum*, de *ossibus ad tyrones* & de *anatomia Hippocratis* &c. Natus est a. 1510. denatus vero a. 1573. aetatis suae. 63.

## §. CCXXX.

*Robertus Recorde*, Anglus, floruit circa annum 1554. & anatomiae librum I. scripsit.

## §. CCXXXI.

Hisce vero omnibus, quos hucusque recensuimus, adjungimus adhuc nonnullos alios anatomes scriptores, qui in *historia anatomiae* a. 1713. a me edita, fuerunt omissi; Quos inter ex *Italica gente Angelum Fortium, Eustachium Rudium, Andream Caesalpinum, Petrum Montagnanam, Baptistam Codronchium* aliosque referimus.

## §. CCXXXII.

Quod *Angelum Fortium*, quem *Lindenius Forstium* vocat, attinet,



tinet, *anatomica* quidem ex professo non scripsit; In *fundamentis* tamen *naturalibus* de *mirabilibus vitae humanae*, quae ab ipso edita sunt, nonnulla, citante *Malpighio*, occurrunt, quae *anatomem* spectant.

#### §. CCXXXIII.

Similiter in *Dominici Leonis* (quem alii *Leonum* dicere malunt) *Lunensis de Zuccano* arte medendi humanis particulis morbis a vertice usque ad pedes non pauca quoque *anatomica* continentur: In prima enim sectione, quae de capite agit, *anatomie capitis* cum *origine nervorum*, deinde descriptio *auris*, *linguae*, *nasi*, *oculorum* ipsiusque *olfactus organi* comprehenditur: Non minus dentes, partes oris palatique, spinalis item medulla nervique descripti sistuntur.

#### §. CCXXXIV.

*Hieronymus Mercurialis*, *Foroliviensis*, illorum numero prae ceteris accensendus, quibus aurea obtigit praxis, & in quem vere illud: *Dat Galenus opes*, quadravit; Cujus rei specimina apud *Lindenium* & *Douglassium* legi possunt. Docuit primum medicinam in *Academia Patavina*, hinc discedens in *Bononiensem* tandemque in *Pisanam* se se contulit, in quibus omnibus non vulgaria doctrinae suae specimina edidit. *Anatomica* quidem ex professo non scripsit, nonnulla tamen, secandi artem concernentia, reliquis ejus operibus sunt interspersa, aguntque de *oesophago* & *stomacho*, de *pulmone*, de *membris cerebri*, de *dentibus* & *signo virginitatis*.

#### §. CCXXXV.

*Petri Montagnanae*, a patria sic dicti, meminit *Paschalis*, *Gallus* in *bibliotheca medica*, eidemque tribuit opus, in quo *picturis* & *imaginibus* interiora hominis cum optimis expositioni-



sitionibus ita effecta sunt, ut notiora esse non possint; Quo proinde nomine anatomicorum scriptorum numero eundem excludere nefas fuisset.

§. CCXXXVI.

Majori tamen jure *Marcus Antonius Turrianus*, Veronensis, huc referri meretur, qui quippe promovendo *anatomes* studio omnem impendit operam; Non vero *speculativam* tantum exercuit, sed damnatorum capitis cadavera consecando, magnam sibi dexteritatem adquisivit, sicque universam corporis humani anatomen a capite ad calcem publice demonstravit, & volumen *anatomes* ex placitis *Galen*i in publicum emisit, in quo tamen etiam *Mundinum* & *Gabrielem a Zerbis* acriter perstrinxit & castigavit.

§. CCXXXVII.

*Marianus Sanctus*, Barolitanus, qui juxta *Justi* chronologiam medicam circa A. C. 1529. vixit, aureum de *lapide vesicae per incisionem extrahendo* reliquit libellum, in quo anatomiam vesicae praemisit, ut, qui lithotomiam essent suscepturi, cognita partis structura, majori id securitate & circumspectione facerent.

§. CCXXXVIII.

De *Hieronymo Capivaccio*, sive, ut alii scribere malunt, *Capivaccio*, Patavino, constat omnibus, quantam in *medicina practica* famam sibi adquisiverit; Adeo ut etiam lautissimas sibi oblatas condiciones generose fuerit adspernatus. Non tamen *anatomes* penitus ignarus fuit; In parte enim operum suorum physiologica de *methodo anatomica* quaedam commentatus est, quae seorsim deinde ab *Teucro Annaeo Privato* cum praefatione de *anatomes laudibus* edita sunt, minime tamen etiam neglectis observationibus in eandem *Capivaccii* methodum anatomicam.



## §. CCXXXIX.

*Albertinus Bottanus*, uti *Patavii* lucem adspexit publicam: Ita etiam huic potissimum Academiae labores suos sacros esse voluit, eoque ipso amorem, quo in patriam ferebatur, publice testatus est. Cum vero operam suam in *morborum muliebrium* investigatione potissimum locasset, vix potuit abesse, quin de *structura uteri* hinc inde quaedam differe- et; Quia facile intelligebat, hac ignorata, nihil solidi de *morborum muliebrium* natura in medium proferri posse.

## §. CCXL.

Cum etiam *Eustachius Rudius*, Utinensis, qui in Gymnasio *Patavino* medicinam practicam publice docuit, de *usu totius corporis humani* peculiari scripto egerit, hic vero notitiam structurae partium praeliminarem supponat; Vix mihi persuaderi patior, eum *anatomes* omnino imperitum fuisse. Accedit, quod de *naturali atque morbosa cordis constitutione* tribus distinctis libris tractaverit; Id quod iterum sine *anatomes* peritia fieri non potuit. Miror tamen, quod ideo, substantiam cordis musculosam esse, negaverit, quod voluntatis humanae arbitrio motus ejus non sit subjectus, cum ad motum tam *systalticum* quam *diastalticum* jugiter in corpore continuandum, & motum sanguinis circularem hoc modo praestandum, totum hoc viscus a natura sit destinatum.

## §. CCXLI.

*Baptista Codronchius*, medicus *Imolensis*, in *commentariolo de morbis*, qui *Imolae* & alibi communiter anno 1602. vagati sunt, simul morbi novi, *prolapsus* nempe *cartilaginis mucronatae* meminit, in quo de structura ossis pectoris & cartilaginis mucronatae nec non de usu ejusdem agit.

## §. CCXLII.



## §. CCXLII.

*Johanni Padovano* nullum forte locum hic tribuissem, nisi de singularum C. H. partium significationibus tractatum edidisset, qui *Veronae* 1589. in 4. lucem publicam adspexit.

## §. CCXLIII.

Eminentiozem in hoc studii genere locum meretur *Andreas Caesalpinus*, qui *Areti* in *Italia* lucis hujus usura frui coepit. Quō acrior fuit sectator *Aristotelis*, eo vehementius contra *Galenum* disputavit. Quae sparsim in reliquis suis scriptis tradidit *anatomica*, ea *Douglassius* in unum congeffit suntque sequentia: Cor non solum arteriarum, sed & venarum ac nervorum principium esse; Valvulas quoque venae cavae ostio adpositas esse agnovit, hoc inprimis argumento motus, quod sanguis ex corde in venam regredi renuat, eo quod ostio venae cavae tres membranulae sunt coaptatae, ita ut concedatur quidem ingressus sanguini in cor, egressus autem nequaquam; Addit quoque: Membranas ostio sic adpositas esse, ut, corde dilatato, aperiantur, contracto autem claudantur; Quibus ex verbis clare elucere videtur, quod motum cordis *systalticum* ac *diastalticum* optime agnoverit. Quae res permovit non paucos, ut inventionem motus sanguinis circularis ante *Harveum* eidem vindicarent; Qua tamen de controversia jam superius disputavimus. Reprehendit insuper veteres, quod, nulli licet fundamento innixi, nomina tamen *arteriae venosae* & *venae arteriosae* imposuerint; Cum eorum alterum *arteria*, alterum vero *vena* sit. Ubi denique de generatione & conceptu agit, trium quoque membranarum, foetum involventium, commemorat.



## §. CCXLIV.

*Christopherum Guarinonium*, Veronensem, omni jure in scriptorum *anatomicorum* serie omittere potuisssem, nisi de *principio venarum* & de *natura humana* sermones IV. reliquisset. Caeterum fuit *Rudolphi II.* consiliarius & medicus aulicus.

## §. CCXLV.

Nec *Ludovici Septalii*, Mediolanensis, celebris alioquin medici, ullam hic fecissem mentionem, nisi in libro de *morbis, ex mucronata cartilagine evenientibus*, tractatum reliquisset, in quo cartilaginis hujus fabricam descripsit. Docuit medicinam in academia *Ticinensi* & octogenario major Mediolani, quo in ducatu proto-physici generalis munere perfunctus est, a. 1630. obiit. Idem argumentum tractasse quoque *Baptistam Codronchium*, paullo ante vidimus.

## §. CCXLVI.

*Thomas Cornachinus*, Araetinus, medicinam quidem practicam in academia *Pisana* professus est, sed propterea *anatomem* non penitus despiciatui habuit, verum in *medicina*, quam edidit, *practica*, capitis & pulmonis anatomem tradidit, imo & de larynge, uvula & tonsillis egit.

## §. CCXLVII.

Verum *Liberali Cremae*, Tarvisino, nullum hic locum concessissem, nisi *Adriani Spigellii* de formato foetu librum singularem ejusdemque epistolas duas anatomicas in vulgus emisisset; Propria enim in anatomicis merita nulla habuit.

## §. CCXLVIII.

Similiter de *Alexandro Massaria*, Vicentino, acerrimo *Galenii* sectatore, cum quo errare quam cum aliis vera dicere maluit,



maluit, omnino tacuisssem, nisi *anatomen* ipsum docuisse legissem. Quamvis enim nulla *anatomici* argumenti scripta evulgaverit; In *medicina* tamen *practica* & docenda & facienda multum sibi famae comparavit.

§. CCXLIX.

*Johannes Baptista de Gello*, Florentinus, alio nomine non innotuit, nisi quod de fabricae humanae natura dialogos decem in publicum emisit.

§. CCL.

An *Aemilius Parisanus*, Romanus, de arte *anatomica* multum meruerit, multi dubitant. Licet enim in exercitationibus de subtilitate quæstiones aliquas anatomicas, more *Laurentii*, examinet; Ingenti tamen contemptu de illis judicat *Riolanus*, cecatam chartam vocando, *annalium Volusianorum* fato dignissimam, quae *Parisani* fatuitatem declaret, quaeque deferatur in vicum, vendentem thus & odores, & piper, & quicquid chartis amicitur ineptis. *Douglassius*, de ipso sermonem faciens, rudem ac barbarum adpellat, quique artis anatomicae prorsus ignarus ineptias & soloecismos effutiverit. Quo proinde loco disputatio ejus, qua fervide admodum doctrinam de circulatione sanguinis impugnavit, habenda sit, aliis dijudicandum relinquere malo.

§. CCLI.

De *Paulo Sarpi* vel *Serpa*, Veneto, qui ordinis *Servi*, unde *Servita* dictus, monachus & pater fuit, haud injuria dici forte posset: Num quid *Saul* inter prophetas? Nisi viderem, quam plurimos & inter eos potissimum *Walacum*, *Thomam Cornelium Consentinum* aliosque ea in haeresi versari, quasi circulationis sanguinis primus fuerit inventor; Quam tamen traditionem



ditionem esse fabulosam & a veritate alienam *Georgius Entius* adseruit. Eodem forte loco habenda est altera traditio, quod motum *pupillae*, ejus nempe constrictionem ac dilatationem primus in homine observaverit.

§. CCLII.

Quae *Fortunius Licetus*, Genuensis, in libro de perfecta hominis constitutione in utero nec non de motu sanguinis disseruit, *physiologiam* tantum, non *anatomem* illustrant, nisi, quae de origine nervorum disputavit, hujus argumenti esse, operose contendat.

§. CCLIII.

Pari modo cum *Marco Antonio Ulmo* comparatum est, qui de *utero* quidem *muliebri* scripsit, sed magis in temperiem quam structuram ejusdem inquisivit. Egit tamen de testibus mulierum & in *physiologia* barbae humanae simul maxillae inferioris & menti descriptionem exhibuit.

§. CCLIV.

Jungo huic *Theodorum Baronium*, philosophum ac medicum *Cremonensem*, qui, cum de operationis *mejendi triplici laesione & curatione* libros duos publico communicaverit, necessitate quasi quadam coactus fuit, ut instrumenta urinaria, eorundemque descriptionem brevem praemitteret.

§. CCLV.

Ab *Italis* ad *Hispanos & Portugалlos* progredimur, quos inter *Ludovicus Collado*, *Johannes Fragosus*, *Alphonsus Rodericus Guevara*, *Andreas Leon*, *Emanuel Nonnius* &c. eminuere.

§. CCLVI.

De *Ludovico Collado*, Valentino, ejusque scientia anatomic a  
nihil



constat aliud, quam quod in librum *Galen*i de ossibus ad tyrones sit commentatus, cui in fine adnexa est descriptio ossium capitis, ejusdemq; foraminum & sinuum. Discipulus fuit *Vesalii* & strenuus ejusdem sectator.

## §. CCLVII.

*Johannes Fragosus*, Toletanus, nullum hic locum inveniret, nisi libro, quem *de chirurgia* edidit, anatomica quaedam essent interspersa. At vero *Andreas Leon* de *anatomia* ex professo, hispanica tamen lingua, scripsit; Quod idem etiam *Alphonsus Rodericus Guavara* fecit, qui de re anatomica librum *Conimbriae* impressum reliquit.

## §. CCLVIII.

Jungo hisce *Emanuelem Nonnium*, Olyssiponensem, qui de *tactu* ejusque *organo* librum unum posteritati commendavit.

## §. CCLIX.

Inter Gallos hujus aevi potissimum eminuere *Jacobus Guillemacus*, *Franciscus Rossetus*, *Petrus Franco*, *Johannes Costa*, *Amatus Lusitanus*, *Vincentius Burgundus*, *Guilielmus du Vall*, *Johannes Pistorius* aliique mox memorandi.

## §. CCLX.

Primum itaque locum *Jacobo Guillemaeo*, Aurelianensi, *chirurgo Parisiensi* jurato, tribuo, qui non solum *Ambrosii Paraei* opera elimavit, novisque iconibus illustravit & latinitate donavit, sed & in anatomicis ipse gnaviter sese exercuit, & universam hanc artem figuris atque tabellis exornavit. Si tamen judicio *Douglassii* standum, plerasque harum tabularum ex *Valverda*, expositiones vero earundem ex *Platero* hausisse mutuoq; accepisse dicitur. Ejusdem filius, *Carolus Gillemaeus*



virulentissimam apologiam *Curto*, quem impudentissimum & importunissimum vocat, opposuit.

### §. CCLXI.

*Franciscus Roussetus*, sive, ut ab aliis scribitur, *Rossetus*, ὑπερομοτομικῶν, sive partum caesareum tantum descripsit; Ea tamen occasione simul musculors abdominis, quorum quippe apertione hac in operatione absolute opus erat, delineatos exhibuit. Cumque permultis haec chirurgia admodum difficilis & periculosa videretur, apologiam pro *partu caesareo* scribere coactus est, in qua probavit, *foetum vivum ex matre viva*, & quidem, quod utique mirandum, *sine alterutrius vitae periculo*, imo, *absque foecunditatis ablatione*, exscindi posse.

### §. CCLXII.

*Petrus Franco* Chirurgiam potius quam medicinam exercuit; Cujus rei testis est tractatus ejus de herniis, in quo non solum omnes earundem species enarravit, sed & cataractarum depositionem aliasque operationes explicuit. Cum vero sine *anatomes* peritia id factu vix possibile ipsi esset: Hinc isto in libro omnia abdominis viscera, organa itidem, generationi in utroque sexu dicata ipsumque oculum anatomicè descripsit.

### §. CCLXIII.

*Guilielmi du Val*, Academici *Parisiensis* nullam quoque hic mentionem fecissem, nisi in *synopsi doctrinae peripatetiae analytica* adseruisset, testiculos mulierum multis vesiculis esse repletos; Id quod idem adsertum *Vesalio* aliisque placuisse, haud ignotum est. Et *Vincentii Burgundi*, Bellovacensis, ideo tantum memini, quod in speculo quadruplici seu totius naturae historia nonnulla continentur, quae de corpore humano ejusque



ejusque partibus agunt: Quae enim praeterea de generatione & partu differit, ad *physiologiam* potius quam *anatomem* pertinent.

#### §. CCLXIV.

*Jacobus Grevinus*, Claromontanus Bellovacus, *anatomes totius aeri insculptae delineationem* publico exhibuit, cui addita est epitome innumeris mendis repurgata, quam de C. H. *fabrica* Andreas Vesalius conscripsit, eidemque brevis partium H. C. tum simplicium tum compositarum elucidatio accessit. *Jacobus Douglassius* plagii ipsum accusat, existimans, tabulas esse *Gemininas*, cujus tamen *Thomae Gemini* nullam ullibi mentionem fecerit: Cum contra manifestum sit, nullum in *tabulis Gemininis* occurrere vitium, quod non in *Grevinianis* similiter reperiat, & in inscriptione editionis, sermone gallico exaratae, diserte referatur: Tabulas hasce mandato Henrici VIII. regis Angliae in vulgus prodiisse.

#### §. CCLXV.

*Thomae Tigeonis*, Andegavenfis, *antimaecologicum*, quo demonstratur, *obstetricibus de virginitate aut defloratione mulieris adulterae testimonium ferentibus, non esse tantum fidendum*, hic pariter non memorassem, nisi de alis, clitoride, placenta aliisque ad *anatomem* pertinentibus rebus in eodem actum esset.

#### §. CCLXVI.

De *Francisco Ulmo*, Pictaviensi, qui discipulus *Laurentii Juberi* fuit, constat quidem, ipsum *anatomem* publice professum esse, attamen praeter libellum *de liene* nihil typis mandavit. Ejusdem vero nepos, similis nominis exercitationem anatomicam in circulationem sanguinis *Harvaeanam* edidit.

#### §. CCLXVII.

A Gallis transitum facimus ad *Anglos & Scotos*, commemoraturi



moraturi paucis, quos superius omisimus, & citra dubium tamen ad hoc seculum pertinent & qualemcunque operam ad rem anatomicam illustrandam contulerunt. Spectant huc *Johannes Cajus*, *Guilielmus Bulleine*, *Helkiah Croocke*, *Petrus Lowe*, *David Kynalochus*, ut & *Johannes Banister* una cum *Thoma Vicario*, chirurgus Londinensi.

#### §. CCLXVIII.

Quod speciatim *Johannem Cajum* attinet, lucem is publicam adspexit *Nordvici* in Anglia 1510. Praeceptore usus est *Job. Baptista Montano*, &, postquam gradu doctoris in Academia *Cantabrigiensi* exornatus, ea in arte salutari specimina edidit, ut primum regis *Eduardi VI.* deinde *Mariae*, tandemque *Elisabethae*, reginarum Angliae medicus factus sit. Reliquit commentarium anatomicum in libros *Galen*i de *administrationibus anatomicis* nec non in ejusdem librum de *ossibus* ad tyrones & in anatomiam *Hippocratis*.

#### §. CCLXIX.

*Helkiah Crooke*, Regis *Jacobi* medicus, auctor est *microcosmographiae*, qua quidem non pauca comprehenduntur anatomica, sed quae ex *Bauhino*, *Laurentio*, *Julio Casserio* aliisque deprompta sunt. Fuit discipulus *Petri Pawii*, Professoris *Leyden*sis.

#### §. CCLXX.

*Guilielmus Bulleine*, lingua anglica scriptum chirurgicum imprimi curavit, in quo non pauca occurrunt anatomica, una cum figura sceleti, ex chirurgia magna *Vesalii* deprompti. Quo eodem modo cum *Johanne Banistro*, chirurgus Anglo, res sese habet, qui quippe eadem lingua scriptum edidit, duabus figuris sceleti humani ac totidem partium externarum ex *Vesalio* desumptis, sed, judice *Douglaffio*, misere depravatis, non tam exornatum quam potius vitiatum. §. CCLXXI



## §. CCLXXI.

Ex *Scotis David Kynalochus* libros II. de *anatomye* scripsit, & ejusdem contreraneus, *Petrus Lowe, Glascae* natus, auctor est operis chirurgici, in quo plurimae C. H. partes anatomice descriptae reperiuntur, v. g. *anatomye oculi*, descriptio *peritonaei*, *epiploi* & *intestinorum*, *testiculorum* itidem *vasorumque spermaticorum*, nec non *vesicae urinariae* ipsiusque *penis*. Agitur quoque de numero *ossium*, & *sceleti humani* figura, ex *Vesalio* tamen petita exhibetur, tandemque *venae*, quae secari solent, simul cum figura *venarum cutanearum*, per anteriora corporis disseminatarum, describuntur.

## §. CCLXXII.

Supereft *Thomas Vicarius, Londinensis* proto-chirurgus in nosocomio S. Bartholomaei, de quo *Douglassius* praedicat, quod *anatomica* anglico idiomate primus omnium conscripserit.

## §. CCLXXIII.

Ex *Belgis* huc referimus *Adrianum Junium* & *Christopherum Plantinum*. Prior *nomenclatore* omnium rerum, propria nomina, variis lingvis explicata, indicante satis innotuit, in quo etiam primo statim titulo de *humani corporis* partibus egit. Posterior vero, *Plantinus* nempe *Antwerpiensis*, ob tabulas *anatomicas Valverdeae*, quas magna non minus industria quam artificio sculpi curavit, in hoc scripti genere suum tuetur locum.

## §. CCLXXIV.

Ejusdem nationis sunt *Jacobus Bordingus, Antwerpianus* & *Balduinus Ronsaeus, Gandensis*. Ille medicam artem in academia *Hffniensi* publice professus simulque archiatri munere apud *Christianum III. Regem Daniae* est perfunctus. Ana-



tome ejus primum *Helmstadii* seorsim fuit evulgata, deinde vero junctim physiologiae nomine a *Levino Batto* edita. Hic vero in *centonibus*, ut ipse vocat, de *vitae humanae primordiis* nonnulla immiscuit, quae *anatomien* concernunt, uti sunt vasa seminaria utriusque sexus, situs vulvae & pauca alia de semine & formatione foetus, quae tamen, stricte loquendo, *physiologici* potius quam *anatomici* sunt argumenti.

### §. CCLXXV.

Ex *Hungaris* solus est *Johannes Jessenius a Jessen*, qui in *historia anatomes* ideo aliquem sibi locum vindicat, quod anatomiam Pragae, cujus quippe academiae Cancellarius fuit, a. 1600. solemniter a se administratam descripsit ac publicae luci exposuit, cui ejusdem tractatus de ossibus accessit. Similiter *Andreae Valsalvi* anatomicarum observationum examen in publicum produxit. Ei tamen jungendus est *Petrus Mon*, *Lascovio-Hungarus*, qui de homine, magno illo in rerum natura miraculo & partibus ejus essentialibus egit, & quidem duobus libris, in quorum primo de anima rationali, in altero vero de corpore hominis tractavit, quae tamen omnia a scopo medico sunt paulo alieniora.

### §. CCLXXVI.

Germanis nostris, quorum in *historia anatomiae* nullam fecimus mentionem, adnumeramus adhuc *Conradum Gesnerum*, *Joachimum Camerarium*, *Henricum Paxmannum*, *Matthiam Dresserum*, *Melchiozem Sebizium*, *Christopherum Meurerum*, *Georgium Grassecium*, *Hectorem Sclanovium*, *Davidem Herlicium* aliosque plures ordine nunc recensendos.

### §. CCLXXVII.

*Conradus Gesnerus*, Tigurinus Helvetius, ob historiam animalium



nimalium, quam concinnavit, eruditis omnibus notissimus, quem propterea *Douglassius* polyhistorum eximium, Germaniae lumen & decus Helvetiae adpellat, ex professo quidem anatomica non scripsit, interea tamen in *epistolis* suis *medicinalibus* non pauca hinc inde occurrunt, quae secandi artem spectant. Simile de *Joachimo Camerario*, Pabepurgensi, ferendum est judicium, qui quippe alio nomine hic non commemoratur, quam quod in *commentariis* suis graecae & latinae linguae nomina, quibus partes H. C. adpellari solent, diligenter evolverit.

## §. CCLXXVIII.

Similiter *Henricus Paxmannus* ob propositiones de partibus H. C. notus est. Et *Leonardus Thurneisserus*, Basileensis, non tam ob peritiam anatomicam, quam potius ob scientiam herbarum celebritatem est adsecutus. Interea tamen picturae & icones partium omnium H. C. externarum aequae ac internarum ad vivum artificiose expressae una cum historia plantarum illius opera in publicum prodiere.

## §. CCLXXIX.

In eodem argumento, partibus nempe C. H. describendis *Matthaeus Dresserus*, Erphordiensis, occupatus fuit. At *Melchior Sebizi*, Argentinenfis, qui, postquam raro exemplo in 27. academiis cursum suum medicum profecutus est tandemque absolvit, parentis sui in professoria dignitate successor in universitate Argentinensi dignissimus constitutus est, cui etiam exemplo longe rariori, integros 62. annos laudabiliter praefuit, &, quod rarissimum omnium, nulla unquam valetudinis interpellatione turbatus est. Habuit dissertationes IV. de *dentibus*, & exercitationibus ejus accesserunt dissertationes quaedam de discrimine corporis virilis & mulie-



muliebris, nec non de notis virginitatis. Denique in prodromo examinis vulnerum descriptionem structurae atque compositionis singularum C. H. partium praemittit, quarum adfectus dicto in examine explicuit.

§. CCLXXX.

At vero *Johannes Albertus Sebizi*, in disputatione quadam publica ad ventilandum proposita problemata quaedam anatomica, respondente *Hainzel* Argentorati 1662. exhibuit.

§. CCLXXXI.

Hos inter singularem considerationem meretur *Georgii Barzschii*, ocularii Conisbergensis οφθαλμολογία, quam germanico idiomate in gratiam eorum, qui morbis oculorum curandis sese devoverunt, publici juris fecit. Et ut tanto majorem inde fructum colligere possent, anatomen oculi praemisit. Eandem professionem exercuit quoque *Hieronymus Brunswig*, sive, ut ab aliis scribitur, *Braunswig*, chirurgus Argentoratenensis, qui similiter patrio sermone librum chirurgicum evulgavit, qui *anatomen* cum figura sceleti continet.

§. CCLXXXII.

*Christophero Meurero*, Lipsiensi, nullam aliam ob causam hic locum quendam concedimus, quam quia orationem de anatomia *Lipsiae* habuit. *Georgio* vero *Grafseccio*, Argentinensi, illum ideo denegare non possumus, quod suo in examine τῆ μικροκοσμῆ θεατρῆς fabricam H. C. & masculinum quidem praesentantem, ejusque praecipue partes tam externas & internas quam similes & dissimiles affabre τῇ αὐτοψίᾳ exhibuit, una cum icone masculi hominis dissecti, seorsim expressa.

CCLXXXIII.



## §. CCLXXXIII.

*Michaël Poll* structuram ανθρωπολογικην five σωματολογικην, quam ex optimis quibusque physiologis & peritisimis anatomicis apte construxit, in medicinae studioforum gratiam publici juris fecit.

## §. CCLXXXIV.

Jungimus huic *Hectorem Sclanovium*, qui *diascepsin anatomicam* de vasis umbilicalibus & secundinis una cum προδηκη θεραπευτικη secundinarum retentarum publico exhibuit.

## §. CCLXXXV.

Ut vero, quid in hoc opusculo praestiterit *auctor*, distinctius pateat, sciendum est, octo capitibus illud constare, in quorum *primo*, *secundo* ac *tertio* de methodo hujus διασκεψεως, deinde de historia vasorum umbilicalium ac denique de actionibus & vitalitatibus horum vasorum agitur. Subjuncta sunt quatuor problemata de situ umbilici, de vasorum umbilicalium exortu & quae urachi in foetu humano sit utilitas, nec non cur vasa umbilicalia sint contorta? Et num contorsio haec sanguinis impediat transitum?

## §. CCLXXXVI.

Capite *quarto* historiam secundinarum sistit & in *quinto* de actionibus & vitalitatibus secundinarum agit, & problemate adnexo de infantum recens natorum galea & laqueo differit. Capite *sexto* & *septimo* cotyledones earundemque utilitates varias exponit, subjunctis aliquot problematibus de iisdem cotyledonibus, ac denique caput *octavum* προδηκην θεραπευτικην continet.

## §. CCLXXXVII.

*Theodorus Caeticus*, artium & medicinae Doctor a. 1572.

Z

brevem



brevem descriptionem corporis humani, discentibus admodum utilem *Witteberga* evulgavit, quae quidem genio temporis, quo vixit, est adcommodata: Ita tamen, ut non omnia temere sint contemnenda.

### §. CCLXXXVIII.

Distinxit opusculum suum duas in partes, in quarum *prima*, praemissa membrorum homogeneorum, *cutis, pinguedinis, carnis, musculi, nervi, ligamentorum, chordae, venarum, articularum, ossium & cartilaginum* descriptione, de contentis capitis, pectoris & abdominis seorsim tractat, nullum certe alium in finem, quam ut *parte secunda ea*, quae *consilia morborum a capite ad calcem* suppeditant, rectius intelligantur; Quae tamen prolixius discutere, non est hujus loci.

### §. CCLXXXIX.

Pertinet huc *David Herlicius*, Cicensis, qui de cura gravidarum, puerperarum & infantium tractatum evulgavit, in quo simul de materia nec non de formatione & nutritione foetus egit, quod argumentum partim *anatomicum*, partim *physiologicum* est.

### §. CCXC.

*Jacobus Schillingius & Henricus Sigismundus* hujus quoque loci sunt; Ille enim *Jacobus*, Winchemio-Francus, de natura oculorum tractatum germanico idiomate emisit, in quo omnia visionis organa ample describuntur, & figuris ligno incisus illustrantur: Hic vero auctor est discursus physiologico-anatomici de microcosmi miseria & perfectionis excellentia. Reliquit insuper tractatum osteologicum seu osteologiam microcosmicam.

### §. CCXCI.



## §. CCXCI.

*Johannes Casparus Helblinus* de oculi structura epistolam exaravit, quae cum epistolis *Guilielmi Fabricii Hildani* exstat. Et *Christopherus Preibisius* fabricam C.H. octo disputationibus comprehensam, in alma Lipsiensi publice discutiendam proposuit.

## §. CCXCII.

*Matthias Ludovicus Glandorpius*, Coloniensis, discipulus *Adriani Spigellii*, in speculo chirurgorum, explicationem partis affectae anatomicam, ut decebat, semper praemittit, atque adeo dicto in speculo cutis, cranii, cerebri, matris, maxillarum, frontis, palpebrarum, oculorum, aurium, labiorum, narium, asperae arteriae, cordis, diaphragmatis, omenti & peritonei anatome continetur.

## §. CCXCIII.

Inter disputationes medicas varii argumenti, quas *Johannes Jacobus Genathius* collegit, etiam occurrit *Johannis Burgoveri*, *Scaphusini*, disputatio de corporis humani partibus, decade sexta reperiunda. Cui apte jungenda disputatio *Gregorii Nymmaei*, *Wittebergensis* Saxonis, qui professoris anatomes in illa academia munere perfunctus est agitque de vita foetus in utero, qua luculenter demonstratur, infantem in utero non anima matris, sed sua ipsius vita vivere propriasque suas vitales actiones exercere, & matre extincta, saepe vivum & incolumem ex ejus ventre eximi posse; Adeoque a magistratu non concedendum, ut vel ulla gravida vita defuncta sepeliatur, priusquam ex ejus utero foetus excisus, vel minimum sectione, an infans adhuc vivus an vero mortuus sit, exploratum fuerit? Extat partim seorsim, partim cum *Francisci Plazzoni* libro de partibus generationis.



## §. CCXCIV.

*Henrico Hoepffnere* tractatum debemus *de signis virginitatis*, qui idem etiam de *observationibus quibusdam anatomicis* epistolam scripsit. Et *Johannes Schenckius*, *Grafenbergensis*, in observationibus suis medicinalibus, quae omnium manibus teruntur, multa quoque anatomen concernentia, est complexus.

## §. CCXCV.

Agmen claudat par virorum omni eruditionis genere clarissimorum, *Thomas* nempe *Reinesius*, *Gothanus*, & *Daniel Sennertus*, *Uratislaviensis*. Quod priorem attinet, multam is quidem celebritatem & famam non solum *variarum lectionum* libris, sed epistolis ad *Nesteros*, patrem aequae ac filium perscriptis, est consecutus; Sed ejus tamen rei gratia hic a nobis non commemoratur, sed quod observationem plane singularem de *vasis umbilicalibus* eorumque ruptura reliquerit. Quoad posteriorem vero, satis constat inter omnes, quod in prolixis suis operibus, quae practica sunt, rerum ad anatomen spectantium rarius meminerit: Negari tamen interea nequit, quod in institutionibus, quae seorsim editae sunt, hinc inde non pauca anatomen spectantia legantur.

## §. CCXCVI.

Unicum adhuc recensere liceat *Paracelsum*, antequam ad scriptores anatomicos seculi decimi sexti transitus fiat. Accusatur is, quod artis secandi penitus imperitus & ignarus fuerit. A *Freindio* homo *illiteratus* & *fanaticus* vocatur; Quae judicia cum grano salis accipienda esse puto. Equidem, si ingenue fatendum, quod res est, pauca in scriptis *Paracelsi* anatomes vel ruditer saltem excultae vestigia reperiuntur: Ideo



Ideo tamen non statim concludendum est, ipsum eandem contentui plane habuisse. Satis agnovit is, anatonem medico summe necessariam esse; Ejus enim ope detectos esse vermes in cerebro; Proinde meminit vermis ibi inventi, qui duram pariter ac piam matrem perforaverit, unde phrenitidis originem derivavit. Concedit porro, anatomes beneficio innotuisse Venetiis, tres lapillos in ventriculo esse reperi-  
tos; Usneam super duram & piam matrem, lutosam item vel lapideam materiam in orificio ventriculi, & usneam in intestinis detectam esse &c. Fatetur quoque, ex anatomia artem medicam comprobari ac confirmari. Quibus tamen nihil obstantibus, vehementer etiam disputat contra anatomiam pseudo-medicorum, ad quam classem ipsam plane *Galen*i anatonem reducere nullus dubitat, quam quippe vanam atque bachanticam doctrinam adpellat. Similiter anatonem cadaverum humanorum insufficientem esse declarat. Quid vero ipse hac in arte praestiterit, anatome oculi speciminis loco esse potest. Reliqua enim, cum ejusdem prope-modum indolis sint, jure omni sicco pede praetereo.

### §. CCXCVII.

Quamvis autem, quae hucusque de scriptis anatomicis seculi decimi quinti enarravimus, sint utique omni encomio digna, utpote praecedentium temporum scriptores multis parasangis superantia: Nullo tamen modo comparanda sunt edocumatis scriptis, quae in hoc genere seculo proxime elapso Anatomici Germani cum exteris certatim in lucem publicam produxerunt. Si enim in solis Germanorum operibus recensendis nostram locare vellemus operam, abunde haberemus, unde integram Bibliothecam anatomicam



erigere integrum esset. Quia vero consultius esse judicamus, ordini semel coepto constanter inhaerere, pleniorque scriptorum anatomicorum historiam exhibere: Hinc modestiae gratia dicendi rursus initium faciemus ab *Italīs & Hispanīs*, transaturi inde ad *Gallos, Anglos, Danos, Suecos*, & ultimum denique locum *Germanis* nostris reservaturi, quamvis, si rem ex aequo aestimare vellemus, primum fortassis jure mererentur.

### §. CCXCVIII.

Itaque inter Italos circa initium statim seculi non levem sibi famam comparavit *Hieronymus Fabricius ab Aquapendente*, a patria ita cognominatus, quia *Aquapendente*, oppido Italiae natus est. Praeceptorem habuit *Fallopium*, cui etiam in Professione chirurgica in academia *Patavina* successit, in qua per integros 50. annos professioni anatomico-chirurgicae praefuit. Primus in theatro anatomico recens tunc exstructo anatomias publicas administravit, a Senatu Veneto mille coronatorum stipendio ad id conductus. Propter singularia sua merita, quibus rempublicam sibi devinxit, Eques D. Marci creatus est & catena aurea magni pretii donatus. Secuit non solum corpora humana sed & brutorum animalium, quo ipso & aliis exemplum praebuit similia tentandi, potissimum in academiis Germaniae, ubi rarissime cadavera humana secunda quondam obtingebant. Scripsit etiam varia opera anatomica, de instrumentis loquelae, de ostioliis seu valvulis venarum, quas si primus non detexit, ad minimum multum perfecit, quicquid ad earum notitiam pertinet, de instrumentis respirationis, de articulationibus ossium, de gula, ventriculo & intestinis, de artificio musculi, de integumentis totius animalis aliaque ad anatomiam spectantia. Integra  
ejus



eius opera anatomico-physica *Patavii* prodire splendida plane atque magnifica forma, nempe charta regali, literis non solum majusculis, sed & figuris nitidissimis. Obiit *Patavii* anno 1619. cum aetatem suam produxisset ad annum octogesium secundum, ad quam longaevitatem fertur pervenisse prudenti usu aloes rosatae, quam invenisse & subinde adhibuisse dicitur.

### §. CCXCIX.

Ejusdem discipulus & temporis successu plane aemulus, *Julius Casserius*, *Placentinus*, non minore secandi peritia clarus fuit. Natus est *Placentiae*, unde *Placentinus* dictus: Cum enim ex humili familia prodisset, paupertate pressus famulatu *Aquapendentis* sese tradidit, ex famulo deinde discipulus, ex discipulo aemulus tandemque successor in professione anatomica & chirurgica *Patavii* factus est. Edidit tabulas anatomicas, omnes novas nec antehac visas, quae anatomiae novae titulo prodiit, & accuratam organorum sensilium tam humanorum quam animalium brutorum & delineationem & descriptionem exhibet, speciatim vero de organis vocis auditusque & oculorum agitur. Tabulas istas tam editas quam non editas *Daniel Bucretius* ab interitu vindicavit, easque cum *Spigellii* libro anatomico aeri incidendas curavit, suisque interpretationibus illustravit.

### §. CCC.

Posthaec vero eadem *Placentini* ut & *Danielis Bucretii* tabulae anatomicae una cum necessaria earundem explicatione nec non *Adriani Spigellii* instructione de foetu in utero matris, ex latino in germanicum sermonem versae, prodierunt studio *Simonis Pauli*, anat. & chirurg. P.P. in Academia Regia *Hassniensi* una cum appendice de origine, incrementis & pro-



& progressibus summaque utilitate anatomiae. Revisit tandem suisque additamentis & observationibus, osteologiam praecipue & myologiam concernentibus locupletavit *Johannes Jacobus Fickius*, Med. D. ejusdemq; in Academia Jenensi P. P. orbi medico satis ob indefessam operam notus, quam in erudiendis philiatris comprobavit. In quibus tamen versionibus in vernaculam nostram id cumprimis desidero, quod, dum quam maxime laborarunt terminos artis anatomicae technicos germanice reddere, rem ipsam saepius magis obscuraverint, quam illustraverint: Qua tamen in re peritos artis sibi facile consulturos speramus.

§. CCCI.

*Johannes Baptista Cortesius* varia etiam anatomica edidit in miscellaneis suis medicinalibus, quae lucem hanc adspexere Messinae anno 1625.

§. CCCII.

*Aemilius Parisanus*, Romanus, nobilium exercitationum anatomicarum libros XII. scripsit.

§. CCCIII.

*Julius Fasolinus*, in Gymnasio Neapolitano anatomiae & chirurgiae Professor, utramque sibi demandatam spartam optime excoluit: Scripta vero non admodum multa reliquit, praeter quaestiones anatomicas & osteologiam parvam. Possunt etiam aliqua ejusdem legi in collegio anatomico trium clarissimorum virorum, *Severini, Fasolini & Cabrolii*.

§. CCCIV.

In publicum prodiit dictum collegium Francofurti A. M. DCLXIX. apud *Herrmannum a Sande*, cujus praecipua  
conten-



contenta, quod historia in anatomiae neglectum est, hic exhibere, Lectori forte non erit ingratum. Primum locum occupant *Julii Jafolini*, Locri, medici *Hipponiatae*, quaestiones anatomicae & osteologia parva. In illis duae discutiuntur quaestiones de adipe cordis, in quarum prima, quid per adipem & pingvedinem intelligi debeat, inquiritur & utrumq; humanis in corporibus reperiri, evincitur; In secunda vero adipem, non pingvedinem in corde contineri, ostenditur tandemque probatur, adipem, ratione praecipue materiae, naturae providentia gigni, adjecto simul usu, quem a nemine hucusque excogitatum esse existimat, quique in eo consistat, ut in ingentibus caloribus, inediis ac frequentibus exercitationibus deserviat. In tertia de aqua pericardii agitur, & primum quidem in ejus originem & substantiam inquiritur, &, refutata *Curtii* sententia, multa nova traduntur. In *osteologia parva* non modo mutua ossium humani corporis compositio ex nuda *Galenii* sententia recensetur, sed illa etiam tanquam caeteris verior ab *Ingrassia* (quem magnum vocat) interprete demonstratur, obscuriora ossium nomina enucleantur, *Galenii* opinio de ἐπιφύσιος usu contra *Vesalium* & *Fallopium* defenditur & ossium numerus ad unguem enarratur.

### §. CCCV.

His adjiciuntur ejusdem *Jafolini* nova observata de poris choledochis & vesicula fellea pro *Galenii* sententia adversus anatomicos neotericos, ubi primum *Gabrielis Fallopii* sententia de poris choledochis nec non ejusdem ut & aliorum anatomicorum lapsus deteguntur, deinde vera *Galenii* sententia adversus *Vesalium*, *Fallopium* aliosque anatomicos adse-



ritur, novus usus amplioris meatus ab hepate ad duodenum panditur, rationeque & experientia probatur.

### §. CCCVI.

Proximum in hocce collegio anatomico locum merito concedimus *Marco Aurelio Severino*, Thurio; Honori enim merito cedit *Fasolino*, quod discipulum habuerit celeberrimum hunc Italiae chirurgum, cujus memoriam hodieque venerantur istarum regionum & aliarum quarumcunque artifices. Perfunctus est *Severinus* noster tam anatomiae quam chirurgiae professione publica in Gymnasio Regio *Neapolitano*, & sicuti in operationibus chirurgicis exercendis versatissimus fuit, ita anatomiam sororio semper vinculo chirurgiae conjunxit & imprimis *Zootomiam* seu vivorum sectionem serio commendavit. Proinde edidit *Zootomiam Democriteam*, h. e. anatomen generalem totius opificii animantium, libris quinque distinctam, opus certe, non omnibus tantum bonarum artium studiosis, sed & ipsis Professoribus artis medicae perquam utile. Scripsit vero etiam historiam anatomicam observationemque medicam eviscerati corporis, & imprimis quaestiones quatuor anatomicas, *primam* nempe de aqua pericardii, *alteram* de adipe cordis, *tertiam* de poris choledochis & *quartam* denique de osteologia pro *Galeno*. Atque hae ultimae potissimum sunt, quae praedicto collegio anatomico insertae deprehenduntur, & quae adcuratiorem recensitionem promerentur.

### §. CCCVII.

Initio autem quam solemnissime protestatur *Severinus*, ne *Fasolini*, Praeceptoris sui, manes, ipsi succenseant, quod alia incessevit via super ea disceptatione, qua quaeritur, an potulenta omnia solemnī naturae decreto delabantur ad pulmonem



monem, an vero ad stomachum faceffant? Existimaverat enim *Jasolinus*, aquam pericardii conflari partim ex fero quatuor vasorum cordis, partim ex potulentis per asperam arteriam lente delapsis; Quam tamen sententiam *Noster* confutat, suaeque refutationis argumenta a materia, fine, formis medelarum, de lapsu vomicae in asperam arteriam, crebro tussendi vellicandique motu, ab assumptis acidorum, ab irritato naturae labore, a naturae providentia, officio pulmonis, pisciumque bronchiis mutuatur.

### §. CCCVIII.

Secunda *Severini* ἐπίδοχῃ directā est in *Iulii Jasolini* quaestionem de adipe cordis, ubi ejusdem negligentiam in eo notat, quod materiam illius adipis calore subigi atque compingi voluerit. Epidocha *tertia* perstringit ejusdem *Iasolini* quaestionem anatomicam de poris choledochis. In osteologia denique capite *primo* agitur de ejusdem dignitate ac necessitate ad universam anatomē, in *secundo* de natura, generatione & causis ossium, in *tertio* de partibus & quibusdam eorum appellationibus, in *quarto* & *quinto* de differentiis, compositione & syntaxi ossium.

### §. CCCIX.

Succedunt *Bartholomaei Cabrolīi*, *Monspeliensis* academiae anatomici chirurgique regii, cui tertium in hoc collegio locum concessimus, observationes variae, anatomiam potissimum concernentes, quarum primariae hae sunt: Venae portae radices esse in intestinis, ramos vero in hepate, cujus tamen contrarium omnia anatomicorum theatra personuerit, adeo ut unanimi propemodum consensu docuerint, radices venae portae esse in hepate, ramos vero per mesenterium



rium & intestina diffundi. Cujus rei contrarium sustinuit *Noster* multisque tum rationibus tum *Hippocratis* atque *Galen*i auctoritate comprobavit. Convellit etiam communem & hactenus a plerisque receptam sententiam: *Nervos & patulos esse & per cavitatem suam spiritus animales ad sensum & motum in partibus excitandum transmittere*; Quod ille efficaciter iterum confutat, demonstrans, nervos meatu sensibus obvio destitui, cum sint duri compactique, maxime cum longius a cerebro abeunt, nec aliud, quo eos a venis arteriisque discernamus, occurrit, nisi haec cavitatis carentia: Unde non potest satis mirari, quid illis in mentem venerit, qui spiritum animale nervis ut canali perferri voluerunt, cum nihil appareat, quod corpori huic transitum praebeat; Eo interim non obstante obsoleta de spirituum per nervos influxu fabula in hunc usque diem tyronibus artis ex cathedris academicis denuo inculcatur.

### §. CCCX.

Porro vero observatione *tertia* multas quidem rationes, auctoritates & experientias allegavit, quibus serio testiculis virilibus vim *σπερματοποιητικὴν* competere negavit, quarum tamen pleraeque partim efficaciter nihil concludunt, partim manifeste falsae sunt. Majorem vero attentionem meretur, quod observatione *quarta* allegavit, nervos nimirum opticos non ab anteriori, sicuti hactenus creditum est, sed a posteriori cerebri parti nasci; Idque re ipsa sic sese habere, ad sectionem cadaverum provocando probat. Consensum aurium atque laryngis, & cur immisso profundius in aurem auriscalpio, tussis excitetur, *observatione quinta* ex fundamentis anatomicis sic demonstrat: Nervum quinti jugi, cum per anfractus auris ossi petroso sese immisit, priusquam tympani regionem



regionem pervadat, in duos abire ramos, quorum alter satis magnus, alius admodum exilis existat. Ex magno membranae instar dilatato fieri tympanum; Alium inferiora pervadere & quasi comitem illius, qui ex sexta conjugatione derivetur, inferi propriis laryngis musculis, quorum origo a superiore parte laryngis, insertio in inferiorem: Contra quam est eorum, qui a parte illius inferna orti, superiori implantentur, & nervulos a recurrentibus suscipiant. Denique *observatione sexta* enarrat duo, raritate admodum commendabilia, quae secundo deprehendit, quorum primum est: *Porum choledochum*, alias in *ecphysin* sese exonerantem, proxime pylorum egressum habuisse, ita ut non minus ventriculo, quam intestinis bilem transmitteret: Quam causam fuisse, ait observator, cur comes *Anfumondianus*, cujus cadaver secuit, saepius nausearet vomeretque, &, quod hinc sequitur, alvi esset durioris. Alterum vero est; *Lien*, qua mole, quo pondere visendum, quinque amplius libras pependisse, insuperque omnibus, quibus adnecti debuit, ligamentis solutum fuisse, ideoque per totam ventris cavitatem natasse. Reliquas, utut curiositate eximia sese commendantes *Cabrolii* observationes lubens mitto, inprimis cum suo loco de ejusdem scriptis agendi iterata sese offerat occasio.

## §. CCCXI.

*Johannes Benedictus Sinibaldus*, Leonissanus, *geneanthropiam* scripsit seu de hominis generatione decateuchon; Ubi ex ordine, quaecunque ad humanae generationis liturgiam, ejusdemque principia, organa, tempus, usum, modum, occasionem, voluptatem aliasque omnes affectiones, quae in aphrodisiis accidere quoquo modo solent ac possunt, dedita opera methodice & jucunde pertractantur. Verum, quod



saepius jam, data occasione, a me monitum est, tota haec tractatio non tam *anatomem*, quam *anthropologiam* illustrat.

§. CCCXII.

*Franciscus Platzonius*, Patavinus, in schola *Pataviana* anatomiae Professor fuit, ediditque libros II. de partibus generationi inservientibus, quibus omnium ac singulorum organorum utriusque sexus ad generationis opus concurrentium structura, actiones, ususque perspicua brevitate explicantur & multa circa eadem problemata enodantur.

§. CCCXIII.

*Casparus Asellius*, Ticinensis, quem alii Cremonensem esse volunt, primus est, qui praecedentis seculi anno 1622. vasa lactea per mesenterium decurrentia detexit & publice demonstravit, quibus venarum lactearum nomen imponere placuit. Sunt tamen, qui veteribus quoque illarum notitiam vindicare non erubescunt, speciatim *Galeno*, qui illas certissime quidem animadvertisset, sed pro arteriis habuisset, quo proinde errore seductus, orificia arteriarum ad intestina pertingentium modicum quippiam alimenti recipere, docuisset. Neque desunt, quibus probabile videtur, observasse illa vasa etiam ex antiquis *Erasistratum* in hoedis nuper lactatis, ast cum *Galeno* habuisse pro vasis arteriosis, majori lactis copia repletis. Quidquid vero horum sit, non potest tamen laus ista *Asellio* nostro denegari, quod adcuratius lacteas istas venas demonstraverit & pro peculiaribus vasis, distinctum usum praestantibus, habuerit. Edidit hunc in finem dissertationem de venis lacteis; quarto vasorum mesaraicorum genere, noviter invento, qua sententiae anatomicae multae vel perperam receptae convelluntur vel parum perceptae illustrantur.

§. CCCXIV.



## §. CCCXIV.

Est autem probe notandum, quod harumce venarum lactearum originem, progressum & insertionem, quatuor iconibus ex brutorum tantum subjectis repraesentare fuerit conatus: Nam in homine demonstrare illas non potuit, imo nequidem voluit, quod inhumanum esse judicaverit, hominem viventem ob sciendi libidinem incidere.

## §. CCCXV.

Patavii vixit nobile *Marschettorum* par, *Petrus* atque *Dominicus de Marchettis*, quorum ille chirurgica, hic vero anatomica scripsit. *Illius* suo tempore, *hujus* vero hic facienda est mentio. *Dominicus de Marchettis*, Patavinus, *Petri*, Equitis & Professoris filius, in juvenili sua aetate edidit anatomiam, cui responsiones ad *Riolanum*, anatomicum *Parisiensem* in ipsius animadversionibus contra *Veslingium* additae sunt. Neque vero existimandum est, anxiiis quaestionibus physiologicis vel pathologicis, quae nonnullorum perversa consuetudo est, immoratum esse *Nostrum*, qui meram potius anatomen fideliter retulit, & quae in cadaveribus pene innumeris summo labore per annos haud paucos observavit, aliis communicare peraequum duxit. Ordinem, quem in hoc opere servavit, quod spectat, ad *Veslingii* methodum is accedit, in qua quippe ventres cum suis partibus exacte explicantur, & viscera, quae putredinem facilius sentiunt, primis diebus extrahuntur; Ut sic paucorum dierum intervallo uno in cadavere omnia, quae in corpore reperiuntur, perlustrari facile queant.

## §. CCCXVI.

Hoc ordine agitur primum de integumentis corporis commu-



communibus, ubi contra *Veslingium* & *Spigelium* de cute observat, quod subjectae pinguedini tam arcte adhaereat, ut absque dilaceratione vix inde separari possit. Membranam carnosam seu panniculum carnosum more caeterorum tegumentorum sese habere totumque corpus tegere, suasque arterias, venas & nervos a vicinis partibus mutuari, imo ab ipsis perforari advertit, & contra *Riolanum*, qui membranam carnosam inter ipsam pinguedinem perfusam esse dixerat, notat, tam in obesis, quam etiam in extenuatis membranam dictam a pingvedine sine dilaceratione separari posse, cum sub ipsa pingvedine sita sit, quod & ipsum & alios anatomes Professores pluries docuit experientia.

### §. CCCXVII.

Capite interim *secundo* loquitur *Marchettus* de ossibus, musculisque abdominis & peritoneo, *tertio*, *quarto* & *quinto* de omento, ventriculo & intestinis, de mesenterio, pancreate, jecore & liene, nec non de renibus, ureteribus & vesica urinaria: Quibus articulis cunctis non pauca iterum occurrunt, in quibus *Riolanum* reprehendi jure posse existimat. v. g. in curandis fistulis ani dixit *Riolanus*, musculus sphincterem secari totum posse; *Noster* vero sustinet, quod, licet consolidationem ejus in dubium vocare nolit, metuendum tamen sit, ne constringendi facultatem amittat, sicque tales homines involuntarium excrementorum alvinorum effluxum incurrant. Quare scindendum quidem esse sphincterem, concedit, obſervare tamen jubet artificem chirurgum, ut aliquam saltem portiunculam integram relinquat, ne faeces involuntarie egrediantur. De ductu *Wirsungiano* notat, quod non uno solum foramine intestinum duodenum perforet, sed quod alii ab ipso canales oriantur, qui in cadavere a se fuerint



rint observati, quique versus hepar quidem porrecti, extra pancreas anastomosin sive plexum fecerint, postmodum vero disjuncti supra venam portae, & arteriae coeliacae ramum dextrum ad hepar pervenerint, ipsumque ingressi sint. Observavit itidem, quod postmodum a praedicto ductu alii angustissimi & exilissimi ductus exorti fuerint, qui per mesenterium sparsi ad intestina tenuia pervenerint.

## §. CCCXVIII.

Verum progrediamur cum *Marchetto* nostro ad caput *sextum* & nonnulla insequentia, in quibus historiam partium genitalium tam virilium quam muliebrium exponit, cui deinde historiam foetus humani adnectit. Capite vero *nono* incipit explicare partes thoracis tam externas quam potissimum internas, cor nempe atque pulmones, ubi capite *undecimo* occasionem capit agendi de vocis, sermonis atque deglutitionis instrumentis, quibus omnibus prolixè declaratis, capite *duodecimo* musculi scapulae, dorsi, colli & capitis enarrantur.

## §. CCCXIX.

Hinc ad exponendas partes capitis externas pariter ac internas sese accingit, &, posteaquam de cerebro atque cerebello succincte egit, ad organorum sensoriorum, oculorum, auriumque explicationem sese convertit. A capite vero *decimo septimo* ad finem anatomes usque in artubus versatur, & postquam ossa recensuit, musculos manuum pedumque, nec non vasa partium extremarum succincte quidem, attamen valde accurate describit: Quibus in capitibus cunctis non contemnendas hinc inde observationes immiscet.



## §. CCCXX.

Hujus generis sunt: Quod cor conspexerit tantae molis, ut integrum thoracem occupaverit; Quod supra muscolum psoas seu lumbarem alium muscolum, sed exiliorem invenerit, qui, unde psoas principio carnosus ortus, inque medio tendinosus factus, eandem cum superiori metam attigerit. Proinde notat *Riolanum*, qui hunc muscolum solummodo in viris reperiri sibi falso persuaserit, quem ipse tamen pluries etiam in foeminis invenerit, & pluribus ostenderit, cujus quippe usus sit, motum ipsius psoas adjuvare; Quam etiam ob rationem, cum supra muscolum psoas moretur, parvum psoas eundem adpellari posse nullus dubitat. Praeterea & in eo reprehendit *Riolanum*, quod arteriam mesentericam superiorem male omiserit, asserendo, quod arteria coeliaca ramum mesenterio tribuat, cujus tamen rei contrarium & ipsi & aliis intuentibus adparuerit, cum & coeliaca & mesenterica superior duae sint arteriae, latitudine unius digiti separatae, ab arteria interim magna ambae productae, quarum inferior mesenterica superior nuncupetur. Plura alia silentio praetermitto, quae alioquin animadversione non forent indigna.

## §. CCCXXI.

Caeterum reticendum hic non est, anatomicum *Marchetti* nostri opus captui tyronum admodum esse adcommodatum, facili quippe stylo conscriptum, atque adeo dignum, quod philiatris in scholis praelegatur. Sicuti eodem nomine etiam commendabimus *microcosmum* *Jobannis van Horne*, cujus quippe explicationem usibus academicis valde aptam propria experientia saepius deprehendimus, postquam inprimis novo ornamento, observatio-  
nibus



nibus nempe & adnotationibus *Paulinis*, instructus prodiit *Hornius*. Fuit *Veslingii* in academia Patavina primum coadjutor, post ejusdem vero obitum successor ipsius declaratus, atque adeo anatomiam simul ac chirurgiam summa cum laude ibidem professus est.

## §. CCCXXII.

*Laurentius Bellinus*, Florentinus, observationes anatomicas de structura renum edidit, quae a. 1711. Lugduni Batavorum recusae, iisque renum monstroforum exempla adjecta sunt. Similiter de organo gustus novissime deprehenso aliquid divulgavit.

## §. CCCXXIII.

Ocellus Italiae, & veluti anatomicorum phoenix, uti a non nemine vocatur, *Marcellus Malpighius*, hic etiam commemorandus est, qui plurimorum curiosorum scriptorum editione haud levem excitavit admirationem. Sicuti autem honores indivulsi virtutum comites esse solent: Ita illi abunde *nostro* quoque obtigerunt. Laurea nempe tam in medicina quam philosophia in academia *Bononiensi* patria exornatus, ac deinceps primum *Bononiae*, hinc *Pisis*, tum *Messanae* muneri professorio admotus est; Societati etiam Regiae Anglicanae per transmissum diploma anno 1669. adscriptus, ac summi denique Pontificis Romani, *Innocentii XII.* medicus secretior & cubicularius designatus est. In philosophicis praeceptores habuit *Franciscum Natalem* & *Johannem Alphonsum Borellum*; In medicis vero *Bartholomaeum Massariam* & *Andream Marianum*.

## §. CCCXXIV.

Edidit observationes anatomicas de pulmonibus, quae cum *Thomae Bartholini* diatribe de substantia & motu pulmonum exstant, nec non epistolas anatomicas de lingua, cere-



bro, externo tactus organo, omento, pingvedine ductibusq; adiposis; Dissertationem itidem epistolicam de formatione pulli in ovo nec non de vegetatione cornuum, ut & de utero & ovis viviparorum, pariterq; epistolas quasdam circa dissertationem de ovo aliaque ex occasione nata argumenta, ultro citroque scripta, una cum appendice, repetitas auctasque de ovo incubato observationes continente. Et ut anatomicen plantarum hac vice mittam, suam quoque operam utilissime collocavit in structura viscerum rimanda & evolvenda: Edidit enim exercitationes anatomicas de viscerum, nominatim pulmonum, hepatis, cerebri corticis lienisq; structura; Quae omnia tandem uno volumine juncta prodire.

### §. CCCXXV.

In operibus quoque posthumis *Malpighii* non pauca occurrunt, animadversione omni digna. Sic graviter tulisse videtur, succi nervei existentiam apud complures in controversiam vocari, vel saltem ejusdem naturam pariter atque usum diversimode ab auctoribus exponi: Illud saltem hac in re maximum habere momentum ipsi videtur, quod, sectis nervorum extremis, ubi nempe in ultimas solvuntur propaggines, succus erumpat. Concedit equidem, in nervis a spinali medulla immediate erumpentibus dictum succum non tam facile occurrere, cum ob mollitiem facile dilacerentur, quam proinde ob rationem solidiores extremosque nervos lustrandos commendat. Neque obstare putat, nervum ligatura facta non turgere, cum lateraliter propaggines habeat reticulariter propagatas, in quas idem succus, impedito ulteriori progressu, derivari possit. Accedit, impetum, succo nerveo a cerebro impressum esse languidum, unde ex quocunque impedimento comprimente & ulteriorem insinuationem



tionem intercipientem, progressum impediri, fisti & ad latera derivari posse existimat. In exercitatione ad *Sponium* peculiaré vas, uterum perreptans, primum in vacca detexit, quod deinde etiam in utero vetulae imperforatae observavit, sicq; in ejusdem existentiae veritate confirmatus fuit. *Nuckium*, diligentem alias glandularum ruspatores, in eo perstringit, quod structura glandularum ab ipso descripta non solum naturae non consonet, sed & quod diminutam eandem exponat.

### §. CCCXXVI.

*Franciscus Josephus Burrhus* ad *Thomam Bartholinum* duas scripsit epistolas de ortu cerebri, uti & de admirando artificio humores oculorum amissos vel destructos restituendi, quod tamen mera speculatione *a priori* niti videtur, quia nemo non animadvertit, ejusmodi restitutionem veram esse opus solius naturae; Observamus enim primo, ejusmodi restitutionem humoris oculorum aquei sine ullis medicamentis sponte natura succedere, sicuti in canibus viventibus ejus rei experimentum tota die capi potest. Deinde liquores infusi, uti est aqua chelidonii majoris, phlegma vitrioli martis, in quo aurum candens extinctum &c. ejus efficaciae vix esse deprehenduntur, ut in substantiam humori crystallino vel aqueo analogam concreescere valeant. Sed de his alibi dicendi occasio erit.

### §. CCCXXVII.

*Carolus Fracassatus*, medicus & professor *Pisanus*, duas scripsit epistolas anatomicas, alteram de lingua, alteram de cerebro, quae cum *Malpighii* epistolis anatomicis prostant. De cerebro quoque edidit dissertationem epistolicam responsoriam.



## §. CCCXXVIII.

*Antonius Molinettus*, medicus & anatomicus *Patavinus*, scripsit dissertationes anatomicas de sensibus eorumque organis, item dissertationes anatomico-pathologicas, quibus partes H. C. adcuratissime describuntur, morbique singulas divexantes explicantur.

## §. CCCXXIX.

*Johannes Baptista Verle* orbi anatomico exhibuit anatomicam oculi artificialem, inventam & recens fabricatam a dicto auctore, quod opusculum deinde ex italico in latinum sermonem translatum est.

## §. CCCXXX.

*Josephus Zambeccarus* scripsit experimenta circa diversa e variis animantibus viventibus exacta viscera. Et *Johannes Guilielmus Riva*, anatomicus Romanus, & *Chisianae* quondam legationis in Galliam Regis Christianissimi & Pontificis *Clementis IX.* Chirurgus ad societatem naturae curiosorum dedit duas observationes, quarum altera concernit restitutionem humorum oculi, altera vero triplex experimentum transfusionis sanguinis: Sed de his alibi agemus.

## §. CCCXXXI.

*Johannes Colle*, Italus, *Beluni* in Italia usura lucis hujus frui coepit, qui, postquam absolutis studiis suis in *Academia Patavina* Doctoris in medicina titulum honoresque impetaverat, in celeberrima *Venetorum* Republica medicinam practicam exercere coepit, ubi fama ejus tam late disseminata fuit, ut a *Francisco Maria II. Urbini Duce*, proto-medicus & nobilis a cubiculo, adsignato annuo honorario 500. ducatorum, renunciatus fuerit. Tandem aulae valedixit otioque academi-



academico uti maluit; Ac proinde in cathedra medica successit *Roderico Fonsecae*, inque academia *Patavina* professionem summa cum laude sustinuit. Scripsit elucidarium anatomicum, quod cum reliquis ejusdem tractatibus exstat.

§. CCCXXXII.

*Hippolytus Boscus*, Ferrariensis, perbreves scripsit lectiones de facultate anatomica una cum quibusdam observationibus.

§. CCCXXXIII.

*Josephus Lanzonus*, medicinae Doctor Ferrariensis, edidit animadversiones varias ad medicinam, anatomiam atque chirurgiam maxime spectantes, inter quas praesertim attentionem pensitationem meretur illa, in qua vasa chyliфера incane a ductu thoracico versus pectus & abdomen propagata & distributa adnotantur, quae filo intercepta inter ductum thoracicum & ligaturam, neutiquam vero inter hanc & partem pectoris intumuerunt. Curiosiori proinde indagine haec res digna nobis esse videtur, ut tandem physiologis rectius innotescat, an lac in mammis muliebribus secernatur in glandulis a sanguine arterioso, sicuti plerisque haecenus visum est, an vero potius chylus immediate per ramulos lactiferos eo deferatur, uti pariter nonnulli adstruere conati sunt, oculari vero demonstratione destituti apud omes aequalem adplausum non invenerunt? Anno hujus, in quo vivimus, seculi 1702, exercitatio medico-anatomica de saliva humana lucem adspexit, quae neutiquam pure *physiologica* est, sed in qua glandularum ductuumque salivalium natura sedulo exposita est.

§. CCCXXXIV.



## §. CCCXXXIV.

*Leal Lealis*, olim *Xenodochii B. Francisci Patavii Chirurgus ordinarius*, postea vero chirurgicae artis *Professor in academia Patavina*, scripsit epistolam de partibus semen conficientibus in viro, ad *Dominicum de Marchettis*, in qua observationes suas ex crebriori cadaverum humanorum sectione haustas libere communicavit, &, quantum *Regneri de Graeff* antehac editis observationibus circa structuram partium genitalium vel conformes essent vel ab iisdem recederent, vel confirmavit vel dissensum pro candore suo non dissimulavit. Speciatim in eo recedit a *Graeffio*, quod adserat, arteriam spermaticam finistram ordinarie non ex trunco aërtæ, sed emulgente oriri. Negat insuper, arterias has recto ductu, sicuti adseverat *Graeffius*, ad testiculos abire, & per ipsam potius autopsiam anatomicam ostendit anastomoses inter arterias & venas spermaticas, tanquam singulari experimento conspicuas, cujus tamen rei fides sit penes Auctorem. Meatum *Highbori* sub nomine corporis olorini, quem *Graeffius* tantum pro membrana vasa suffulciente habuit, quemque in omnibus animalium testiculis reperiri adseruit, & quidem pervium, similiter adstruit. Denique etiam vesicularum seminalium structuram exhibuit, & unicum tantum esse canalem intestinulo haud dissimilem demonstravit, qui saltem per varios anfractus, juvante membrana, in unum collectus, figuram racemi prae se ferat, sicque confutavit hypothesin hactenus receptam, vesiculas nempe feminales variis instructas esse cellulis, quae racematim quasi inter se dispositae sint, sicut cellulosas istas cavitates video etiam agnoscere clarissimum *Verheyenium*, ita tamen, ut eam omnes inter se conjunctionem habeant, ut, inflata una, omnes intumescant.

## §. CCCXXXV.



## §. CCCXXXV.

*Antonius Paschioni*, Regiensis Italus, philosophus simul atque medicus, disquisitionem edidit anatomicam de fabrica & usu durae meningis, in qua rationem ac vim musculosam atque adeo ingentem energiam eidem adscribit. Ut vero majorem inveniret adplausum, Pontificis maximi *Clementis XI.* intimo cubiculario & medico a secretis, archiatro collegiali nec non in Romano archi-lyceo publico medicinae practicae Professori *D. Johanni Mariae Lancisio* dedicavit. Subjunxit calci ipsius operis observationes anatomico-practicas, ad durae meningis usum roborandum spectantes. Ut vero in toto opere de durae meningis fabrica nihil intactum relinqueret, edidit etiam dissertationem epistolarem de glandulis conglobatis durae meningis humanae, indeque ortis vasis lymphaticis ad piam meningem productis, ad virum Clariss. *Lucam Schroeckium*, *Caesareo-Leopoldinae naturae curiosorum academiae praesidem*. Licet enim *Nuckius* vasorum lymphaticorum & consequenter glandularum conglobatarum existentiam in meningibus diserte negaverit, imo & ipse *Malpighius*, felicissimus alioquin glandularum detector & ruspator, de glandulis durae meningis conglobatis nihil communicaverit, noster tamen in sinu longitudinali immediate sub membranosae expansionibus in areolis chordarum *Willisianarum* quin & supra easdem pene innumeras glandulas conglobatas, subrotundas, propria ac tenuissima membrana veluti in sacculo conclusas, sibi detexisse visus est: In sinubus vero laterali-  
bus vel nunquam vel raro admodum talium glandularum vestigia animadvertit. Denique ut plenissima luce radiaret hoc argumentum, binas adhuc dissertationes ad virum spectatissimum, *D. Johannem Fantonum* dedit una cum ejusdem



responsione, quae illustrandis durae matris ejusque glandularum structurae atque usibus sunt concinnatae.

### §. CCCXXXVI.

*Alexander Pascolus*, Perusinus, medicinae Doctor ejusdemq; in academia patria professor publicus, edidit lingua italica corporis humani brevem historiam, in qua nova atque succincta methodo omnia ejus organa & principales eorundem functiones delineavit, ita nempe, ut modo plerisque anatomicis contrario a descriptione partium internarum ad exteriorum periphericarum notitiam sensim progrediatur. Postquam enim priore libro organorum omnium descriptionem praemisit, posteriore eorundem functiones subjunxit, non tamen ex sua ubique hypothese, verum potius in descriptione organorum & partium premit vestigia *Thomae Bartholini*, *Isbrandi a Dicmerbroek*, *Stephani Blancardi*, *Raymundi Vieussenii* aliorumque, ex quibus, uti ipsemet in praefatione testatur, figuras quoque pro illustratione operi adjectas mutuatus est: De functionibus vero partium ratiocinatus est ad mentem *Borelli*, *Malpighii*, *Bellini*, *Rhedi*, aliorumque in arte celebrium virorum.

### §. CCCXXXVII.

*Antonius Maria Valsalva*, Imolensis, philosophiae ac medicinae Doctor, inque *Bononiensi* universitate anatomiae professor & nosocomii incurabilium chirurgus fuit. Hic quamvis non ignoraret, in structura auris humanae investiganda laudabilem jam locasse operam clarissimos alios anatomicos, multa tamen adhuc in exquisitissimo tali organo investiganda latere existimavit: Quare adhuc penitius structuram auris humanae perlustrandam & evolvendam sibi sumsit, ac proinde tractatum de aure humana concinnavit,  
in



in quo integram ejus fabricam, multis *novis inventis* & iconis illuſtratam deſcripſit, omniumque auris partium uſum indagavit, quibus deſectionibus etiam interpoſita eſt ductus ſalivalis, uti & muſculorum uvulae & pharyngis nova deſcriptio atque delineatio, in qua ea, quae ab aliis omiſſa fuere, ſupplentur & in lucem protrahuntur. Concernunt vero *nova*, quae in aure humana detexit, glandulas ſebaceas, glandulam tragi, veram meatus auditorii figuram & inceſſum, corpus reticulare glandularum ceruminofarum meatus auditorii, venas auris, a peculiari vena occipitali oriundas, tubae *Euſtachii* legitimam conformationem & alia complura.

### §. CCCXXXVIII.

Agmen claudat *Paulus Franciſcus Pallierius*, philoſophus ac medicus *Genueſis*, qui *diſquiſitionem medico-anatomicam*, multis novis refertam, de vera lactis geneſi & uſu cum orbe medico communicavit. Ex mixtorum itaque genere eſt ſcriptum hoc, cum non pura *phyoſiologica* ſed & inſuper *anatomica* in ſe comprehendat.

### §. CCCXXXIX.

Aſt relictis *Italis*, tranſitum facimus ad ſcriptores hujus ſaeculi *Gallos*, inter quos primum merito locum tribuimus *Johanni Riolano*, patri pariter atque filio. Pater enim ſimiliter anatomiam edidit, quae in operibus ejus exiſtat: Filius vero, *Johannes Riolanus*, Pariſienſis, conſiliarius medicus regum Galliae, *Henrici Magni* & *Ludovici XIII.* cui etiam *anthropographiam* ſuam dedicavit, inſuper anatomiae atque botanices in academia Pariſienſi profeſſor regius fuit. Quid in re anatomica praefſtiterit, non aliunde rectius colligi poteſt, quam ex propria commendatione, philautiam tamen undique ſpirante, qua ſcripta ſua reliquis



omnibus ad invidiam usque anteponere non dubitat. Protestatur enim, se novam hominis (microcosmi) descriptionem non ex aliorum relatione, sed oculatis manibus, quae credunt, quod vident, diligenter elaborasse. Alibi gloriatur, se reliquis anatomicis perspicaciorum & diligentiorum, vidisse, quod coeteri videre non potuerunt. A multis quidem corpus humanum dissectum & descriptum esse, a nemine vero (citra fastum tamen & arrogantiam) tam accurate sectum & descriptum esse, quam suis (Riolani) laboribus factum esset: Quibus verbis nimis magnifice sensisse videtur de opere suo, tanquam supra coeteros anatomicos omnes elaborato. Caeterum scripsit anthrographiam & osteologiam, scholam itidem anatomicam, novis & raris observationibus illustratam, encheiridion anatomicum, variaque opuscula anatomica nova, v. g. animadversiones in historiam anatomicam *Andreae Laurentii*, in theatrum anatomicum *Cassari Bauhini*, in librum anatomicum de fabrica humana *Hadriani Spillegii*, ad institutiones anatomicas *Cassari Bartholini*, ad anatomica *Cassari Hoffmanni*, in syntagma anatomicum *Jobannis Veslingii*, de quibus alibi dicendi recurret occasio. Scripsit etiam explanationes apologeticas pro *Galeno* adversus novitios & novatores anatomicos. In singulis hisce scriptis multas proponit partim opiniones sibi proprias, partim novas detectiones, quas pro inventis suis haberi voluit, cujus generis sunt: Omentum esse conceptaculum sordium lienis & hepatis: Intra urethram supra carunculam, extremitates vasorum ejaculantium claudentem, esse membranulam circumtensam instar valvulae cujusdam, ad orificium colli vesicae sitam, quae seminis refluxum in vesicam prohibeat. Anastomosin per foramen ovale fere semper in hominibus adultis apertam manere. De tunicis testiculorum



culorum novam eo tempore proposuit doctrinam, ad quinarium numerum eas reducendo, & duas *communes*, reliquas *proprias* vocando. Communium primam *scrotum*, alteram *darton* adpellavit. Ex propriis primam *erythroidem*, cremasteris explicationem, alteram *elythroidem*, peritonei productionem, & tertiam *albugineam*, testiculum immediate succingentem, vocavit. In vena azygos valvulas sibi detexisse visus est intro-foras spectantes. Lineam albam primus negavit, dicens, eam pure imaginariam esse, quae scilicet a cartilagine ensiformi sterni, per medium abdominis ad os pubis usque excurrit, & ex concursu tendinum, qui ex musculis abdominis eo mittuntur, oritur. Sed gravis est censura, quam addit *Diemerbroeckius*, istam *Riolani* sententiam recensens, eum nempe prae senio coecutientem lineam istam amplius videre non potuisse. Novam quoque sententiam de circulatione sanguinis introducere conatus est, a *Slegelio* refutatus, contra quam tamen refutationem *Riolanus* defensionem scripsit, item responsionem hujus argumenti ad experimenta nova anatomica *Johannis Pecqueti* adversus haematosin in corde, ut chylus hepati restituatur, & nova *Riolani* de circulatione sanguinis doctrina facta tectaue conservetur.

## §. CCCXL.

*Johannes Chiffletius*, Gallus, edidit singulares observationes ex sectionibus cadaverum haustas.

## §. CCCXLI.

*Carolus Sponius*, christianissimi Galliarum regis consiliarius & archiater, Lugdunensiumque medicorum collegio adgregatus, heroico carmine descripsit myologiam, soluto autem sermone originem & insertionem muscutorum microcosmi.



## §. CCCXLII.

*Johannes Pecquetus* Diepaeus, magnam nomini suo celebritatem conciliavit, invento receptaculo chyli communi & emergente inde ductu thoracico: Hunc in finem edidit experimenta nova anatomica, quibus incognitum hactenus chyli receptaculum & ab eo per thoracem in ramos usque subclavios vasa lactea deteguntur. Posthaec publicum quoq; adspexit dissertatio de lacteis thoracicis, in qua *Johannis Riolani* responsio ad eadem experimenta nova anatomica refutatur & inventis recentibus, *canalis Wirsungici* demonstratur usus & lacteum ad mammas a receptaculo iter indigitatur. Usque adeo processit hoc nostro tempore invidiosum illud contradicendi cacöethes, ut, quicquid demum novi in publicum producat, mox ab aliis proculcetur, contempnatur & jam in trivium vel antiquissimis temporibus notum fuisse, aliis persuadeatur. Hinc non desunt, qui ductum thoracicum jam *Bartholomaeo Eustachio*, celebri alioquin anatomico cognitum atque perspectum fuisse, existimant. Sed descriptionem ejus, prout libro de vena sine pari occurrit, legenti, clare statim adparebit, notitiam illam *Eustachii* admodum adhuc fuisse rudem, cum ignorarit verum principium, quod a subclavia esse dicit, ubi potius finis & insertio quaerenda; Ignoret identidem veram quoque insertionem, quam in lumbis quaerit, ubi potius principium est. Caeterum ad hunc *Johannem Pecquetum* de vasis lacteis & receptaculo chyli epistolam scripsit *Adrianus Auzotius*, quae cum *Syboldi Hemsterbusii* messe aurea proffat.

## §. CCCXLIII.

*Bartholomaeus Cabrolus*, *Monspeliensis academiae* anatomicus regius *Dominique Monmorancii* Franciae Connestabuli chirurgus, reliquit nobis alphabetum anatomicum, h. e. elenchum



elenchum accuratissimam anatomies, omnes humani corporis partes ea, qua solent secari, methodo delineantem, cui accessere osteologia variaequae observationes medicis pariter atque chirurgis perutiles. Prodierunt quoque seorsim variae observationes, quae cum *Severini* & *Fasolini* opusculis anatomicis conjunctim editae sunt, nomine ac titulo collegii anatomici, cujus primaria argumenta superius recensuimus.

## §. CCCXLIV.

*Nicolaus Hobokenus*, phil. ac med. D. hujusque in academia Gelro-Zütphanica, quae est Harderovici P. P. O. a. 1675. postquam nonnullos circa examen secundinae humanae conatus anatomicos cum publico communicaverat, triennio post edidit *anatomiam secundinae humanae* repetitam, auctam, roboratam, quam ipse *foetum, ex foetuum humanorum secundinis, per anatomen lustratis & illustratis genitum* adpellitat; Est illa quadraginta quatuor figuris, propria auctoris manu delineatis, insuper exornata, quae praeter novissime observatam naturam & constitutionem, universae secundinae illius ac partium singularum usum quoque & utilitatem docet. Praemittuntur litterae V. Cl. D. *Henrici Eysenii* M. D. & Prof. Gröning. cum auctoris responsionibus.

## §. CCCXLV.

Universum hoc examen duabus comprehensum est sectionibus; In *priore* illarum recensentur, quae in *secundina foetus foeminini* observata sunt; Ubi hunc servat ordinem *auctor*, ut I) *placentam* ea parte, qua foetum inclusum spectabat, intuitus sit. II) Deinde opposita parte illa, qua continentem uterum maternum respexerat, & *convexa* dicitur, eandem



eandem attentius conspexit, cumque caeteris intimam ejus substantiam perlustravit. III) Membranas, foetum ordinarie involventes, omnes ac singulas, una atque altera parte investigavit. Denique IV. funem, & quae in eo notatu aliquo modo digna occurrerunt, per repetitam animadversionem, diligenter adnotavit, puta funis *quantitatem, colorem, superficiem, figurationem & interiorem* constitutionem; Adeoque vasa involuta umbilicalia, & horum tum *numerum*, tum *figurationem*, tum *situm*, tum *processum*, uti & cum *placenta* cumque foetus *umbilico conjunctionem*.

### §. CCCXLVI.

In *posteriore* vero sectione, qua secundinae humanae utriusque sexus usum atque utilitatem exposuit, hunc servavit ordinem, ut I) quae ad universae secundinae humanae usum spectarent, seorsim exponeret. II) Placentae tum universim, tum partes juxta singulas consideratae, usum explicate traderet. III) Ad membranarum foetum involventium munia atque ministeria tum communia tum propria pergeret; Ac IV) quae ad funis, tum *universim* tum *particulatim* sumti usum atque utilitatem pertinerent, omnimode perlustraret.

### §. CCCXLVII.

Neque vero in hacce indagine utut curiosa & laboris plena adquievit *noster*, sed praeterea *anatomiam secundinae vitulinae*, triginta octo figuris, propria authoris manu delineatis illustratae publici juris fecit, quae praeter observatam naturam & constitutionem universae secundinae illius ac partium singularum usum quoque & utilitatem docet. Praemissae sunt litterae D. *Thomae Bartholini* cum authoris ad eundem responsionibus.

### §. CCCXLVIII.



## §. CCCXLVIII.

Et cum ordo totius tractationis anima sit, hunc potissimum sibi religiose servandum esse duxit, ut primo omnium conformationis organon, nempe uterum, deinde modo masculini modo foeminini sexus foetum conclusum contemplaretur, progressu tandem ad secundinae omnia ac singula facto. Et in secundina quidem observanda ante omnia sibi sumsit *membranas*, foetum cingentes, deinde his contentos *humores* ac ultimo *funiculum* & cum eo recondi sustineriq; solita *vasa umbilicalia*, subjuncta singulorum quam adcuratissima *delineatione* & *adumbratione*.

## §. CCCXLIX.

*Jobannes Theodorus de Bry*, chalcographus, edidit adpendedicem ad *Louysam de Bourgeois* cum figuris anatomicis (*Anhang der Louyse de Bourgeois mit anatomischen figuren*) Qua de causa hic silentio praeteriri non debuit, etiamsi alias suum inter Anatomicos locum tueri vix posset.

## §. CCCL.

*Bartholomaeus Perdulcis*, Parisiensis, commentarios anatomicos scripsit in *Jacobi Sylvii* anatomen inque librum *Hippocratis* de natura humana, qui ex bibliotheca *Gabrielis Naudaci* prodiere Parisiis apud *Olivarium de Varennes*.

## §. CCCLI.

*Carolus le Noble*, Rothomagensis, scripsit observationes raras & novas de venis lacteis mesentericis & thoracicis, deprehensis in corporibus bene pastis, & post quatuor horas strangulatis, mox ejusdem manu publice dissectis.

## §. CCCLII.

*Severinus Pinaeus*, edidit opusculum physiologico-anatomicum



tomicum, duobus libris distinctum, & primo analytice tractans notas integritatis & corruptionis virginum, deinde graviditatem & partum naturalem mulierum, in quo ossa pubis & ilium distrahi, dilucide docuisse videri voluit.

### §. CCCLIII.

*Carolus Drelincourtius*, natione Gallus, olim *medicus Regius Parisinus*, deinde vero in *academia Lugduno-Batava* anatomiae & chirurgiae professor valde clarus fuit. Hic ipse rem anatomicam suo tempore non parum illustravit, ac proinde edidit varia anatomiam & physiologiam concernentia, uti sunt hypomnemata de membranis foetus humani, melete-mata de tunica foetus allantoide & animadversiones de tunica chorio, castigationes item de membrana foetus agnina & emendationes de foetuum pileolo, nec non meditationes elencticae super humani foetus umbilico.

### §. CCCLIV.

Quanquam autem tam haec, quam reliqua mox commemoranda magni hujus anatomici scripta universalem propemodum adplausum adinvenerint: Placet tamen ex illis hic imprimis sistere ejusdem tractatum de foetus humani conceptione, membranis, umbilico, nutritione atque partu, ideo praecipue, quod ejus systema aliorum observationibus circa has partes factis, omnium exactissime congruere videatur. Systema ejus circa modum conceptionis tale est: Dum in foecundo coitu uterus mulieris libidine tentatur, flaccidae alias tubae adinstar mentulae virilis eriguntur, spiritibusque venereis turgidae expandunt fimbrias suas foliaceas, donec coeco impetu in testiculorum amplexus ruant. Elidunt itaque ovulum quoddam maturius suo compressu, juvante insimul



insimul nisu proprio scrobiculi nerveo-carnosi, cui inhaeret ovulum; Nec obstat tunica testiculos investiens, quippe quae non minus diduci & expandi videtur ovis maturatis, quam pericarpia solent in plantis, cum semina maturuerint. Elapsum hoc modo ovulum, suisque inclusum membranis, excipitur a tuba illa uterina, atque ope fibrarum ejus per anfractus maximeque tortuosam viam in cavitatem uteri deducitur &c. Atque idem hoc systema jam olim nostrum fecimus & singulari observatione in corpore infanticidae detecta ulterius confirmavimus: Qua de re videri ac legi potest *observatio prima primae partis Exercitationum Francofurtensium*. Quae vero de seminis masculini fermento spirituofo, innumeris atomis acido-salinis constante ulterius differit *Auctor*, & qua ratione atomi istae ab corpore deciduae partiumque ideis instructae ovum petant ejusque porulos quaquaversum subeant &c. ea tanquam gratuitis hypothesebus subnixa mittimus.

### §. CCCLV.

Edidit vero *Drelincourtius* plura adhuc scripta, uti sunt praeludium anatomicum, quod in *amphitheatro Lugdunensium* ad primam anatomes suae ἐγχείρησιν adhibuit. Scripsit de semine virili aequae ac muliebri, ovis, utero, tubis uteri cum corollariis de humano foetu. Reliquit insuper experimenta anatomica ex vivorum sectionibus petita & alia quaedam rari & selecti argumenti, de ovulis foeminarum, item de partu octimestri vitali. In magnis voluminibus conscribendis scrupulosior fuit, licet, qui ipsi intimius innotescendi occasionem habuere, dexteritatem ejus in anatomicis satis laudare nesciant.



## §. CCCLVI.

*Josephus du Vernay*, academiae scientiarum Regiae socius, consiliarius & medicus ordinarius christianissimi Galliarum Regis, itidemque anatomiae & chirurgiae professor ordinarius, magno cum adplausu in *horto regio Parisino* anatomiam exercuit, deditque exactitudinis suae & dexteritatis in secando specimen, quod organon auditus adcurate descriptum nobis reliquerit, quod nempe non solum structuram sed & usum atque morbos omnium auris partium attinet.

## §. CCCLVII.

Praestitit id *Duverneus* eo modo, ut totum curiosum scriptum *tres in partes* divideret, in quarum *prima* auris tam externae quam internae conformatio singularis exhibetur, in *altera* singularum illarum partium usus physiologice expenditur & in *tertia* denique earundem pathologia atque therapia sistitur: Cunctae vero partes singularibus observationibus adundant. Sic ceruminis aurium verum secretorium organon demonstrat esse glandulas, meatus auditorii tunicae substratas, suisque ductibus excretoriis instructas. In aquaeductu *Fallopii*, qui ex cavitate tympani ad extremum palati, circa narium basin abit, uti & in quatuor auditus ossiculis describendis longe adcuratior est reliquis anatomicis. Eundem hunc *Fallopii* aquaeductum plane membranaceum esse, ac tympani pelliculae aliam adhuc membranam (a *Kerkringio* jam visam) praetendi sustinet. Musculorum auriculae externae, quos communiter quatuor numerant, duos tantum, & internae, cui duos tantum concedunt, tres recenset; horum posteriorum binos malleo, stapedi tertium adsignat, cunctos vero pone tympani membranam collocat, aliter iterum, quam ab aliis anatomicis factum hucusque fuit. Varia quoque intuitu  
nervi



nervi auditorii exponit, a *Willisio* non adnotata, nervuli item, qui tympani membranae instar chordae subtendatur, meminit, non auditorii, sed quinti paris propaginem esse dicit. Plura qui de exquisita auris structura, per *Duverneum* detecta, nosse cupit, *Auctorem* ipsum evolvere potest.

### §. CCCLVIII.

Praeterea vero publici etiam juris fecit novum vasorum humani corporis systema, in quo tam secretiorum quam excretoriorum corporis ductuum originem pandere adlaboravit, & nomine isto potissimum intelligit uteri, cotyledonum, mammarum, vasorum sangviferorum lienis, hepatis, renum, pancreatis variarumque capitis partium vasa atque canales. Denique epistola ejus nomine circumfertur, quae multas novas observationes, osteologiam concernentes, continet.

### §. CCCLIX.

*Raymundus Vieussens*, Monspeliensis, vestigia *Willisiana* pressit, inque anatome cerebri medullaeque spinalis pariter versatissimus fuit; Quem in finem edidit universalem *nevrologiam*, in qua non solum omnium H. C. nervorum simul & cerebri spinalisq; medullae anatomicam exhibet descriptionem adcuratissimam, verum & elegantes ac nitidas singulorum icones adjunxit, opus usque adeo absolutum, ut nihil addi posse videatur: Licet alii post ipsum invenerint, quod circa structuram *cerebri*, inprimis vero *cerebelli*, hinc inde mone-

### §. CCCLX.

Neque id mirum cuiquam videbitur, qui serio expend-  
rit, scrutinium nervorum & arduum & intricatum & usque  
adeo laboriosum opus esse, ut *Diemerbroeckius*, rei difficulta-



tem perpendens fateri coactus fuerit, exactam nervorum descriptionem absolute impossibilem esse. Non obstantibus tamen cunctis istis difficultatibus, praeter *Willisium*, Anglum, *Noster* quoque arduum negotium herculeo animo adgressus, nihil magis habuit in votis, quam ut assiduis cadaverum sectionibus, quorum in *Nosocomio Monspeliensi* copia ipsi fiebat, illam *nevrologiae* partem illustraret ac plenius evolveret, quam reliqui anatomici fere intactam reliquerant. Hinc ergo enata est *Vieussenii* nevrographia, quam decem integrorum annorum spatio consummaverat. Divisa est in *tres libros*, in quorum *primo* agitur ordine de generatione ac divisione cerebri, de dura meninge varioque ejusdem usu, de motu cordis & arteriarum, de pia meninge, arteriisque utramque matrem cerebri ipsumque cerebrum irrigantibus, de reti mirabili, infundibulo & glandula pituitaria, de distinctis cerebri substantiis, de cerebro stricto sumpto ejusque muniis in genere, de cerebro & medulla oblongata, de natura & necessitate spiritus animalis, ubi simul etiam de succo nervoso differitur, de ductibus capitis aquosis & emissariis, de muniis glandulae pinealis & plexuum choroidum, de materia spiritus animalis, loco & vera illius productionis ratione, de dispensatione ejusdem, ubi etiam distinctae viae, quas intra cerebrum inire solet, ostenduntur ac variae motus illius actiones explicantur, de differentiis motuum, qui spiritus animalis ope peraguntur, de facultatibus animalibus atque sensibus tam externis quam internis, imaginatione, sensu communi, memoria, judicio ac ratione. In *libro secundo* examen medullae spinalis tribus in capitibus instituitur ordineque tractatur de membranis, de vasis spinalem medullam irrigantibus eorumque muniis nec non de spinali medulla ejusque usu. In *tertio* denique *libro* specialem de nervis tractationem suscipit



suscipit & naturali serie agit primum de nervis eorundemq; officiis in genere, deinde vero specialius prosequitur quatuor priores nervorum conjugationes intra cranium oriundas, ubi simul interna basis calvariae foramina describuntur. Subjungit huiusce descriptionem quintae, sextae, septimae & octavae conjugationis, nervorum itidem intercostalium nonaeq; ac decimae nervorum conjugationis, qui ex cerebro prodeunt, tandemque colophonis loco tractatio de nervis spinalibus, sensu tactus & ratione motus muscularis additur.

### §. CCCLXI.

In hac autem proluxa nervorum descriptione non pauca occurrunt plane nova aut saltem ab aliis tam exquisite non animadversa, uti sunt, quae de quatuor sinibus durae matris auctor commemoravit, quorumq; situs est in ea matris parte, quae cranii basi insertitur, ad prominentiam sellae equinae. Duo illorum superiores sunt & minores, duo vero inferiores ac majores. Fibrarum musculorum cordis dispositionem atque seriem longe aliter, quam ad ea usque tempora innotuerat, descripsit. Organon pituitosi humoris secretorium, qui in emunctione narium vel per sreatum rejici solet, membranam esse pituitariam credit, variis hunc in finem vasis muciferis exornatam; In sinibus autem ossium maxillae superioris & basis calvariae, tanquam in cysteris adservari mucum istum a sanguine secretum putat, donec, data occasione, ad narium cavitatem aut in patentes ad fauces meatus deponatur. Plura alia ejus generis inventa nova in ipso auctoris libro legi possunt.

### §. CCCLXII.

Idem *Raymundus Vieussenius* novum quoque vasorum corporis



poris humani systema concinnavit; *Novum* dicitur, quia antea eum vasorum *Bartholinianorum* lymphaticorum principium a venis, cunctorum vero reliquorum tubulorum secretoriorum & excretoriorum exortum praecise ab arteriarum tunica spongiosa & nonnullorum finem in venis nondum, quantum constat, adseruit ullus. Cum vero hoc in tractatu *auctor* secretoriorum & excretoriorum corporis ductuum originem demonstrare apud animum suum constituerit, exponendum ante omnia duxit, quid canaliculorum se- & excretoriorum nomine intellexerit? Scilicet secretorios adpellat ductus, qui excrementitios solummodo succos ex arterioso sanguine secernunt, uti sunt membranarum & muscutorum lymphatici; *Excretorii* vero eidem dicuntur, qui humores excrementitios segregant, more spongioso urinosorum renum vel biliferorum hepatis ductuum: Qui denique ductus excrementitiorum humorum secretioni vacant, uti vasa vesiculoso-lymphatica uteri, illa partim pro secretoriis partim per excretoriis venditat.

### §. CCCLXIII.

Horum autem secretoriorum vasorum alia immediate, alia mediate ostendit succos ex arterioso sanguine secretos in venas exonerare, pariter atque excretoriorum ductuum alios immediate, alios mediate, humores excrementitios ex interioribus corporis eliminare, vasis lymphatico-nerveis & adiposo-nerveis titulum a nervulis mutuantibus iis, qui cum lymphaticis & adiposis vasis strictissime coalescunt eorumque cavitatibus inhiant. In hoc interim vasa lymphatica *Autoris* a *Bartholinianis* discernuntur, quod *priora* ex arteriis emergant, & in venas partim, partim in spongiosam aliqujus partis substantiam desinant; *Posteriora* vero ex venis orientur



oriantur numerosa, v. g. lymphatica uteri muliebris ex venis membranae propriae, atque nunc in receptaculum lumbare, nunc in ductum thoracicum, nunc in venas alias terminentur.

#### §. CCCLXIV.

Haec vero omnia uti generalia sunt: Ita deinde specialius partibus ipsis, quae ex ejuscemodi tubulis contextae sunt, adplicantur, postquam nempe praevia coctione vel maceratione in aqua nec non exsiccatione earundem mediante microscopio a *nostro* detecti sunt. Id quod in utero, mammis aliisque partibus fusius deinde demonstrat, quas deductiones omnes huc transferre nimis prolixum foret.

#### §. CCCLXV.

Sunt tamen non pauca memoratu dignissima, quae in eodem tractatu *de novo vasorum systemate* occurrunt, qualia sunt: Laticem nutriendis & augendis ossibus, quamdiu accretionis capacia sunt, a periosteo suppeditari. Vasa adiposa, pingvedinem continentia, ex arteriis immediate proficisci, id quod comprobatur exemplo omenti, omni fere pingvedine spoliati & cadavere alicujus, qui febre lenta perierat, extracti; In quo quippe vasa adiposa foraminibus maxime sensibilibus, licet exiguis a se invicem ita discreta, & ita simul intertexta apparuerint, ut telam sericam reticulatam tenuissimae texturae referrent, adeoque ductus adiposi hujus omenti juxta vasa illius sangvifera ita disposita essent, ut illos e parietibus arteriarum immediate oriri, & in venas terminari, clarissime patuerit. Idem tradit, in tota hepatis structura venam portae cum vena cava ita dividi ac distribui, ut innumerae illarum propagines, statim atque a truncis recedere incipiunt, in membranaceas cellulas figurae ovalis aemulas continuoq;



nexu simul ligatas abeant. Exilissimos autem venae portae & cavae propaginum furculos in memoratis cellulis diversimode in semetipsos pro jecinoris glandulis, membrana obvolutis, constituendis convolvi & vena simul anastomosi jungi; Cui tamen adserto contradicit *Ruyfchius*, & quamvis vasorum, speciatim venae portae & cavae fasciculi glandulas mentiantur & munia quoque glandularum exequantur, glandulae tamen recte dici nequeant. Idem vasorum lymphaticorum *Bartholini* exortum a venarum parietibus repetit. Adseruit quoque, venas cum arteriis continuari, nec poros utrumque vasorum genus intercedere, provocans ad autopsiam, sibi per suadens, microscopiorum usu talem continuitatem extra omne dubium positam esse. Arterias in quatuor discerpit tunicas, primam *nerveam*, alteram *vasculosam*, tertiam *spongiosam* & quartam denique *interiorem*, poris innumeris instructam vocando: Venis autem tres concedit tunicas, ab arteriis tamen mutuatas, & minori vasculorum apparatu instructas, quarum primam *communem*, alteram *mediam*, interioremque *spongiosam* adpellat. Folliculo fellis ductus biliferos tum primarios, tum secundarios vindicat, horumque originem ab illis, illorum vero ab arteriis petit. Pancreas nihil vult aliud esse, quam vasorum diversi generis congeriem. Eandem, nempe vasculosam structuram etiam renibus adjudicat, ea saltem differentia, quod exteriorem eorum substantiam ex arteriis, venis & tubulis lymphatico-adiposis, ex membranis nascentibus, interiorem autem ex arteriis, venis & ductibus spongiosis sive urinariis conflata perpendat, communisque membranae texturam ab exiguis quibusdam nerveis propaginibus, permultis adiposis & paucissimis ductibus sangviferis derivet. Duram matrem ex sangviferis tantummodo & lymphatico-nerveis ductibus compingi, adstruxit



struxit. Vasculorum, corticem cerebri constituentium, exortum non solum in arteriis sed & in tubulis piaë meningis lymphatico-nerveis quaesivit. In infundibulo, per horas tres vel quatuor aëri sicco exposito adnotavit arteriolas, venulas & vasa lymphatica distinctius, quam in reliquis membranis; Glandulam ipsam pituitariam partim ab eadem meningis productione, quae infundibulum circumtegit, undiquaque immediate succingi, partim ex meris vasis lymphaticis & sanguineis varie implicitis compingi, multum tamen a cerebri substantia distingvi adseruit. Glandulam pinealem pro vera cineritiae cerebri substantiae appendice venditat ejusque contextum vasculosum, tam a vasis lymphaticis tenuissimae membranae ambientis, quam a lymphaticis arteriolarum derivat. Quartum spinalis medullae involucrum non tam pro piaë meningis productione, quam pro tenuissima membrana ex vasis diversi generis, sangviferis inprimis & lymphaticis conflata esse reputavit. Duorum nervorum insignium, qui per dorsum penis supra crassam corporum nervosorum membranam feruntur, originem a nervis ossis sacri, potissimum ultimo seu sexto repetiit. Uterum ex tribus membranis, communi una & duabus propriis, atque intermedia substantia spongiosa coagmentari credidit. Mammarum quidem structuram *Ruyschius* totam vasculosam, ex meris scilicet vasis sangvifluis atque lactiferis contextam adstruxit; Qua tamen descriptione non contentus *noster*, addidit adhuc contextum vasorum lymphatico-nerveorum. Plura alia ex hoc *Vieussenii* tractatu de novo vasorum systemate huc transferri possent, nisi tempori & chartae parcendum esset.

## §. CCCLXVI.

Anno 1686. *Anonymus* quidam, quem Clarissimi Aëtorum  
 E e 2 rum



rum Lipsiensium Scriptores *Genevensis Medicinae Doctorem* fuisse suspicantur, nos dominum *Beddevole*, medicinae Doctorem esse novimus, tentamen edidit anatomicum (*Essais d'anatomie*) in quo constructionem organorum eorumq; operationem mechanicam, secundum novas hypotheses clare sese explicaturum promisit. Suo loco relinquo, quae Auctor de glandulis, nervis, musculis, cartilaginibus, ossibus, membranis, vasis lymphaticis, ore cum adnexis partibus, oesophago, stomacho, intestinis, jecore, mesenterio, venis lacteis, receptaculo chyli & ductu thoracico, de corde, pulmonibus, pectore, liene, renibus, vesica urinaria &c. eorundemq; constitutione mechanica more anatomicorum differuit; Verum quod novas attinet hypotheses, secundum quas variarum illarum partium operationes, usus & functiones explicare conatus est, de illis aliud feret iudicium, qui sequentia tantum specimina, quae primo discursu occurrunt, expendere operae pretium duxerit. Cui enim bono, tanta prolixitate de elementis agere in tentamine anatomico? Et quis credet, corpus humanum sua in fabrica & constructione feliciter intelligi posse, si corpus animatum eodem modo, sicuti reliqua corpora ex elementis constructa esse, supponatur? Quid juvat nosse, ex congerie infinitorum corpusculorum in motu constitutorum, quam aetherem vocamus, nonnulla sibi invicem adhaerescencia constituere moleculas, quae commodè elementa corporum vocari, & quae, non obstante infinita inter illas varietate, in quinque genera dispesci possint, quorum primum comprehendat moleculas valde solidas & angulis acutis praeditas, secundum multis iisque satis patulis poris instructas, tertium ramosas, quartum oblongas, sed in extremitatibus superficie ovali donatas, quintum tandem illas, quae ad genera praecedentia referri nequeant,



queant, quae specialibus nominibus acidi, alcali, sulphuris, phlegmatis & terrae insignire nullus dubitavit? De spiritibus animalibus, more aliorum, qui quidlibet in corpore animato fingendi licentiam sibi arrogant, supponit, constare illos maximam partem ex alcali & sulphure volatili. Pluribus in re manifesta testimoniis non est opus.

### §. CCCLXVII.

Pertinet huc eximia observatio Dn. *Buisfiere*, anatomici & chirurgi Gallici de ovo in tuba *Fallopiana* cadaveris foemini dissecti reperto. Singularia in hac sectione deprehensa fuerunt sequentia: In ovario lateris finistri aperturam notavit, ex qua ovum, quod priori inservierat infanti, exiverat, quae adhuc dum valde lata fuit, & cujus extrema paululum adhuc disrupta visa sunt. *Tubam Fallopianam* dextri lateris versus extremitatem suam praeter solitum distensam deprehendit, quae distensio in maxima latitudine complectebatur paulo plus, quam pollicem unum in diametro & paulo ultra sesqui pollicem extendebatur, versus matricem paulatim diminuta. Ea pars hunc in modum dilatata sese incurvabat, totumque fere ovarium amplexabatur, cujus etiam membranae tam firmiter adhaerebat, ut ab ea non nisi vi divelli posset. Tuba tandem ab ovario separata liquoreque delapso, ovum aperte conspectui fuit oblatum. Tres ovuli illius quadrantes extra ovarium per factum ibi foramen jam exiisse notavit autor, ita ut illi non amplius videretur annexum; Nihilominus cum ille auferre illud niteretur, adhaerere illi deprehendit per petiolum quendam satis durum, per quem vasa sanguinea pertransibant, intra ovulum & super illo dispergenda. Tubam finistri lateris in statu naturali constitutam offendit, sicuti & ovarium, excepta apertura, per quam ovulum prioris infantis exierat. Ee 3 §.CCCLXVIII.



## §. CCCLXVIII.

Anno 1709. *Lugduni Batavorum* prodiit descriptio ossium, triga tractatum comprehensa, quos *Curtialis*, *Petitus* & *Lemerius* A. 1704. & 1705. seorsim *Parisiis* ediderunt. Quod observationes *Curtialis*, anatomici *Tolosani* attinet, illarum aliae ossa in genere, eorundem formationem, structuram, medullam, nutritionem, filtrationem morbosque, speciatim strepitum, fragilitatem, incurvationem, emollitionem ac molem majorem concernunt; Aliae vero nova hepatis vasa lymphatica, vesicularem vesicae urinariae hydropem, vulnus cordis, ventriculum perforatum, membranofam intestini recti constipationem, bubonocelen, liquorem pericardii, molam &c. spectant. *Petitus* vero, chirurgus juratus *Parisiensis*, artem medendi morbis ossium tradidit, quam *quinque* in *libros* dividere placuit *auctori*, in quorum *primo* theoriam pariter ac praxin luxationum, in *secundo* vero fracturas partium durarum exhibuit; In *tertio* de exostosi & carie egit, in *quarto* diversas anchyloseos species & dentium morbos exposuit & in *quinto* seu *ultimo* rachitidem explicuit. Descripsit insuper lignoque incidi curavit iconem machinae cujusdam, quam extensioni vel reductioni brachii luxati rite adornandae longe felicius servituram sperat, quam alias hucusque in usum vocatas machinas, quae brachio luxato reponendo adcommodata fuerunt. *Lemerii* denique dissertationem de nutritione ossium quod attinet, magis illa physiologici, quam anatomici fori esse videtur.

## §. CCCLXIX.

Commode hic suum quoque inveniunt locum, quae ex regiae scientiarum academiae historia, auctoribus *Johanne Baptista du Hamel* & *Fontenellio*, excerpta sunt. Spectat huc usus  
illius



illius canalis, per quem in foetu vena portae cum vena cava in jecore communicat, qui talis assignatur, ut aer, qui a matre per venam umbilicalem ad cor foetus pervenire debet, circulari sanguinis motui in foetu sufficiat, longo alias itinere nimium suo de motu perditurus. Digna quoque relatu est observatio de ovario mulieris, quod in illa tantum in tumorem excrevit, ut post mortem 35. librarum pondus aequaverit. Rarum itidem est, quod in senis propemodum centenarii corpore dissecto novem postremae dorsi vertebrae in unum & continuum os coäluerint. Curiosa quoque est ventilatio controversiae de motu sanguinis circulari in foetu per foramen ovale & canalem arteriosum, quae huc redit: An sanguis, qui per foramen ovale transit, ex dextra cordis parte in sinistram juxta communem sententiam; An vero ex sinistra cordis parte in dextrum juxta D. *Mery* opinionem impellatur? Ubi D. *du Verney* antiquum systema probat asseritque, ad foramen ovale dari valvulam, quae fluxum sanguinis a dextra in sinistram partem admittat, ex sinistra vero in dextram impediat. Contra D. *Mery* non modo negat usum sed & plane existentiam hujus valvulae.

### §. CCCLXX.

Neque negligendum est, quod D. *Littre* ex trium subjectorum sectione cognovisse testatur de calculis, qui inter ipsas vesicae tunicas aliquando substiterint & augmentum ceperint. Eorum primordia ab ipsis renibus repetere tanto minus veretur, quanto distinctius in cadavere Juvenis cujusdam vidit, a duobus calculis tum eam ureteris partem, quae inter tunicas vesicae procedit, primum perforatam, hinc a quolibet eorum meatum intra vesicae substantiam ad locum usque, ubi detinebantur, efformatum fuisse, tum duo pariter ulcera,



ulcera, in rene alterum, alterum vero in pertuso uretere excitata, per hujus canalem materiam purulentam excernentia. Quemadmodum autem ejusmodi calculos ad vesicae collum locatos digito indice in viri intestinum rectum, in foeminae autem vaginam uterinam immisso explorare jubet: Ita pro ipsis removendis, si minores fuerint, tunicam vesicae internam cathetere applicato supra indicem alterius manus suppositum frequentius atterere, atterendoque, quo exitus iisdem ad vesicae cavum detur, rumpere svalet, in majoribus tantum lithotomiam ordinariam ita admittens, ut tenaculo simul tumor vesicae apprehensus ac blande hinc inde agitatus laceretur. Quae omnia in theoria sic satis plausibilia sunt. Optandum tantum, ut speculationi felix in praxi respondeat eventus! Praeterea idem D. *Littre* exemplo canis monstrosi, qui sine ore & naribus vivus non modo, sed & crassus editus est, probat, foetum in utero saltem aliquando, si non semper, per solam chordam umbilicalem nutriri. Idem quoque naturalem glandulae pituitariae conformationem usumque exposuit: Dictae nimirum glandulae pituitariae, quam nonnullae fibrae carnea ac multi nervuli paris sexti & rami anterioris paris quinti, arteriae retis mirabilis & venulae stipant, e duplici substantia coagmentari ostendit, cinerea altera, altera vero rubicunda: Cineream pauciores & molliorem intra sellam ossis sphaenoidei posterius haerere in parva durae meningis fossa, quae non solum per aliquot foraminula cum dictae meningis situ pone processus clinoides posteriores locato, communicet, sed & sub se sinum aliquem transversalem habeat, vesiculisque humore albo repletis constet: Rubicundam vero copiosiore & firmiore reliquum sellae occupare atque vesiculas multo minores subtilioremque & candidiorem humorem continentes recondere: Vesiculas ta-

men



men utriusque substantiae foraminulis multis in cavitatem intermediam communem hiare, per quorum minora aliquid a vesiculis rubicundae portionis evacuetur, per majora vero aliquid a vesiculis cinereae recipiatur. Lympham namque tenuem in glandulosis vesiculis substantiae rubicundae secretam & immediate & mediate, nempe mediante cavitate communi ad vesiculas substantiae cinereae deferri; Lympham vero cum aëre in glandulis plexus choroidei sequestratam a ventriculis cerebri per infundibulum in communem cavitatem ibidem infundi, ut cum lymphâ priori partim hic, partim in vesiculis portionis cinereae, majoris attenuationis ergo, commixta per venas & sinum transversalem & ovalem superiori sellae meningi insculptum amandetur, sicque primum sanguis ille, cui glandula pituitaria immergitur, deinde etiam omnis, qui per duos sinus inferiores sellae sphaenoideae refluit, floridior ac fluidior reddatur.

### §. CCCLXXI.

D. *Mery* libere fatetur, se in tunica oculi uvea, praeter fibras rectas, nullas observare potuisse circulares, quas tamen *Drelincourtius* in *praeludio anatomico*, tanquam veteribus sub coronae titulo jam cognitae, descripsit. Idem singulari exemplo mulieris, ultimo mense gravidæ & infelici lapsu subito enectæ demonstravit, circulum sanguinis matrem inter atque foetum medio placentae uterinae intercedere; Nam in dissectione abdominis cavitatem sanguine turgidam, e diverso cuncta vasa sanguinea tum propria tum foetus una mortui prorsus vacua deprehendit, etiamsi placenta uterina matrici etiamnum integra sine ulla sanguinis extravasatione adhaeresceret. Denique adprobavit sententiam chirurgi, *Antonii Maitre-Jean* & medici *Brissacii* (*Brisseau*) imo ipsius quoque



*Guerneri Rolfinii* de sede cataractae, postquam nempe in duobus oculis, quorum cataractam membranae deberi crediderat, ipsum humorem crystallinum glaucomate affectum, tam solemni modo a se detrusum, quam nova ratione per incisam corneam a *Petito* extractum esse vidit. Idem in milite quodam defuncto omnes fere partes C. H. internas inversasprehendit.

### §. CCCLXXII.

In veritatem ejusdem hujus sententiae, quam de sede cataractarum foveant medici, etiam diligenter *D. de la Hire* inquisivit; Variis enim experimentis, in oculis boum institutis,prehendit: Membranam, qua humor crystallinus involvitur, ab humore vitreo facile separari, acu per scleroticam inter ligamentum ciliare & uveam in humorem crystallinum intrusa; Hunc quidem rotari, at nunquam sub vitreum deprimi, nec ab acu rursus nisi per scleroticae resistantiam removeri potuisse, dum extraheretur. Interdum etiam contingere, ut ligamentum ciliare acu gyrata non rumpatur, sed ut humor crystallinus a tunica sua separetur atque acu retracta pupillam obtegat. Idemque cum *D. Mery* cataractae a glaucomate differentiam observationibus edocere sunt adnisi; Posterior enim existimavit, pelliculam humoris aquei five cataractam, si minus iridi adhaerescat, per vulnus tunicae corneae inferius inflictum commodius totam educi posse, quam via ordinario tantum deprimi: Eo quod humorem crystallinum glaucomate affectum, nec humori vitreo amplius annexum per incisam corneam prompte viderit extractum, vulnusque satis cito cum restitutione humoris aquei, qui simul effluxerat, denuo consolidatum.

### §. CCCLXXIII.



## §. CCCLXXIII.

D. *Gandolphus*, medicus *Massiliensis*, stupendum utriusque ovarii tumorem in foemina 26. annorum observavit, in quo lymphatica vasa usque adeo distendebantur, ut eorum nonnulla arteriis ampliora, lymphatica vero synistri ovarii in duas glandulas & dextri in quatuor, minus adhuc notas, definentia apparuerint.

## §. CCCLXXIV.

D. *Poupartus* sub utrorumque obliquorum & transversalium muscutorum abdominis annulis immediate duo tertia ligamenta abdominis suspensoria notavit, a spina ossis pubis excurrentia & ossium instar indigitatos tres musculos magnos sustinentia.

## §. CCCLXXV.

D. *Winslow* demonstravit, vasa secretoria in glandulis lanugine admodum tenui vestiri, cui primae in filtratione partes sint tribuendae; Ubi, ut ratio facilius reddi possit, cur in singulis organis secretoriis peculiares humones separentur, supponit, lanuginem istam a prima formatione imbutam esse liquore quodam particulari, v. g. bile, si bilem separare debeant &c. Liquorem vero separatum per canales glandulae excretorios exire statuit. His omnibus adhuc jungimus D. *Fauvellum*, chirurgum, qui in ovario foeminae hydatides tantae magnitudinis inventas esse testatur, ut ovula mentirentur.

## §. CCCLXXVI.

D. *Roubantus* singulari studio in placentam uterinam & chordam umbilicalem inquisivit, & quae adnotavit singularia, ad haec tria capita reduci sese patiuntur. *Primum* est;

Ff 2

Aërem



Aërem & sanguinem, si placenta per vasa umbilicalia inflectur, facile transire per superficiem graviditatis tempore utero continuam, nequaquam vero per alteram foetui oppositam; Qua observatione in rem suam usus *Mery*, inde confirmavit, quod jam alias defenderat, superficiem priorem membrana esse destitutam, perinde ac uterum, eadem tamen vestire posteriorem, unde porro concludit, sanguinem a matre deferri ad foetum ac inter foetum & matrem circulationem esse reciprocam. *Secundum* est: Chordam umbilicalem praeter venam & duas arterias, quam ista diametrum habet diametri arteriae duplam, formari ex corpore spongioso, cujus cellulae sint liquore limido, sed glutinoso, gelatinae instar, plenae, ut non modo vasorum mollities & flexilitas conservetur, verum etiam, ne foetus motus sanguinis in iisdem motum impediat. *Tertium* est: Membranam inter chorion & amnion mediam, quam nonnulli, iudice *nostro*, perperam *urinariam* vocant, ipse a loco *mediam* dicere mavult, hunc habere usum, ne vasa capillaria, in qua tum vena tum arteriae chordae umbilicalis disperguntur, ad evitandum in partu haemorrhagias periculi plenas, motibus matris disrumpantur.

#### §. CCCLXXVII.

*D. Paulus Bernbardus Calvo*, chirurgus *Taurinensis*, cum academia scientiarum Regia communicavit observationem oppido raram de foetu, in sacco ex membrana tubae dexteriore formato, concluso. Post nonum mensem cum mater tumorem prope umbilicum contraxisset, eundem aperuit, & foetum jam putredine correptum extraxit, matre undecim ab operatione diebus elapsis mortua. Et notatu inprimis dignum est, quod mater toto gestationis tempore omni prorsus lacte in mammis destituta fuerit.

#### §. CCCLXXVIII.



## §. CCCLXXVIII.

D. *Winslobius*, cujus paulo ante meminimus, insuper refert, situm cordis non esse verticalem, sicuti vulgo creditum fuit, sed fere horizontalem, & orificium ventriculi alterum esse superius, alterum vero inferius, sicuti jam veteres anatomici adnotarunt. D. *Mery*, cujus itidem jam superius facta est mentio, in confesso Academicorum ostendit, nervum opticum cum retina originem trahere a cerebro, choroidem a pia matre & corneam a dura matre. Deinde a nervo optico tam piam quam duram matrem eodem modo separavit, quo a cerebro separari solent, &, incisione nervi secundum longitudinem facta, substantiam medullosam cerebro similem expressit. Retinam eadem repletam esse docuit, atque adeo negat, quod vulgo creditur, nervum opticum esse congeriem filamentorum nerveorum in fasciculum collectorum, nec retinam concedit esse membranam ex fibrillis nerveis contextam.

## §. CCCLXXIX.

Anno 1690. Parisiis idiomate gallico, auctore tamen incerto, prodiit osteologia nova, in qua ossium formatio & nutritio mechanice explicantur, una cum sceleto foetus & dissertatione de incessu hominis & animalium, avium volatu & piscium natatu. In genere demonstrat anonymus, ossa, licet sint partes corporis durissimae, ex iisdem tamen fibris, nempe arteriis, venis, nervis vasisque lymphaticis coagmentari, ex quibus muscoli, tendines aliaeque partes molliores solidescentes sunt coagmentatae, quod vel in foetu quinque vel sex septimanarum ad oculum conspici potest: Corpus vero adultum, sepositis ossibus sesamoideis & hyoides, a bis centum triginta & novem ossibus compaginari, ostendit, &



differentiam ossium in foetu & hominibus adultis in sceleto foetus conspiciendam praebet. Pertinent huc *Lamy* discursus anatomici, & *Bourdonis* descriptio anatomica omnium partium H. C. una cum earundem usibus.

### §. CCCLXXX.

Itidem chirurgus quidam gallus, *Xenodochii Parisiensis*, quod *Hotel Dieu* adpellant, magister ordinarius, cognomine *Dupré* (praenomen ejus ignoratur) edidit descriptionem 5. parium musculorum, diversis capitis motibus super primam & secundam cervicis vertebrae inservientium, nec non duorum ligamentorum vel caput cum prima vertebra vel hanc cum secunda connectentium. Quamvis autem magnifice admodum de hoc suo invento sentire videatur auctor: Merito tamen dubitatur, an tanto hiato digna sint ejus conamina, quia non difficile est unum eundemque muscolum in multo plures dividere, siquidem in curiosa eorundem indagatione multum temporis, operae atque laboris impendere quis vellet.

### §. CCCLXXXI.

Anno 1686. Auctori *novellarum Reipublicae litterariae* curiosam observationem circa tubas uteri muliebris communicavit *Postellus*, Professor medicinae in *academia Cadomensi* sequentis tenoris; *In cadavere mulieris libidinosae & furacis annorum circiter 24. mense decembri 1684. in scholis nostris dissecto, circa partes genitales haec observavimus: Testes, quam pro foemineis ampliores, solidiores, rotundiores & minus depressi, ut viriles quadante-nus aemularentur, semine turgebant absque ullo odorum vestigio. Tubas vero quod spectat, dextra quidem duplo, sinistra vero quadruplo naturalem modum excedere visa est; Utraque sed praesertim haec glandulosa,*



*glandulosa, instar testiculorum vel potius epididymidis virilis, quam substantia non minus quam figura tereti & longa prorsus referebat, ita ut, dum utramque confero, mentem subierit, tubas forsan mulierum viriles epididymides saltem analogice referre, & ab iis situ solummodo diversas, quod in viris hae quidem testibus incumbant, unde & nomen sortiuntur, in foeminis vero testes & uterum interjaceant, in caeteris autem, praesertim in officio seminis generandi convenire. In praedictis quippe tubis copiosum semen reperimus, non ex testiculis affluens, cum vasorum deferentium nulla portio, sed praeparantium duntaxat arteriarum & venarum propagines in tubas disseminarentur, quae ideo semen in testiculis confectum non recipere, sed potius in seipsis genitum ductu manifesto & pervio, sic ut specillum mediocri admitteret, in uteri fundum excernere visae sunt. In testiculis vero sua quoque deprehensa sunt vasa deferentia, paulo inferius cervicem uteri subeuntia, specillo quantumvis tenui prorsus imperdita. Num ergo, problematice quaerit auctor, ut in virili sexu semen in testiculo & epididymide, sic in foemineo in tubis & testiculis pariter aequaliterque generantur?*

### §. CCCLXXXII.

*Josephus de la Charriere, medico-chirurgus gallus, postquam novas operationes chirurgicas in lucem ediderat, integram quidem meditatus est H. C. anatomiam, eam tamem per partes communicare coepit, facitque tractandi initium de sectione capitis humani, ubi, praemissa historia integumentorum communium cuticulae, cutis, pinguedinis, musculorum, pericardii ipsiusque calvariae, ad interiora demum progreditur, evolvendo cerebrum, cerebellum & medullam oblongatam, ubi fibras medullares cerebri omnes concavas esse statuit. Hinc sese diffundit ad enodandas varias quaestiones physicas de sede, facultatibus & pathematibus animae*  
*& com-*



& communi subscribit hypothefi de fpirituum animalium generatione in cerebro, ita tamen, ut dictos fpiritus cum fanguine in cerebrum delato, in corticali ejusdem fubftantia primum formari, deinde in medullari fubtiliores reddi, ac demum in protuberantiis medullae odlongatae perpoliri exiftimet. Quae omnia qua ratione cum partium cerebri ftructura conciliare poffit aut velit, optaremus certe, ut diftinctius nos edoceret, qui alioquin ab hypothefi fpirituum ita dictorum animalium fumus paulo alieniores.

### §. CCCLXXXIII.

*Daniel Taurvy*, itidem Gallus, medicinae Doctor, edidit anatomiam novam ratiociniis inftitutam imo potius ufum ftructurae C. H. & nonnullorum aliorum animalium fecundum leges mechanicas fiftentem. Latinitate eandem donavit *Melchior Fridericus Genderus*, Med. D. & *Poliater Stutgardienfis*, praefationem vero praemifit *Johannes Fridericus Ortlobius*, anat. & chir. P. P. in *academia Lipfienfi*, quam quippe ille, morte praeventus addere non potuerat. Quod vero legibus iftis mechanicis, quarum folemnnem obfervationem omnes hodie plenis buccis crepant, egregie pro temporum noftorum more fuerit abufus, ex hisce paucis fpeciminibus oppido cognofcere licebit. Corpus humanum habet pro machina quadam ftatica hydraulico-pneumatica, ficuti paffim à Phificis ita defcribitur, cujus hypomochlia & vectes funt offa, funes mufculi, antlia cor cum pulmonibus, canales vafa, in quibus humores curfum circularem peragunt. Mufculorum fibras ex veficulis conftare adferit, in quas fanguis ab arteriis continuo impellatur; Quod fi vero nerveae fibrae, extrema carnearum cingentes fele contrahant, non patere exitum fanguini atque ideo mufculum intumefcere & partem  
mobili-



mobilem ad se trahere, lepide somniat. Ab omento oleo-  
 sas particulas ad praeparationem bilis conferri, quibus ob-  
 volvantur salina ejusdem spicula. In ovulis foemellarum  
 non prima foetus stamina, sed semen illarum contineri, id-  
 que cogitationibus venereis indulgendo exprimi, & in ute-  
 rum delatum ibidemque per mensis circiter spatium deten-  
 tum acorem contrahere, quo vasculorum sanguineorum o-  
 rificia referentur, unde deinde menstrui sanguinis origo pro-  
 cederet. Quod vero bruta animantia ab hoc tributo menstruo  
 sint immunia, inde procedere existimat, quod oscula vaso-  
 rum uteri in illis obsita sint glandulis, impedientia quippe,  
 quo minus tam facile arrodi, sicque sanguinem fundere que-  
 ant. Ast quid quaeso est speculari, si hoc non est? Absint  
 ex anatomis tales naeniae!

#### §. CCCLXXXIV.

Nihilosecius sine exemplo id non fecit *Taurvryus* noster:  
 Fuerunt enim ante ipsum plures alii, qui phaenomena oe-  
 conomiae animalis ex structura partium, per anatomen co-  
 gnita, explicaturi, nil nisi fictiones & somnia mentis de illa-  
 rum actionibus attulerunt. Ideo tamen omnem *Taubry* labo-  
 rem irritum fuisse, nemo jure dixerit. Agnovit multa, quae  
 apud alios frustra quaeruntur. Ita spiritus animales, prout  
 vulgo in scholis explicari solent, vere in corpore humano  
 existere, negavit ac pernegavit, licet interea cerebrum li-  
 quorem quendam subtilissimum a sanguine fecernere, qui  
 nervos imbuens tantam ipsis rigiditatem conciliet, ut  
 ab objectis sensilibus debita ratione commoveri queant,  
 lubens concesserit. In usu lienis explicando non commu-  
 nem tantum fabulam, *sine omni animalis noxa hoc viscus extir-*  
*pari posse*, refutavit, sed & subsidiarias hepatis operas in se-



cernenda bile praestare, sanguinem subtilem reddendo & ad depositionem particularum biliosarum disponendo, recte adstruxit. In ipsarum quoque partium descriptione non pauca hinc inde occurrunt, quae de ejusdem dexteritate secandi non sinunt dubitare. Sic glandulam lacrymalem, quae in brutorum tertia palpebra gaudentium majori oculi cantho sita deprehenditur, quamque una cum ductibus excretoriis delineavit atque descripsit *Steno*, in homine nullatenus reperiri, cum *Duverneo* adfirmat *noster*. Musculos biventres maxillae inferioris notat, masticationem adjuvare, quatenus glandulas maxillaras internas comprimendo, uberiores salivae secretionem promovent. Palatum praeter alios usus ad salivae quoque augmentum concurrere. In oesophago, praeter fibras longitudinales, admittit etiam transversas seu *spirales*. Praeterea non omnia lymphatica receptaculo chyli communi ac ductui thoracico implantari, sed, quae lympham a capite manibusque revehunt, in venas subclavias, circa axillaris jugularisque praecipue confinia, cum *Bartholino*, *Nuckio* atque *Stenone* adnotavit. Substantiam lienis totam membranofam esse credit, in plurimas exiles cellulas divisam; Hasce cellulas fibris corpus lienis trajicientibus connexas esse sustinet & valde verosimile esse reputat, parvula illa puncta candida, quae in cellulis videntur, esse tendines harum fibrarum, non vero glandulas, uti *Malpighius* auguratus est. Taceo alia ejus indolis plura.

### §. CCCLXXXV.

Caeterum tota *anatomia Tauriana* duas in partes divisa est, in quarum *prima sedecim* capitibus agitur ordine de primis alimentorum praeparationibus & mutatione eorundum in chylum, de motu & via chyli, de mutatione, quam  
chylus



chylus cor pertransiens subit, de motu, colore & compositione sanguinis, de utilitate respirationis, de depurationibus & secretionibus sanguinis, de modificationibus, quas sanguis in pancreate & liene recipit, de secretionibus bilis, urinae, liquoris feminalis tam virorum quam mulierum, de reliquis secretionibus particularibus, in infimo ventre ac thorace contingentibus, de nutritione tam partium ossearum, tendinosarum ac membranarum, quam carnearum & glandularum. In secunda vero *novendecim* capitibus tractatur de ascensione sanguinis in caput & cerebrum, de partibus capitis tam externis quam internis, ubi etiam sensationes, illarumque diversa ratio & habitudo explicantur, de motu, somno & vigiliis, de sensibus, potissimum externis & motibus tam voluntariis quam involuntariis, de motu capitis, spinae dorsi, brachiorumque & manuum, de incessu & natatu, de artuum inferiorum structura, deque ascensu & saltu &c. Quorum omnium explicationem ita prosequitur, ut primum figuram, situm, structuram & connexionem partis, cujus functionem explicare cupit, describat, deinde vero ex principiis physico-mechanicis usum partium ac viscerum deducat.

### §. CCCLXXXVI.

Postremus *Taubry* nostri labor est, quem tractatui de generatione & nutritione foetus impendit; Siquidem anno aetatis trigesimo primo & dimidio phthisi extinctus est. *Capite* autem *primo* hujus tractatus inquirens in originem foetus, primo statim in limine monet, leges motus generationi explicandae non sufficere. Negat quoque animum, nempe rationalem corpus tanquam domicilium formare sibi posse, cum hanc machinam propriis viribus ne movere quidem possit, multaque in corpore contingant, quorum mens pror-



fus ignara. Explodit varias alias speculationes, quas de formatione foetus sibi formarunt physiologi, tandemque subdit, in generationem ovi & ejus quoad majores partes structuram inquirendum esse, ubi simul de explicatione diversarum ovi partium differit atque ostendit, quam multa eaq; ardua hic adhuc ignorentur. *Capite secundo* exponit modum, quo ovulum foemineum ad uterum devolvatur, & ovulorum nomine intelligit parvas vesiculas, ab hydatidibus testiculorum distinguendas. *Capite tertio* recenset membranas foetum involventes cum chorda umbilicali & placenta uterina; *In quarto* de humoribus in membranis foetus contentis differit & prolixè comprobare satagit, foetum in utero nutriri per chordam umbilicalem, concedens tamen, per os quoque foetum nutriri posse, quia inter liquorem in amnio contentum & illum, qui in ventriculo ejus deprehenditur, perfectà reperitur similitudo. In *ultimo* tandem *capite* singularis sanguinis circulatio, quae in foetu obtinet, expenditur; Qua proinde occasione de foramine ovali, per quod vena cava cum vena pulmonali communicat, & de canali arterioso, per quem arteria pulmonaria cum aërta commercium colit, prolixè differitur.

### §. CCCLXXXVII.

Agmen inter scriptores gallos claudat *Dionis*, defunctae Delphinae chirurgus primarius & *juratus Parisiensis*, qui anno 1672. a Rege Christianissimo professioni anatomicae atq; chirurgicae publicae admotus fuit, ut in *horto regio Parisensi*, magnificis eum in finem sumptibus exstructo, utramque publice demonstraret, quod etiam tanto cum successu praestitit, ut ante complures jam annos anatomiam ediderit plane novam, nempe juxta sanguinis circulationem



tionem & observationes recentiorum in horto regio demonstratam, quae non sine adplausu a publico excepta est, cujus rei non obscurum praebet testimonium, quod jam quarta editio defectu exemplarium adornanda fuerit, ut votis atque desideriiis illorum, qui librum istum ardentem expectierant, satisfaceret. Cogitari facile potest, quod integro quadraginta annorum spatio, quo tot cadaverum publicas habuit demonstrationes, multas egregias fecerit detectiones, sicuti mecum fatebuntur, qui librum ipsum evolvere non dubitabunt. Constat autem universa anatomia aliquot demonstrationibus, in quarum *prima & secunda* agitur de ossibus in genere, in *tertia & quarta* speciatim de ossibus capitis, in *quinta & sexta* de ossibus artuum. In demonstratione partium molliorum priores quatuor visceribus abdominis impenduntur, subsequentes visceribus thoracis, & quae has immediate excipiunt, partibus capitis, & quae ultimo reservatae sunt loco, artuum tam superiorum quam inferiorum demonstrationi vindicantur.

### §. CCCLXXXVIII.

A Gallis progredimur ad historiam scriptorum Anglorum, Danorum atque Suecorum, qui seculo proxime elapso floruerunt & rem anatomicam illustrare cordi habuerunt. Primi ergo in scenam prodeant duo *Bartholini, Casparus & Thomas*, quorum lucubrationes universa schola medica in deliciis habet.

### §. CCCLXXXIX.

*Casparus Bartholinus*, Danus, natus est *Malmogiae Scanorum* anno 1585. qui, posteaquam in *academia Witebergensi* philosophiae studio aliquamdiu incubuerat, in eaque gradum acceperat, animum ad medicinam adplicuit. Factis deinde



aliquot peregrinationibus per universam fere Europam, concessit *Basileam*, inque perantiqua ista atque celeberrima academia gradum Doctoris in medicina accepit, atque non multo post in *Universitate Hassniensi* professor medicinae constitutus est. Scripsit institutiones anatomicas, corporis humani utriusque sexus historiam & declarationem exhibentes, cum plurimis novis observationibus nec non illustrium, quae in *anthropologia* occurrunt, controversiarum discussionibus ac decisionibus. Hae deinde institutiones a filio, *Thoma Bartholino* recognitae & locupletatae editae fuerunt, sub titulo *anatomiae reformatae*, quam D. *Cornelius Bontekoe* pallio pannoso non inepte comparavit, quale ex laciniis novis & antiquis consarcinatam esse solet. Discussit alias singulari scripto nobiliores ac rariores controversias anatomicas, & plura procul dubio praestitisset, nisi professioni medicae renunciasset, & ad Theologicam promotus fuisset. Obiit anno 1620. cum aetatem suam vix ad annum quadragesimum quintum produxisset.

### §. CCCXC.

Ejusdem filius, *Thomas Bartholinus*, natus est *Hafniae* anno 1616. qui absoluta, quam susceperat, peregrinatione, *Basileam* venit, ibidemque honores & privilegia Doctoralia petiit & obtinuit. Anno proxime insequente in regionum *Hassniensium* professorum numerum receptus est, & sparta anatomica eidem demandata, quam etiam ita dextre exornavit & exercuit, ut multorum novorum inventorum auctorem eundem extitisse, grato hodie animo agnoscamus. Primus enim detexit vasa lymphatica, licet laudem istam dubiam ipsi reddere adlaboraverit *Olaus Rudbeckius*, unde acerrima inter eosdem pugna de prima hujus inventionis gloria exorta est. Qua de controversia rebusque eam concernentibus qui plenius



nus informari cupit, evolvere potest *Martini Bogdani* insidias, *Thomae Bartholini* structas vasis lymphaticis & ab *Olao Rudbeckio* in suis ductibus hepaticis detectas. Hi duo celebres medici aliud quid quaerendo anno 1650. & 51. solo casu & fortuito in vasorum horum detectionem inciderunt, neutro forte de alterius inventione conscio, sicuti fieri interdum solet. Quod cum admodum probabile videatur, simul manifeste liquet, utrumque male litigasse de gloria sibi soli adscribenda, quae tamen optimo jure aequalis utrique debebatur. Sicuti vero invidiae & aemulationis studium inter nullum hominum genus pestilentius regnat, quam inter eruditos, ac potissimum, quod invitus moneo, medicos: Ita non defuerunt, *Glissonius* praecipue ac *Charletonius*, qui orbi erudito persuadere laborarunt, jam dudum ante *Bartholini* evulgatam vasorum lymphaticorum inventionem *Londini* eadem detecta ac demonstrata fuisse a *Jolivio*, medico Anglo. Existimo autem, *Bartholini* protestationi locum utique relinquendum esse, dum bona fide adserit, se ante inventi sui publicationem *Jolivium* natum nequidem scivisse, eumque nec de nomine nec de fama sibi unquam innotuisse. Voluit etiam videri primus inventor ductus thoracici, quam tamen laudem iterum dubiam ipsi reddidit *Johannes Pecquetus* & *Johannes van Horne*, qua de controversia dicemus suo loco. Hunc in finem edidit historiam anatomicam de vasis thoracicis in homine brutisque nuperrime observatis, itemque vasorum lymphaticorum nuper *Hassniae* in animantibus & homine inventorum demonstrationem, porro historiam novam vasorum lymphaticorum, item dubia anatomica de lacteis thoracicis, & occasione litis, intuitu horum inventorum exortae, scripsit etiam defensionem vasorum lacteorum & lymphaticorum adversus *Johannem Riolanum*. Edidit quoque historiarum anatomicarum



micarum & medicarum rariorum centurias VI. & observationes anatomicas selectiores *Petri Pauw*, quae cum centuria III. & IV. suarum observationum anatomicarum rariorum prodire. Edidit quoque consilium de anatome practica ex cadaveribus morbofis adornanda, item domum anatomicam *Haffniensem* brevissime descriptam, tandemque dissertationem anatomicam de hepate defuncto, novis *Bilsianorum* observationibus oppositam, multaque alia, quae prolixius nunc recensere non est hujus loci.

### §. CCCXCI.

Reliquit duos filios, patriarum virtutum ex asse haeredes, *Casparum* nempe & *Thomam Bartholinos*; *Casparus* itidem variorum speciminum anatomicorum editione sese celebrem fecit, & ductus salivales inferiores minores primus detexit & promulgavit.

### §. CCCXCII.

Praeterea scripsit de ovariis mulierum & de historia generationis epistolam anatomicam, item structuram diaphragmatis novam, cui novus quoque modus accessit viscera praeparandi per injectiones liquorum. Edidit quoque specimen administrationum anatomicarum cum *Michaëlis Lyseri* cultro anatomico, item exercitationes miscellaneas varii quidem, potissimum tamen anatomici argumenti. *Thomas* vero, *Thomae filius* de anatomia, quantum mihi quidem constat, nihil evulgavit.

### §. CCCXCIII.

*Bartholinis* subjungimus *Olaum Rudbeckium*, *Upsaliensem* Svecum, qui, ut modo dictum fuit, litem movit *Thomae Bartholino* de prima inventione ductuum lymphaticorum, quos ipse aquosos vocat: Unde epistolam scripsit ad *Thomam Bartholinum*



*ebolinum* Danum, qua sibi primam inventionem *vasorum sero-*  
*forum hepatis* invictis rationibus contra *Bogdani* cujusdam *Dris-*  
*na-Marchici* impudentissimas calumnias, sub apologiae nō-  
 mine pro *Bartbolino* (\*) editas asserit, & insuper *vasa serosa cor-*  
*dis, pulmonum, mediastini, ligamenti suspensorii hepatis, ventriculi,*  
*lienis, testiculorum maris & foeminae, uteri, lumborum,* omni secu-  
 lo incognita & anno 1653. 54. & 55. ab ipso *Lugduni Batavo-*  
*rum & Upsaliae* inventa describit. Edidit alium quoque li-  
 brum, cui hunc praefixit titulum: *Olai Rudbeckii* insidiae, stru-  
 ctæ ductibus hepaticis aquosis & vasis glandularum serosis,  
*Arosiae* editis a *Thoma Bartbolino*. Scripsit quoque novam  
 exercitationem anatomicam, exhibentem ductus hepati-  
 cos aquosos & vasa glandularum serosa, nunc primum in-  
 venta aeneisque figuris Tabl. XIII. delineata. De hac lite an-  
 no 1654. inter illos agitata, nostrum paulo ante tulimus ju-  
 dicium, dicendo, nihil repugnare, quo minus uterque seor-  
 sim uno eodemque tempore ductus illos detegere sicque  
 industriae suae fructus & proemia reportare valuerit. Ne-  
 gandum tamen non est, utrumque imparibus armis conten-  
 disse, cum *Rudbeckius* adhuc juvenis & linguae latinae vix me-  
 diocriter peritus esset: *Bartbolinus* contra in omni scientiarum  
 genere versatissimus fuit; Unde ille tanto veluti eruditionis

Hh

flumine

---

(\*) Recte monuit *Stollus*, errorem calculi subesse, si haec ipsa  
 controversia ad annos 1650. & 1651. referatur; Nam si &  
*Rudbeckius* & *Bartbolinus* haec sua inventa non nisi a. 1653.  
 publicam in lucem produxerunt, consequitur, litem hanc  
 anno demum sequente exarsisse. Verum haec talia etiamsi  
 non magni admodum sint momenti, veritati tamen histori-  
 cae contrariari non debent.



flumine obrutus propemodum succubuit. Qui tamen extra studium partium constituti sunt, nihil habent, quod in accurata horum vasorum lymphaticorum descriptione *Rudbeckiana* desiderent.

§. CCCXCIV.

*Johannes Rhodius*, Danus, scripsit mantissam anatomicam, quae cum *Thomae Bartholini* historiarum anatomicarum rariorum centuria V. & VI. exstat.

§. CCCXCV.

*Gvilielmus Harvaeus*, Anglo-Britannus, Regis Angliae Archiater & medicus sui temporis famigeratissimus, anatomiam quidem perfectam ex professo non edidit: Immortalem tamen nominis sui gloriam adsecutus est detecta sanguinis circulatione, veritate quidem mundo coeva, sed quae, nescio quo fato, per tot annorum millia abscondita latuit. Omnem quidem lapidem moverunt *Aemilius Parisanus* & *Fortunatus Plempius*, ut novam hanc & per tot annorum millia occultatam doctrinam conculcarent & convellerent: Frustra tamen omnes suos labores impenderunt, *Harvaco*, vel potius, veritate per *Harvaeum* detecta in hunc usque diem triumphum agente. Id solummodo dolendum est, quod pro futuris usibus physiologico-pathologicis medici sequentium temporum nobilissimum hoc inventum rectius non adplicuerint. Edidit exercitationem anatomicam de motu cordis & sanguinis in animalibus, item exercitationes de generatione animalium, quibus accedunt quaedam de partu, de membranis & humoribus uteri.

§. CCCXCVI.

*Nathanael Highbmorus*, Oxoniensis Anglus, edidit disquisitionem anatomicam corporis humani, in qua sanguinis circula-



circulationem in quavis corporis particula plurimis novis typis ornatam prosequutus est, licet non citra rationem forte desideraveris, elegantes illos typos rei non undiquaque semper exacte respondere, quod fatum cum plurimis aliis anatomicis commune habetur videtur, quorum delineationes interdum a natura rei longissime abire videntur, sicuti in anatomia *Blancardiana* non pauca ejus rei specimina legentibus occurrunt. Taceo, quod minutias tales studiosius prosequi, plus curiositatis quam utilitatis, praesertim pro futuris usibus medico-chirurgicis habeat.

### §. CCCXCVII.

Quicquid vero sit, *noster* tamen in tres libros suam disquisitionem distinxit, ita quidem, ut in *primo*, praemissis generalibus de cuticula, cute, pinguedine &c. de contentis abdominis, in *secundo* de visceribus thoracis & in *tertio* de partibus in capite contentis ageret.

### §. CCCXCVIII.

*Franciscus Glissonius*, Anglus, medicinae Doctor ejusdemque in academia *Cantabrigiensi* Professor publicus & socius *Collegii medici Londinensis*, tractatum edidit de partibus continentibus in genere, & de iis abdominis in specie, insuperque alium tractatum de ventriculo & intestinis; Praecipue vero anatomiam hepatis adcuratissime evolvit, cui non solum praemittuntur quaedam ad rem anatomicam universim spectantia, verum etiam de lymphae ductibus nuper repertis quaedam ad calcem adjiciuntur. Excarnationem hujus visceris variosque ejus modos diligentissimo huic viro debemus, nec non descriptionem ductus *cyst-hepatici*, vel, uti rectius eundem adpellare liceret, *hepati-cystici*, quia bilem ex hepate in vesicam devehit.



## §. CCCXCIX.

*Theodorus Aldes*, quo sub nomine *Mattheum Sladum*, celeberrimum suo tempore medicum *Amstelodamensem* latere plerique existimant, scripsit dissertationem epistolicam de generatione animalium contra *Harvaeum*, item observationes naturales in ovo factas, variis nempe incubationis diebus. Edidit quoque sciagraphiam nutritionis pulli in ovo, foetusque vaccini in utero suo.

## §. CCCC.

*Thomas Warthonus*, Londinensis Anglus, adcurata glandularum descriptione orbi medico notum sese reddidit. Tribuitur ipsi nova *ductuum salivalium inferiorum majorum* prima detectio, sicuti *inferiorum minorum* primam inventionem jam superius vindicavimus *Casparo Bartholino*. Audiamus quæso, quid hac de re sentiat *Bartholinus* in hepatis exauctorati causa desperata: *Quanquam*, inquit, *vestigia obscura leguntur apud veteres novarum observationum*, nemo tamen illorum ductu quicquam profecit. Ita apud *Galenum*, *Haly Abbatem*, *Abenlina*, *Isaacum* aliosque *Arabes*, fontes salivæ indicari videntur in ore latere, nemo tamen de iis quicquam cogitavit, antequam *WARTHONI* felicitas tot seculis abditos ductus salivales detegeret; *Lymphaticorum soboles*, cum quo gloriam partiri debet *Stenonius noster*, qui augmentum dedit per exteriores ductus a se descriptos.

## §. CCCCI.

*Adenographiam Warthoni* quod spectat, illa A. 1664. edita & *Collegio medicorum Londinensium* dedicata est. Conqueritur equidem in præfatione ad Lectorem, quod, cum corpora humana privatim dissecanda haud crebro ipsi occurrerint, necesse habuerit, animalia alia in eorum locum substituere. Simul tamen fidem facit eidem, id semper a se factum esse,



esse, ut, quicquid in illis noviter reperisset, data quacunque occasione, cum humanis cadaveribus conferret. Auxiliarem quoque adhibuisse *Glissonium* & cum eo non paucas administrationes communicasse, simulque D.D. *Entii* consilio & opera usum fuisse, fateri non erubescit.

## §. CCCCII.

Ipsius vero operis hic est ordo atque distributio: Capite *primo* omnes totius corporis glandulae ad certas suas reducuntur classes: An lingua sit viscus, glandula vel musculus? Num cerebrum ad glandularum numerum vel viscerum accedat, an potius sit membrum ab utroque distinctum? An lien sit glandula? Qua etiam occasione viscerum & glandularum inter se communitates ac differentiae proponuntur. Capite *septimo* de glandulis mesenterii specialior instituitur tractatio, & ratio redditur, cur a mesenterii glandulis auctori nostro fuerit exordiendum? Cumque per idem illud mesenterium venae quoque lacteae decurrant, descriptio & distributio earundem interseritur, & anatomicorum sententiae tam de actione & usu glandularum mesenterii quam venarum lactearum, ad examen vocantur & affectus glandularum mesenterii explicantur.

## §. CCCCIII.

Capite *duodecimo* & sequentibus historia glandularum continuatur, & speciatim agitur de glandulis omenti, pancreatis, renum, vel quae ad plexum abdominis nerveum sitae sunt, de glandulis abdominis vagis, de glandulis thoracis ac primum de thymo, deinde de glandulis oesophago adnexis nec non de glandulis thyroideis, de glandulis insuper jugularibus, de parotidibus, de tonsillis, de glandulis maxillariibus, de glandula pineali, de glandulis plexus choroidei,



oculorum, de pituitaria, de glandulis artuum, de glandulis speciei conservationi dicatis in maribus & primum de testiculis, de epididymidibus & vasis deferentibus, de vesiculis seminalibus, de prostaticis, de glandulosa substantia corporum nervosorum deque glande penis, de glandulis prolis propagationi in foeminis inservientibus, & primum quidem de testibus, deinde de alis, clitoride & carunculis myrtiformibus, de glandulis prolem nutrientibus, speciatim de placenta uterina, de mammis, de glandulis adventitiis earumque primis rudimentis & productionis modo; Quibus omnibus *capite trigesimo octavo* & sequentibus subjungitur divisio glandularum in *sanas & morbosas*, quarum postremarum genera atque differentiae, speciatim strumae ac scrophulae earundemque differentiae enarrantur ac recensentur, tandemque universae adenographiae finis imponitur.

#### §. CCCCIV.

*Nicolaus Steno*, Danus, in eadem glandularum & ductuum lymphaticorum exploratione operam suam laudabiliter collocavit. Primus demonstravit ductus salivales superiores majores, sicuti minores *Antonius Nuckius* detexit. Proinde edidit observationes anatomicas, quibus varia oris, oculorum & narium vasa describuntur, novique salivae, lachrymarum & muci fontes deteguntur, novumque *Bilsi* de lymphae motu & usu commentum examinatur & rejicitur. Sunt eadem illae observationes, quas disputationis academicae forma sub praesidio DD. *Johannis van Horne*, praeceptoris sui in inclyta *Lugdunensi academia* publico eruditorum examini exposuit. Evulgavit etiam specimen observationum de glandulis & dissertationem de anatome cerebri. Specimini observationum de musculis & glandulis adnexae sunt duae epistolae.



stolae anatomicae, prior ad *Guilielmum Pisonem*, de anatome *Rajae*, posterior vero ad *Paulum Barbette* de vitelli in intestina pulli transitu. Quod vero etiam artificium musculos nitidissime praeparandi ac demonstrandi calluerit, ostendunt elementa myologiae, quibus musculorum demonstrationem plane geometricam pandere adlaboravit. Scripsit quoque observationes circa motum cordis ejusque auricularum & venae cavae, ex variis animalium sectionibus hinc inde factis excerptas. Patriae suae valedixit, tanquam quem peregrinae religionis amor à statione sua abstraxit.

## §. CCCCIV.

*Richardus Lowerus*, Anglus, non quidem per totum anatomes latifundium sese diffundere e re sua judicavit, sed partem tantum, nempe structuram cordis sibi evolvendam sumpsit, quam etiam nemo ipso adcuratius nobis evolutam & delineatam exhibuit.

## §. CCCCVI.

*Gualtherus Needham*, Anglus, de membranis atque partibus foetum involventibus adcuratam suppeditavit descriptionem, sicuti disquisitio anatomica, quam de formato foetu edidit, clare loquitur. A. 1706. *Lugduni Batavorum* reculae sunt observationes ejusdem anatomicae foetum, placentam uterinam, membranas foetus & vasa potissimum umbilicalia illustrantes. *Robertus Bayfield*, Anglus, scripsit exercitationes anatomicas; *Thomas Norton*, pariter Anglus, edidit anatomiam, quae cum *Johannis Betti* tractatu de ortu & natura sanguinis prostat.

## §. CCCCVII.

*Thomas Willis* seu *Willisius*, Anglus, postquam in academia



*mia Oxoniensi* gradum in medicina impetraverat & professionem philosophicam in eadem susceperat, simulque inclyti medicorum Londinensium collegii & societatis Regiae membrum exstitit, *Londinum* evocatus est, ubi cum summo omnium adplausu medicinam exercuit. Cerebrum methodo curiosissima secandi artificium calluit, eoque ipso omnes, qui ipsum antecesserant, superavit: Unde reliquit nobis anatomen cerebri valde adcuratam, cui etiam accessit descriptio & usus nervorum, quos tanta cum industria & exquisita methodo recensuit, quanta ante ipsum nemo fecerat. Reliquit etiam descriptionem primarum viarum, item dissertationem de organis & usu respirationis, itemque descriptionem arteriae anatomicam. Multi tamen in eo desiderant, quod, cum analogice omnia, quae in brutorum animantium corporibus observaverat, promiscue ad humana transfulerit, subinde erraverit. Natus est anno 1620. denatus anno 1677. cum ad annum 57. aetatem suam produxisset.

#### §. CCCCVIII.

*Johannes Mayow*, Anglus, collegii in universitate Oxoniensi socius, scripsit tractatum de respiratione, itemque alium de respiratione foetus in utero & ovo. Similiter quoque tractatum de motu musculari, ubi etiam obiter de motu cerebri, nec non de usu lienis atque pancreatis egit.

#### §. CCCCIX.

*Guilielmus Briggs* scripsit ophthalmographiam curiosam, in qua non solummodo examinavit omnes oculorum partes, musculos, membranas, humores, arterias, venas, glandulas & vasa lymphatica, verum etiam directionem & administrationem cultri anatomici in dissectione oculi artificiali. Edidit quoque



quoque novam visionis theoriā, quae artificiosae isti structurae superstructa est.

## §. CCCCX.

Sciendum vero hic est, illum ipsum *Briggii* librum de visu, obligasse *Guenellonem*, medicum *Amstelodamensem*, ut in structuram tunicae reticularis adcuratius inquireret. Quid scrutinio isto detexerit, ex epistola *Guenellonis* ad *Charletonum*, nobilem *Anglum* data, per modum excerpti communicarunt *Acta eruditorum Lipsiensia* Mens. Jun. A. MDCLXXXVI. Quae tamen experimenta & disquisitiones, cum non in oculo humano, sed in assello tantum majore aequae ac minore instituta sint, eas huc non transferimus.

## §. CCCCXI.

*Clopton Havers*, Doctor medicus *Anglus*, societatis *Regiae* membrum, exhibuit publico osteologiam novam, seu potius observationes novas de ossibus eorumque partibus; Quo in scripto non tam in eo versatur *Auctor*, ut extrinsecam ossium figuram atque compagem, quippe ab aliis jam dudum adcurate descriptas delineet, verum potius, ut, quae ab aliis neglecta vel insufficienter tractata sunt, suppleat atque ulterius illustret, adjectis variis experimentis & observationibus tam circa hominum quam brutorum ossa factis & institutis. Ast missis hac vice iis, quae ad propositum nostrum non pertinent, primaria tantum capita anatomici argumenti excerptemus. Pertinet huc adcuratior descriptio membranae ossa investientis, quam alias periosteum vocant. Hanc ostendit auctor a duplici veluti fonte scaturire, fibras nimirum, ex quibus componitur, quasdam & easdem quidem semper ossi contiguas & ab una ossis extremitate ad alteram excurrentes a dura matre, per diversa cranii loca



prodeunte & sic per universam ossium compagem sese diffundente, ipsis ne quidem articulationibus cursum ejus interrumpentibus, originem ducere; Alias vero his superincumbentes, periostei fibras a musculis atque tendinibus singularum corporis partium subnasci & pro diverso musculorum situ diversum quoque positum obtinere observavit. Dentium substantiam a reliqua ossium conditione non parum differre, atque ex duplici constare materia existimat, altera nempe molliori & vere ossea tantum, altera vero duriori & quasi lapidea, quae alteri illi in partibus extra gingivas exstantibus instar corticis incumbat, eamque a detritione immunem praestet. Medullam ossibus inclusam totam oleosam esse adserit, neque tamen confuso acervo intra cavitatem ossium jacere, verum intra utriculos seu lobulos membranaceos a communi illa tunica, intrinsecam ossis superficiem investiente, subministratos comprehendi. Usum medullari huic oleo hunc adscribit, quod non tam ossium nutrimento impendatur, quam potius unctuositate sua ossa in debito temperamento jugiter conservet, ne ob nimiam siccitatem evadant fragilia aut prorsus rimas contrahant; Insuper vero non minoris momenti usum praebere in ossibus articulatis, nempe inservire instar axungiae articulationibus lubricandis, sicque prohibere, ne ossa in sese mutuo collisa intermovendum aut invicem incalescant aut atterendo absumantur. Singularem etiam format discursum de *glandulis mucilaginosi*, quarum naturam ac fontes a nemine ante se detectos inquirat, cui indagationi occasionem sibi dedisse viscidum illum liquorem, circa articulorum regionem nunquam non sese offerentem, ipsemet fatetur. Hasce glandulas titulo *mucilaginosarum* insignire placuit, quia viscidae cuidam mucagini fecernendae illas dicatas esse deprehendit. Duorum vero generum



generum illas esse perhibuit, alias nempe pusillas & agminatim super membranis articulationum dispersas, aequalis omnes magnitudinis, alias vero majores & in locis quibusdam dictae membranae ossiumque articulatorum finibus adeo conglomeratas, ut separatas conspicuasque per se forment glandulas.

### §. CCCCXII.

Atque haec potiora novae hujus *osteologiae* momenta sunt, quae in universum *quinque discursibus* comprehenditur. In *primo* illorum agitur de natura ossium partiumque tum illa constituentium tum investientium. *Secundus* explicando negotio nutritionis tam totius corporis, quam speciatim ossium destinatus est. *Tertium discursum* impendit auctor medullae ossium clarius, quam ab aliis hucusque factum fuerat, exponendae. *Quartus* glandularum macilaginosarum descriptioni totus dicatus est, & *quintus* cartilaginum naturam exponit, quam ossium naturae usque adeo cognatam esse adserit *noster*, ut etiam tractu temporis in osseam duritiem multae cartilaginee converti soleant. Versioni novae accessit *Johannes Chr. Heyne*, Sueci, tentamen cheirurgico-medicum de praecipuis ossium morbis.

### §. CCCCXIII.

*Guilielmus Comperus*, chirurgus Londinensis, edidit anatomiam corporis humani longe nitidissimam, figuris ad vivum delineatis aequae illustratam atque amplis earundem explicationibus, observationes novas cum anatomicas tum chirurgicas comprehendentibus, exornatam. Id vero non abs re a *Compero* dictum esse, paucis tantum speciminibus comprobari liceat. Sic ex structura nervorum existentiam spirituum animalium recte vocavit in dubium, quia, cum nervi



non existant tubulosi, nec per omnem longitudinem exhibeant cavitatem, libere illos transmittere non possunt. Vasis lacteis primi generis duplicem vindicavit originem, alteram, ab extremitatibus arteriarum petendam, & per injectionem mercurii in illas detegendam, alteram vero ab osculis, in intestinorum cavum hiantibus. Ligamentis coli fibras adscripsit carneas, excretionem foecum, ut putat, facilitantes. Vascula sangvifera, glandulas in testiculis constituentia, longe minora quam aliis in glandulis esse, ex eo demonstravit, quod mercurius in arteriam spermaticam injectus neutiquam revertatur per venam, sed perruptis extremitatibus intra tunicam albugineam potius colligatur, nec vasa lymphatica a flatu in arteriam spermaticam impulso intumescant. In pudendo muliebri praeter glandulas, meatui urinario adfitas, observavit duas insignes inferius prope anum, quarum canaliculi ad radices caruncularum myrtiformium patent, & quarum uberiores descriptionem exhibuerunt acta eruditorum Lipsiensia mense Junio MDCC. Conferatur, si placet, ipsius *Comperi* descriptio, quam ex anglico in latinum sermonem translata una cum nova glandula sistunt eadem acta Lipsiensia mense novembri A. MDCCII.

#### §. CCCCXIV.

Quod si autem fatendum sit, quod res est, nullum aequae anatomicum opus medicorum ordini innotuit, quod huic ullo modo comparari valeat, nisi quis forte *Bidlovianum* excipere velit, quamvis & hoc corrigendi subinde libertatem sibi sumat *Comperus*, imo & multas partes vel a *Bidloo* omittas, v. g. musculos omnes externos in situ, glandulas inguinales, labiorum, epiglottidis, subclavias, tonsillarum &c. vel minus accurate delineatas, v. g. arterias  
in



in foetu, organon auditus, laryngem, lingvam, vesiculas feminales, basin calvariae & cerebri, dilucidare cordi habeat. Praecipue vero ductum thoracicum, prout in homine reperiri solet, primus ad vivum delineavit, quem reliqui ad unum omnes anatomici analogice tantum, sicuti in brutis reperitur, delinearunt. Scripsit insuper myotomiam reformatam seu administrationem novam cunctorum corporis humani musculorum, in qua veri usus musculorum explanantur, errores superiorum anatomicorum circa eosdem confutantur, ac muscoli diversi haecenus ignoti designantur, una cum figuris ad vivum expressis. Scripsit quoque epicrisin in D. *Dupré* descriptionem quinque parium musculorum, diversis capitis motibus super primam & secundam cervicis vertebrae inservientium.

## §. CCCCXV.

Evulgavit denique descriptionem duarum glandularum una cum ductibus excretoriis anno 1699. detectarum, quam ex actis philosophicis anglicanis latine redditam exhibuerunt *auctores actorum Lipsiensium*. Reperiuntur nempe ad quartam circiter pollicis partem sub prostaticis glandulis duae aliae minores glandulae, utrinque ad urethram, paulo supra bulbum corporis spongiosi locatae, quas a nemine alio adhuc descriptas esse adserit *noster*. Observavit, glandulas hasce depressa fuisse figura ovali, nec phaseoli parvi magnitudinem excessisse. Separata videlicet ea muscoli acceleratoris parte, quae dictas glandulas transcendit, deprehendes easdem, instar duorum corporum durorum utrinque ad urethram sitas. Prostatarum more ad flavescientem vergunt colorem. Excretorii eorum ductus in superficie interna prope internam urethrae membranam apparent, ad longitudinem dimidii pollicis,



pollicis, inde descendentes, priusquam attenuati membranam hanc osculis intra urethram hiantibus ac secretum liquorem eructantibus, oblique perforent. Superiori namque urethrae parte ad penis dorsum incisa ejusque membrana expansa, ubi glandulas ejusmodi compresseris, humorem earundem valde transparentem ac tenacem per duo distincta egredi orificia notabis, intra urethram praecise infra hujus flexuram, sub ossibus pubis in perinaeo patentia.

### §. CCCCXVI.

Atque hic potissimum admiratur *Comperus* stupendum naturae artificium, dum scil. memoratis glandulis earumque canaliculis excretoriis talem assignavit situm, ut in penis erectione bulbique spongiosi urethrae corporis distensione, necessario simul comprimantur, sicque liquor, ductibus excretoriis comprehensus, per duo oscula in urethrae cavitatem urgeatur, compressionem tamen ea acceleratoris musculi portione, quam glandulas ipsas supergredi antea notavit, multum adjuvante. Qualem agentium in comprimendo conspirationem requiri omnino existimat, quod liquor ab iisdem secretus & tenacissimus sit & necessario propter usum, quibus impenditur, esse debeat.

### §. CCCCXVII.

Quos proinde usus adhuc clarius delineaturus *nos*, descriptas glandulas primario propter magnum generationis negotium a natura fuisse efformatas existimat, idque e similibus organorum in aliis quoque animalibus conspicuorum fabrica atque examine probat, exemplo glirium, erinaceorum aliorumque animalium. Monet insuper & tanquam notatu dignum commendat, tales glandulas in foeminis deprehendi  
a se



a sese non potuisse, quae nempe cum illis virorum convenirent, quamvis analogis quodammodo gaudere non neget. Nihilominus cum hae excretoriorum ductuum osculis ad egressum urethrae pateant, non nisi nymphis ac pudendi labiis ab urinosiis salibus tuendis inservire, liquoremque secretum in coitu emittere credit, universa interim urethra ita brevi in mulieribus existente, ut sphincteris vesicae contractio quibusvis urinae reliquiis ex eadem expellendis sufficiat,

### §. CCCCXVIII.

Caeterum usum glandularum in praesenti exhibitarum duplicem describit: Et primum quidem existimat, penis dum erigitur, tantum liquoris in urethram ab iis deponi, quantum omnibus urinae reliquiis ejiciendis harumque cum semine commixtioni praecavendae sufficit. Deinde vero, quae alio tempore liquoris ab ipsis in urethram jugiter emittitur, portio, canalem hunc, ab urinae salibus defendit.

### §. CCCCIX.

Addit tandem, sua probabilitate non carere, glutinosam illam materiam, quae sub finem curationis venerae luis exstillat, à glandulis hactenus descriptis, non autem a prostaticis vel vesiculis feminalibus ex hypothese ordinaria promanare, ideoque injectionem in talibus casibus egregie conferre, easque longe utiliōres fore credit, catarticiis fortioribus, imo ipsis quoque adstringentibus, quibus aegrotantes alias onerare soleant practici. Prompte enim concipi posse putat, quomodo ejusmodi glutinis excretio aliquando pertinacissima, si non penitus incurabilis evadat, modo ab ulcere tunc ipsa ejusmodi ductuum excretoriorum oscula supponatur erosa. Denique *Coroperum* habet auctorem relatio eorum, quae



quae in dissecto cadavere Dn. *Dove* ex actis philosophicis societatis regiae anglicae excerpta exhibuit.

§. CCCCXX.

*Johannes Broebbn*, Caroli II Britanniarum regis nec non nosocomii *D. Thomae in Soutvvarck* chirurgus ordinarius, scripsit epistolam anatomicam ad unum ex Secretariis *Societatis Regiae Londinensis*, in qua sententiam ab anatomicis tantum non omnibus hodie receptam & adprobatam de substantia hepatis glandulosa confirmat, exhibita observatione de hepate quodam manifeste & ad sensum glanduloso viri cujusdam, qui in dicto nosocomio ex hydrope decesserat, & frigore male adfectus, dum noctu miles excubias egerat, ex multo aquae frigidae potu morbum istum contraxerat.

§. CCCCXXI.

Quanquam autem de historiae fide vix quisquam dubitet, credo tamen, multos repertum iri, qui serio objicient, *a statu morboſo & praeter naturam sese habente ad statum corporis sanum atque naturalem non esse concludendum.* Corpora enim sphaeroidea, quae nonnulli alii quoque in subjectis morboſis, atrophia vel hydrope denatis detexerunt, non fuerunt glandulae, sed tubercula morboſa, atheromata, steatomata, glandines, congestiones tartareae, in formam globulorum compactae, uti recte observavit *Heisterus*. Unde male concluderunt, qui sphaeroidea talia corpuscula in hepate defunctorum morboſo observarunt, quod verae fuerint glandulae & quod sub tali etiam forma reperiantur in hepate hominis sani. Quae tamen omnia tanto facilius fidem invenient, si quis ea, quae *Ruyschius epistola problematica quinta* de structura hepatis demonstravit, ad animum rite revocaverit: Inde enim,  
structu-



structuram hepatis mere vasculosam esse, ex innumerorum minimorum vasculorum congerie contextam, clarissime convincetur.

§. CCCCXXII.

Edidit praeterea *myographiam novam*, sive musculorum omnium, in corpore humano haecenus repertorum, accuratissimam descriptionem, in sex praelectiones distributam, quibus nomina singulorum, in suo quaeque loco situque naturali, in aeneis musculorum iconibus exarantur, eorum item origines, insertiones & usus graphice describuntur, additis insuper ipsius authoris & aliorum nuperrimis observationibus & inventis. Prodiit Lugduni Batavorum A. MDCLXXXVII.

§. CCCCXXIII.

Neque oblivisci decet ejusdem *oeconomiae animalis*, quae, dum in functionibus partium explicandis versatur, anatomes ope carere neutiquam potuit. Itaque variae ibidem observationes leguntur, quas inter ea, quae de venis cordis, in auriculas sese exonerantibus agit, omni consideratione digna est.

§. CCCCXXIV.

*Thomas Gibson*, Anglus, medicinae Doctor & collegii medici Londinensis socius, edidit compendiariam totius C. H. anatomem, in qua tamen nihil singulare praestitit, nisi quod ab aliis abunde jam praestitum fuit. Dividit enim corpus humanum more omnibus anatomicis haecenus solemni, nempe in tres ventres, caput, thoracem & abdomen, & *primum* agit de abdomine ejusdemque visceribus, *secundo loco* de thorace ac *tertio* demum de partibus capitis, hinc denique transit ad arteriarum, venarum, nervorum, musculorum atque ossium descriptionem.



## §. CCCCXXV.

*Martinus Lysterus*, medicus *Oxonienſis*, ſcripſit epiſtolam ad *Henricum Oldenburgium*, ſocietatis Regiae Anglicanae ſecretarium, in qua continetur obſervatio de uſu inteſtini coeci in figurandis quorundam animalium excrementis. Quam *Lyſteri* ſententiam ſequentibus verbis explanant auctorum *Lipſienſium* eruditorum auctores: 1) Determinatam figuram *Lyſtero* intelligi in excrementis, in multas minutas partes ſimilis figurae diviſis, qualia ſunt ovium, cervorum, cuniculorum, leporum &c. 2) Laxiore ſenſu in omnibus excrementis, quae liquida non ſunt, qualia ſunt ſtercus columbinum, anſerinum, humanum &c. Coecum putat ambobus figurandis inſervire, ſed hoc maxime manifeſtum eſſe in prioris generis excrementis. Nimirum videri hujus inteſtini uſum in eo conſiſtere, ut excrementa in cavitatem ejus delata (quod ipſius opinione in ſanis ſaltem animalibus, vel omnibus fecibus alvinis vel maxime earum parti contingat) tam diu ibi ſerventur, donec ſatis exſiccata, indurata ac juſtam conſiſtentiam naſta ſint, ut figuram in colo & recto melius recipiant. Hoc in animalibus prioris generis ſibi manifeſtius apparere. Nam in mure majori, e. g. cujus excrementa utique conſtanter figuram ſimilem ſervant, coecum valde amplum eſſe ipſoque ſtomacho capacius, & mirabilem coli ſtructuram in hoc animali adjuvare conjecturam. Non ſtatim infra valvulam inteſtini coli eſſe ſpirales quaedam fibras, quae cochleae quoddam genus componant: Unde colligit, faeces mora in coeco juſtam conſiſtentiam naſtas, atque inde propulſas in ſpirales illas plicas coli, non recta & ad perpendicularum, ut ante in tenuibus inteſtinis, deſcendere poſſe, ſed lente per cochleae anfractus, atque inde figuram accipere. Itaque ſi ligatur



retur coecum, aut alia ratione faeces non admitteret, credit inevitalem animali fore diarrhoeam. Verum licet multa circa hanc *Lysteri* sententiam moneri possent, anatomiae tamen cancellos hac vice transilire nolumus.

### §. CCCCXXVI.

Admodum quoque curiosus fuit in observanda natura conchiliorum rerumque eo pertinentium: Unde exercitationem anatomicam edidit, in qua exactam cochlearum terrestrium, testaceorum & limacum dissectionem proposuit, licet *Franciscus Rhedi*, & *Harderus* in anatomia cochlearum perpolianda jam laudabilem collocaverint operam.

### §. CCCCXXVII.

*Henricus Ridley*, collegii medici *Londinensis* socius dignissimus, suscepit post aliorum curiosas disquisitiones non contemnendas, anatomiam cerebri, una cum novis inventis atque veterum pariter atque modernorum emendationibus circa idem subjectum. Quamvis enim *Willisius*, *Vicussens* aliique solertissimi cerebri nervorumque scrutatores utilissimum jam laborem consumpserint in harum rerum adcurata per-  
 vestigatione; Nondum tamen omnem adeo fundum expiscati sunt, quin nostro aliquid vel de novo adjiciendum vel saltem emendandum restare videretur. Ex multis, quae in scripto ejus legi possunt, unius tantum exempli mentionem faciam. Meningem mediam cerebri, quam *Bohnius*, *Lipsiensis*, & *Bidloo*, Belga commemorant, & *Ruysebius*, *Amstelredamensis*, in epistola *responsoria nona* ad epistolam problematicam *D. Goelicke* plane delineat, ille tantum habet pro externa piaie meningis lamina, in quas cogitationes meminit sese descendisse, occasione hydropici dissecti, in quo omnia



ejus interstitia aqua repleta fuerunt. Dubium vero exinde remanet, quod nihilominus membrana illa, *Ruyschio arachnoidaea* dicta, eodem modo, uti reliquae, non cerebrum tantum, verum etiam universam spinalem medullam ubique investiat.

### §. CCCCXXVIII.

Edidit praeterea observationes medico-practicas & physiologicas, quibus tamen etiam nonnullae anatomicae sunt permixtae. Auctor quoque est dissertationis de *structura vasorum cordis in embryone, & sanguinis juxta eum circuitu*; Cui scribendae occasionem dubio procul dedit controversia, quae eo tempore inter *Meryum* & alios de *foraminis ovalis usu in foetu* vigeat. Adjectae sunt novae figurae, totum negotium magis illustrantes.

### §. CCCCXXIX.

Commode hic suum quoque locum invenit ejusdem *D. Ridley* experimentum *anatomicum*, ad veram durae matris motus causam detegendam ab ipso institutum: Cum enim *Baglivus* in suo ingenioso *libello de fibra motrice* causam hujus oscillationis vindicasset propriae durae meningis substantiae & texturae; Noster vero longe probabilius judicasset, ut pulsui arteriarum, per totum cerebrum copiosissime dispersarum, adscriberetur: Hinc, ut clarius adpareret, utra harum sententiarum veritati propior esset, sequens adornavit experimentum, quod iisdem plane verbis exhibeo, quibus clarissimi auctores *actorum Lipsiensium* mense maio A. MDCCV. p. 216. & 217. usi sunt: *Canis scilicet superiori bregmatis parte terebrata, membranam duram non sine aliqua sanguinis jactura denudavit. Hinc cohibita haemorrhagia, abstersoque sanguine, durae matris ejusque sinus longitudinalis, qui per marginem foraminis decurrebat,*  
*motum*



motum systalticum cordis vibrationis, quae justo citatior erat, aemulum huiusque rythmo ad amissim respondentem deprehendit. Post lapsum unum horae quadrantem, eandem hamulo acuto suspensam perforavit, quam perforationem acute persentiscere videbatur canis, convulsionis tamen cujusvis expertus. Comparuit scilicet motus cerebri systalticus, tantillum sanguinis, quod in membrana continebatur, foras propellens. Postea cuspide forficis obtusa caute in aperturam membranae vulneratae immissa eam transversim in parte ejus a sinus longitudinalis transitu maxime remota dissecuit; Hinc protrusum fuit cerebrum pia matre tectum, perseverante adhuc motu ejus ad tactum satis forti, licet membrana ipsa, ob vim restitutivam fibrarum suarum a plaga accepta imminutam, ad oculos obscurius vibrari videretur. Toto hoc tempore vegetus adhuc erat canis, levibus tantum tremoribus, cum quodam horrore per universum corpus affectus. Postquam igitur per aliquot horas hic vexatus, multum sanguinis effuderat, ut omnem vim pulsificam, quae vel huic membranae inesse, vel aliunde accedere supponi potest, adimeret autor, guttulas aliquot olei vitrioli leniter illinebat; Unde nigro colore tingebatur haec, & nulla, saltem exigua & obscura percepta est ejus vibratio, admoto tamen digito satis distinctus cerebri pulsus sentiebatur. Peractis his, cum cultri mucronem ad unius unciae crassitiem in cerebri substantiam intrussisset, vehementer se agitavit canis, haecenus adhuc vegetus & in horrendas corporis jactationes & pedum anteriorum & posteriorum convulsiones incidit, & cerebrum fortius quam antea movebatur. Postea specillo profundius adacto, sensus dolorifici indicia maxima dedit animal, cultro tandem usque ad latus cranii oppositum trajecto horrendis agitatum fuit spasms; Et interim systolen & diastolen cerebri, cum maximo renisu factam digito autor aequae ac alii adstantes perceperunt. Quibus pensitatis phaenomenis, patere existimat clarissimus Ridley, motum cerebri & meningis a peculiari durae matris textura non dependere.



## §. CCCCXXX.

*Eduardus Tyson*, societatis anglicanae membrum & *Xenedochii Bethlehemensis* medicus, inque collegio chirurgorum anatomiae professor publicus, edidit observationes quasdam anatomicas circa pilos, uti & circa dentes, ossa &c. quas ex collectionibus philosophicis anglicanis excerptas exhibent *acta eruditorum Lipsiensia* mensis maji MDCLXXXIII. Scripsit praeterea anatonem pygmaei cum cercopitheci, simiae & hominis anatomia comparatam, nec non anatonem *phocaenae*, in collegio *Gershamensi* dissectae. Prius vero, quam aquatilis hujus, quod alias *tursionem*, *meerschwein*, vocant, descriptionem anatomicam adgrediatur *auctor*, anatonem in genere atque hinc comparativam commendat, simulque, qua methodo naturalis animalium historia erui & formari debeat, edocet. Inde vero demum dissectionem *phocaenae*, methodo commendatae conformem exhibet, quod facietenus & forma externa pisci per pleraque simile est; Quoad internarum vero partium structuram quadrupes potius dicendum foret, imo secus, ac reliqui pisces, sanguine fervente gaudet. Reliqua singularia hoc in animali reperta in compendio sistunt *acta eruditorum Lipsiensia* mens. Januar. Anno MDC LXXXII.

## §. CCCCXXXI.

Circa idem propemodum tempus, nempe anno 1682, *Anonymus* quidam, *Anglus*, collegii *physici Londinensis* socius, edidit *Londini* anatomiam corporis humani in compendio quasi traditam; in qua sistuntur conformationes, actiones & usus omnium partium H. C. Comprehendit *auctor* universam anatomiam sex partibus, quarum *prima* agit de abdomine, *altera* de thorace, *tertia* de capite, *quarta* de vasis artuum  
cujus-



cujuscunque generis, *quinta* de musculis & *sexta* de ossibus totius corporis.

§. CCCCXXXII.

*J. Case*, M. D. *Londinensis* compendium anatomicum nova methodo, ut ipsi videtur, institutum concinnavit, quod *tribus libris* constat, in quorum *primo* integris XIV. capitibus de anatome in genere, de ossibus, cartilagine, ligamentis, membranis, fibris, venis, arteriis, nervis, musculis, carne, cute, pingvedine, ungvis & pilis agitur. In *secundo*, praeter receptam C. H. divisionem, viscera tam abdominis, quam thoracis & capitis explicantur; Et in *tertio* uterus una cum vasis spermaticis mulierum exponitur.

§. CCCCXXXIII.

*Nehemias Grew*, Doctor medicus *Anglus*, societatis regiae membrum, edidit anatomen comparatam ventriculorum & intestinorum, quae descriptioni rerum rariorum naturalium pariter atque artificialium, ad societatem regiam pertinentium, subjuncta est.

§. CCCCXXXIV.

Non audemus equidem ejusmodi institutum penitus improbare: Nihilofecius tamen id quoque monere non inconsultum ducimus, omnem adhibendam esse circumspectionem, ne, quod in sectionibus brutorum recte observatum est, ob qualemcunque analogiam improvide ad anatomicen hominum transferatur, quia multiplicem errandi occasionem inde natam esse, neminem rerum anatomicarum peritum latere potest. Caeterum non desinunt curiosae, quas *auctor* variis in brutis fecit, detectiones salivam movere. Exponitur nempe in appendice ad catalogum & descriptionem  
rario-



rariorum tam naturalium quam artificialium ad *societatem regiam Londinensem* pertinentium, structura ventriculorum & intestinorum, prout variis in animalibus pro ipsorum animalium alimentorumque, quibus vescuntur, varietate, distincta atque varia reperta est.

### §. CCCCXXXV.

Cujus rei successus ut unicum saltem exhibeamus specimen, ex primo capite breviter repetimus, exhiberi ibi anatonem ventriculi atque intestinorum sex quadrupedum carnivororum, scilicet *mustelae, furonis, putorii, felis, canis & vulpis*, in quibus omnibus ad haec tria potissimum respicere jubet: Et primum quidem ad structuram & texturam harum partium, tam quoad substantiam plus minus membranofam vel carneam, qua ratione intestina felis in muscularem & membranaceam partem dividuntur, quam quoad earundem secundum tres dimensiones quantitatem; Una cum respectivis earum differentiis, cum mustela simplicissimam intestinorum habeat conformationem, canis & vulpes solum obtineant coecum, colo omnia careant. Deinde ad glandulas intestinales horum animalium, non quidem in mustela, sed in quatuor ultimis copiosas, easque vel *sociatim* in racemos junctas, & has fere minores, ex opposito insertionis vasorum in intestina fitas, quorum racemorum quilibet *pancreas intestinale* vocari possit, saltem quod non unum commune ductum habeant, cum singulae glandulae propria sua orificia mucosi liquoris excretoria habeant: Vel *separatim* hinc inde dispersas, easque majores & ampliores. Denique ad folliculos seu sacculos binos prope anum sitos, quibus omnia haec animalia gaudent, & quos existimat proprios saltem carnivoris quadrupedibus, interius cavos & liquorem, foetorem animali propri-



proprium spirantem contingentes, quos analogos arbitratur istis folliculis, in quibus *Zibethum* in *Civetta* continetur. Speciatim observat, in mustela expansum esse super hos folliculos sphincterem, qui eos & anum una comprimendo, ad simultaneam evacuationem has partes cogat. Quae reliquis novem capitibus continentur, in epitome exhibuerunt *acta eruditorum Lipsiensia*, Calendis martii publicata A. MDCLXXXII.

### §. CCCCXXXVI.

*Waltherus Charleton*, medicus *Londinensis*, auctor est *exercitationum physico-anatomicarum de oeconomia animali*, (quae novis quidem, dummodo veris in medicina hypothesebus est superstructa & mechanice explicata,) tres promulgavit lectiones anatomicas, quarum *prima* concernit motum sanguinis per venas & arterias, *secunda* structuram cordis organicam, & *tertia* causas pulsationis cordis efficaciter prosequitur.

### §. CCCCXXXVII.

Nihil vero hisce in lectionibus praestitit *auctor*, quod non alii dudum praestiterint; Optandum saltem foret, novam non dedisse occasionem eundem, alienas speculationes in artem invehendi. Ita quod motum sanguinis circularem attinet, non diffitetur quidem, hoc argumentum ab aliis jam tractatum esse, interim tamen se actum acturum non esse existimat, si saltem in causas, conditiones, circumstantias & rationem inprimis mechanicam motus hujus circularis inquireret. Dum vero sponte fatetur *noster*, se doctrinae clario-  
 ris gratia demonstrationes aliquot mechanicas ex *Johannis Alphonsi Borelli* libris de motu animalium mutuatum esse, id quod etiam ex mutua utriusque scripti collatione sic sese habere deprehenditur, quid lectione ista opus erat? Quanto  
 LI interim



interim auctoritatis praejudicio laboraverit *noster*, inde liquet, quod ab *hypothefibus Borellianis* ne latum quidem ungvem recedere ausus fuerit, exceptis gratuitis quibusdam ac plane chymaericis explicandi modis, quando is v. g. pro fibrarum cordis pariter ac reliquorum musculorum motu peragendo quandam sanguinis fermentationem ejusdemque cum succo nerveo ebullitionem in subsidium vocare non veretur, vix interim meliorem fiendi rationem substituens, quando solis succi nervosi guttulis, poris fibrarum cordis rhomdoidalibus instillatis, hosque cuneorum instar dilatantibus systolen cordis in acceptis referre non dubitavit. Verum hae similesque speculationes inanes merito hodie peritioribus nauseam imo risum movent.

#### §. CCCCXXXVIII.

Idem quoque disquisitionem instituit physiologicam de causis catameniorum & uteri rheumatismo; Prius tamen, quam ad eam perveniat, praemittit historiam uteri anatomicam, in qua non modo locum in corpore ab utero occupatum una cum ejusdem differentiis ratione magnitudinis in virgunculis, marito maturis, vetulis, praegnantibus ac partum saepius expertis, sed & substantiam ejus, vasa ac partes, quibuscum connectitur, descripsit. Quod vero causam catameniorum in foemellis & rheumatismum uteri attinet, illorum disquisitionem, tanquam ad physiologiam potius, quam anatomiam spectantem, hic merito praetermittimus.

#### §. CCCCXXXIX.

Curiosa experimenta circa liquorem coeruleum ad vasa lactea transmissum in *Actis Philosophicis Anglicanis* exhibuit D. *Guilielmus Musgrave*, Regiae Societatis Londinensis Socius. Quan-  
quam



quam enim *Listerus* saepius tentaverit, vasa lactea colore quodam tingere, sicque hoc artificio ea magis in conspectum aliorum deducere, sperato tamen ejus institutum caruit successu: Unde suo Marte experimenta ista repetere congruum duxit; Atque adeo in intestinum jejunum canis, qui pridie non nisi parum alimenti assumpserat, solutionis *Indigo*, aqua fontana factae duodecim circiter unicas injecit, quo post trium horarum intervallum denuo aperto, multa vasa lactea coeruleo colore imbuta conspexit, quae, licet extenso mesenterio aliquoties evanescerent, evidenter tamen in oculos denuo incurrebant, ubi laxum illud servabatur, indicio manifesto, colorem coeruleum non vasis, quod homines suspicari posse metuerat *Listerus*, verum potius liquori contento proprium esse. Paucis diebus post idem experimentum in cane, 36. horas ipediam passo, coram aliis cum solutione ultramarini in aqua fontana facta repetens *Auctor*, multa vasa lactea, paucis ab injectione minutis, colore perfecte cyaneo infici observavit; Qua quippe facie apparuerunt, antequam intestinum consuere liceret.

## §. CCCCXL.

Hisce utut satis manifestis experimentis nondum satis fidens, alia vice in canis accipitrarii, 36. horas jejuni, tenue intestinum decocti ultra marini, aqua simplici facti ac probe saturati sextarium injecit, ac tribus horis post, abdomine inciso, multa vasa lactea perquam egregie coeruleo colore tincta invenit, quorum nonnulla dissecta liquorem coeruleum per mesenterium exstillarunt. Hinc ductum thoracicum cum vicinis vasis prius ligatum examinans, hunc aeque ac receptaculum chyli, quamvis levius ac vasa lactea propter affusam lympham, tinctum vidit, magis tamen



coeruleum, quam naturaliter esse solet, vel qualem colorem vasa etiam lymphatica sub hepate prae se ferebant. Propriis interea oculis nunquam satis confusus, plures semper medicos in experimenti fidem adscivit, qui vasa lactea cum ipso omnes tincta pronunciarunt.

### §. CCCCXLI.

*Jacobus Dracke, Collegii medicorum & Societatis Regiae Socius*, novum conscripsit anatomiae systema seu anthropologiam novam, in qua oeconomia animalis describitur. Adnotarunt vero Dni. *Collectores Actorum Lipsiensium*, duo esse, quae dictam oeconomiam minus commendent. *Primum* est, quod *Auctor* ipse fatis prius cesserit, quam ultimam operi manum admoveere valuerit. *Alterum* vero est, quod easdem figuras comprehendat, quas *Blancardus* in anatomiae suae editione prima ex aliis auctoribus, nulla eorum mentione facta, & quidem maximam partem inversas inconsiderate & sine judicio exhibuerat, qua de causa etiam suo tempore nostras censuras, & quas justissime promeruit, cribrationes, non effugiet. Si vero figurae *Blancardianae* mala fide ex aliis mutuatae, multis modis mutilae ab ipso exhibentur, quis dubitaverit, foedius adhuc easdem deturpatas fuisse ab auctore, qui inde illas deprompsit? Nihilominus aliqua ex parte utile esse non desinit opus, postquam *Comperus* observationibus errorumque correctionibus & figurarum quam plurimarum subministratione, operam strenuam eidem commodavit.

### §. CCCCXLII.

Similiter anatomiam corporis humani, figurarum, potiores partes ad vivum adumbrantium, viginti tribus tabulis aeneis illustratam edidit *W. Cheselden*, chirurgus & societatis regiae socius, & quidem in eorum gratiam, qui in chi-  
rurgia



turgia & medicina proficere adnituntur: Quem in finem, omiſſis variis ſupervacuis ſubtilitatibus ac diviſionibus minus neceſſariis, eas ſolum partes deſcripſit, quae figuram ſitumque conſtantem ſervare ſolent, eo quidem ordine, ut, quae ſine praevia alterius deſcriptione intelligi nequeunt, praemitantur. Itaque hiftoriam partium ab oſſibus orditur, quod ſine oſſium notitia muſculi, qui quippe illis implantantur, intelligi nequeant. Agens tamen *libro primo* de oſſibus, ſimul cartilaginum, ligamentorum & glandularum juncturas lubricantium non oblivifcitur. *Libro ſecundo* ad deſcriptionem muſculorum progreditur, quia ſine eorum cognitione vaſcula, quae per illos feruntur, recte intelligi non poſſe exiſtimat. *Libro tertio* viſcera cum integumentis eo modo explicat, qui ad oeconomiam animaleſ tanto melius explanandam conducere poſſit, ſiquidem praeter integumenta corporis communia glandulae ſalivales, omentum, ductus alimentaris & meſenterium, hepar, folliculus fellis, pancreas, lien, vaſa lactea, pulmones, cor, pericardium, arteriae, venae, vaſa lymphatica, glandulae, utraque meninx, cerebrum ipſum cum medulla oblongata & ſpinali diſtinctis capitibus deſcribuntur. Denique *quarto* in *libro* circa urinae & generationis organa in utroque ſexu occupatus eſt, deſcribens ſimul foetum in utero, oculos auresque, & figuras, ubique deſcriptas partes ad vivum repraeſentantes adjiciens, una cum propriis obſervationibus hinc inde interſperſis.

### §. CCCCXLIII.

Suum denique locum hic adhuc invenit A. *Mouſins*, medicus collegii *Trinitatis* prope *Doublinum*, qui in eodem ſeſe exercuit argumento, quod jam ante ipſum duo celebres Zootomi, *Severinus* nempe & *Blaſius* tractandum in ſe ſuſce-



perant, & ille quidem in *Zootomia Democritea*, hic vero in *anatomie animalium*. Inscriptio operis haec est: *Historia anatomica elephantis Dublini casu incendio peremti, una cum relatione novarum quarundam observationum anatomicarum in animalium oculis*. Sunt duae epistolae, in quarum priore ad Dn. *Guilielmum Petri* de elephante perscripta auctor pollicitus est, se defectus aliorum *Zootomorum* suppleturum; In posteriore vero, ad Dn. *Boyleum* data, quaedam nova circa oculos à se detecta exponit.

#### §. CCCCXLIV.

Hos omnes, quos hucusque recensuimus, partim scriptorum anatomicorum numero, partim claritate, si non superant, certe haud imparia ipsis praestiterunt nostri *Germani*, quibus etiam *Batavos* adnumeramus. Prius vero, quam ad specialem anatomicorum Germanorum recensitionem, provehamur, quaestio praeliminaris decidenda est? *An anatomie jure divino & humano licita sit?* Causam medicorum in se suscepit *Georgius Tobias Schwendendörfferus*, qui quaestionem hanc *medico-legalem* in disputatione *Lipsiae* habita adfirmative decidit. Inter hos itaque locum primum tribuere non dubitamus *Casparo Baubino*, *Basilcensi*, *Johannis Senioris* filio, qui in studio anatomico non exiguam gloriam adfecutus est, & in academia patria integros 40. annos medicinam docuit. Fuit etiam archiater *Principis Würtembergici* & famam suam longe lateque disseminavit. Varios edidit tractatus anatomici argumenti, nempe de partibus humani corporis similaribus, quo tamen libro non multum operae precium fecisse existimatur. Theatrum vero anatomicum non methodo solum egregie sese commendat, verum etiam omnium fere reliquorum sententias clare in con-



in conspectum pròducit, Similiter scripsit universalem methodum anatomicam, multis novis iisdemque raris propriis observationibus refertam, quam ad *Vesalii* tabulas potissimum adcommo-  
davit, quam ob causam etiam a *Riolano* plagii ad-  
cusatur, a quo tamen crimine liberari facile potest, quia ipsemet nunquam dissimulavit, a *Riolano* se fuisse adiutum: *Conringius* miratur, *Baubinum* tam pauca proprio Marte detexisse, etiamsi integros quadraginta annos rem anatomicam exercuerit; Sed huic quidem imputationi contrariari videntur pomposi tituli, quos passim operibus suis tribuit. Scripsit enim libros IV. de corporis humani fabrica, sectionibus publicis atque privatis comprobatos, multisque novis inventis auctos, librum quoque de partibus humani corporis externis, i. e. universalem methodum anatomicam, multis novis iisdemque raris observationibus propriis refertam, item epistolam anatomicam curiosam ad D. *Voglerum*, in qua nova sua inventa complexus esse videtur. Edidit praeterea anatomicam corporis tam virilis quam muliebris historiam & institutiones anatomicas, tyronibus artis non contemnendas. Primus detexit valvulam admodum insignem, crassam atque membranaceam orificio intestini ilei in colon hianti adstantem, quam in hunc usque diem *Baubinianam* dicimus: Licet non defuerint, qui primam ejus inventionem aliis adscripserunt, qua de re mordacissimam pro more litem movere non dubitat *Riolanus*: Hic enim *antropologiae suae Libr. I. Cap. XII.* prolixè probare suscepit, valvulam coli jam dudum ante natum *Baubinum* eleganter descripsisse *Varolium* & *Solomonem Albertum*, atque hinc plagii reum esse *Baubinum*: Addit quoque, *Archangelum Piccolbominum*, medicum Romanum, in suis praelectionibus anatomicis, quas anno 1586. edidisset, jam insinuas-  
se mirificum naturae artificium ad principium coeci



coeci collocatum, videlicet tres valvulas eo fine constructas, ut remeantibus fordibus obsisterent.

### §. CCCCXLV.

Reliquit idem brevem descriptionem *domus anatomicae Hassniensis*, in qua permulta curiosa, ad rem *naturalem, anatomicam* & *Zootomen* spectantia, olim adservabantur, & quorum catalogum hac in descriptione exhibuit. Idem author est disputationis de *hepate defuncto*, quae novis *Bilsianorum* observationibus potissimum opposita est. Obiit anno 1623. cum annum aetatis suae sexagesimum tertium attigisset, & reliquit filium, *Johannem Casparum Baubinum*, pariter Professore in *academia Basileensi*, qui non solum Galliae Regis, verum etiam variorum principum Germaniae archiater exstitit, anatomica vero ad exemplum patris sui non scripsit.

### §. CCCCXLVI.

Circa initium statim seculi ab *anonymo* quodam edita est *Isagoge anatomica graece*, cum interpretatione *Petri Laurembergii*, quae a *Joachimo Morsio* in lucem publicam emissa est.

### §. CCCCXLVII.

*Adrianus Spigelius*, Bruxellensis, *Casseri* & *Aquapendentis* auditor, in *academia Venetorum Patavina* anatomiae & chirurgiae Professor longe celeberrimus fuit. *Casserio*, vivente adhuc *Aquapendente*, in professione successit, in cujus administratione talem se gessit, ut merita ejus ad dignitatem equestrem ipsum evexerint. Edidit Libros X. de fabrica H. C. 98. tabulis elegantissimis nec ante hac visis exornatos, quos *Daniel Bucretius* jussu auctoris in lucem protulit. Constat universum opus *decem* libris, in quorum *primo* externarum partium  
appel-



appellationes, figura, magnitudo & mutua inter sese proportio exponuntur, in *secundo* ossium historia proponitur, in *tertio* de cartilaginibus & ligamentis, in *quarto* de musculis agitur, & uti in *quinto* venarum, ita in *sexto* arteriarum natura earumque per universum corpus series atque distributio explicatur, in *septimo* nervi, in *octavo* partes & viscera infimi ventris, in *nono* praeter integumenta communia medii ventris seu thoracis organa, & in *decimo* capitis viscerumque in eodem contentorum historia describitur. Exhibuit etiam catastrophen anatomiae publicae in *Lyceo Patavino* feliciter absolutae, fausta adclamatione inclytæ nationis germanicae exceptam, item duas epistolas anatomicas, & singularem *librum de formato foetu*, figuris aeneis exornatum, curaque ac studio *Liberalis Cremae Tarvisini*, philosophiae ac medicinae Doctoris post *Auctoris* fata editum. Natus est anno 1578. & mortuus ex empyemate sub axilla orto anno 1625. cum aetatem suam ad annum quadragesimum septimum produxisset.

### §. CCCCXLVIII.

*Georgius Grassecius*, Argentinenfis, examen theatri microscopici in publicum produxit, in quo ceu viva imagine fabrica H. C. masculinum repraesentantis ejusque praecipuae partes tam externae quam internae, tam similes quam dissimiles affabre τῇ αὐτοψίᾳ demonstrantur; Cum cujusque partis, quo quaelibet p. n. affectu tentari potest, succincta notatione, methodo anatomica in unum quasi corpus congestum. Ut vero, qua ratione pensum suum absolverit auctor, distinctius pateat, unico tantum exemplo rem totam illustrabimus. Acturus namque de capitis collique ut & aliarum partium adfectibus morbosis, anatomice primum partes istas describit, atque adeo agit primum; post externarum capitis



partium nomenclaturam, de partibus colli externis, post-haec de partibus externis mediæ ventris, & tunc demum, his præmissis, adfectus huc pertinentes exponit. Eodem modo in descriptione infimi ventris morborumque illi priorum sese gerit.

### §. CCCCXLIX.

*Matthæus Merianus*, chalcographiæ quidem artem solummodo exercuit, interea tamen ad exornandam artem anatomicam suam contribuit, eumque in finem edidit vivas imagines partium H. C. aeneis formis expressas, ex theatro anatomico *Caspari Baubini*. Ut vel hanc ob causam anatomici eruditi sufficientes rationes non habeant nobis succensendi, quod honorificam ejusdem mentionem hic fecerimus, etiamsi alias nomen anatomici ipsum non mereri, probe sciamus.

### §. CCCCL.

*Sebastianus Blossius*, scripsit disquisitionem totius scepsos anatomicae, quae *Tübingae* lucem publicam adspexit anno 1622.

### §. CCCCLI.

*Laurentius Straußius* scripsit conatum anatomicum, aliquot disputationibus exhibitum, item microcosmographiam metricam sive humani corporis historiam elegiaco carmine exhibitam, & ad circulationem sanguinis & pleraque nova anatomicorum inventa adcommodatam. Eidem quoque debetur resolutio casus *Muscipontani*, foetus nempe extra uterum in abdomine retenti, cum adnexis judiciis celeberrimorum medicorum, cui accessit *Antonii Deusingii* consideratio physico-anatomica ejusdem foetus cum replica *Straußii* & epistola *Johannis Christophori Eusenmengeri* cum responso  
*Johann-*



*Jobannis Danielis Horstii*, opus & lectu jucundum & admirandum, atque ad generationis humanae mysterium addiscendum utilissimum. Quemadmodum autem eorum quilibet, qui suum de mirabili hac historia aperuit iudicium, suo abundat sensu: Ita nonnulli de ipsa plane fide historica dubitare ausi sunt. Quicquid vero sit, non cessant interea considerationes, a celeberrimis Viris circa foetum hunc *Mussipontanum* institutae, suam exhibere utilitatem.

### §. CCCCLII.

*Jobannes Remmelinus*, Suevo-Ulmensis, philosophiae ac medicinae doctor, catoptrum microcosmicum suis aere incisis visionibus splendens edidit. Si quis mirabilem hanc operis *anatomici* inscriptionem miretur, ex *Remmelino* ipso explicationem ejus audiat. Inscripsit *catoptrum microcosmicum*, quod quis in eo, ceu speculo hominem, qui parvus mundus est, contueatur. Vult autem, catoptrum istud tribus splendentibus orichalco incisis visionibus construi, pluribus variis figuris refertis visionibus constantibus, quae iusta proportionem, veroque naturali situ, in masculi, foemellae & infantis effigie, omnes externas internasque hominis partes viendas exponunt, additis sua *historia microcosmographica* tactas partes describente, & *pinace*, litteras & characteres, figuris insculptas explicante, quo primis saltem lineis mirabilis C. H. structura depingatur.

### §. CCCCLIII.

Ut vero paullo distinctius pateat, quid in *catoptro* hoc *microcosmographico* praestiterit Auctor, sciendum est, totam tractationem 5. absolvi capitibus, ita quidem, ut praemissis prolegomenis, *primo* in capite homo ejusque externa species



seu superficies conspicienda exhibeatur, in *secundo* partes similes, totum corpus, ejusque partes circumvolventes & investientes explicentur, in *tertio* eadem similes partes, totum corpus nutriendes & vivificantes proponantur, in *quarto* partes animantes ac sustentantes, in *quinto* dissimiles, imo ventre conclusae, & in *sexto*, eadem dissimiles partes medio ventre contentae & in *septimo* partes supremo in ventre collocatae ob oculos ponantur. Postremo seu *octavo* capite regimen partium hominis unitarum animae domicilium extantium enarratur, simulque toti operi finis imponitur.

§. CCCCLIV.

*Christophorus Meurerus*, Lipsiensis, patrem habuit *Wolfgangum Meurerum*, medicinae Doctorem ejusdemque in *Alma Lipsiensi* Professore. *Noster* vero, postquam in *Academia Lipsiensi* gradum in medicina acceperat, ibidem in urbe patria praxin exercere coepit & medicus Xenodochii publicus constitutus est. Scripsit orationem de anatomia & vel hoc nomine penitus praetereundus non fuit.

§. CCCCLV.

*Johannes Matthaeus Viringus* edidit tabulam anatomicam ossium humani corporis, quae in folio prodiit.

§. CCCCLVI.

*Johannes Veslingius*, Mindanus, *academiam Patavinam* condecoravit ibidemque anatomiae & botanices Professor famigeratissimus fuit. Cultoribus artis reliquit syntagma anatomicum, publicis dissectionibus in auditorum usum adaptatum, quod proinde locis quam plurimis auctum, emendatum novisque iconibus diligenter exornatum prodiit, tandemque observationibus *Blasii* illustratum lucem adspexit publicam. Vixit circa initium seculi praecedentis.

§. CCCCLVI.



## §. CCCCLVII.

*Johannes Georgius Virsungus* seu *Virsungius*, Bavarus, in anatomicis ad invidiam usque clarus fuit, id quod etiam interneccionem sceleratam, a nebulone quodam intentatam ipsi tandem conciliaffe dicitur: Cum enim supra omnes suos antecessores in publica cathedra quotidie triumphos ageret, crabrones tantopere irritavit, ut ab Italo quodam (sine dubio mercede conducto ad illum interficiendum) in museo suo sclopeto trajectus fuerit. Primus anno 1642. detexisse dicitur *ductum pancreaticum*, per totam pancreatis longitudinem sese extendentem, eodemque in homine osculo cum ductu choledocho in cavum intestini duodeni hiantem. Quamvis enim ab aliis anatomicis ante ipsum quoque visus sit hic ductus, pro arteria tamen habitus, nec pro peculiari vase, peculiarem succum vehente & in duodenum infundente agnitus fuit. Licet igitur praematura violenta morte orbi erudito ereptus nihil scriptis consignaverit; Habet tamen hic ductus ab illo suam denominationem, & *Wirsungianus* in hunc usque diem dicitur; Idque ob communem famam, quae primam *Virsungio* inventionem adscripsit. *Bartholinus* ad autopsiam provocat hisce verbis, quae anatomiae suae cap. XIII. leguntur: *Ductus Pancreaticus, a nullo haectenus descriptus, primo Patavii, nobis praesentibus 1642. initio Martii mensis, Johanne Georgio Virsungo, anatomico plane diligenti, sed cruento facto extincto, apparuit.*

## §. CCCCLVIII.

Verum sciendum est, *Mauritium Hoffmannum*, qui eo tempore *Patavii* commoratus & familiari Viri conversatione quin *Virsungiano* hospitio usus est, verum fuisse hujus ductus detectorem, qui proinde, cum pro mutuis amicitiae legibus



*Virfurgio* inventi sui copiam fecisset, suppresso vero inventoris nomine id sibi vindicavit, quod meliori jure *Hoffmanno* debebatur. Idem mecum sensisse video *Heisterum*, Professore *Altorffinum*, nunc *Helmstadiensem*, qui id etiam *Verheyena* vitio vertere non dubitat, quod filuerit, *Mauritium Hoffmannum primum ductus pancreatici inventorem fuisse*. Verum cum paucissimis id innotuerit, me etiam communis fama quondam seduxit, ut prima hujus *Historiae anatomices* editione scriberem, *Virfurgium hunc ductum pancreaticum primum detexisse*: Id quod nunc emendare aequum fuit, ut suum cuivis relinqueretur: Inprimis cum videam, *Johannem Mauritium Hoffmannum* tam in dissert. ad *Hornii* microcosmum, quam in *Idea machinae humanae* primam ductus hujus inventionem parenti suo vindicasse.

## §. CCCCLIX.

*Menelaus Winsemius*, Leowardiensis, in *academia Franequerana* Professor publicus, edidit compendium anatomiae 30. disputationibus sub ejusdem praesidio propositum.

## §. CCCCLX.

*Otto Casmannus* anthropologiam, i. e. fabricam H. C. methodice descriptam reliquit.

## §. CCCCLXI.

*Petrus Laurembergius*, Rostochiensis, scripsit anatomiam C. H. seu collegium anatomicum 12. disputationibus comprehensum & in *academia Rostochiensi* propositum; Item *Isagoges anatomicae* graece interpretationem latinam nec non *procestria anatomica*, in quibus pleraque, quae ad generalem anatomiae & partium contemplationem attinent, proponuntur, quaedam etiam infimi ventris membra explicantur & historia anatomica *Andreae Laurentii* multis modis castigatur. Edidit denique in cujusdam *Anonymi* *Isagogen* anatomicam suas commentationes & alia.

## §CCCCCLXII.



## §. CCCCLXII.

*Tobias Knoblochius* reliquit disputationes anatomicas & *ψυχολογicas* figuris novis variisque illustratas, quae licet omnia anatomici argumenti non sint, omittenda tamen hic non fuere.

## §. CCCCLXIII.

Hic *Tobias Knoblochius*, Fr. Marcobrettanus, postquam studiorum suorum curriculum absolverat, in *academia Patavina*, Promotore *Bassiano Lando*, A. MDLVI. gradu Doctoris in arte medica condecoratus, eodemque anno in itinere Italico adhuc haerens in Facultatem medicam *Academiae Viadrinae* receptus & Anno MDLXII. Professor constitutus, post aliquot vero annos in *Academiam Wittebergensem* evocatus est, in qua etiam disputationes anatomicas, mirificam corporis humani fabricam & usum explicantes, publice ventilandas proposuit. Argumenta dictarum disputationum sunt sequentia: In *prima* agitur de hominis praestantia hujusque corporis partibus in genere; In *secunda* de partibus similaribus in genere; In *tertia* de partibus infimi ventris continentibus communibus & propriis; In *quarta*, *quinta*, *sexta*, *septima*, & *octava* de partibus *χολοσει* & *αιματωσει* famulantibus, de liene, renibus & vesica, deque genitalibus tam in viris quam in foeminis procreationi famulantibus disputatur; Fit inde transitus capite *nono* ad partes medii ventris continentes, & capite *decimo*, *undecimo* ac *duodecimo* tractatur de corde, pulmonibus atque collo. Capite *decimo tertio* exponuntur partes continentes capitis, & duobus insequentibus de cerebello & spinali medulla nec non de altera capitis parte agitur. Tandem vero agmen claudit tractatio de artubus, ubi capite *decimo septimo* & *octavo* de ossibus tam in genere quam in specie tracta-



tractatur, subjuncta capite a *nono* & *vigesimo* doctrina de humoribus & spiritibus. Et nequid intactum relinqueret *Noster*, *ultimo loco* commodum adhuc ipsi visum est subungere disquisitionem de anima in genere, qua ejus definitionem, originem, sedem & immortalitatem explicuit, a qua generali tractatione deinde descendit ad declarandas varias animae facultates, vegetativam nempe, sensitivam ac rationalem, quam omnium reliquarum nobilissimam esse, non injuria reputat.

#### §. CCCCLXIV.

*Nicolaus Fontanus*, Amstelredamensis, scripsit adnotationes ad epitomen anatomiae *Andreae Vesalii*. *Laurentius Eichstadius*, veteris Sedanensis Pomeranus, M. D. & Gymnasii *Gedanensis* P. P. Collegium anatomicum seu quaestiones de natura C. H. ad disputationes 16. in inclyto *Athenaeo Gedanensi* propositas edidit. Recte ac prudenter cum *Galeno* monuit, cognitionem C. H. non tam lectione & auditu, quam diligente inspectione singularumque partium examine comparari; Additque cum eodem: Contemplatorem naturae non libris anatomicis, sed propriis oculis credere debere, cum scientia, quae ex libris conquiritur, saepius sit nugatoria faciatque κυβερνητὴν ἐκ βιβλίου, nautam ex libro. Id quod in arte anatomica tanto magis necessarium est, quoniam posterior aetas semper aliquid detexit, quod prior ignoravit, pluraque adhuc ventura aetas additura est. Utilitatem ingentem anatomes optime agnovit: Nam, inquit, quo quis in anatome est versatior, eo melius de idea & causis morborum judicare potest.

#### §. CCCCLXV.

*Syboldus Hemsterbuys*, variorum celebrium anatomicorum scripta collecta edidit, iisdemque titulum messis aureae  
feu



seu collectaneorum anatomicorum praefixit, in quibus continentur (1) *Johannis Pecqueti* experimenta nova anatomica. (2) *Thomae Bartholini* de lacteis thoracicis historia anatomica cum ejusdem de iisdem dubiis & vasorum lymphaticorum historia nova. (3) *Olai Rudbeckii* ductuum hepaticorum aquosorum historia, item de vasis glandularum serosis observationes, epistolae variorum, ejusdemque de vasis lymphaticis tabulae XIII. aeri incisae.

### §. CCCCLXVI.

*Franciscus de le Boe Sylvius*, Germanus, lucem hanc adspexit *Hanoviae*, comitum ejusdem nominis sede. Absoluto cursu, ut vocant, academico, primum in patria, deinde vero *Amstelredami* praxin medicam non sine adplausu exercuit, tandem vero, mortuo *Kypero*, in *academiam Leydensensem* evocatus est, inque illa statione obiit anno 1675. Nota sunt sub ejus nomine dictata quaedam ad Institutiones anatomicas *Cassari Bartholini*, item observationes quaedam anatomico-medicae, quae cum *Henrici Meibomii*, *Johannis van Horne* & *Frederici Ruyschii* observatis simul prodire *Amstelredami* anno 1674.

### §. CCCCLXVII.

Locum hic suum merito tribuimus *Christiani Ludovici Welschii*, phil. & med. D. tabulis anatomicis, universam C. H. fabricam perspicue ac succincte exhibentibus, modernis potissimum observationibus accommodatis inque gratiam tyronum conscriptis & *Lipsiae* a. MDCXCVII. editis. Patriam habuit *Lipsiam* & prodiit ex lumbis *Godofredi Welschii*, Professoris medici admodum celebris in dicta academia, A. 1700. adessor Facultatis medicae declaratus est, & a. 1719. naturae debita persolvit.



## §. CCCCLXVIII.

In praefatione, tabulis hisce, quarum in *historia anatomiae* nulla a (\*) me facta est mentio, praemissa, summas quidem artis hujus praerogativas merito extollit, quod nempe *ad cognoscendas corporis actiones, indagandas morborum periculosissimorum causas, salvandas miserorum aegrotantium vitas auxiliorumque tutas applicationes ducat, viamque praemonstret*; Non reticuit tamen etiam impedimenta, quibus permulti ab addiscendo hoc studii genere deterrentur; *Timent enim, inquit ille, periculum, credentes firmiter, crebriores cadaverum sectiones vitam abbreviare posse*; Id quod tragicis nonnullorum anatomicorum v. g. *Vesalii, Fallopii, Casserii, Spigelii, Plazzoni, Veslingii, Marchetti, Stenonis, Nuckii, Malpighii* aliorumque exemplis comprobare nituntur, *non reputantes, multos etiam ad summam usque senectutem hoc studium non sine singulari & delectamento & industria continuasse, quorum praecipui Hieronymus Fabricius a Aquapendente, Johannes Riolanus, Severinus, Wepferus, Carolus Drelincourtius* alique fuerunt. Aliud impedi-

---

(\*) Tabularum *Welschianarum* nullam in *historia anatomiae* a me factam esse mentionem, lubens fateor, sed quo me ideo animo notaverit *Stollius*, ipsi sine dubio optime erit perspectum. Si omnes rei anatomicae scriptores promississem, in debitum caderet promissum; At vero promisi *plerosque* tantum. Quid si vero regererem, *Stollium* ipsum, qui hanc mihi culpam imperfectae recensionis scriptorum anatomicorum exprobrauit, ne centesimam quidem eorum partem attigisse? Frustra itaque mihi opponit *Heisteri* auctoritatem, qui in *orat. inaugurali de incrementis anatomiae seculi XIII.* bono, ut auguror, animo, monuit: *Quam plurimos adhuc extare scriptores anatomicos diversaque eorum scripta, quorum nulla (dicta in historia) fiat mentio.* Idem vero in praefatione, compendio anatomico praemissa jam monuerat.



impedimentum est nausea, qua imprimis delicatiores deterrentur, cui sumtus accedunt, huic studiorum generi inevitabiliter impendendi. Omnium tamen maximum esse existimat nimiam prolixitatem, quo anatome communiter tractari consuevit; Quare non leves promereri laudes existimat eos, qui compendia anatomica, plurima paucis complectentia, erudite conscripserunt, & artis studiosis in manus dederunt; Quorum laudabilibus vestigiis insistens *noster*, suas etiam *tabulas*, recentioribus potissimum inventis adcommo-  
 datas in publicum emittere haud dubitavit; Id quod eo confidentius fecit, quo frequentiore in itinere suo litterario occasionem nactus est cadavera humana inspiciendi, & clarissimorum anatomicorum, *Borromei* nempe, *Malpighii*, *Antonii de Marchettis*, *Molinetti*, *Viscardi*, *Redi*, *Bellini*, *Zanini*, *Monigbinae*, *Wepferi*, *Harderi*, *Drelincourtii*, *Nuckii*, *Munnickii*, *Bidloi*, *Rivini*, *Bergeri* aliorumque sectiones curiosas partim videndi, partim discursus eorundem eruditos audiendi, & quae notatu digna judicabat, tabulis suis sedulo inferendi. Quod vero primo ac principe loco merito habendum est, *auctoris* adseveratio est, nihil tabulis ejus insertum esse, quod non vel propriis viderit oculis vel secuerit manibus, exceptis quibusdam glandulis vasisque lymphaticis & aliis, quae ob summam tenuitatem externorum sensuum aciem facile subterfugiunt. Quod an alii de anatomicis suis scriptis pari fiducia gloriari queant, in dubio relinquo.

## §. CCCCLXIX.

Comprehendit vero compendium hoc anatomicum *Welschianum* LVI. tabulas, in quarum *prima* de anatomia in genere, in *secunda* de objecto anatomes, corpore nempe humano, in *tertia* de instrumentis anatomicis, in *quarta* de



externis H. C. appellationibus, in *quinta* & sequentibus ad *vigesimam secundam* usque de ossibus tam generatim quam speciatim non modo adultorum sed & infantum primo natorum agitur. Tabula *vigesima tertia*, postquam de musculis in genere tractavit, *vigesima quarta* musculorum omnium C. H. divisionem, denominationem, originem insertionemque proponit, ubi id tantum perpendendum aliis relinquo, annon consultius fecisset auctor, si musculorum doctrinam totidem tabulis proposuisset, uti in historia ossium fecit. Ita enim, mea saltem sententia, longe clariorem *myologiae* lucem adtulisset. A tabula *vigesima quinta* ad *trigesimam* de cartilaginibus, ligamentis, cute, membrana adiposa & membrana musculorum communi, unguibus & pilis, nec non de glandulis ductibusque salivalibus agit. Dehinc a tabula *trigesima prima* ad *quingagesimam secundam* viscera abdominis & thoracis una cum partibus genitalibus utriusque sexus nec non foetus in utero contenti & naturalem secundinarum constitutionem exponit, postremumque locum descriptioni organorum sensualium, oculorum, aurium, linguae & nasi tribuit & impendit. Idem examen renum succenturiatorum suscepit.

### §. CCCCLXX.

Eodem hoc seculo *Jobannes Henricus Glaserus*, phil. ac med. D. nec non in antiquissima *Basileensium* academia anatomiae ac botanices P. P. tractatum posthumum de *cerebro* reliquit, in quo hujus non fabrica tantum, sed actiones omnes principes sensus ac motus, ex veterum & recentiorum placitis & observationibus perspicue ac methodice explicantur, quique opera ac studio *Jobannis Jacobi Stachelini*, M. D. luci publicae a. 1680. expositus est. Totus vero tractatus, ut multa paucis comprehendam, novem constat capitibus, quorum



quorum duo priora anatomici tantum argumenti sunt, & tam de partibus cerebri *continentibus* quam *contentis* agunt; Reliqua enim, quae de facultatibus tam naturalibus quam animalibus, sensu nempe & motu animali differit, ad forum physiologicum potius spectant.

§. CCCCLXXI.

Anno 1686. tractatus *anatomicus* novus sub nomine *admirandorum anatomicorum* publicae luci commissus est, in quo organa generationi dicata utriusque sexus tam accurate, ut inscriptio operis prae se fert, quoad structuram, admirabilem nexum, situm & alia curiositatem spectantia, examinantur, ut cuique anatomiae studioso inservire possint. Cui vero auctori hic labor vindicandus sit, altum silentium est.

§. CCCCLXXII.

*David van der Becke*, phil. ac med. D. dissertationem *anatomico practicam* de procidentia uteri, ab erroribus Cl. *Jobannis Garmeri*, Hamb. & phys. patriae primarii vindicata ad magnificum & amplissimum *Senatum Hamburgensem* perscripsit eidemque dedicavit.

§. CCCCLXXIII.

*Georgius Francus*, praeterquam quod in programme quodam *praecipuorum anatomicorum* succinctam exhibuerit *historiam*, auctor quoque est parvae *bibliothecae Zootomicae*. Reliquit etiam *bona nova anatomica*, i. e. eorum, quae per anatomicorum industriam noviter inventa sunt, succinctam recensionem. Denique de *autopsia & iconibus anatomicis* peculiari programme egit.

§. CCCCLXXIV.

Hagae Comitum a. 1642. incerto auctore *sceletographia*  
Nn 3 *variorum*



variorum animalium cum figuris aeneis lucem publicam adspexit. Et *Rotenburgi* a. 1682. *Antonii Novarini* anatomia & chirurgia curiosa idiomate germanico prodiit.

### §. CCCCLXXV.

*Paulus Marquandus Slegelius* de dentibus dissertavit. Et *Georgius Balthasar Metzgerus* anatomen dentium humanorum, uti & historiam anatomico-medecam thymi. *Martinus Fridericus Frieß* vero etiam de dentibus scripsit. *Johannes Fridericus Schifferus* *omphalographiam* sive dissertationem de umbilico reliquit; Quod idem argumentum, anatomen nempe umbilici curiosam, etiam *Johannes Aegidius Euth* tractavit. *Johannes Georgius Grubelius* de ductu chyliifero *Pecquetiano* disputavit.

### §. CCCCLXXVI.

De visceribus particularibus non pauci differuerunt. Sic structuram *lienis* *Valentinus Hartung*, *Johannes Arnoldus Fridericus*, aliique plures exposuerunt. Hic idem praeterea de *torologiam* seu dissertationem de *secundinarum* natura, usu & noxa exposuit, itidemque de pulmonibus disseruit. Idem quoque de cerebro, cerebello & medulla oblongata disputavit itidemque de aure. Et *Johannes Loeselius* similiter scrutinium renum suscepit, in quo genuinam renum fabricam & actionem explicuit, addito schemate aberrantis structurae vasorum emulgentium & spermaticorum una cum appendice observatorum in anatome corporis strangulati. *Jacobus Cocus* & *Samuel Hassenrefferus*, ut & *Johannes Nicolaus Pechlinus* de fabrica & usu cordis disputarunt. De aqua pericardii *Gunterus Christophorus Schellhammerus*. *Johannes Franciscus* & *Fridericus Petri* de oculorum fabrica, & *Franciscus Josephus Burrhi*. De glandularum natura & usu disputarunt *Jeremias Lossius*, *Johannes Philippus Eysenius* aliique plures.

### §. CCCCLXXVII.



## §. CCCCLXXVII.

*Johannes Theodorus Schenckius*, M. D. anat. chir. & bot. P. P. in acad. *Jenensi*, probe intelligens, quam nobile exercitium, quam gratus animi ludus sit disputatio, universam anatomen philiatris hoc artificio gratam & amoenam reddere conatus est; Nata hinc est *schola partium C. H.* in qua earundem usus & actio secundum situm, connexionem, quantitatem, qualitatem, figuram atque substantiam proponitur.

## §. CCCCLXXVIII.

His non contentus *Schenckius* noster, *exercitationes anatomicas ad usum medicorum accommodatas*, eadem, nempe disputatoria methodo adornavit, eoque ipso exemplum praebeuit professoribus artis, qua ratione taedium, quod discentes forte ex cadaverum sectione caperent, discutere & rem per se non admodum gratam ipsis amoenam reddere debeant. Et sicut schola anatomica undecim; Ita exercitationes novem disputationibus constant.

## §. CCCCLXXIX.

*Johannes Heinrichus Schultze*, olim in *Norica*, nunc in *Friedericiana* P. P. praeter programmata quaedam invitatoria ad dissectiones ac demonstrationes cadaverum, duo etiam *historiae anatomicae* specimina in cathedram medicam *Altorff* produxit. An plura prodierint, me latet.

## §. CCCCLXXX.

Anno MDCXLIX Londini opuscula anatomica nova uno volumine comprehensa lucem adspexerunt publicam, quae animadversiones sequentes continent; Nempe in historiam anatomicam *Andreae Laurentii*, in theatrum anatomicum *Cassari Baubini*, in librum anatomicum de fabrica humana

*Andreae*



*Andreae Spigeli*, ad institutiones anatomicas *Gaspari Bartolini*, ad anatomica *Caspari Hoffmanni*, in syntagma anatomicum *Joannis Veslingii* & in tractatum de diaphragmate *Aemilii Parisani*. Cunctae vero hae animadversiones *Johannem Riolanum* auctorem agnoscunt.

§. CCCCLXXXI.

*Justus Schraderus* M. D. edidit observationes & historias omnes ac singulas ex *Guilielmi Harvei* libello de generatione animalium excerptas, nec non *Wilhelmi Langly* observationes quasdam similiter de generatione animalium tractantes, quibus ovi foecundi, singulis ab incubatione diebus factae inspectiones ut & observationum anatomico-medicarum decades IV. una cum modo cadavera balsamo condiendi accedunt.

§. CCCCLXXXII.

A. 1686. *Cosmopolitae* historia naturalis, quae totius C. H. anatomicam delineationem ab ipsis primis foetus rudimentis in utero usque ad perfectum & adultum statum comprehendit, *Lugduni Batavorum* prodiit.

§. CCCCLXXXIII.

Circa finem ejusdem hujus seculi studio & opera M. T. P. P. H. S. *mirabilis anatomia renum* eorundemque structura juxta circulationis leges illustrata, una cum illorum usu nobilissimo ad circulationem sanguinis, praeparationem seminis & humidi serosi a sanguine segregationem absolute necessario lucem adspexit.

§. CCCCLXXXIV.

*Carolus Schaefferus*, M. D. & physicus *Hallensis* ordinarius sua cura effecit, ut observationes *Theodori Aldes* in ovis factae & sci-



& sciagraphia nutritionis pulli in ovo & foetus in utero nec non F. Ruyschii observatiuncula de ovo in utero humano reperto publicam lucem adspiceret.

§. CCCCLXXXV.

*David Hermannus ab Hermanau*, inclutae reipublicae Norimbergensis chirurgus & lithotomus ordinarius *manuale anatomicum* reliquit, in quo omnes ac singulas C. H. partes succincte descripsit, quodque non modo in sui ipsius sed & in aliorum chirurgorum discipulorumque sibi concreditorum gratiam ex auctoribus collectum concinnavit. Adjectae sunt observationes harmoniae H. C. stabiliendae inservientes, quas ex *Sanctorio de Sanctoriis* & *paralipomenis Sennerti* mutuatus est. Exercuit chirurgiam hancce operatoriam plus quam quadraginta annos, tantoque temporis intervallo non vulgarem in organica hac chirurgiae parte, inprimis lithotomia dexteritatem facilitatemque sibi comparavit: Qua de causa etiam nobilitatis insignibus est donatus, ad quae ita lusit poëta sui temporis:

*Ut generosa trahit vaga per discrimina virtus  
Et decorant celebres fortia facta viros.  
Sic Hermannia dem non pauca pericla patrata  
Nobilitant, agris dum tulit artis opem.  
Innocuis ferrum nocuit perimitque nocentes,  
At ferro Hermannus profuit innumeris.  
Si quondam meruit, Civem servare, coronam,  
Haud satis est meritis una corona tuis.*

§. CCCCLXXXVI.

*Henricus Eyssonius* M.D. & in acad. Gröningana anatomiae P.P. ab ampliss. Curatoribus haud difficulter obtinuit, ut,

Oo

cum



cum a. 20. retro annis neglectae fuerint demonstrationes anatomicae, *novum amphitheatrum anatomicum* publicis sumptibus fuerit exstructum, quod ipse deinde ex primae sectionis publicae administratione inauguravit. Cumque postea infantum recens natorum viscera rariori multisque inviso spectaculo rimandi & infantum ossa publice enarrandi sceletaque inde parandi, ansa ipsi data sit: Sua sponte dispalescit, quales hic tractatus anatomicus de *ossibus infantis cognoscendis, conservandis & curandis* habuerit natales?

### §. CCCCLXXXVII.

Continet vero, ut ipse *Eyssonius* in compendium contraxit tractatum suum, non tantum anatomicam *ossium infantium* historiam, & ab adultorum hominum ossibus discrepantiam hujusque usus; Sed etiam medicam eorundem in naturali statu conservationem & in praeternaturali constitutione curationem, per parentum, matrum tum gravidarum tum parturientium, obstetricum, aliarumque curatricum ac nutricum ipsorumque chirurgorum officia obtinendam.

### §. CCCCLXXXVIII.

Praeterea recensuit *Volcheri Coiteri*, itidem *Gröningani*, urbis quondam Norimbergensis medici atque chirurgi clarissimi *tractatum anatomicum* de *ossibus foetus abortivi & infantis dimidium annum nati*; Quod institutum suasit imo commendavit *Eyssonio* argumenti adfinitas, ut sic nempe plena puerilium ossium junctim anatomica extaret enarratio. Nec dubitat *Coiteriano* huic tractatui singularem hanc vindicare praerogativam, quod nemo ad illa usque tempora extiterit, qui de solis infantum ossibus seorsim egerit, sed plerique sparsim adultorum ossium explicationi miscuerint. Imo, quod plus est,



est, & ad ejusdem commendationem non parum facit, non veretur *Eyssonius* imputare *Riolano*, summo sui aevi anatomico, quod ex *Coitero* quam plurima verbotenus descripserit, utut nullam *Coiteriani* libelli ibidem mentionem faciat.

## §. CCCCLXXXIX.

*Johannes Tanckius*, scripsit epistolas de observatis quibusdam anatomicis, quae cum *Horstii* observationum libris IV. prioribus simul impressae sunt.

## §. CCCCXC.

*Vopiscus Fortunatus Plempius*, Amstelredamensis, edidit ophthalmographiam sive tractatum de fabrica, actione & usu oculi.

## §. CCCCXCI.

*Johannes Gerbardus* in anatomicis nihil scripsit, praeterquam anatomiae C. H. succinctam comprehensionem. Reliqua ejus scripta maximam partem chymica vel alchymistica sunt, quibus medicinam universalem defendere vel adferre adlaboravit.

## §. CCCCXCII.

*Johannes van Horne*, Amstelredamensis, in academia Lugduno-Batava anatomiae & chirurgiae Professor famigeratissimus, novum ductum Thoracicum circa annum 1650. & 52. primus detexisse videtur. Unde mox tractatum edidit de novo ductu chylifero, nunc primum delineato, descripto & eruditorum maxamini exhibito. Primus quoque fuit, qui testiculos viriles dixit esse conglomerationes merorum ductuum seminalium, & mulierum testes vocavit ovaria; Eumque in finem edidit jam A. 1668. prodromum observationum suarum circa partes genitales in utroque sexu. Unde alienis plumis



sine dubio superbivit Regnerus de Graeff, ejus auditor atque discipulus, sicuti paulo post dicemus. Scripsit quoque microcosmum seu brevem manuductionem ad historiam C. H. in gratiam discipulorum; Cui profecto usui, si quod ullum aliud, compendium maxime adcommodatum est: Nisi forte compendium anatomicum *Heisterianum* palmam ipsi dubiam reddat. Caeterum proprio id exemplo confirmare nullus vereor, qui jam saepius tam publice quam privatim hunc Auctorem auditoribus meis in *Fridericiana* pariter atque aliis academiis praelegi, & ingentem semper fructum inde percepi. Dedit insuper *Auctor noster* epistolam anatomicam ad *Guernerum Rolfsincium*, anatomicum celebrem in *academia Thuringorum Jenensi*, & quidem brevi ante obitum suum, in qua ea, quae de constitutione & usu genitalium utriusque sexus noviter observaverat, declaravit, quaeque microcosmo sub-juncta est. Edidit quoque observationes anatomico-medicas ad *Galen*i librum de ossibus cum *Vesalii*, *Sylvii*, *Heneri*, *Eustachii* exercitationibus. Adversarium habuit *Ludovicum de Bils*, alias *Bilsum* dictum, nobilem, quem sola curiositas ad studium anatomicum pertraxit: Unde quid valeat natura in disciplinis perdiscendis, hic potissimum exemplo suo docuit: Quandoquidem sine magistro in peritia secandi tam mirabiles fecit progressus, ut cum celeberrimis sui temporis medicis & anatomicis contendere ferramque disputationis reciprocare non erubuerit. Cum vero in ea, quam cum *Hornio* aliisque agitabat, controversia, non satis circumspicte oculis suis usus fuisset, non est mirum, ipsum causa sua excidisse. Non minus etiam vehementer commotus fuit, cum fama ebuccinaret, vivente adhuc *Hornio nostro*, *Regnerum de Graeff* opus absolutum editurum de partibus genitalibus utriusque sexus: Tempestivum itaque judicabat *Johannes van Horne*, publice monere,



monere, antequam adhuc tale opus prodiret, inventa illa SUA esse, & falso illa sibi tribuere *Graeffium*; Quare summa statim rei capita ad *Rolfincium* perscribebat, promittens, se operosius illa demonstraturum peculiari tractatu, sed morte praeventus promissa ista explere non potuit.

### §. CCCCXCIII.

Meretur vero *Ludovicus de Bils*, Toparcha in *Coppensdamme*, *Bonemeta*, ut, cum natura ipsa ingenium quasi anatomicum ei inspirasset, ex professo ejusdem hic mentio fiat. Edidit specimina quaedam anatomica cum Cl. Virorum epistolis aliquot & testimoniis, quae anno 1661. in 4to. Roterodami prodierunt; Et anno 1669. publicum adspexit responsio ejusdem *Bilsi* ad epistolam *Tobiae Andreae*, qua verum usum vasorum, haecenus pro lymphaticis habitorum, ostendere voluit. Juncta simul est historia eorum, quae *Bilso* occasione balsamationis sibi peculiaris in *Brabantia* & potissimum *Lovanii* evenerunt. *Johannes van Horne* de ipso testatur, quod multa eximia donaria *theatro anatomico Lugdunensi* obtulerit, v. g. scelela affabre manu propria constructa, & quod maximam merito admirationem pariat, exsiccatum hominis cadaver, quod recens mortuum diceres. Unde temperare sibi vix potest *Hornius*, quin hanc ingenuam ipsi tribuat laudem: Neminem admirari satis posse generosi hujus viri tum industriam tum indefessum studium atque cupidissimum corporis humani structuram cognoscendi animum, utilissimum mortalitatis suae consociis spectaculum. Et quamvis nobili prosapia ortus sit, à dignitate tamen sua, quin & opibus, quibus gaudebat, minime alienum esse putavit, quin professione publica in academia *Lovanensi* fuerit perfunctus.



## §. CCCCXCIV.

*Regnerus de Graeff*, D. medicus *Delphensis*, ea, quae de structura partium genitalium a praeceptore suo, *Johanne van Horne*, demonstrata viderat, in ordinem redegit, & quod ille morte praematura praeventus praestare non potuerat, orbi literato communicavit. Hunc in finem seorsim edidit primum tractatum de organis virorum, generationi inservientibus, deinde seorsim tractatum novum de organis mulierum, generationi dicatis, quo demonstratur, tam homines quam cœtera animalia omnia, quae vivipara dicuntur, haud minus quam ovipara, ab ovo originem ducere. Scripsit quoque epistolam de nonnullis circa partes genitales inventis novis; Quae omnia deinde conjunctim prodire *Lugduni-Batavorum* ex officina *Haackiana* 1677. in 8vo. Cum vero deinde lis ipsi moveretur de hisce novis inventis, scripsit defensionem partium genitalium, quam societati regiae *Londonensi*, ad scientiam naturalem promovendam institutae, dedicavit. Multa quoque curiose differit de indole succi pancreatici, unde non solum sub praesidio *Francisci de le Boe Sylvii* in *Academia Leydensi* publice disputationem habuit de pancreate ejusque succo, sed & tractatum anatomico-medicum de natura & usu succi pancreatici edidit. Ostendit praecipue modum, quo post varios frustraneos conatus in cane vivo succus iste colligi queat, eumque in praesentia multorum publice demonstravit anno 1665. Sumpsit nempe canem jejunum, cui trachea (ore nempe, ne mordeat, vinculis obligato) est reserata, ut per istam aperturam respirare queat. Hinc abdomine raptim aperto, mox cum sub pyloro, tum infra ductus pancreatici exitum colligavit intestinum, idque inter duas istas ligaturas partem sui externa a mesenterio libera dissecuit & aperuit, ac spon-



spongia bilem, pituitam aliaque extergendo mundificavit; Tunc illico tenuem calamum anatis sylvestris, cujus uni extremitati parvam lagenam vitream angusti orificii firmitur adaptavit, in ductum pancreaticum altera extremitate immisit, atque acu, filum duplicatum trahente, intestinum eundemque ductum calamo atque lagenae adfuit, ut calamus cum lagena vitrea extra abdomen pendula ab intestino & ductu recedere non posset. Hoc facto intestina foris pendula versus interiora reduxit, & abdominis aperturam filo forti rursus confuit, atque sic canem, quousque potuit, (nempe ad horas octo vel decem) in vita servavit, talique modo hujus liquoris, spatio 7. vel 8. horarum, mediocrem quantitatem e ductu per calamum in lagenam vitream defluentis collegit, & saporis subacidi non nihil ad austerum inclinantis deprehendit. Quae omnia in citata disputatione latius comprehenduntur.

§. CCCCXCV.

Nemo quoque, opinor, hanc ipsi gloriam invidet, quod *Siphonis anatomici* primus fuerit inventor, quo nempe mediante arteriae venaeque nec non minutissimae earum ramificationes per injectos quosdam liquores coloratos ita impleri possunt, ut protenus in conspectum prodeant: Quod hodieque artificium suum ad summum quasi apicem deduxisse videtur *Ruyfchius*, utpote qui materiam quandam ceraeam noverat praeparare, quae, si vasis sanguineis injiciatur, subtilissimos etiam vasorum maeandros & vias maxime tortuosas ingreditur easque conspicuas reddit, quod tamen artificium tanquam arcanum sibi & filio suo servavit, uti ipsemet ex ore ejus audiui. Atque ejus generis praeparata, mira industria atque dexteritate elaborata, plane numerosa in curiosis-



curiosissimo ejusdem *musæo anatomico* à peregrinantibus videri olim potuerunt, priusquam à PETRO M. *Russorum* Imperatore, in *Russiam* transferrentur.

§. CCCCXCVI.

Alter *Johannis van Horne* discipulus & auditor gratis-  
mus fuit *Johannes Swammerdammius*, Amstelredamensis. Hic  
ne praeceptori suo quidquam de suo praeiperet, ad prodromum  
ejusdem de partibus generationis in utroque sexu ad-  
commodavit suum naturae miraculum, sive uteri muliebris  
fabricam, notis in D. *Johannis van Horne* prodromum illu-  
stratam & tabulis à clarissimis experientissimisque viris cum  
ipso archetypo collatis adumbratam. Proinde ferre non po-  
terat superbam condiscipuli sui, *Regneri de Graeff* arrogantiam  
& ingratum erga communem praeceptorem animum, sed  
potius sua *Hornio* graviter vindicabat, ostensis in majorem  
fidem erroribus à *Graeffio* commissis: *Hornius* enim morte  
praeventus opus suum de partibus genitalibus utriusque se-  
xus absolvere non potuit: Unde, occasione hac arrepta, no-  
mine *Hornii* suppresso, *Graeffius* opus suum in publicum pro-  
duxit, parum memor, reliquos *Hornii* discipulos id non so-  
lum aegre laturos, sed & in plagium ejus graviter animad-  
versuros. Calluit vero artificium *Swammerdammius* noster,  
cavitates corporis ita praeparandi, ut suam semper genui-  
nam faciem servarent. Cum summo quoque adplausu à pu-  
blico exceptus est tractatus physico-anatomicus de respira-  
tione usque pulmonum, in quo praeter primam respiratio-  
nis in foetu inchoationem, aëris per circulum propulsio sta-  
tuminatur, attractio exploditur, experimentaque ad ex-  
plicandum sanguinis tam auctum quam diminutum motum  
in medium producuntur. Verum huic tractatui, auctore *Joh.*

*Baptista*



*Baptista a Lambswerde* oppositum est aliud scriptum, cui haec praefixa est inscriptio: *Respirationis Swammerdamianae exspiratio*; Scriptum, inquam, admodum quidem virulentum, in quo tamen positiones *Swammerdamii* ad adcuratum & rigorosum examen revocantur. Huic praeterea *Swammerdamio* debetur, quidquid hodie scimus de viscerum excarnatione, de injectione cerae in vasa cujusvis generis, & vindicatione partium atque viscerum a prompta corruptione, ad quam alias sua natura expeditissime propendent.

### §. CCCCXCVII.

*Gerhardus Blasius*, *Leonardi* filius, medicus *Amstelredamensis*, *Severini* institutum imitaturus, edidit prolixum opus *Zootomiae* seu anatomes variorum animalium, volatilium, aquatiliū, serpentum, insectorum ovorumque, tam ex veterum quam recentiorum propriisq; observationibus concinnatum. Opus ipsum, quod *anatomes comparativae* utilitatem satis commendat omnibus, quinque in partes distributum est, earumque *prima* varias animalium, quae *terrestria* vocantur, species exhibet, una cum sciagraphia nutritionis animalium, ex *Theodori Aldes* (alias *Matthiae Sladi*) tractatulo, superioribus annis edito. *Altera* sistit dissectiones *volatiliū*, cum ovi & pulli, hujusque generationis historia ex *Aquapendente*, *Harveo* & aliis congestas. *Ac tertia aquatiliū*, *quarta insectorum* & *quinta* denique *serpentum* anatomen tradit. Differuit quoque de renibus monstrosis, qui tractatulus una cum *Laurentii Bellini* exercitatione *anatomica* de structura & usu renum exstat. Notus praeterea est commentarius ejusdem in syntagma anatomicum *Johannis Veslingii*. Anatomiae hominis subjuncta sunt *annotata* practica in cadaveribus humanis, uti sunt abdomen cartilaginosum, ductus cystici coalitus, ureter calculosus, lien duplex &c.



Exhibuit denique tyronibus anatomen contractam, item anatomen medullae spinalis nervorumque inde provenientium, tandemque observata anatomica in homine, simia, equo, vitulo, testudine, echino, glire, serpente, ardea variisque aliis animalibus. Ejusdem filius, *Abramus Blasius* observationes chirurgico-medicas *Jobi a Meckern* ex Belgico in latinum vertit.

### §. CCCCXCVIII.

*Jobannes Rudolphus Saltzmannus*, Argentinensis, edidit epistolam de anatomicis quibusdam observationibus, quae cum *Gregorii Horstii* observationibus singularibus prostant. Scripsit etiam varia observata anatomica, quae *Theodorus Wynants* edidit.

### §. CCCCXCIX.

*Henningus Arnisaeus*, regis Daniae archiater, *Halberstadiensis*, qui primum in *Viadrina* nostra, deinde vero in academia *Helmstadiensis* medicinam docuit, medicus & anatomicus sui temporis praestantissimus fuit, qui cadavera illa humana secuit & praeparavit, quibus in figurarum & tabularum suarum delineatione usus est *Christophorus Gertnerus*, pictor sua arte admodum celebris, jussu HENRICI JULII, Ducis Brunsvicensis. *Conringius* imagines illas tanquam sine exemplo optimas & complures admodum laudat, quamvis *Schellhammerus*, *Conringii* paraphrastes, ultro fateatur, voluisse quidem optimum Principem ad ducentas fieri, jam vero eas tantum residuas esse, quae ventrem medium cum collo & musculis humeri exhibent, & ex quibus illae adhuc, quae partes genitales mulierum repraesentant, vel surreptae vel incivili pudore reconditae sunt. Idem hic *Arnisaeus* scripsit etiam observationes aliquot anatomicas & disquisitiones de partu humani



humani legitimis terminis, & epistolam de observatis quibusdam in anatome.

## §. D.

Quod observationes anatomicas speciatim attinet, ex quibus multas medicas & physicas controversias decidi posse existimat, eae pro disputatione publica, Respondente *Johanne Freitagio*, Perlebergenfi Marchico, die XV. sept. A. M. DCX. ab *Arnisaeco* propositae sunt. *Prima* illarum agit de numero, situ & usu ventriculorum cerebri; *Alter*a in ortum, numerum & insertionem nervorum inquit; *Tertia* urachi usum investigat; *Quarta* vesiculae felleae usum una cum ductibus cholidochis expendit; *Quinta* contra recentiores de usu lienis disputat; Et *ultima* seu *sexta* disjunctionem ossium coxendicis & pubis in quocunque partu contra vulgarem opinionem defendit.

## §. DI.

Non imus inficias, omnes hasce ac singulas observationes novas sistere detectiones in illo, quod tractant, argumento; Verum prolixitatis vitandae causa ex ultima tantum observatione allegare hac vice placet, sponte agnoscere *Arnisaecum*, distractionem ossium in partu miraculo non carere: Nihiloscius tamen, cum rationem in anatomicis prius audiendam non esse censeat, quam quis sensus consuluerit: Hinc inique facere existimat, qui, quod ipsi non viderunt, aliorum experientiae credere recusant. Addit quoque, se a communi errore non facile recessurum fuisse, nisi *Genevae*, cum Illustris Senatus meretricem juvenculam, sexto post partum die in *lacu Lemano* suffocatam, quae adeo facilem partum ediderat, ut & heram falleret, medicis obtulisset, sensus *Arnisaecum nostrum* docuissent contrarium. Notat insuper,



observationem hanc non esse novam, sed idem jam diu ante memoriae mandasse *Hippocratem*, qui quippe non laxari tantum aut aliquantulum dehiscere, sed divelli ossa coxendicis docuisset: Ubi inprimis notari jubet, quod *Hippocrates* non tam pubis, quam coxendicis mentionem faciat; Quoniam, licet laxetur *συνχονδρωσις* osium pubis, ita ut crus alterum, immoto manente altero, levare queat, tamen major divulsio conspicitur in ossibus ilium, ab osse sacro recedentibus, ex quo fieri putat, ut illic majorem dolorem sentiant mulieres, non tam ex reflexione ossis coccygis, ut *Laurentius & Columbus* putarunt, quae gressum impedire non posset, nec tanti doloris aut dilatationis ilium causa esse, quam ex distractione jam dictorum ossium. Tandem vero sic concludit *Arnisaeus*: Quo saepius pepererunt mulieres, eo latiora ipsis evadunt ilia, & sicut primus partus difficillimus est, quia articulatio tum primum solvitur: Ita posteriores, qui incidunt in aetatem sicciorem, itidem difficultate non carent, quia siccatae cartilaginee majori labore sejunguntur.

## §. DII.

*Jacobus de Back* medicus apud *Roterodamenses* ordinarius, dissertationem edidit de corde, quam *Guilielmo Harveo*, medico regio dedicavit. Post quam conquestus est, cor ad ea usque tempora nondum satis perscrutatum esse; Apud anum suum proposuit, se in structuram & usum cordis accuratius inquisiturum; Quo scopo an fuerit potitus, alii judicent.

## §. DIII.

Anno 1667. Collegium privatum *amstelodamense* selectiores observationes anatomicas figuris illustratas duabus partibus edidit, quae tamen non ex hominum, sed vitulorum, equo-



equorum, canum, felis Zibethicae, cygni, testudinis aliorumque animalium corporibus depromptae sunt.

§. DIV.

Amstelodami itidem a. 1669. virorum clarissimorum, *Marcelli Malpighii* & *Caroli Fracassati* epistolae anatomicae uno tractatu junctim prodire, in quorum priore *Malpighii* epistolae de cerebro, externo tactus organo, de omento, pinguedine & ductibus adiposis, deinde vero *Fracassati* epistolae de lingua & cerebro continentur.

§. DV.

*Arnoldus Senguerdus* osteologiam C. H. reliquit, quae a. 1662. *Amstelædami* publicam adspexit lucem.

§. DVI.

*Michael Lyserus*, Lipsiensis, *Thomae Bartholini* auditor & discipulus per plures annos fuit; Qui, cum in academia patria philosophiae & medicinae prima posuisset tyrocinia, in *Academiam Hassniensem* ad audiendum celebrem *Bartholinum* sese contulit; Fieri vix aliter potuit, quin sub tanti anatomici manu ductione ad anatomica exercitia singulari statim amore ferretur: Hinc ad sectiones cadaverum manu veluti ducebatur, via statim ostensa, qua in ejusdem anatomicis administrationibus inoffenso pede progredere: Reliquis enim exclusis, ei soli facultas concessa, ut privatis exercitiis adesse, sicque adcuratum secandi artificium universamque C. H. aliorumque animalium structuram addiscere ipsi licuerit. Qua in re cum tandem haud vulgarem dexteritatem sibi acquisivisset, *Anatomici Adsiscentis* in theatro anatomico publico nomen titulumque impetravit. Sceletis conficiendis tam strenuam navavit operam, ut talia praepararit, quae cum



nivibus candore & laevore splendentibus certarent. Hinc digressus in *Academiam Patavinam*, summos in arte medica honores & ambivit & obtinuit. Redux, in *Nicopiensem Falstriae* urbem praxeos exercendae gratia sese contulit, & cum vix in dulcibus amplexibus novae, quam duxerat, conjugis incaluisset, tertia post nuptias septimana febre maligna correptus & extinctus est, quod factum anno 1659. eoque ipso triste sui desiderium orbi anatomicorum, qui plura ab ipso speraverant, reliquit. Praeter cultrum anatomicum, i. e. methodum brevem, facilem atque perspicuam, artificiose simulque compendiose humana corpora incidendi, cum nonnullorum instrumentorum anatomicorum iconibus, nihil edidit, praematura quippe morte praeventus.

#### §. DVII.

*Matthias Tilingius* scripsit disquisitionem anatomicam de placenta uteri, novis in medicina hypothesebus illustratam, item exercitationem anatomicam de admiranda renum structura eorumque usu nobili. Similiter anatomicis non est ignota anatomia lienis, ad circulationem sanguinis aliaque recentiorum inventa adcommodata, item *παρένχασις* seu digressio physico-anatomica curiosa de vase brevi lienis ejusque usu nobili ac egregio in oeconomia corporis humani. Reliquit etiam exercitationem anatomicam de tuba uteri, deque foetu, nuper in *Gallia* extra uteri cavitatem in tuba concepto.

#### §. DVIII.

*Johannes Vigierius* in chirurgicis quidem primariam suam collocavit operam, & ex scriptoribus Arabibus, Graecis atque Latinis tam antiquis quam neotericis congescit, quidquid ad perfectam dignoscendorum, praenoscentorum & curan-



& curandorum adfectuum H. C. externorum methodum pertinet: Scripsit tamen etiam encheiridion anatomicum & historiam foetus. Propter arctum enim chirurgiae & Anatomiae nexum non potest hanc negligere, qui in altera illa dignos facere cupit progressus.

## §. DIX.

*Jacobus Bontius*, Roterodamensis, edidit observationes ex cadaveribus haustas, quae in tractatu de medicina Indorum prostant.

## §. DX.

*Gaernerus Rolfincius* vel *Rolfinckius*, Hamburgensis, anatomiae Professor in *Academia Jenensi*, postquam variis in academiis scientiam medicam sibi comparaverat, peregrinationem suscepit, & perlustrata fere universa Europa *Patavii* in Italia substitit, ibidemque supremos in arte medica honores impetravit, posteaquam paulo ante anatomiam C. H. publicam in praesentia Procerum administraverat. Tandem in *Academia Thuringorum Jenensi* Professor anatomiae publicus constitutus, simulque archiatri munere in aula *Saxo-Vinariensi*, principatum tunc temporis tenente *Wilhelmo*, Duce *Saxo-Vinariensi*, laudabiliter perfunctus est. Scripsit prolixas dissertationes anatomicas, veterum aequae atque recentiorum observationibus illustratas & ad circulationem sanguinis adcommodatas. Praeterea dissertationem de hepate ex veterum & recentiorum propriisque observationibus concinnatam & ad circulationem sanguinis adcommodatam, item aliam de corde, nec non methodum partium generationi dicatarum per anatomen cognoscendi. Denique propter adfinitatem argumenti hujus epistolam quoque ad ipsum dedit *Jobannes van Horne*, tanquam prodromum operis majoris de partium gene-



generationi inservientium historia, quam suo loco jam recensuimus. Natus est *Hamburgi* anno 1599. denatus *Jenae* 1673. anno aetatis suae septuagesimo quarto.

### §. DXI.

*Johannes Jacobus Wepferus*, medicus *Scaphusinus*, edidit observationes anatomicas ex cadaveribus eorum, quos apoplexia sustulit, cum auctario historiarum & observationum apoplecticorum & similium anatomiae subjectorum; Scripsit etiam epistolam de dubiis anatomicis & historiam anatomicam de puella sine cerebro nata.

### §. DXII.

Suas quoque sibi vindicat partes in hac historia anatomiae *Heinricus Meibomius*, quia pariter aliquid contulit ad locupletandam scientiam anatomicam: Detexit enim vasa nova ad palpebras tendentia: Unde scripsit epistolam ad *Joëlem Langelottum* de vasis palpebrarum novis.

### §. DXIII.

*Antonius Deusingius*, Batavus, lucem hanc adspexit *Meursae* anno 1612. Hic praeterquam quod *Arabicae*, *Persicae* ac *Turcicae* linguae peritissimus fuerit, in arte quoque salutari haud spernendos fecit progressus. Postquam enim laurum Doctorem in *academia Lugdunensi* acceperat, primum in patria medicinam fecit, deinde in *academiam Groningensem*, hinc *Hardervicum* evocatus, tandemque *Wilhelmi Friderici*, Comititis *Nassoviae*, *Frisiae Occidentalis* Gubernatoris, medicus aulicus constitutus est. Obiit *Gröningae* anno 1666. cum ad annum aetatis suae quinquagesimum quartum pervenisset. Scripsit anatomien parvorum naturalium seu exercitationes anatomico-physiologicas, de partibus H. C. conservationi specierum  
in-



inservientibus. Itidem duas dissertationes, alteram de motu cordis & sanguinis, alteram vero de lacte & nutrimento foetus in utero, item genesin microcosmi seu dissertationem de generatione foetus in utero, ideam fabricae C. H. seu institutiones anatomicas ad circulationem sanguinis aliaque recentiorum inventa adcommodatas, nec non exercitationem de motu animalium, ubi de motu musculorum & respiratione itidemque de functionibus sensuum disquiritur. Suscepit etiam examen anatomes anatomiae *Bilsianae* in epistola ad *Johannem Casparum Fausium*, itidemque exercitationem de administranda anatome *Ludovici de Bils*. Eidem quoque debemus historiam foetus extra uterum in abdomine geniti, ibidemque per sex prope lustra detenti ac tandem lapidescentis, quae consideratione physico-anatomica illustrata est.

#### §. DXIV.

Suum quoque inter scriptores anatomicos locum tueretur *Casparus Hoffmannus*, Gotha-Thuringius; Qui cum bonae suae indolis & in studium medicum non vulgaris propensionis de se conspicienda praeberet documenta, sumptibus *Senatus Norimbergici* in Italiae *academiam Patavinam* missus est, unde deinde reversus *Basileam* concessit, ibidemque medicinae Doctor renunciatus est, tandemque in locum defuncti *Taurelli* successus in *Noricorum academia* Professor ordinarius declaratus est. Edidit commentarium tripartitum de thorace ejusque partibus, item diatribam de usu cerebri & librum singularem de usu lienis, commentarium quoque in *Galenum* de usu partium H. C. & libros IV. de generatione hominis contra *Mundinum Mundinium*, tandemque notis perpetuis illustravit *Galeni* librum de ossibus & librum singularem de partibus similaribus, quem locum suppleturum



arbitratus est libri similis argumenti, quem *Galenus* confecisse dicitur, hodie vero desideratur. Natus est *Gothae Thuringorum* anno 1672. denatus *Altdorffi* anno 1648. cum aetatem suam ad annos 76. produxisset. *Mauritius Hoffmannus*, *Furstenwaldio-mesomarchicus*, absolutis studiis scholasticis *Athenas Noricas* sese contulit, ibidemque *Casparo Hoffmanno*, *Georgio Noeslero* & *Ludovico Jungermanno* praeceptoribus in arte medica usus est. *Anatomes* studio prae aliis medicinae partibus delectatus & manu ductione *Veslingii* & *Wirsungii* tantum brevi tempore profecit, ut ipse hominis suspensi cadaver secando, vires suas fuerit periclitatus. Hujus vero industriae suae fructus mox expertus est, dum a. 42. in gallo indico ductum pancreaticum ad illa usque tempora anatomicis ignotum primus detexit, quem, cum *Wirsungo*, hospiti suo ostendisset, isque pari felicitate eundem in homine detexisset, inventio ejus constanter ipsi vindicata, & ab ipsius nomine *Wirsungianus* dictus est. Honores doctorales, brabeuta *Noesslero*, in *Altdorffina* est consecutus tandemque professio publica anatomes ac chirurgices ipsi demandata; Quo utroque officio tanta dexteritate est perfunctus, ut in theatro anatomico non brutorum tantum, sed & hominum cadavera tam masculina quem foeminina saepissime secaret. Inter scripta ejus, quae reliquit, anatomici argumenti, sunt inprimis *institutiones anatomicae*, ordine dissectionibus commodo publice disputatae.

#### §. DXV.

*Jobannes Mauritius Hoffmannus*, *Mauritii* filius, atque in *Academia Altdorffina* Professor Ordinarius, & *Marchionum Onoldo-Brandenburgicorum* Archiater, scripsit dissertationes anatomico-physiologicas, ad *Jobannis van Horne* microcosmum adnotatas, & experimentis observationibusque recentioribus variis illustra-



illustratas, pro quarum veluti supplemento etiam delineavit tractatum anatomico-physiologicum, in quo non solum singularum H. C. partium structuram exhibuit, verum etiam recentiorum anatomicorum observationes & hypotheses modeste trutinavit, & novas etiam pro ea, qua pollebat, secandi dexteritate, quam integris 27. annis adquisiverat, adjunxit. Cujus v. g. generis est: Panniculum carnosum in homine nullum existere, sed illud, quod vulgo ostendunt artifices, esse membranam pinguedinis; Membranae tympani chordam esse subtenfam, eamque tam ad sensationem, quam ad mobilitatem hujus membranae facere. Ad Academicos curiosos transmisit observationem ex anatome ovis, foetum utero gerentis.

## §. DXVI.

*Isbrandus de Diemberbroeck*, Montforto-Trajectinus, anatomes in *Academia Ultrajectina* Professor fuit. Edidit anatomicum C. H. plurimis novis inventis instructam, variisque observationibus & paradoxis cum medicis tum physiologicis adornatam. Melius vero fecisset mea sententia, si, prout semel consilium istud susceperat, nova sua inventa & observationes peculiari libello consignasset, sicque publici juris fecisset, quam integram anatomiam conscribendo. Suasu vero amicorum suorum passus fuit ab hoc bono consilio sese dimoveri, sibi que persuaderi, ut integram totius C. H. historiam concinnaret, in eamque non sua solum, sed & aliorum inventa nova transferret, ut sic una quasi tabula totius anatomes veteris novaeque facies depingi & exhiberi posset. Quod consilium tanto minus ipsi deinde displicuit, quo magis observabat, neminem ante ipsum hoc aequè tentasse. Id vero potissimum est, quod in hac anatomia summopere mihi



displicuit, quod prolixas tales nimiumque evagantes faciat digressiones medicas aequae atque physicas, & *has* quidem multo adhuc frequentius quam *illas*. Deinde, quod ipsemet in praefatione haud diffiteatur, se tanquam artis delineandi imperitum, pictoribus sua praeparata relinquere coactum fuisse, qui eadem potius ita obscuraverint, ut ipsemet agnoscere illa non potuerit: In gratiam tamen typographi figuras quasdam rariores ex aliis anatomicis sese mutuo accepisse & in opus suum transtulisse, ingenue fatetur. Quemadmodum vero in figuris ipsis haud raro requisita desideratur exactitudo: Ita similiter non omnia ejus inventa ita comparata sunt, ut iis tuto fidem adhibere integrum sit. Cujus generis v. g. sunt vasa lactea, quae per occultos & haecenus incognitos meatus immediate ad vesicam ferri suspicatur: Alioquin enim reddi rationem non posse, ait, cur in potatoribus urina tam cito & in tanta copia ad vesicam feratur? Cur in diabete potus antea adsumptus parum vel nihil mutatus per vesicam reddatur &c. Verum in anatomia plus valet *αὐτοψία* quam conjectura, quantumcunque speciosa illa alias videatur.

#### §. DXVII.

*Johannes Daniel Horstius*, P. P. in academia *Marpurgensi*, edidit anatonem C. H. tabulis comprehensam. Exhibuit etiam publico decadem observationum & epistolarum anatomicarum, quibus singularia scitu digna, nempe lactearum thoracicarum & vasorum lymphaticorum natura, embryonisque nutritio per os aliaque rariora exponuntur. Adnexum est responsum ejusdem ad *Thomam Bartholinum*, quem anatomicum hujus seculi celeberrimum merito vocat, in quo ipsum solatur, quod in controversia cum *Riolano* idem ipsi eveniat, quod *Horstio* cum *Thonero* & *Hoffmanno*. Fuerunt nempe



nempe omni tempore, & adhuc sunt, qui aliorum labores frivole perstringunt, ut ipsi soli emergant & ut poma illa natitent. Et si omni sua opera efficere nequeant, ut, quos calumniantur, famam indipiscantur, hoc tandem effugium est: Peritiores non latere, quid de conatibus illorum sentiendum sit?

### §. DXVIII.

*Gregorius Horstius*, senior, *Torgaviensis*, postquam *Basileae Rauracorum* A. 1606. gradu Doctorali exornatus fuerat, sub ejusdem anni finem in Professorum medicorum ordinem solemniter receptus, deinde vero à *Ludovico*, *Hassiae* Landgravio, *Fideli* cognominato, in *Academiam Giessenam* evocatus, nec tamen diu ibi commoratus, sed in aulam dicti principis evocatus est & splendidam archiatri provinciam exornavit. Praeter opera seorsim prostant libri duo de natura humana, quorum prior de structura corporis, posterior vero de anima tractat, praemissa insuper praefatione de anatomia vitali & mortua, pro conciliatione *Spagyricorum* & *Galenicorum* plurimum inserviente. Cum vero tractatio de anima non aequè directe ad nostrum scopum spectet, notamus saltem, priorem partem duodecim absolvi exercitationibus, in quarum prima de principiis agitur, ex quibus partes humani corporis generantur, sanguine nempe materno & semine, in altera examinantur principia, ex quibus humani corporis partes constituuntur, quae ex Auctoris nostri sententia sunt calidum innatum, spiritus & humores. Tertia ad examen vocat ea, quae in actione partium humano in corpore secernuntur, tam in prima, quam secunda ac tertia concoctione; In quarta recensentur partes humani corporis proprie dictae in genere & ossa in specie, quam tractationem exercitatione quinta excipit historia



cartilaginum, ligamentorum, tendinum, fibrarum, venarum, arteriarum, nervorum, membranarum, cutis, carnis & panniculi carnosus. Ab *exercitatione sexta* ad *undecimam* usque agitur de partibus dissimilaribus in genere, ac de membris primae ac secundae concoctioni in specie dicatis, de organis generationi in utroque sexu inservientibus, de membris vitae ac respirationi prospicientibus, de communi sensus ac motus animalis organo, de sensuum externorum, vocis atque sermonis instrumentis propriis, nec non de organis motus animalis propriis atque speciatim de manibus pedibusque. Univerſa denique tractatio obſignatur, adjecta *exercitatione duodecima* de partium humani corporis productione ipsiusque hominis generatione.

#### §. DXIX.

*Gregorius Horſtius*, Junior, Gregorii nepos, *Ulmensis*, specimen anatomiae practicae edidit in academia Gieſſena, quod antea aliquot philiatris exhibuerat.

#### §. DXX.

*Michael Rupertus Beſlerus*, Norimbergensis, patrem habuit medicum Norimbergensem, & postquam in academia patria Altdorffina laurum acceperat, praxin Norimbergae exercuit. Scripsit admirandae fabricae humanae mulierum, partium generationi inservientium, & foetus fidelem delineationem quinque tabulis, ad magnitudinem naturalem & genuinam, typis aeneis impresſis. Natus est anno 1607. denatus vero anno 1661. cum ad annum aetatis suae quinquagesimum quartum adſcendiſſet.

#### §. DXXI.

*Nicolaus Severus*, scripsit obſervationes anatomicas de glandulis oculorum novisque eorundem vasis, nec non de glandulis oris.

#### §. DXXII.



## §. DXXII.

*Franciscus de Raedt*, edidit descriptionem anatomicam monstrosi foetus à *Ludovico Bilsio* dissecti, quae cum ejusdem *Bilsii* speciminibus anatomicis exstat.

## §. DXXIII.

*Johannes Conradus Peyerus*, medicus *Scaphusianus*, indagandas potissimum sibi proposuit glandulas intestinales, per intestina tam crassa quam tenuia dispersas, quibus natura tam in statu ordinario utitur pro laeviganda & irroranda interna cavitate intestinorum, quam in statu extraordinario, diarrhoea nempe critica, ubi hisce colatoriis utitur pro excernendis vitiosis humoribus, ex tota humorum massa ad hanc communem cloacam confluentibus.

## §. DXXIV.

Praestitit hoc *Peyerus* exercitatione singulari de glandulis intestinorum cum anatome ventriculi gallinacei, quam anno 1677. ediderat. Cum vero ab eo tempore alia publico non indigna observasset, *Parerga septem anatomico-medica* anno 1682. evulgabat, in quibus praedictam exercitationem ut *primum* parergon supponebat. *Secundum* de iisdem glandulis intestinalibus tractat, nihilque aliud continet, quam uberio-rem eorum, quae in priore dissertatione de conformatione atque usu illarum glandularum dicta fuerant, explicationem. Potissimum vero distinguit glandulas intestinorum in *externas*, nempe hepar, pancreas, glandulas mesenterii, intestinorum superficiei exteriori adhaerescences & sub marsupiorum exiguorum specie utrinque sub ani sphinctere latitantes: Et *internas*, quarum diversas pariter species numerat, universam scilicet intestinorum tunicam glandulosam internam occupan-



occupantes, aliasque glandulas majores & conspectiores, vel sparsim in cunctis, vel areolatim in tenuibus disseminatas; Posterioris generis utramque speciem tam per autopsiam *Cassaris Bartholini, Wepferi, Scretae & Harderi*, quam per iteratas variis in animatibus quadrupedibus, avibus, piscibus ac tandem in homine, sectiones proprias confirmans.

### §. DXXV.

Quae omnia quisquis rite perpenderit, suo eximio usu non destitui, sponte confitebitur: At vero ingens inventi hujus abusus est, quando eo tandem abripi sese passus fuit, ut existimaret, ventriculum totum una cum intestinis glandulosum esse, & nullam quidem aliam ob rationem, quam quod secretionibus, quarum nullam nisi glandularum beneficio fieri posse crediderat, vacent. Intestinorum structuram, potissimum in tenello embryone, testibus atque epididymidibus perquam similem esse autumavit & glandulas ipsas pro meatibus varie contortis & configuratis habuit &c. Quae cum ita comparata sint, ut quamplurimis displicere debuerint, inde mirandum non est, quod plures nactus fuerit contradictores.

### §. DXXVI.

Caeterum *tertium* parergon methodum historiarum medico-anatomicarum commendat, cujus ope in defunctis & morbi sedes & causae indagandae sint. *Quartum*, cum nostrum, nempe anatomicum, argumentum parum vel nihil respiciat, merito à nobis praetermittitur. *Quintum* vero sistit historiam anatomicam ab *H. Glasero* conscriptam, mulieris nempe ascite defunctae, cui lien extiterat minimus, ductus autem pancreaticus maximus, & foramen in intestini jejuni principio, quod ductui biliario & pancreatico commune est, tantae



tantae repertum est amplitudinis, ut digiti auricularis apicem admitteret. In *sexto* refertur historia anatomico-medica de muliere quadam hydropica, cujus abdomen tumoribus plenum uterusque tuberosus inventus est. Et in *sexto* denique miraculum recensetur anatomicum in cordibus resuscitatis, quatenus nempe fibris cordis tam humani quam aliorum animantium egelidis motus denuo aliquis inspirari possit, ærem per ductum thoracicum inflando, corque interea manu vel spongia calida fovendo, qui etiam fœtus in corde salmonis foemellae, e corpore evulso, pro pulsu huic restituendo aliquando suffecerit.

### §. DXXVII.

Edidit praeterea merycologiam curiosam seu de ruminantibus & ruminatione commentarium docte elaboratum, adjunctis etiam iconibus; Itidem anatomen ventriculi gallinaei & commentarium in eandem. Scripsit etiam certamen epistolae cum *Johanne de Muralto*, medico *Tigurino*, cujus historiam mox exhibebimus. Anno 1736. Lugduni Batavorum nova eaque tertia prodiit editio horum *parergorum Peyerianorum*, ratione & experientia parentibus conceptorum; Subjuncta est observatio circa urachum in foetu humano pervium ut & *Johannis Jacobi Peyeri*, *Johanni Conradi* filii observationes quaedam anatomicae in homine non minus post mortem, quam in brutis avibusque viventibus ac mortuis contemplando & secando notatae.

### §. DXXVIII.

Hic *Johannes de Muralto*, *Tigurinus*, inque *Gymnasio Tigurino* artis medicae P. P. praeter varias observationes ex anatomie variorum animalium tam volatiliū quam fluviatiliū haustas & societati naturae curiosorum communicatas



nobis etiam reliquit Vade mecum anatomicum. Neque ignotum est philiatris collegium ejusdem anatomicum. Cumque *Johannes Conradus Peyerus* in prima suarum dissertationum, ratione usus glandularum intestinalium adseruisset, has chylum minime resorbere: Hinc contradicentem natus est eundem hunc *Muralum*, qui in clave medicinae, quam *vademecum anatomicum* adpellat, istam *Peyeri* sententiam confutavit.

### §. DXXIX.

*Jacobus Heinrichus Pauli* edidit *anatomiae Bilfianae* anathomen, occupatam imprimis circa vasa mesaraica & labyrinthum in ductu rorifero.

### §. DXXX.

Singulare prorsus inventum est, quod ex MStis *Conradi Wesenfeldii*, insignis olim in Academia Viadrina Professoris, excerpfit *Johannes Petrus Albrecht*, reverendissimi atque cellissimi Episcopi, nec non civitatis *Hildesheimensis* archiater & Physicus primarius, de *meatibus ab intestino coeco ad vesicam urinariam* tendentibus. Cum enim dictus auctor in dissectione viri ob maleficia publice decollati occupatus esset, abrafa pinguedine circa intestinum coecum sita detexisse sibi visus est ductus quosdam, *ab intestino coeco deorsum ad vesicam* vergentes, per quos materiam urinae, quam tam saepe & copiose excernunt potatores, permeare, & vesicae infundi existimavit: Quod si verum esset, non haberent amplius, cur angerentur physiologi in reddenda ratione urinarum, tam brevi tempore in tanta copia redditarum, neque necessitas ipsis incumberet, in defectu plenioris demonstrationis ad *poros* ventriculi & vesicae vel *intro-foras* vel *foras-intro* aliasque chymaeras recurrenti, nec, uti quibusdam solemne est, distin-



distinguendi inter urinam potus & sanguinis. Cessaret vero hac ratione omnis scrupulus, si de veritate ipsius rei rectius constaret. Cum vero nullus anatomicorum, praeter illum solum, horum meatuum mentionem faciat, existimamus merito, hos cum *ductibus chylosis Diemerbroeckii* ad renes & vesicam tendentibus, in eodem censu habendos esse. Interea libertatem cuivis, an industriam suam in ejusmodi meatuum scrutinio, quotiescunque occasio ita tulerit. (Nam cuivis adire Corinthum non licet) experiri consultum judicaverit?

### §. DXXXI.

Similes propemodum conjecturas de *nova via feri ad renes delabentis*, aluit etiam *Anonymus* quidam curiosus, quas collectoribus Ephemeridum N. C. transmisit: Nempe urinae materiam non solummodo per *vasa emulgentia* ferri ad renes, sed etiam, & quidem potissimum per *vesiculas* seu *vasa circa adipem renum*, quae ex mesenterio & propinquo *Pecqueti* receptaculo chyli serum urinolum per adipem ad renes transferant. Quam suam adsertionem non tantum multis argumentis *a priori*, verum etiam anatome viri, ex diabete & calculo mortui, in quo nempe externa renum tunica plane lacerata & minutis arenulis obsita fuit reperta, plus quam ipsa pelvis, *a posteriori* confirmare nititur. Sed cum conjecturis solis in rebus anatomicis nullus sit locus, & nemo adhuc inventus fuerit, qui vias tales inspectione oculari demonstraverit, eas merito in dubio tamdiu relinquimus, donec clarius in aprium deducantur.

### §. DXXXII.

*Theodorus Kerekringius*, Batavus, Med. D. edidit opera anatomica, quibus comprehenduntur *Spicilegium anatomicum*, centuriam observationum rariorum continens, nec non



*osteogenia foetuum*, in qua, quid cuique ossiculo singulis mensibus accedat, quidque decedat, & in eo per varia immutetur tempora, accuratissime oculis subjicitur. Accessit postea in supplementum *osteogeniae foetuum anthropogeniae ichnographia* seu conformatio foetus ab ovo usque ad ossificationis principia.

### §. DXXXIII.

Spicilegium anatomicum quod speciatim attinet, constat illud centum observationibus, maximam partem anatomicis, in quo, ut *Auctor* ipsemet loqui amat, spicae nonnullae, in agro *Kerckringiano* natae, occurrunt, quae sua sine dubio novitate oblectaturae sunt curiosum talium rerum indagatorem. Liceat nobis aliquas tantum hinc inde decerpere.

### §. DXXXIV.

*Observatione secunda* in superfoetationis veritatem inquit auctor. Praeter testimonia *Laurentii, Sennerti, Nicolai Florentini, Pauli Peredae* plurimorumque aliorum adducit ipse luculentum, ut putat, superfoetationis exemplum, duo nempe sceleta geminorum, uno partu editorum, quorum alter octo fuit mensium, alter, quantum ex ossibus adparet, & tunc, cum carne vestita offerrentur, ex toto corporis habitu aestimari potuit, quantum nondum mensem attigerat. Quid vero ad hujus generis observationes responderi possit ac debeat, legi potest prolixius in *specimine medico-forensi tertio*, quod ante aliquot annos ex cathedra medica hic publice, me praeside, discussum fuit.

### §. DXXXV.

*Proxima observatione* disputat contra *Bartholinum*, qui numerum valvularum in venis binarium uno in loco non excedere, ternas nunquam reperiri, existimavit; Sancte testatus, se in



se in venis tam hominum quam bestiarum valvulas ternas saepe reperisse; Cujus in rei testimonium venam jugularem internam hominis servat, in qua ternae triplici loco conspiciuntur valvulae; Ubi ex subclavia prodit exiguo intervallo bis, & interjecto fere trium digitorum spatio iterum. Addit & hoc, servare se venam jugularem canis, in qua quinque uno in loco valvulae ita sunt conspicuae, ut dinumerare eas vel infans possit.

### §. DXXXVI.

Observatione *quinta* arteriarum cum venis anastomosis, experimento lymphae extra eas repertae impugnat; Ex quo infert, sanguinem ex arteriis ad partes nutriendas in eas effundi, & nutritione peracta, vasa lymphatica lympham, venas sanguinem superfluum, impulsione aliunde facta (à motu nempe tonico partium fibrosarum) recipere, ut deinde ad communem sanguinis fontem, nempe cor, revehatur. Vidit etiam *noster*, quod est argumentum *observationis septimae*, venam & arterias umbilicales longo post nativitatem tempore apertas, in puero nempe octavum jam vitae mensem agente, id quod est oppido rarum atque curiosum. Hinc vero *observatione octava* revertitur ad anastomosis arteriarum cum venis, eamque ne in cerebro quidem ullam reperiri, contra *Willisium* disputando tuetur. Aterias quoque umbilicales non uno semper loco, pro variis iisque saepe mirabilibus naturae lusibus, exoriri, ipsa autopsia deprehendit. Ita *Gualterus Needham* vidit eas ab arteriae aortae extremitate immediate prodeuntes: *Noster* vero (*Observatione nova*) non solummodo eas ab aortae extremitate saepe, non raro tamen etiam ab iliakis prodeuntes vidit.



## §. DXXXVII.

Quod insuper *Kerckringius* observatione *decima tertia* enarrat de testiculis in Juvene delitescantibus, qui anno demum aetatis decimo octavo proruperunt; Idem in duobus me pueris observasse recordor, quorum utrique alter testiculorum, qui in inguinibus diu haeserat, adultiori demum aetate prorupit. *Observatio decima octava* duas exhibet glandulas mesenterii insolitae ac tantae magnitudinis, ut quindecim penderent uncias, decussatim sibi mutuo incumbentes, quae sinistrum renem ita compresserant, ut pene totus in pus esset conversus.

## §. DXXXVIII.

Observatione *vigesima* disputat contra *Vestlingium*, *Bartholinum* & *Laurentium*, qui ligamenta lata vespertilionum alas assimilantia ossi ilio uterum alligare contendunt: *Noster* vero, qui toties ea examinavit, nunquam alligata, semper liberissima fuisse deprehendit. Quod vero adjiciat, neminem vidisse, sensisse, uterum excidisse sua sede, deceptos omnes imagine falsa, & laxitatem quandam colli uterini haec fecisse ludibria, id experientiae contrarium est. Si fidem sibi suis in detectionibus vult haberi, eandem & aliis habeat in suis necesse est. Qua de re videatur disputatio nostra de *novo artificio curandi procidentiam uteri veram*.

## §. DXXXIX.

Porro vero observatione *vigesima sexta* disquirat, an venae & arteriae habeant venas & arterias, quae sua illis alimenta suppeditent? Cui quaestioni ut satis faciat, in eam propendere videtur sententiam, venas & arterias alio nutriri sanguine, quam quem suis vehunt cavitatibus. Ne vero putetur, inquisitioni illi nullum à natura indicium ostendi, adseverat, penes se servari truncum majorem venae portae equi-



equinae, in quo conspicua est venarum, quae à mesentericis ramis, & arteriarum, quae à ramo splenico exoriebantur, tanta copia, ut inextricabilem labyrinthi errorem flexus earum & fines quaerentibus exhibeant; Rursusque venas arteriasque alias per secundas has decurrentes ostendant. Si dicatur, hoc modo procedendum esse in infinitum; Responderi potest: Ulteriori naturae investigationi negotium hoc esse commendandum.

## §. DXL.

Observatio *vigesima nona* cum aliquot insequentibus varios naturae lusus tam in hominum quam brutorum corporibus recenset. Talis lusus fuit, quod in cane duorum mensium venam cavam invenerit duplici trunco e dextra cordis auricula egredientem, quae gibbam hepatis partem ingressura coalescebat in unum: Verum egressa hepar ad digiti transversum spatium, rursus dividebatur in duos magnos ramos, quorum singuli emulgentem ad renem sibi viciniorem propagabant, & sic divaricati ad crura ramos iliacos efficientes deferebantur. Occurrebat in eodem quoque cane alius adhuc naturae lusus, nempe truncus ductus thoracici triplex, qui tamen parte superiore rursus in unum coalescebat. Alium talem naturae lusum observavit *Noster* in virgine quadam, duos circiter & viginti annos nata, in qua quippe quatuor arterias spermaticas, nullam venam invenit. Trahebat autem dexterarum ab arteria emulgente una, altera ex arteria magna originem suam, sinistrae ambae vero ex emulgente prodibant: Antequam tamen testiculis in corpus pyramidale sese insinuarent, ut arteria venaque simul junctae solent, coalescebant.

## §. DXLI.



## §. DXLI.

Uti vero de valvula coli observatione *trigesima prima* notaverat, illam non semper omnem impedire materialium regressum & ascensum versus superiora: Ita *trigesima nona* advertit, in ileo pariter, jejunio atque colo plurimas reperiri valvulas, quas, quia non totum opplent spatium, valvulas *conniventes* adpellavit *Kerkringius*. *Conniventes*, inquam; Quia non ita claudunt intestinum, ut totam ejus cavitatem opplilent, sed mediam circiter ejus capacitatem sic occludant, ut singulae parte altera latiores, paulatim angustiores fiant, & rursus paulo inferius ab alia excipiantur, quae latior ea parte, qua praecedens erat angustior, talem intestino dent constitutionem, ut faeces delabi quidem possint, sed non praecipitari unico quasi lapsu ad inferiora.

## §. DXLII.

Atque hae sunt praecipuae sive novae detectiones sive alienarum sententiarum reformationes, quas spicilegium *Kerkringii* anatomicum sistit. Est vero non minus curiosa, quam utilis & necessaria ejusdem *osteogenia foetuum*, partim, quod haec anatomiae pars, ut *Auctor noster* loquitur, minime omnium ab aliis sit accurate pertractata, partim, quod difficile sit ei rei necessaria obtinere foetuum corpuscula, partim, quod vel maxime, ubi obtenta fuerint, eorum examen adeo sit obscurum, ut certi quid de iis pronunciare, saepe sit periculosum: *Noster* vero, cui ista obtigit felicitas, ut plusquam septuaginta foetus non exiguis sumptibus undique conquisitos dissecuerit, & labori neutiquam pepercerit, quo minus dies noctesque iis perscrutandis impenderet, hoc in genere nihil affirmavit, quod non clara semper autopsia ipsi ostenderit. Unde minus quoque necessarium esse judicat, inventa  
sua



sua scriptis defendere; Quia sceleta à mense secundo post conceptionem gradatim adscendentia ad mensem usque nonum jam exactum servat, in quibus ea, quae dixit & literis consignavit, uniuscujusque oculis subjicere facile potuit. Quod disputationis genus, mea sententia, omnium certissimum & efficacissimum est.

### §. DXLIII.

Neque tamen habet curiosus lector, quod totam *osteologiam* à *Kerkringio* expectet; Nihil enim ille sua in *osteogenia foetuum* proposuit, quam rariora tantum, in quibus foetus ab adultis corporibus discrepat, vel in quibus ille ab aliorum Auctorum descriptione ossium foetus dissentit vel quae ab aliis plane nondum observata fuerunt. Deduxit itaque incrementa ossium per sua temporum intervalla, indicavitque, quomodo duobus primis mensibus constituta sint, quid tertio, quarto & caeteris deinceps in iis mutetur, quid accedat, quidque decedat? Ex quibus tamen omnibus selectiora quaedam huc tantum transferemus.

### §. DXLIV.

Quod *Laurentius* de sincipitis ossibus adseruit, anteriorem eorum partem in puerulis primum membraneam, deinde cartilagineam, tandemque in adultis osseam evadere; Idem de toto corpore osseo valere, *Kerkringius* observavit, plurimas nempe partes, quae passim cartilagineae dicuntur, primum membranosas esse, ac paulatim in cartilaginis consistentiam abire, antequam ad osmium soliditatem perveniant: Idque vel maxime in fontanella & in ea junctura, quae maxillae inferioris ossa in mento conjungit, evidenter adparet. Speciatim observat *Auctor* de osse frontis, quod primis

Ss

duobus



duobus mensibus omnia vel mera sint membrana vel cartilago; Quae deinde subsequentibus mensibus in osseam indolem sensim convertantur, donec nono mense omnia & praecipue os frontis & occipitis, mollibus, latis, laxis flaccidisque vinculis, futuris atque commissuris, ad partum facilitandum, colliguntur.

### §. DXLV.

De ossibus sincipitis adnotavit, quod quarto mense exacto jam tota sint ossea, nisi quod ad futuram sagittalem, ossa sphaenoides & temporum ac fontanellam amplae adhuc aperturae cartilagineae hient. Quinto vero ac sexto mense haec insigniter augeri, futurasque ita paulatim arctari animadvertit, ut septimo mense laxae per harmoniam jungantur, interea tamen ab ossibus sphaenoide & temporum media adhuc membrana satis notabili hiatu discedant, qui octavo mense vix adpareat, nono autem omnino evanuerit. Atque hoc modo ossificationis historiam in ossibus temporum, sphaenoideo, ethmoideo, maxilla superiore & inferiore, osse hyoides, spina dorsi, osse innominato, costis, sterno, claviculis, scapulis &c. prosequitur, quae omnia si seorsim huc transferre vellemus, totus Auctoris tractatus transcribendus foret.

### §. DXLVI.

*Osteogeniae* subjuncta est, quae eandem praecedere merito debuisset, *anthropogeniae* ichnographia, i. e. humani foetus ex ovo formatio. Inquisiturus igitur Auctor in prima, quibus homo constat, principia, ab ovo orditur, in quo hominum non minus quam avium prima reperiantur incunabula. Ova haec, quae in testiculis foeminarum reperiantur, sic describit: Sunt ova haec, inquit, pisi viridis magnitudine, intra istam latitudinem, quae pisorum determinat quantitatem, variantia.

Intus



Intus latet humor, qui, sicut aliorum ovorum albumen & vitellus, dum coquitur, indurescit, - - pellicula vel pelliculis extrinsecus circumdantur, quae, postquam in uterum prolapsa sunt, brevi tempore extenduntur & in amnion chori-  
onque commutantur. Ut vero, quomodo successivis temporibus augmenta capiat foetus in utero, curiosius expiscaretur, inspexit foetus trium, quatuor, quindecim dierum, trium hebdomadum, unius mensis & sex hebdomadum, sicque adcuratius cognovit, qua ratione provida mater, natura foetum suum sensim augeat formetque. Patuit hoc modo, mensis unius foetum jam mole quodammodo sua stare, & maxillam tam superiorem quam inferiorem puncta prae se ferre ossea; Claviculas esse formatas & costas omnes punctulis suis osseis distinctas, prima & ultima excepta, quae ne mense quidem secundo quicquam ostendunt osseum; Brachia dissecta esse in humerum & utrumque cubitum; Adesse femur, & crura sua habere focilia &c.

#### §. DXLVII.

Hic etiam *Henrici Schaevii*, Doctoris & Professoris *Stettinensis* mentio injicienda est, qui ideam anatomicam, appendicis instar introductioni in chirurgiam *Jessenianam* adnexam, quae anno 1674. Norimbergae vernacula prodiit, nobis reliquit. Ordo generalis, quo in partium humani corporis descriptione utitur, hic est: Postquam nempe partem ipsam anatomicè delineavit, morbos deinde, quibus exposita est, enarrat. Ita v. g. exposita structura cutis, recenset ejus affectiones, quae sunt scabies, anthrax, furunculus, scirrhus, cancer, lupus vorax, erysipelas, herpes, verrucae, clavi, epinyctides &c. Sic etiam in descriptione hepatis sese gerit: Declarata enim hepatis substantia, exponit morbos, quos incurrit



vel parit, uti sunt obstructio, inflammatio, scirrhus, vulnera, ulcera, atonia, cachexia, hydrops ascites, tympanites, anasarca, leucophegmia, icterus flavus & niger, atrophia &c. Atque hanc eandem tractandi methodum etiam sequitur in aliarum omnium partium descriptione, eamque similiter adprobavit *Johannes Mauritius Hoffmannus*, Professor *Altdorffinus* in disquisitione corporis humani anatomico-pathologica, sicuti suo loco id à nobis relatum est.

### §. DXLVIII.

*Simon Pauli, Rostochiensis*, patrem habuit medicum & professorem *Rostochiensem*, qui, postquam in *alma Leucorea* titulum & honores Doctorales impetraverat, brevi post in *academia Rostochiensi* professionem publicam suscepit, ex qua, integro septennio exacto, *Hassniam Danorum* transiit, ibidemque professionem ordinariam anatomiae, chirurgiae atque botanices impetravit, tandemque Regis Daniae archiater constitutus est. Calluit imprimis modum egregie dealbandi ossa, pro *sceletopoeia*, à quo etiam modum istum didicit *Michaël Lyserus*, cujus jam superius meminimus. Edidit quoque observationes, in coctura ossium, praesertim sterni, observandas, & anno 1683. eximiam habuit orationem de origine, praestantia & utilitate anatomiae, quae adnotationibus ad tabulas anatomicas *Julii Casserii, Placentini*, adjuncta est. Natus est *Rostochii* A. 1603. denatus vero A. 1680. cum aetatem suam ad annum septuagesimum septimum produxisset.

### §. DXLIX.

Opportunum hoc loco fuerit, inferere experimenta quaedam, à *Johanne Friderico Ortlobio*, Med. D. & P. P. Lipsiensi, adornata, ut comprobaret, non solum sine animalis detrimento lienem ex corpore viventis excindi non posse, sed & hepati dictum



dictum viscus subsidiarias in sceretione bilis operas praestare, sanguinem nempe subtilem reddendo & ad depositionem partium biliosarum modificando. Descripsit illa *Ortlobius* in praefatione *anatomiae Taurynanae* praemissa hisce verbis: *Canem vivum, inquit, ἀσπληνον reddideramus, & postquam aliquo tempore superstes mansit, vivum iterum secuimus, ubi bilis parciorem ad intestina motum & ipsam minus flavam, minus homogeneam & naturalem deprehendimus.* Maximum vero robur addere videtur experimentum sequens: *Nempe cani vivo, post extirpatum lienem, dextrum quoque aperitur hypochondrium & ex cysti bilis omnis exprimitur. Canes ejusmodi, qui iteratae huic operationi supervivunt, copiosam bilem vomunt, & inextinguibili siti ad aquam immodice hauriendam feruntur. Quod si tandem eosdem, aliquot diebus elapsis, cultro anatomico subjicimus, nulla in intestinis, nulla in vasis biliaris & cysti bilis invenitur, heparque ipsum naturali facie non gaudet.* Ex hisce vero experimentis infert *Ortlobius*: Lienis extirpationem produxisse bilis defectum, & primarium secretionis ejus organum, jecur scilicet lienis adjumento destitutum, solum munere suo fungi non posse.

## §. DL.

*Theophilus Bonetus* edidit anatomiam practicam, quam sepulchretum suum vocat, in qua proponit pene omnium C. H. adfectuum historias & observationes ex cadaveribus hominum, certis morbis denatorum depromptas, opus certe uti anatomiae cultoribus desideratissimum, ita etiam utilissimum. Praemisit autem anatomiae suae practicae prodromum de abditis morborum causis, ex cadaverum dissectione revelatis.

## §. DLI.

*Johannes Jacobus Harderus, M. D.* ejusdemque in academia  
Ss 3 Basile-



Basileensi P. P. descripsit novam glandulam lacrymalem una cum ductu excretorio in cervis atque damis amplam latamque, & ex plurimis aliis conglomeratam, subrubram (aliter quidem atque reliquae oculorum glandulae se habent) quaeque sita est in interiore oculi orbita, in peculiari cavitate pone musculum oculi adducentem, & quidem duabus epistolis ad exaratis.

### §. DLII.

Miscellaneis N. C. idem inferi curavit observationem de glandulis intestini duodeni, quas *Brunnerus* in lucem *primus* produxerat. Quanquam enim *Peyerus* persuadere ipsi conatus fuisset, corpuscula illa inventa non fuisse *glandulosa*, sed *nervea*: Vicit tamen autopsia omne tandem dubium: Siquidem non tantum celeberrimus *Brunnerus* seriem harum glandularum, à pyloro copiose protensam ad usque ductus bilarii insertionem in duodeno equino evidentissime ipsi ostendit, sed & ipse in equa easdem scrutatus est & copioso plane numero per superiorem duodeni faciem, ad insertionem praefati ductus & ultra dispersas esse comperit, imo foraminula excretoria in intestini cavum, quod glandulae secreverant, exstillantia commodum spectatoribus ostendit, sicuti nonnullos medicinae Doctores, qui sectioni interfuere, testes ejus rei vocat. Denique in ejus apiario, ut ipse vocat, non paucae occurrunt observationes, *anatomem* illustrantes,

### §. DLIII.

Commodum hic locum inveniunt quoque *Paeonis* & *Pythagorae* exercitationes anatomico-medicae, quibus sub nominibus duo celebres medici, nempe *Johannes Jacobus Harderus*, cujus paulo superius mentionem injecimus, & *Johannes Conradus Peyerus*, detectione glandularum intestinalium jam alias



alias notus, latent. Comprehendunt praeter observationes rerum, quae eo tempore inter anatomicos ventilabantur, pathologica varii generis, per cadaverum praeprimis, his vel illis morbis defunctorum, eviscerationes declarata, scholiisque ac theoriis propriis illustrata; Opus, quod paulo ante & utilissimum & anatomiae cultoribus omnibus desideratissimum vocavimus; Quia *Pathologiae verae* ex ipsa cadaverum inspectione illustrandae eximie inservit.

## §. DLIV.

*Johannes Baptista de Lambswerde* M. D. Colonienfis & in *Ubiorum Universitate* P. P. historiam molarum uteri scripsit, quae licet argumentum anatomicum proxime non concernat, ut objicientibus facile largior, dignissimam tamen continet commentationem, in qua auctor quaestiones diu vexatas de molis virginum & impraegnatione sagarum à diabolo, penitus examinare & praejudicia vulgaria extirpare cordi habuit: Quo solo nomine meruit tractatus, ut adcuratius à medicis aequè ac Jctis legeretur & expendere, sicque tandem veteri fabellae de sagarum impraegnatione à diabolo facta repudium mitteretur.

## §. DLV.

*Franciscus Stockamer*, Doctor medicus & anatomicus edidit microcosmographiam sive partium H. C. omnium earundemque actionum & usum brevem quidem sed adcuratam tamen descriptionem anatomicam, novis hujus seculi inventis exornatam.

## §. DLVI.

Memoratu hic inprimis dignum est, hanc *Stockameri microcosmographiam* una cum *Antonii Everardi* tractatu, quem inscri-



inscripsit: *Novus & genuinus hominis brutique animalis exortus*, quique anno 1661. prodiit, praecedenti seculo singularia fata expertam esse: Fecit enim bibliopolarum avaritia & insana lucri cupiditas, ut uterque liber sub titulo: *Cosmopolitae historia naturalis, seu nova ac genuina animalium generatio, nec non accuratissima corporis humani delineatio anatomica*, Lugduni Bavorum denuo prodiret. Istam vero fraudem pro sua, qua in litteraria re pollent, exquisita dexteritate & notitia statim detexerunt *Auctores Actorum Lipsiensium*, simulque ostenderunt, quo artificio usi fuerint, *qui alienae mesfis fructus colligere vel aliorum ovis incubare sategerunt*. Verum mereretur petulantia ista, ut severis poenis coërceretur, his praecipue temporibus, quo fraudes tales litterariae insolentius exerceri incipiunt, usque adeo ut paucos ante annos repertus fuerit, qui integram disputationem de verbo ad verbum, carminibus gratulatoriis ne quidem exceptis, transcripserit.

#### §. DLVII.

*Georgius Fridericus Francus de Franckenau, Georgii Franci de Franckenau*, magni Regis *Daniae* archiatri filius & artis medicae Doctor publicus, ut demonstraret, nihil tam vile vel abjectum esse, in quo non locupletissimam occasionem inveniant curiosa ingenia sese utiliter exercendi, scripsit *onychologiam* curiosam seu tractationem physico-medicam de unguibus, quos ex pluribus pelliculis tenerrimarum fibrillarum papillaceis coalitis progigni statuit, & exemplo adfinium cornuum in brutis confirmat.

#### §. DLVIII.

Sub ejusdem praesidio *Haffniae*, respondente *Eduardo Petruswio* habita est dissertatio inauguralis *de via alimentorum & chyli*,



*chyli*, in qua singularis & stupendi ductus thoracici descriptio & delineatio occurrit, quam integram una cum explicatione in *Actis Eruditorum Lipsiensibus* Mens. Jan. 1718. videre licet.

## §. DLIX.

*Jacobus Hobius*, cum in *Academia Ultrajectina* pro obtinendo gradu Doctoris dissertationem inauguralem haberet, argumentum minus tritum sibi eligendam esse existimavit, ac proinde motum circulare humorum ocularium, qui anatomicis hucusque nondum innotuerat, in apricum deducere adlaboravit. Ostendit nempe, humores oculorum non fortuito ibi colligi, verum continuo potius fluxu ac refluxu ad instar sanguinis indefinenter in orbem verti, ut sic perpetuus oculi vigor constanter conservetur. Quamvis autem de humore oculorum aqueo rem re ipsa ita sese habere, jam ab aliis satis demonstratum sit, & notissimum phaenomenon spontaneae restitutionis, si casu & infortunio quodam effundi illum contingat, id clare ostendat: Nondum tamen satis evictum est, idem quoque obtinere in reliquis oculorum humoribus: Eget enim negotium istud ulteriori indagatione, praesertim cum tentamina *Auctoris* nostri in solo tantum capite vitulino haecenus instituta fuerint.

## §. DLX.

Ita scripseram, cum historiam anatomes à me concinnatam publico exhiberem. Nunc vero, cum novam & plus quam dimidio auctam rogatus editionem adornem, visum mihi est, dignitatem inventi id cum primis à me exigere, ut, quam a. 1716. *Auctor* molitus est, novam non re tantum, sed & figuris à praecedenti in plurimis mutatam, editionem denuo perlustrarem, atque singula adcuratius recenserem.



## §. DLXI.

Itaque in dedicatione ad perillustrem DD. *Nicolaum Wittsenium*, JC. & reipublicae Amstelaedamensis senatorem gravissimum &c. ipsemet sponte confitetur, à recto quodammodo tramite sese deviasse; Quam etiam ob rationem telam textam retexere non modo dedecori sibi non duxit, sed & sapientioribus medicorum gratum fore merito judicavit. Proinde plurimorum subjectorum copiam fecit, ut cultro anatomico fluidorumque injectione vascula ocularia una cum perfecta circulatione ad unguem paterent. Pro quibus à se exantlatis laboribus tantum abest, ut vituperium cujusquam incurrere debuerit, ut potius prima ista *Hovii* conamina omni modo juvanda ac promovenda fuissent. Ac proinde graviter tulit *Hovius*, quod clarissimus *Ruysschius* ipsum graculo, alienis plumis ornato adnumeraverit; Cum longe fecisset rectius, si currenti calcar addidisset & ad alia plura audendum animum ejus inflammasset.

## §. DLXII.

Sicuti vero eo tempore, quo inventum hoc de motu humorum oculi circulari primum in lucem prodibat, experimenta sua tantummodo in brutis animantibus, avibus nempe atque piscibus instituerat: Ita in nova hac editione id potissimum cordi habuit *Hovius*, ut eundem hunc motum humorum circularem in ipsis quoque hominum oculis ostensum palam faceret; Quem in finem materiam pro injectione tam subtilem praeparavit, ut non dubitaret, quin singula in hac materia naturae abdita arcana penitus erueret; Id quod ipso quoque opere expertus est, dum minutissima vascula humoris vitrei aequae ac crystallini provinciam formantia, caeteraque nevro-lymphatica materia ista in totum pervasit,



pervasit, in iisque frigefacta constanter perstitit, sic ut mediante ea multo accuratius, quam prima vice, nova quaedam alia scitu dignissima detexerit, novisque figuris aeneis ad vivum delineatis pro majori discentium commodo illustraverit, & quidem, quod reticendum non erat, nullo exemplo aut aliorum *Auctorum* ductu.

### §. DLXIII.

Ut autem, quae hoc in tractatu nova detexit Auctor, uno obtutu tanquam in tabula conspici possent, elenchum talem subministravit: Ante omnia veram fontium originem exposuit, deinde rete mirabile novum in bobus, felibus ac pennatis descripsit, porro glandulam in piscibus, ductus intra duplicaturam sclerotidis, in canibus aliisque animalibus ad circulum arteriosum ascendentes, ductus oculorum aquosos, crystallinos ac vitreos adducentes delineavit, vas binos inter oculos communicans, sympatheticum adpellavit & porulorum è cornea prorumpentium verum ortum indicavit, ductus dehinc oculorum aquosos, crystallinos & vitreos abducentes sedulo indicavit, tandemque circulum venosum cum ductibus oculorum abducentibus & reti venoso nec non vera atque genuina vitrei ac crystallini systematis natura exhibuit.


### §. DLXIV.

Calci tractatus adnexa est *Hovii* epistola apologetica in Virum clarissimum, DD. *Fridericum Ruyschium*, qui quippe in prodromo thesauri anatomici sexti Anno 1705. editi ipsi imputaverat, ac si ea, ab aliquot annis ab ipso descripta, depicta & in lucem edita pro suis divulgaverit: Verum id magnam esse injuriam interpretatur *Noster*, atque ex scriptis *Ruyschianis* ostendit, suam ante detectionem & vasa humorum ocularium



circulationi destinata vel in totum vel quoad usum, & circulationem hanc ipsam in totum latuisse *Ruyschium*: Unde infert, se ex *Ruyschianis* sua mutuatum non esse.

### §. DLXV.

 *Laurentius Wolffstrigelius*, medicus *Viennensis*, frequenter secuit foetus abortivos, sicque circa ossis cuneiformis examen deprehendit contra *Fallopium* & *Riolanum*, dictum istud os non ex quatuor partibus, verum ex tribus tantum conflatum esse, imo & primam illius partem, quam alias *sellam Sphoenoidream* vocant, in foetu perforatam observavit, sicuti ipsemet refert Obs. 76. Anni 1. Dec. 1. Eph. N. C. Anno 1670. Jungimus huic *Sebastiani Christiani à Zeidlern*. med. D. & P. P. primarii in *academia Carolo-Ferdinandea Pragensi*, quam vocat *somatotomiam anthropologicam* seu corporis humani fabricam, quae A. 1692. cum figuris lucem adspexit publicam. Neque oblivioni tradendus est *Stephani Michaëlis Spacheri pinax microcosmographica*, *anatomiae* compendium proponens, qui A. 1645. cum figuris in folio prodiit.

### §. DLXVI.

*Johannes Godofredus Bergerus*, *Hallensis Saxo*, in *Academia Wittebergensi* Professor medicinae primarius, eruditum non minus, quam eleganti stylo concinnatum scripsit tractatum de *natura humana*, in quo multa quidem anatomica, plura tamen physiologiam spectantia comprehenduntur. Argumenti autem strictius anatomici est epistola, quam ad amicum dedit de divisione arteriae aortae in ramos carotides atque subclavios: Cum enim partim falsas arteriae magnae delineationes aliorum anatomicorum, invita licet atque repugnante humani corporis structura, observasset, partim  
lites



lites inter duos valde celebres Belgii foederati anatomicos, *Ruyfchium* & *Bidloum*, cordi habuisset, non ingratum sese publico praestitutum officium existimavit, si adcuratiorem & autopsiae magis conformem delineationem arteriae aortae & quidem ratione ramorum ejusdem adscendentium exhiberet, id quod etiam dicta ista epistola abunde praestitit.

### §. DLXVII.

*Jobannes Palsyn*, anatomicus & chirurgus *Gandavensis*, edidit descriptionem anatomicam partium muliebrium, generationi dicatarum, una cum descriptione anatomica monstri, quam tabulis aeneis illustravit, non tam ad vivum delineatis, quam potius ex *Jobannis Swammerdamii* miraculo naturae petitis. Qua occasione peculiarem descriptionem earum viarum adjunxit, quae solo in foetu reperiuntur, & per quas sanguis longe peculiarem servat circuitum, ab adultorum statu plane distinctum; Quae omnia contra *Meryum* disputavit. Praeterea *osseologiam* publici juris fecit, in qua universa osium doctrina magna exactitudine tradita est. Inprimis vero laudem meretur *anatomia chirurgica* H. C. quae & *Belgica* & *Gallica* lingua prodiit, & cujus haec est oeconomia: In *prima* parte de partibus similaribus agitur, *secunda* viscerum abdominis, *tertia* pectoris, *quarta* capitis descriptionem sistit. In *quinta* de ossibus, in *sexta* de musculis & in *septima* de distributione & progressu vasorum tractatur.

### §. DLXVIII.

Commodum hoc loco fuerit, enarrare curiosam simul atque mirabilem historiam, exhibentem foetum humanum post 21. menses ex uteri tuba, matre salva & superstite, excisum, quam in epistola ad D. *Thomam Millingtonium*, Equitem  
T t 3 auratum,



auratum, medicum regium ordinarium & collegii medicorum Londinensium praesidem descripsit *Abrahamus Cypriani*, med. D. inque *Academia Franequerana* anat. & chir. P. P. estque sequentis tenoris: *Militis uxor tertium impraegnata lac tamen gestationis tempore in manibus nullum observavit, foetusque situm in loco justo altiori deprehendit. Novem praeterlapsis mensibus foetus se movet, ac si exitum molitur, irritum tamen conatu atque successu. Decimo mense fluxus menstruus redit, nec ullus porro foetus motus percipitur. De dolore interim conqueritur misera acuto circa umbilicum, quem ulcus fungosum in regione umbilicali sequitur. Vigesimo primo demum à conceptione mense advocatus auctor, mortuum foetum à muliere gestari, reliquis licet in contrarias sententias abeuntibus medicis pariter ac chirurgis, pronunciat; Instituta itaque caesarea operatione, eum in modum sanitati restituit aegram, ut tertio mense praeterlapso domo exire potuerit, imo proximo anno post filiam, sequente gemellos, filium & filiam, fuerit enixa. Ex qua historia id tantum deduco, foetus tubarios non solummodo possibiles esse, sed & systema generationis *Drelincourtianum* haud parum inde confirmari. Ut profecto novis, longius petitis hypothesebus in re manifesta non sit opus. Hae vero occasione multas eximias observationes, uterum, tubas & placentam concernentes attulit. Edidit praeterea *osteologiam* omnibus numeris absolutam, in qua non modo adcurata ossium descriptio continetur, sed & morbi ossium una cum eorundem curatione describuntur. Auctor quoque est *anatomiae chirurgicae* C. H. quae revera nihil aliud est, quam *compendium anatomicum*, quod sine dubio in chirurgorum gratiam conscripsit.*

#### §. DLXIX.

*Adamus Christianus Thebesius*, Silesius, in dissertatione sua inaugurali, quam *Lugduni Batavorum* publice ventilandam propo-



proposuit, observationem attulit anatomicam de exitu sanguinis venosi in auriculis & corde, in quam forte fortuna incidit. Cum enim in vena cava cordi imminente & fibris carneis insigniter roborata multae ipsi foveolae apparerent, quae nil nisi oscula venularum ipsi videbantur, tum à tunicis ipsius cavae tum aliunde advenientium & in amplissimum alveum hiantium; Hinc suspicio ipsi enata est, annon forsan multa hujusmodi foramina in cordis & auricularum aditis figura illis prorsus similia eadem prorsus munia sustinerent. Quare ut certior fieret, aquam siphone in venam coronariam leniter immisit; Tum vero ventriculo dextro ac sinistro aperto vasisque discissis debite observatis (ne liquor ab illis in sinus profiliens experimentum fallax redderet) ex foveis quam plurimis aquam copiose prodire conspexit, vasis caeteroquin & reliqua cordis substantia illaesis permanentibus. Nondum tamen experimento huic, eodem successu in cujuscunque animalis corde saepius repetito, satis fidere ausus, satius fore duxit, ut, nulla liquoris transfusione praegressa, in corde integro in ipsa vasa cultro anatomico inquireret; Quem in finem corda, ovillum bubulumque adhibuit; Ubi primo statim intuitu intra ventriculi dextri scatebras observavit, per superficiem gracilia quaedam vasa decurrere atque ex minoribus furculis in truncum abire, qui in scrobiculum quendam aperiatur. Harum orificiis cum applicaret tubum, flatus immissus promptissime omnes ramificationes distendit, atque penitus circumiens aliasque socias venulas penetrans ex perplurimis foveis, bullulis factis prorupit. Haec postmodum eadem cura in corde bubulo recens exsecto & adhuc calido indagavit; Eo quidem successu, ut venulas ejusmodi semper copiosius viderit, nec unquam cor frustra aperuerit. Idemque plane reperit in utraque auricula, imo in ipso ventriculo cordis sinistro.



## §. DLXX.

Ut vero omnis circa hanc *Thebesii* detectionem dubitatio tolleretur, eadem haec experimenta pari quoque ratione in corde humano succedere animadvertit; Dum scilicet flatus venae coronariae immissus, reliquis omnibus aditibus occlusis, promptissime per orificia illa in cor penetraret, illiusque ventriculos vesicae in modum expanderet. Caeterum ingenue fatetur, vasorum orificia à priori cum vasculis ipsis sanguine plenis in corde humano, sicuti in bubulo, inquirere ipsi nondum licuisse. *Quae cum ita sint*, concludit tandem Auctor, *abunde puto nobis cum veritate convenire, si asseramus, multas esse venas & inter se & cum aliis venae coronariae ramis, ad canalem communem commeantibus, copiosis anastomosibus connexas, sanguinem in auricularum sinuumque cordis foveas deducentes.* Quae licet omnia sic forte sese habeant, uti à *Nostro* per experimenta evicta sunt, non adparet tamen, quae inde utilitas vel in physiologiam vel in quamcunque aliam medicinae partem redundare possit.

## §. DLXXI.

*Güntberus Christophorus Schellhammerus*, postquam per integrum, & quod excurrit, quadriennium in academia *Jenensi* publici medicinae Professoris munere perfunctus fuerat, evocatus est in *academiam Kiloniensem Cimbriae*, ad quam priusquam discederet, programmate quodam suis auditoribus breviter in memoriam revocabat summam suarum demonstrationum, novarumque in anatomicis detectionum, quae ad haec praecipue capita revocari possunt: Nempe in postica linguae parte foraminula, quae ocellos vocavit, septem ordine per superficiem disponi sub forma literae V; In larynge valvulas esse ab aliis non visas; Glandulas *Rivini*anas non



non semper proprio suo ductu gaudere, sed in *Warthonianum* communem rivum, lympham fermentativam plerumque effundere; *Nuckianam* novam, quam sub oculo collocat, in homine non reperiri; *Diaphragma* in cane, neutiquam vero in homine ex duplici musculo compingi, secus quam persuadere voluit eruditus *Bartholini* nepos; *Mesenterio* non nisi *jejunum* & *ileon* connecti, neutiquam *duodenum* vel *colon*, nisi exigua sui parte; *Valvulam coli*, nihil minus esse quam valvulam, sed pendulam *ilei* ad angulum rectum *colo* inserti partem; *Coecum* in homine nil nisi *coli* adpendiculam esse, quo flatus & stercora retrograda divertunt; Quandoque sub *renibus* chyli *receptaculum* in canibus sese in conspectum dare; *Renum* structuram longe aliam esse, quam vulgo depingitur, glandularum serie proxime sub membrana posita, tubulorum vero striatorum toto ordine in ductus hiantis *ureteris* ex pelvi emissos turmatim concurrente, venasque esse papillas, & obscuras *Bellini* figuras; Digitorum pulpam glandulas globosas pellucas occultare, & stratum coccineum sub unguibus posuisse naturam, & multa alia. Caeterum edidit dissertationem epistolicam de ortu lymphae & lymphaticorum vasorum causis. Notis quoque doctissimis illustravit *Conringii* introductionem & additamentis necessariis, scriptorum praecipuorum serie ad nostra usque tempora continuata, auxit atque locupletavit.

### §. DLXXII.

Nec silentio praetermittendus est tractatus *anatomico-physicus* ejusdem *Schellhammeri*, quem *de auditu* conscripsit. Misfis physicis contemplationibus, ad rem nostram parum facientibus, ex parte tantum prima, qua organon auditus describitur, ea repetimus, quae scopo nostro anatomico serviunt. In genere observandum est, *Auctorem*, quo felicius



auditus organon describere posset, variorum non modo brutorum, sed & ipsorum quoque hominum ossa temporalia diffracta contemplatum esse, atque, ut different structurae variae, adnotasse & adjectis iconibus illustrasse. Hinc igitur, quid in aure externa notatu dignum occurrat, *capite primo* discussit; Progressus hinc est *capite secundo* ad descriptionem auris internae, ubi considerato eo, quod inter utramque intermedium est, meatu nempe auditorio, quem membrana, inepte vulgo tympanum, rectius meninx, dicta claudit, agit de chorda, quam quidem per medium ejus decurrere credunt anatomici, in plerisque tamen animalibus non reperiri, nec in ipso quoque homine sese observasse adserit *Noster*; Qui tamen interea *Eustachio* adsentitur, novissimum scriptorem Gallum *L' Amy* errasse judicanti, qui tendinem esse chordam hanc musculi cujusdam perhibuit. Hinc *capite tertio* ad internam auris structuram, in qua quippe praecipuum auditus instrumentum latet, transitum facit, cujus primam partem, nempe concham pro generis aeque ac aetatis diversitate in nonnullis animalibus admodum variare observat. Tendinem externi musculi, quem processui mallei insertum putavit *Coecilius Folius*, auctor semper forti sed laxo ligamento petroso ossi connexum deprehendit: Hoc ligamentum à *L' Amy* male habitum pro musculo; Externum musculum perperam neglectum à *Willisio*; *Riolanum* vero de musculis auris prorsus ineptiisse. Praeterea monet cavere errorem *Riolani* & *Bartolini* in *anatomia reformata*, aquaeductum *Fallopianum* cum canali, qui ex auribus in postremum palati spatium excurrit, confundentium. Exposito *capite quinto* osse petroso cum iis, quae continet, notat *Aquapendentis*, *Casserii* & *L' Amy* lapsus, imaginem ossis petrosi à *Folio* delineatam infidam esse suspicatur, tandemque aquaeductum *Fallopium*, ut in homine

vere



vere se habet, describit. Reliqua, quae physici potius argumenti sunt, lubens praetermitto.

§. DLXXIII.

*Johannes Daniel Major*, P. P. in *Academia Kiloniensi Holsatiae* fuit, ediditque historiam *anatomiae Kiloniensis*, nec non consilium breve de concipienda anatome suppeditavit.

§. DLXXIV.

*Daniel Bucretius*, alias *Kindfleisch*, *Wratislaviensis*, scripsit supplementum tabularum anatomicarum *Julii Casserii*, *Placentini*, quod cum *Adriani Spigelii* operibus exstat, cujus ejusdem *Spigelii* opus de humani corporis fabrica libris X. tabulis 98. aeri incisus, exornatum jussu auctoris quoque edidit.

§. DLXXV.

*Conradus Victor Schneiderus*, medicinae in *Academia Wittebergensi* P. P. scripsit prolixum tractatum de partibus, quas vocant, principalioribus, capite, corde, hepate, cum observationibus ad anatomiam pertinentibus. Edidit quoque varias disputationes, osteologiam concernentes, de ossibus sincipitis, de osse occipitis, de ossibus temporum, de osse cribriformi & hac occasione de catarrhis tractatum admodum prolixum.

§. DLXXVI.

*Johannes Conradus Brunnerus*, M. D. diversorum Principum, praecipue Electoris Palatini archiater, à quo etiam ante complures jam annos, cum Vicariatu S. R. J. praeesset, Baronis dignitate exornatus est, ad Illustrem societatem N. C. transmisit observationem, in qua novarum glandularum intestinalium descriptio continetur, quae in principio duodeni, tunicam ventriculi intimam à subjecta nervea separanti occurrunt, lentis



primum magnitudine, dehinc miliares & successive minores, donec ad eam demum exiguitatem deveniant, ut visum pene subterfugiant. Hasce glandulas à nuper inventis differre dicit frequentia, & totum internum ambitum intestinorum obfidere, ut tota interior intestinorum tunica veluti nil nisi congeries minutissimarum glandularum esse videatur, unde humor intestinalis ubertim exstillat & in cavum intestinorum depluit. Edidit quoque experimenta nova circa pancreas, quibus accessit diatribe de lymphæ & genuino pancreatis usu: Cum enim celeberrimus Vir observasset, pancreas à *Graefio*, *Sylvio* aliisque majori in dignitate, quam superioribus seculis factum fuerat, constitui, nobilioremque visceri usum, nempe laticis cujusdam ad vitam summe necessarii secretorium vindicari: Hinc illorum hypothesein per experimenta, in pluribus canibus vivis adornata coepit examinare, idque sequentem fere in modum: Postquam pancreas, ligatura decenti instituta, extraxit, vel hujus ductus tantum rescuit, ut commercium hujus visceris cum intestino duodeno interciperetur, observavit, animal ut plurimum sospes & incolume mansisse, commodeque post consolidatum abdominis vulnus edere, bibere, egerere, uno verbo, functiones vitales rite obire potuisse, imo, in dissectionis post mortem omnia viscera secundum naturam constituta fuisse. Et quanquam ex hoc experimento forsitan occasionem quis desumere posset, veterum sententiae adstipulandi: Huic tamen dubio obviam procedit *Brunnerus*, dicendo, ideo, rescisso licet pancreate omnes naturales actiones rite procedere, quia ad alia filtra glandulosa tunc temporis idem succus copiosius redundans, in his usum pancreatis, chylo crudiori praestandum, restitueret. Caeterum genuinum pancreatis usum eum suspicatur *Noster*, ut succus ejus chylicationem, in ventriculo inchoatam, cum



cum glandularum intestinalium latice, continuet, ciborum particulas exagitatas irretiat simulque bilis acrimoniam temperet, neutiquam vero, quae *Graefii, Sylvii* aliorumque est sententia, cum eadem effervescat. Qua occasione in puero ductum pancreaticum atque choledochum (praeter consuetum alias in homine naturae ordinem) diversis & transversis fere digiti distantia, in duodenum osculis insertos, mediante nihilominus canali quodam transverso communicantes se vidisse refert. Denique humorem pancreaticum non acidum, ut alii crediderunt, sed insipidum fere aut subsalsum observavit.

### §. DLXXVII.

Verum ad descriptionem glandularum intestinalium *Brunnerianam* revertendum mihi est, quam ante aliquot jam lustra, occasione sectionum quarundam Heidelbergae à se institutarum notam fecerat *Brunnerus a Brunn*, quo tempore in perantiqua ista Universitate amplissimo Professoris anatomiae munere perfungebatur. Cum vero pro officii istius ratione *disputatione* tantum *academica* glandulas istas in intestino duodeno latentes publico insinuasset, eaque jam dudum desiderari coepisset: Commotus inde fuit, ut anno 1715. peculiari tractatu describeret denuo *glandulas duodeni seu pancreas secundarium in intestino duodeno primum hominis, abhinc in aliis quoque animalibus detectum, una cum paralipomenis aliis per crustam intestinorum inventis*; Cui glandularum descriptioni etiam hac editione dissertatio de *glandula pituitaria* accessit.

### §. DLXXVIII.

Occasionem invento, ut ipsemet in *prooemio* commemorat, subministravit Illustrissimus Comes *a Stabrenberg*, cardialgia periodica laborans, in cujus gravissimae afflictionis



causam diligenter inquirens, hoc modo in inventum suum incidit: *Ventriculum nempe humanum in aquam fervidam immer- sit inversum, tantisper dum corrugari coepit. Abhinc tunicam rugo- sam a subjecta nervea caute & suspensa manu separavit ad pylorum usque; Quem supergressus in novum plane, ipsi ante nunquam vi- sum glandularum genus incidit, quas densa congerie coagmentatas ad implantationem pori choledochi usque cum repererit, pancreas secundarium ob usus, quos in deductione ipsa allegavit, appel- lare nullus dubitavit.*

### §. DLXXIX.

Dispositio operis haec est: Praemittitur nempe descri- ptio glandularum duodeni seu *pancreatis secundarii* anatomica, ubi primum de intestino duodeno agitur, quam demonstra- tio glandularum duodeni in variis animalibus, equo, castore, cervis, bove, ovibus, porcis, cane aliisque excipit una cum commentario in pancreas secundarium, in quo diversis in capitibus differitur primum de glandularum intestinalium differentia, deinde disquiritur, utrum glandulae haecenus de- scriptae percolationis chyli, an secretionis liquoris gastrici organa sint? Porro vero de percolationis chyli organo una cum examine microscopico villorum intestinalium tractatio instituitur, & in laticis, quem glandulae duodeni fundunt, scaturiginem per varias observationes & experimenta inqui- ritur, simulque, quasi aliud agendo, de spiritibus agitur. Se- cundum haec disputatur, quomodo liquor gastricus ingesta digerat & in chylum convertat? Utrum duplicis generis glan- dulae intestinales, de quibus superius actum est, similem, an vero diversum humorem praebeant? Denique de usu & of- ficio pancreatis secundarii & de affectionibus glandularum duodeni aliarumque praeternaturalibus disceptatur, variisque observationibus practicis universum negotium illustratur.

### §. DLXXX.



## §. DLXXX.

Adnexa dissertatio anatomica de *glandula pituitaria*; quae jam olim Heidelbergae A. 1688. publico examini à *Nostro* exposita, deinde auctoris jussu ob exemplarium defectum typis denuo exscripta est. Considerans enim cel. vir glandulae hujus structuram atque excellentiam, dignam judicavit eandem, quam singulari commentario illustraret; Ac proinde *capito primo* observationes quasdam anatomicas circa glandulam pituitariam ejusque descriptionem praemisit, deinde *capite secundo*, utrum ex globosarum an conglomeratarum familia sit eadem, disquisivit; *Capite tertio* de aquae in ventriculis cerebri collectae scaturigine disputavit; *Quarto* probavit, lympham cerebri non per processus mammillares, sed per glandulam pituitariam amandari; Hancque suam sententiam *capite quinto* phaenomenis quibusdam seu observationibus anatomicis circa eandem illam glandulam institutis confirmavit, & postquam pauca adhuc de vasis glandulae pituitariae excretoriis, & quorsum percolatus humor derivetur, disseruit, universam hanc theoriam praxi confirmavit.

## §. DLXXXI.

Denique editioni *Amstelaeladamsi*, quae a. 1683. lucem vidit, adnexum est *Job. Conradi Peyer*i schediasma de pancreate & ejus usu, ad *Johannem Conradum Brunnerum*, hujusque responsum ad *Peyer*i schediasma.

## §. DLXXXII.

*Paulus Barbette* majorem quidem famam praxi chirurgica sibi adquisivit, interim tamen, cum probe sciret, quam arcto nexu chirurgia cum anatomia esset conjuncta, chirurgiae suae etiam subjunxit Libros V. anatomiae practicae, in quorum



quorum *primo* agit de partibus in genere, in *secundo* de capite, in *tertio* de thorace, in *quarto* de infimo ventre & in *quinto* de artubus.

§. DLXXXIII.

*Jobannes Georgius Volckamerus*, medicus celebris *Norimbergensis* & collegii N. C. praeses gravissimus, edidit collegium anatomicum ex clarissimis triumviris concinnatum, nempe ex *Julii Jafolini* & *Locri* quaestionibus anatomicis, nec non *Marco Aurelio Severino*, & *Bartholomaeo Cabrollo*.

§. DLXXXIV.

Ante complures jam annos viventium coetu exemptum esse *Clar. Verheyenium*, graviter dolemus. Fuit *Philippus Verheyen* in *Academia Brabantiae Lovaniensi* anatomiae & chirurgiae professor regius longe celeberrimus. Natus est anno 1648. in pago *Waas*, ad parochiam de *Varbrock* pertinente. Parens ejus fuit *Thomas Verheyen*, agricola. Jactis solidis fundamentis in studio tam literarum humaniorum quam ipsius philosophiae, in *Academia Lovaniensi* illud ita perfecit, ut supremos in philosophia honores obtinere cum laude valuerit. Et quamvis SS. Theologiae sese adplicare apud animum suum constituisset, amissa tamen ex sphacelo tibia, toto potius pectore arti medicae incubuit, in qua etiam tam laudabiles fecit progressus, ut in eadem *Lovaniensi Universitate* tam anatomica quam chirurgica professione cum summo omnium adplausu exornaretur. Anno 1711. febre acuta correptus eademque extinctus est. Edidit anatomiam C. H. in qua omnium tam veterum quam recentiorum anatomicorum inventa methodo nova & intellectu facillima describuntur ac tabulis aeneis repraesentantur. In *secundo* vero libro, quem jam dudum promiserat, nuperrime vero demum in lucem publicam emitti curavit,



curavit, partium solidarum, *primo libro* descriptarum, usum atque ministeria explicuit. Scripsit etiam animadversiones in anatomiam *Blancardianam* & obiter in quasdam alias, in quibus errores *Blancardi* anatomicos vehementer, sicuti meruerat, perstrinxit, & plagii crimen, quod partim in ipsius textus emendicatione, partim vero in ipsarum figurarum ex aliis auctoribus imprudente translatione commisit, sole clarius manifestavit. Accesit dictis animadversionibus epistola ad Virum Clariss. Dn. *Fredericum Ruyschium*, in qua varia proponuntur dubia, nonnulla ipsius nova inventa concernentia.

## §. DLXXXV.

Atque de hac *anatomia Verbeyana* hucusque creditum est, nullam scholarum usibus esse adcommodatiorem, nullam quoque adcuratiorem & ab erroribus magis immunem. Verum hanc palmam eidem nuper dubiam reddidit *Laurentii Heisteri compendium anatomicum*, quo universam rem anatomicam brevissime complexus est. Adnotavit ille in ipsa statim praefatione, in *anatomia Verbeyana* non solummodo multos adhuc errores contineri, quos recentiores correxerunt, verum etiam inventa nova quam plurima in ea deficere, & quidem non eorum tantum *Autorum*, qui post ipsum scripserant, sed illorum quoque, qui ante ipsum, vel saltem ante ultimam editionem hujus anatomiae (quae 1710. Bruxellis denuo prodiit) jam prostabant & in hominum manibus erant.

## §. DLXXXVI.

Huic vero tam gravi imputationi ut fidem faciat prae-  
laudatus *Auctor*, quanquam interea honori atque existimationi clariss. *Verbeyenii* nihil cupiat esse detractum, allegat primum, scriptores Anglos (forte ob linguae anglicae imperitiam)



ab eo lectos non esse, quod assertum suum probat inductione scriptorum *Guilielmi Comperi*, quae incognita penitus fuisse *Verheyenio* inde probat *Heisterus*, quod eorundem partim nullibi mentionem fecerit, partim quod glandulas *Comperianas* juxta urethram sitas sese ignorare, ipsemet palam profiteatur, partim denique, quod ex *Morgagnio* de usu foraminulorum in urethra virili aliquid referat, quod tamen non solummodo ex peculiari scripto & quidem latino, A. 1702. Londini impresso constare, sed etiam postea in *Actis Lipsiensibus*, *Ephemeridibus Gallorum*, *historia academiae regiae scientiarum*, ex *Keilii* anatomie anglica, *Drakii* anthropologia & *Hornii* microcosmo, cum notis DD. *Pauli* Lipsiae edito abunde legi potuisset. Praeterea coarguit eundem, quod varios quoque musculos novos, quos in *myotomia* sua reformata descripserat *Comperus*, una cum multis aliis inventis curiosis, quae tam in magno ejus opere anatomico adlata, quam in *Actis Lipsiensibus*, *Keilio*, *Drakio*, *Pauli* & alibi descripta fuerant, omiserit; Imo, quod nihil quicquam ex actis philosophicis Anglicanis aut ex historia academiae regiae scientiarum, neque ex ephemeridibus N. C. neque e diario Parisiensi aut actis eruditorum Lipsiensibus retulerit. Id vero tanto adhuc manifestius inde comprobare contendit *Heisterus*, quod observationum *Gagliardi*, Itali, & *Haveri*, Angli, circa ossa & glandulas mucilaginosas, cum orbe erudito dudum communicatarum, ne verbulo quidem meminisset, quod etiam curiosas observationes *Bonclari* & *Lealis* circa testes omiserit & musculos transversales, à *Bidloo*, *Compero*, *Littrio* aliisque descriptos non commemoraverit, imo nec *Duvernei* librum de organo auditus, adeo tamen tritum & notum viderit vel legerit, quod inde, ait, patere, quia ejus non solum non mentionem facit, sed & figuras, quas *Blancardus* sine auctoris mentione, ut facere solitus est,

in



in anatomiam suam transtulerat, pro figuris *Blancaudianis* venditavit, quae tamen *Duverneo* adscribendae erant: Imo, quod silentio omnino praeterierit *Antonii Mariae Valsalvae* tractatum de aure humana, qui tamen liber in *actis Lipsiensibus*, aliisque *diariis* jam dudum fuerat recensitus.

## §. DLXXXVII.

Nec in hisce acquiescit *Heisterus*, sed *Verheyenium* conculpare pergit, quod corpus reticulare *Malpighii* in lingua, dudum ab illo descriptum, & facile insuper detegendum, omiserit; Quod observationum *Terranci* de glandulis, praecipue urethrae, nullam fecerit mentionem; Quod pulcherrimas *Swammerdamii* figuras de utero nullo numero habuerit; Quod de anatomia membri virilis, quam *Comperns* & *Drakius* elegantibus figuris illustratam dederunt, altum apud *Verheyenum* sit silentium; Quod elegantem *Ridley* tractatum de cerebro, jam A. 1695. editum & pulcherrimis observationibus, experimentis & figuris illustratum non viderit; Quod, quae *Glissonius* & *Bobnius* de ductibus *hepatico-cysticis* cum publico communicaverant, ignoraverit, aut, si quid illi de istis ductibus ex praedictis auctoribus innotuerit, mala fide, dum illos filet, pro suis inventis venditare videatur; Quod non minus *vasa nova palpebrarum Meybomii*, in peculiari epistola evulgata, atque à *Bartholino*, *Blasio* & *Johanne Mauricio Hoffmanno* aliisque repetita, praetermiserit; Quod inventores ductus salivalis glandulae sublingualis, *Rivinum* & *Bartholinum* siluerit & *Mauritium Hoffmannum*, primum ductus *Pancreatici* detectorem fuisse, reticuerit; Nec legerit, quae *Littrius* de glandula nova urethrae in publicum dedit; Nec de hiatu seu foraminulo, quod primum *Rivinus* ac deinde *Munnicks*, *Valsalva* & *Drakius* in membrana tympani statuerunt, & per quod nonnulli fumum ore



attractum per aures emittunt, quicquam locutus fuerit; Quod *Pacchioni* observationes de dura matre nec non de glandulis conglobatis durae matris pariter omiserit, sicut & sinus inferiores durae matris, quos partim *Vieussenius* & *Ortlobius*, partim *Ridleyus* delineaverant & descripserant; Quod nihil quoque de iis vasis, quae *Thebesius* in interiore cordis superficie detexerat, retulerit, quanquam & *acta Lipsiensia* de illis loquantur & figuras exhibeant; Quod *Briggium* de oculo, & quae *Hobius* de motu humorum ocularium publicaverat, silentio presterit; Quorum tamen omnium mentionem eadem *acta Lipsiensia* fecerint; Quod plerasque detectiones & inventa curiosa *Ruyschiana* sicco pede transferit; Quod de glandulis intestinorum à *Peyero* detectis nihil monuerit; Quod itidem, quae *Novesius* de vesiculis seminalibus mulierum, de nervo auditorio aliisque rebus anatomicis curiosa tradiderat, minus perspecta habuerit; Quod, licet *nevrographia* & novum vasorum systema *Vieussenii* plane incognitum *Nostro* non fuisse videatur, pauca tamen inde suos in usus transtulerit; Quod denique cogitata *Nabothi* de novo ovario mulierum circa cervicem uteri, ut ille existimat, reperto, ignoraverit, quanquam forte levioris momenti aliis videri posset, id tanto anatomico vitio vertere, quod sine eximio rei anatomicae dispendio ignorare poterat, & quod non invenisse, quam invenisse, praestabat, quia inter chymaeras non postremum sibi locum vindicat.

### §. DLXXXVIII.

Atque hoc modo probavit *Heisterus*, *Verbeyenum* nostrum varia non modo scripta sed & inventa anatomica recentiorum profunde ignorasse, quae viro professori sua in arte merito cognita atque perspecta esse debebant. Verum longe gravior est altera imputatio, quod etiam in *anatomiam Verbeyanam* non pauci



pauci errores irrepperint variique alii defectus observentur, quos tamen evitare facile potuisset. Defectus est, secundum *Heisteri* animadversionem, quod truncum corporis humani in tres tantum partes, caput, thoracem & abdomen diviserit, omisso collo; Defectus est, quod dextrum ventriculi orificium sinistro altitudine aequale esse, & scribat & figuris delineet, cum autopsia dudum docuerit, dextrum sinistro esse inferius. Sic & valvulam pylori suis in figuris male omisisse & hunc tanquam circulum fibrosam concepisse arguitur, cum tamen valvulam plerumque satis insignem exhibeat. Accedit, quod nec pylorus situm obtineat horizontalem, sicuti à *Verbeyeno* delineatur, sed obliquum, id quod ex figuris *Heisterianis*, ad quas lector ablegatur, patere potest. Defectus porro est, quod *valvulam coli*, quam *Bianchus* prorsus negat, ad ingressum ilei in intestina crassa, *rotundam* delineet, & circuli in modum huic orificio esse circumductam statuatur, cum tamen in inflato & exsiccato intestino non *rotunda*, sed longitudinalis & admodum singularis appareat, ex duabus membranis quasi semilunaribus, e regione positis, composita; Quod praeterea valvulas *Kerkringii* conniventes intestinorum ex *Bartholino* recensuerit, unde iterum suspicatur *Heisterus*, *Kerkringium* ipsum à *Verbeyeno* lectum non esse; Quod musculos colli & male delineaverit & descripserit, quorum tamen longe melior delineatio ex *Compero* peti potuisset; Quod lieni duplicem tunicam & cellulas adscripserit, qualis tamen texturae ratio in homine non reperiatur, & jam à *Ruyfchio* satis refutata sit. Reprehenditur quoque in eo, quod impossibile esse putet, *per unum eundemque ductum cysticum bilem in cystidem felleam influere & rursus effluere inde posse*: Cum tamen nullum adsit obstaculum, nec repugnet analogia in vesiculis seminalibus, ubi per unum eundemque ductum semen in has vesiculas



influit, & excretionis tempore rursus effluit; Quod insuper *ductum cysticum* delineaverit *rectum*, qui juxta demonstrationes *Ruyfchianas* potius *serpentino ductu* inflectatur; Quod neglexerit indicare, sphincterem adesse in vesicula fellea, cum tamen flatus immissus ab ea ita coërceatur, sicut in vesica urinaria, ne sponte erumpat; Quod male omiserit, ureterum structuram tribus ex membranis compositam esse, & quod capsulas atrabilarias inter renes, venam cavam & aörtam sitas esse perverse & indicaverit & delineaverit, cum tamen *Eustachius* dudum observaverit ac delineaverit, ipsi renum superiori & inferiori parti easdem incumbere.

#### §. DLXXXIX.

Praeter haec multa alia allegat *Heisterus*, in quibus majorem in *Verheyeno* dexteritatem & industriam merito desiderat. Talia sunt: Quod prostatas duo corpora globosa perhibuerit, cum unicum tantum sint; Quod *substantiam urethrae cavernosam* circa glandem penis quasi obliterari asseveraverit, cum tamen ibi magis expandatur, & ut *Ruyfchius* demonstravit, totam fere glandem constituat; Quod glandem penis, quasi ex duobus corporibus spongiosis componeretur, male descripserit, eo non obstante, quod *Ruyfchius* & *Littrius* accuratiores dederint descriptiones; Quod duo tantum musculorum penis & urethrae paria numeraverit *Verheyenus*, cum tria dudum nota atque descripta fuerint; Quibus *Littrius* quartum *azygon*, *rectum* appellatum, addiderit, qui nempe musculus ab ano oriatur & bulbi urethrae parti posteriori inferatur; Quod arterias cordis coronarias sub valvulis aörtae semilunaribus oriri tradiderit, quae tamen supra eas oriantur; Quod *glandulam thyroideam* ab utraque arteriae asperae parte dependere, & haud inepte duas dici perhibuerit *Verheyenus*, cum



cum tamen *Morgagnius*, eam male pro duabus à multis haberi, recte monuerit, quae quippe & unica sit & crescentis lunae figuram obtineat, cujus cornua fursum, non deorsum, ut *Verheyeno* placuit, spectent. Quod *arteriae bronchialis ejusque distributionis* inventorem, *Ruyschium* siluerit, cujus tamen verbis eandem describat, haud obscuro testimonio, quod ex illius scriptis perspicuam ejus descriptionem mutuatus fuerit; Quod *glandularum bronchialium* neminem ante se mentionem fecisse existimaverit *Verheyenus*, cum tamen *Bartholinus* eas descripserit, & primam inventionem *Borrichio* tribuerit, imo ab *Hornio* eas jam demonstratas esse, *Schraderus* affirmaverit; Quod *vasorum oesophagi* enarrationem ac delineationem male quoque omiserit; Quod, *sinus durae matris cum venis externis cranii* variis in locis *communicare*, nullibi indicaverit; Quod locum in cranio, quem *torcular Herophili* vocant, nullibi monstraverit; Quod par quintum nervorum in duos tantum ramos in cranio dividi dixerit, quod tamen tres magnos in ramos dividitur; Quod à pari sexto nervos ad linguam abire scripserit, quod tamen experientiae non respondeat, cum praeter fibrillam, quam hoc par glandulae pituitariae communicat, omne, quod à constitutione nervi intercostalis reliquum est, ad musculum oculi abducentem abeat. Quod de pari nervorum decimo haud perspicue fuerit locutus, dicendo, illud infra primam vertebrae colli egredi; Quo proinde intuitu, judice *Heistero*, cum ab initio spinalis medullae oriatur, rectius colli quam cerebri nervis annumeraretur, & sic rectius novem tantum cerebri nervorum paria statuerentur; Quod substantiam cerebri corticalem glandulosam esse, aliorum fide suffultus, adseruerit, quae tamen nullibi reperiatur; Quod *glandulae pituitariae* descriptionem, uti & *medullae spinalis tegumenta exteriora* ponitus omiserit; Quod musculum subcutaneum,



neum, quem *Galenus* platysma myodes appellat, à *panniculo carnoso* difficulter avelli dixerit, cum tamen nullus talis in homine detur; Quod etiam *buccinatorem*, *digastricum* aliosque labiorum musculos male descripserit; Quod *musculum* orbicularem palpebrarum pro duobus venditaverit, cum revera unus tantum circularis observetur. Quod de fibris muscularibus uveae, quae pupillam dilatant & constringunt, aut nihil aut male dixerit; Quod, tunicam corneam supra reliquum oculi globum eminere, non commemoraverit; Quod tunica humoris crystallini ipsi dubia videatur, quae tamen facillime demonstrari queat; Quod nervos oculi pessime & prorsus erronee descripserit; Quod etiam structuram auris adcurate non tradiderit, quia *Duverneum*, *Schellhammerum* & *Valsalvam* non videtur consuluisse; Quod glandulas sebaceas *Valsalvae* non indicaverit, nec reticulum ab hoc descriptum, cui dictae glandulae inhaerent, commemoraverit, Quod membranae tympani convexitatem & duplicaturam non descripserit; Quod membranae in foetu tympanum tegentis *Ruysschii* & chordae tympani nullam fecerit mentionem; Quod musculos mallei & stapedis non delineaverit, & ductum sive tubam *Eustachii* appellaverit aquaeductum, cum tamen aquaeductus *Fallopianus* longe alius sit ductus, ut *Schellhammerus* & postea *Valsalva* jam dudum demonstrarunt; Quod *cochleam* & *labyrinthum* male descripserit, & de vestibulo, lamina spirali, scalis cochleae, Zonis sonoris, portionis durae nervi auditorii distributione & nervis vertebralibus ad aurem abeuntibus nihil locutus fuerit. Unde *Heisterus* infert, *Verheyenum* internam auris structuram non satis intellexisse; Quod linguae sex paria musculorum attribuerit, quorum meliorem descriptionem ex *Compero* petere potuisset; Quod nec papillas linguae accurate descripserit, nec vasorum sanguiferorum nervorumque linguae



linguae ibi, ubi decebat, mentionem fecerit, nec de frenulo, nec de gingivis aut unguibus vel verbum protulerit; Quod ductum *Wartboni* salivalem definere perhibuerit in interiora oris, prope dentes posteriores, cum tamen prope dentes anteriores incisores, juxta frenulum linguae in os hiet; Unde suspicatur *Heisterus*, hunc ductum *Verheyenum* nunquam cognovisse; Quod ductum glandularum sublingualium male descripserit, nullamque neque *Rivini*, neque *Bartholini* tanquam inventorum horum ductuum mentionem fecerit; Quod musculorum uvulae duo tantum paria eaque male & sine nominibus descripserit. Multas alias, quas adhuc in ossibus, musculis, arteriis, venis & nervis notare potuisset five omisiones five hallucinationes, *Heisterus* silentio praetermittit, plures forte, occasione data, errores in *anatomia Verheyana* occurrentes notaturus.

### §. DXC.

Ex quibus tamen omnibus nemini integrum esto, colligere, quasi *Heisterus* in errores & defectus *Verheyeni* ideo animadverterit, ut eum publico prostitueret, vel honori atque existimationi eximii viri aliquid detractum vellet; Ipse enim lubens agnoscit, multa bona *Verheyenum* praestitisse atque de re anatomica eximie meritum esse: Verum potius, ut novum rerum in anatome cognitarum indicem publico exhiberet, ne in cognitis diutius, quam par erat, sese detinerent, in incognitis vero tanto melius progrederentur.

### §. DXCI.

*Franciscum Zypaeum*, in alma *Universitate Lovaniensi* medicinae L. & anatomiae tam sine quam cum sanguinis effusione, ad normam *magni Bilsi*, professorem, retulimus equidem



suo loco, inter scriptores nempe, qui hanc artis partem *Institutiones medicas* illustrarunt; Id quod tamen non impedit, quo minus ejusdem hic quoque mentionem faciamus, qui quippe fundamenta totius medicinae *anatomiae* superstruxisse videri voluit. Hac vice id solummodo nostros in usus convertimus, quod, ramos quosdam lactiferos ex ductu thoracico ad mammas tendere, autopsia confirmare contendat. Expositurus enim naturam & productionem lactis, concedit quidem, materiam illius seu chylum per arterias ad mammas adduci posse, ductui tamen thoracico hincque ad mammas derivatis furculis idem munus referendum esse, per autopsiam evincere fatagit, qua in caniculis lactantibus ramos lacteos ex cisterna lumbari ac ductu thoracico ad mammas distribui, aliquando advertit, illo scil. modo, quem pro invisibilibus alias lacteorum & lymphaticorum ramulis pervestigandis sibi peculiarem, ex admirandis M. *Bilsi* secretis, in sola *Lovaniensi Universitate* asservatis, & a ferrenissimo *Parmarum* Principe, Flandriae atque Brabantiae tunc temporis Gubernatore sibi concessis, possideat. At vero, licet nulli quidem experientiam suam dubiam reddere allu- bescat, novimus tamen, in eadem quoque sententia fuisse quondam *Bartholinum*, qui tamen, re penitus explorata, suam deinde sententiam mutavit atque publice revocavit.

## §. DXCII.

*Stephanus Blontardus*, uti in plerisque reliquis suis scriptis egregium egit compilatorem, eoque ipso (in linguam praecipue vernaculam omnia vertendo) rei medicae sum- mopere nocuit, pessimis quibusvis ardelionibus ad abusum artis nobilissimae viam sternendo; Ita in anatomia sua *reforma- mata* seu concinna (inconcinnam ac *deformatam* rectius dixe- ris) corporis humani dissectione, ejusmodi plagii vix excusandi reum



reum sese fecit; Adeo ut, si sua quisque repeteret, parum vel nihil remansurum, jure metuendum foret. Graviter ea de re conquestus est *Verbeyen*, qui sexaginta & novem figurarum jacturam fecit, semel tantum facta ipsius nominis mentione. Alias ex *Willisio*, *D. Bourdone*, plurimisque aliis mutuatas, in opus suum promiscue transtulit, & pro suis venditavit, tantopere adhuc mutilatas & inversas, ut, si egregii illi viri adhuc viverent, nunquam pro suis amplius agnitori forent: Ut adeo rectius *deformatam* quam *reformatam* ejus anatomiam adpellare liceret. Ut vero multa paucis verbis includam, quid de anatomia *Blancardiana* sentiendum, adpono judicium *D. Verbeyenii*, quod in animadversionibus ad anatomiam *Blancardianam* sic legitur: Nempe & *textum* & *figuras*, omnia ex aliis auctoribus desumpta esse; *Blancardum* bona a malis, veraque a falsis discernere non potuisse; Omnia sine discrimine ac sine delectu in libros suos transtulisse.

## §. DXCIII.

Notandum tamen est, in altera nova editione, quae anno 1695. Lugduni Batavorum prodiit, non modo quoad textum, sed & potissimum quoad figuras multa emendasse, haud pauca recens inventa novasque tabulas *Blancardum* nostrum addidisse. Accesserunt quoque duo integra capita, alterum de glandulis conglobatis & conglomeratis vasisque lymphaticis ex *Nuckio*, alterum vero de glandularum conglobatarum structura ex *Malpighio*, una cum appendice, *Harderi* glandulam lacrymalem novam atque oculi anatomen ex epistola *Guenelloni* comprehendente. Majorem vero laudem meretur ejusdam anatomia practica rationalis, quae est variorum cadaverum morbis denatorum, inspectio anatomica; Hujus enim utilitatem in genere Jatrophilis jam superius commendavimus.



## §. DXCIV.

*Johannes Munnicks, Diemberbroeckii* in professione anatomica successor in *Academia Ultrajectina*, ad contexendum opusculum suum *de re anatomica*, omnes, sicuti ipsemet in praefatione testatur, quotquot existant, commentarios anatomorum evolvit, consuluit atque inter sese comparavit, ut, quod utile & veritati consentaneum videbatur, inde decerperet atque colligeret. Tantam tamen artis hujus scriptoribus fidem non adhibuit, quantam fidelibus oculis, cum longe melius *avroscia* comparetur anatome, quam longa lectione ac profunda meditatione. Quidquid itaque solidi habet anatomia recentiorum, in hoc libro tanquam in compendio comprehensum deprehendetur, ut eodem modo, sicuti microcosmus *Johannis van Horne*, professoribus artis pro norma anatomiam docendi inservire queat.

## §. DXCV.

Haud vulgarem quoque tum *secando* tum *operando* peritiam atque dexteritatem sibi comparaverat *Johannes Jacobus Rau*, professor anatomiae ac chirurgiae, cum viveret, in *Academia Lugduna-Batava*. Ante complures jam annos controversiam habuit cum *Friderico Ruyschio*, anatomico *Amstelodamensium* longe celeberrimo, inventores septi scroti concernentem. Scripserat nempe *D. Rau* epistolam ad *D. Ruyschium* de inventoribus septi scroti, quam hic censoria notavit virgula, monendo, quod privati in ea sermones divulgentur, atque authores tantum nominentur, de septo scroti verba facientes, nequaquam vero, quod in quaestionem venit, clare demonstretur, utrum nempe cognoverint atque descripserint citati auctores, exstare septum illud, utrum vero cognoverint & descripserint *veram septi illius constitutionem*, & metho-



methodum eam constitutionem accurate demonstrandi atque delineandi? Cui *Ruyschianae apologiae* novam *Noster* responsionem opposuit, in qua ulterius monuit, homini non unum, sed duo esse scrota, cuti involuta, i. e. carnosam scroti membranam, communem hactenus falso vocatam, ab utroque latere penis in duos sacculos sphaeroideos circa binos testiculos comprehensos expandi, expansorumque parietes contingentes facili negotio à se invicem divelli, ubi ea cutis portio separata fuerit, quae illorum conjunctionis rimam obte- gendo suturam vulgo dictam constituit. Quae omnia figuris eximie illustrat, in quarum secunda scrotum humanum pubescentis mediocriter inflatum & ligatum exhibetur, in tertia duo fere sphaeroidei, ex membrana carnosâ formati sacculi ab invicem separati & leviter inflati, in quarta vero testiculus sinister in suo adhuc processu peritonei, vaginali dicto haerens repraesentatur.

#### §. DXCVI.

*Godofredus Bidloo*, professor chirurgiae & anatomes in academia Lugdunensi non cessavit, quoad viveret, spartam suam pro virili exornare, edito pretioso opere anatomico in folio maximo regali, cui titulus: Anatomia corporis humani, centum & quinque tabulis per artificiosissimum *G. de Laire* ad vivum delineatis, demonstrata, veterumque ac recentiorum inventis explicata, plurimisque hactenus non detectis illustrata. Negandum tamen non est, nonnullas figuras plus speciei & splendoris, quam veritatis habere. Sufficiat hac vice solum & unicum adduxisse exemplum de membrana urinaria in foetu humano, quam omnes negant, ipse vero delineat. Rogatus autem à *D. Verbeyen*, ut illam aliis professoribus demonstraret, vel methodum saltem doceret eam



inveniendi, subterfugiis usus est fidemque datam non libera-  
vit, eoque ipso haud obscurum praebuit testimonium, frustra  
illam in humano foetu adsertam & analogice tantum à bru-  
tis ad homines translata. Nuper tamen scrupulum ad-  
sertis iniecit DD. *Laurentius Heisterus*, Professor olim *Altorffinus*,  
nunc *Helmstädiensis*, qui licet in secunda compendii sui *anatomici*  
editione pag. 87. adseruisset, *allantoidem* seu *farciminalem* in non-  
nullis quidem bestiis praesertim vaccis, pulchre reperiri, in  
homine eandem constanter desiderari: Suam tamen haud  
ita pridem sententiam solemni ter revocavit ac publice pro-  
fessus est, se in brutis aequae ac humanis foemellis dictam al-  
lantoidem reipsa ita constitutam reperisse, sicuti ab *Aquapen-*  
*dente* in tractatu de foetu formato, & à *Needhamo* in *observationi-*  
*bus anatomicis* exhibetur, sicuti pluribus circumstantiis inferi-  
us enarrabimus.

### §. DXCVII.

Caeterum multa quidem ille anatomicis pridem cogni-  
ta descripsit atque delineari iussit: Non pauca tamen etiam  
vel emendavit, v. g. circa figuras cerebri, pulmonum, arte-  
riarum, hepatis, renum &c. vel de novo addidit, v. g. de in-  
teriore bronchiorum facie, mediante stanno igne soluto ac  
fistulae immisso concinne investigata nec non succiferis chor-  
dae umbilicalis tubulis &c. De tunica vero *arachnoidea* ce-  
rebri, duram inter ac piam meningem media, quam Domini  
Collectores *actorum Lipsiensium* eidem tanquam inventori  
haud obscure vindicant, secus nos sentimus, ex epistola pro-  
blematica nona *Friderici Ruyschii* clarius lectorem convicturi.  
Multa denique suis in schematibus, per opticum subinde  
instrumentum adornatis, aliter delineavit, qualia sunt, glan-  
dulosa ac tubulosa cerebri substantia, plexus choroidei,  
involu-



involucrorum linguae, mammarum glandularumque hepatis structura &c.

§. DXCVIII.

Universum opus in sex partes distributum est, in quarum *prima* praeter denudatum utriusque sexus corpus, caput cum collo adjuncto spinalique medulla nihil exhibetur. In *secunda* sistitur pectus atque dorsum cum lumbis; In *tertia* abdomen, in *quarta* uterus ingravidatus cum foetu ejusque adnexis, in *quinta* artus partesque illis continuae; Ac denique in *sexta* atque *postrema* universa osteologia sistitur. Et quanquam omnia figuris apte atque concinne illustrentur, textus tamen alius non reperitur, quam qui figuris tantum explicandis inservire potest.

§. DXCIX.

Reliqua *Bidloi* scripta sub titulo operum anatomico-chirurgicorum An. 1715. Lugduni Batavorum in 4to prodierunt. Pertinent huc decades duae exercitationum anatomica-chirurgicarum, quas inter nulla argumenti anatomici est praeter *primam & decimam decadis primae*, quae de nervis agunt. Quod sane argumentum cum is non more proletario, sed accurate pertractaverit; Operae mihi pretium visum est, exactius recensere.

§. DC.

Ingenue ante omnia confitetur, se, quicquid de spiritibus animalibus eorumque per nervos fluxu verborum magis ornatu atque pigmentis, quam ipsius rei veritate hucusque disseruerunt medentes, post omnem exantlatam diligentiam exercitataque experimenta, totius hujus negotii signa, vestigia reliquiasque detegere certas indubitatasque nunquam valuisse. Optime profecto! Verum quis aequo animo feret  
unius



unius viri dissensum in conjurato tantum non omnium (uno vel altero excepto) consensu? Quis factum tale aliter, quam inauditam interpretabitur audaciam? *Experto crede Ruperto?* Verum non agit noster ratiunculis; Sed fidis & undique satis exploratis experimentis, quae sunt: *Primo*; Quod ligatis vinculo tenaciore saepius majoribus, viventi cani, femoris nunc inguina nunc genua versus, nervis, eorum intumescantiam nec supra nec infra ligaturas observaverit unquam; Arteriolarum vero, membranas nervorum perreptantium, vinculum versus superius, cernere ipsi semper contigerit; *Secundo*, quod soluto, post unam alteramque horam, vinculo, nervum vasaque sanguifera in pristinum statum officiumque restituta repererit. *Tertio*; Quod nervis dissectis & abscisis, neutra de extremitate succus, huic organo quasi proprius, non solum non manaverit, sed & nulla vi exprimi potuerit. *Quarto*; Quod nervi, juxta eorum longitudinem, latitudinem vel transversim laesi, ne tantillum quidem liquoris, quantum ut vel scalpellus chartave bibula, mollissima, coerulea eo commacularetur, effuderint. *Quinto*; Quod nervus acu vulneratus pertususque candefcente, quae ei inhaeret, crusta, eschara mox abrafa, nullum liquidi signum, vestigium vel scaturiginem reliquerit. Ubi ergo manserunt spiritus animales? Quorsum sese recepit liquidum nerveum, quod in illorum locum hodie substituunt speculatores mechanici? Excesfit, evasit, erupit. Nempe naeniae sunt, nugae otiosae, quibus tempus pretiosum perditur, philiatrorum animi corrumpuntur & supervacuis speculationibus onerantur.

#### §. DCI.

Verum in hisce solis non acquievit *Noster*, sed alia argumentorum pondera addidit: Ligatum nempe, in cane vivente,



vivente duplici vinculo superneque, loco, quo laterales non conspiciebantur, rami, abscissumque hosce extra limites nervum, mox antliae subjecit pnevmaticae; Verum aëre evacuato neque intumuit, neque ab mensura variavit priore; Nisi forte, quod staminibus nerveis inhaereret, involucrum, aliquantulum aliquando (non semper) uno loco dilatatum videretur. Postremo, ipsos madore conspersos nervos nunc parum, nunc maxime exsiccatos, tubis vitrisque subjecit opticis, nunquam autem eorum tubulos, cavitates, interstitia detegere potis fuit. Nervi enim tendinesque rite exsiccati, ne tubulorum quidem vestigium, sed corpus, ratione artis exsiccandi, plus minusve reliquunt opacum vel diaphanum. Hinc infert: Se, quicquid etiam egerit quantumque sudaverit, ad deprehendendos sic dictos spiritus animales, nunquam tamen vel actu fluendo, vel saltem stillitando in aut extra nervos, conspicere potuisse.

## §. DCII.

Repugnat ipsa quoque nervorum substantia, quae, ut à *Nostro* describitur, non aliter perlustrandam sese exhibet, quam indefinitorum, tensilium, pellucidorum, fibroforum, per universum corpus distributorum filamentorum forma, quorum latera sine interstitiis, sola contiguitate uniantur, membrana obvelentur & in fasciculos distinguuntur. Quod si vas aliquod lymphaticum alicubi comitetur nervum, illud nunquam intra, sed semper extra, circa & ad involucrorum superficiem ambitumque, nunquam in nervea substantia nervorumque intra fasciculos reperietur; Imo addit *Noster*, se in nervorum staminibus interve eorum latera valvulam invenisse nullam. Ex quibus proinde omnibus tandem colligit, spirituum animalium demonstrationem impossibilem eorumque fluxum in musculos ad eorum actum non esse necessarium.



## §. DCIII.

Idem argumentum de nervis, quo evincitur: **NON DARI SPIRITUS ANIMALES**: Idem, inquam, tractavit *Auctor* noster *exercitatione decima* ejusdem *primae decadis*, quae nihil aliud continet, quam fidam enarrationem discursus, quem habuit in theatro anatomico publico, occasione sectionis in cadavere viri, laqueo enecti, peractae. Tria hic supponit, in praecedenti exercitatione jam demonstrata: *Primum* est: Nervum non esse tubulum, proindeque valvulis carere. *Secundum* est: Nervorum stamina non admittere interstitia atque ita tubulos non conficere. *Tertium* est: Nec in iis (interstitiis) inveniri liquidum, vaporem vivificantem vel spiritum animale.

## §. DCIV.

Quibus ita praesuppositis, aliam nunc argumentorum phalangem, contra spirituum animalium existentiam, instruit. Inter pudendas primum fabulas de cerebro refert, quosdam vana credulitate & simplicitate aut sibi aut aliis persuasisse, homines quandoque & bruta nasci, quin imo vivere, **SINE CEREBRO**. Quaerit itaque non immerito: Unde promanabunt, quo loco erunt reperiendi tali in corpore famosissimi illi spiritus animales? Quo modo agent, deficiente spirituum animalium scaturigine, isto in corpore, nervi? Quo medio isti animali constabit visus, auditus? &c. quorum quippe organorum nervi de cerebro ortum ducere dicuntur, imo & moveri istis in animalibus nervos, perinde ac in aliis cerebro gaudentibus, & hosce fieri actus. Demonstravit deinde, nervum esse stamen, non tubulum, neque in se liquidi, quocunque demum nomine venire posset, plus habere quam caeteras partes flexiles: Quapropter statuit, nervos non moveri



moveri ab aliquo liquido, intra nervorum cavitatem agente, atque ita spirituum animalium historiam esse fictitiam. Interim, ne quid in re tam fontica desiderari jure posset, & simul ac semel cesset objectio, alioquin explicari non posse, *quomodo nervus suo possit fungi munere, moveri ac movere alias partes, spiritibus animalibus negatis*: Hinc fecit adhuc periculum in sequentibus hujus exercitationis articulis, anne sine spirituum animalium hypothesei universum actuum animalium systema aequae bene explicari posset? Quod quam bene quamve feliciter *Auctori nostro* cesserit, tu, benevole Lector, ipsemet lege ac aequa judicii lance perpende.

## §. DCV.

Caeterum videri possent huc quoque pertinere *quatuor dissertationes anatomica-physiologicae*, quas quondam in *Academia Lugduna Batava* ex cathedra publica discutiendas *Bidlous* exhibuit; Verum, cum iis sedulo perlectis nihil occurrerit, quod scopum anatomicum proxime feriat: Non dabitur mihi probro, si dictas dissertationes silentio praetermittam.

## §. DCVI.

Neque propius scopum nostrum ferire poterunt observationes physica-anatomicae de oculis & visu variorum animalium, cum physicos quidem delectari, anatomicis parum prodesse queant.

## §. DCVII.

Sed vindiciae quarundam delineationum anatomica-rum contra animadversiones *Friderici Ruyschii* silentio non sunt praetereundae, ex quibus quippe initia & progressus controversiae, quae *Bidloo* cum *Ruyschio* intercescit, clare perspicui possunt: Quamquam aemulationem ex communi studio



ortam non parum eandem fovisse, extra omne quoque dubium versetur.

### §. DCVIII.

Denique *Guilielmum Comperum* plagii accusavit *Noster*, eumque in finem edidit *Guilielmum Comperum* criminis literarii citatum coram tribunali Societatis Anglicanae, Lugduni A. 1700. qua ipsum non solummodo, quod figuris suis in anatomia à se edita usus, verum etiam, quod suis explicationibus pessime immutatis fuerit abusus, inculpavit. At vero ab imputato isto crimine liberare sese conatus est *Covrperus*, edita A. 1701. eucharistia, in qua plurimas & singulares *Godefridi Bidloi* dotes, puta peritiam anatomicam, probitatem, ingenium, elegantias latinitatis, lepores, candorem, humanitatem, ingenuitatem, solertiam, verecundiam, humilitatem, urbanitatem &c. celebravit, & ejusdem citationi humillime respondit. Ironiam, vero, redolet, quicquid hoc titulo profert *Covrperus*; Hunc enim ejus animum statim produnt, quae in primis *eucharistiae* paginis ipsi exciderunt, expressionibus, uti sunt: *Litem ipsi movisse virum malevolum; Plagii crimen in proprium forsan insimulantis caput recisurum; Inter tabulas Bidloianas esse quasdam fictitias & a natura alienas, pinguis & luxuriantis cerebri progeniem; Nec minus in diripiendis alienis esse sagacem, quam in suis inveniendis felicem; Ingeniosam illi manum esse, quippe, quasi fingendi honorem aliis invideat, non pauca rara & insolita visu, qualia natura nunquam exhibuit, aut exhibebit unquam, ex aliis in suum transtulisse opus; In sterquilinio foede sese volutasse Bidloum; Amicis suis non esse fidelem eundem, sed illorum verba in alienum detorquere sensum; Scriptum Bidloianum esse infamem libellum; Taceo plures alios hujus farinae flosculos.*

### §. DCIX.

*Calci operum Bidloianorum* adnexa est dissertatio seu potius oratio



oratio de *antiquitate anatomes*, habita in auditorio magno, cum anatomicem professurus, in *alma academia Batava* inauguraretur; In qua non pauca occurrunt, lectu digna, quae tamen, prolixitatis nimiae vitandae gratia, hac vice sicco pede praetereunda esse censemus.

§. DCX.

Invenit hic suum locum dissertatio anatomica-medica *Mauritii van Reverborst*, de motu bilis circulari, quam ut candidatus medicinae in *academia Lugduna Batava* olim habuit, nunc professor anatomiae publicus Hagae-Comitis constitutus. Rescisis autem hac vice iis, quae de hepatis situ, figura, superficie, colore, connexionione cum aliis partibus, membrana investiente, vasis tam inferentibus quam efferentibus, ductibus peculiaribus excretoriis & substantia, tanquam rebus jam aliunde notis differuit, nos tantum prosequemur ea, quae de peculiaribus vasis biliferis & modo circulationis bilis nova proposuit: Quorum illud §. 30. hoc vero §. 36. praestatur.

§. DCXI.

Vasa bilifera peculiararia describit, tanquam ex fina hepatis parte oriunda, quae bilem suam duplici triplicique ductu excretorio in hanc vesiculam, membranam ejus, potissimum circa collum perforantia, deponant. Fatetur tamen, majorem horum ductuum, in interna vesicae parte, papillula quadam conspicuum esse; Simili ferme modo, uti ductus communis in intestino duodeno apparet; Quippe valvulae officio fungi existimat has protuberantias, ne semel eructata bilis eandem repetat viam, per quam erat egressa: Deinde nec id diffitetur, haec vasa cystica bilaria distinctius occurrere in brutis, potissimum subjecto bovino, quam quidem hominibus.



## §. DCXII.

Quibus praemisfis modum circulationis bilis sic describit: Bilem nempe, in intestinum duodenum delatam, succo pancreatico mixtam, reddi fluidiorem ac tenuiorem, quo intestina magis irritare, chylicationem promovere & poros vasorum venosorum subire possit, in itinere suo per intestina duas in partes abire, terrestriores scilicet atque volatiliores; *Illas* faecibus permixtas, quibus etiam colorem flavum inducant, una cum iis ab alvo deponi; *Has* vero, volatiliores & magis mobiles poros subire venarum meseraicarum, & cum sanguine venoso associatas pergere in portam, ex hac in hepar, in cujus glandulis particularum harum biliosarum fiat sequestratio; Ex glandulis vero in poros bilarios; Ab his per ductum choledochum in intestina, in quibus de novo eodem, ut ante, fungerentur officio, & particulis terrestrioribus relictis, iterum mesenterii vasa subintrare, ex quibus denuo in hepar, & ex hepate in intestinum & sic porro moveri, & in eo motum bilis circularem consistere &c.

## §. DCXIII.

Cumque facile suboluisse *Nostro*, hypotheses novas, solidò inprimis fundamento non innixas, adplausum publicum vix invenire, argumentorum aciem instruxit ad lectorem suum de veritate rei tanto efficacius convincendum, quorum primum ab amplitudine venarum meseraicarum, alterum à venarum cursu peculiari, tertium à bilis quantitate, quartum ab embryonis meconio, quintum à proportionem bilis secretae cum sanguine, sextum à diversitate pororum & septimum à defectu vasorum lacteorum in animalibus pennatis &c. desumptum est: Verum an singula haec argumenta parem probandi efficaciam habeant, apud peritos harum rerum



rerum iudicium esto; Nobis enim hac vice non lubet, hypothesis exactius examinare.

§. DCXIV.

*Antonius Nuckius* primum *Hagae Comitum* medicinam exercuit, deinde vero in *Academia Lugduna-Batava* anatomiae professor & collegii chirurgici praeles constitutus est. Primus fuit inventor *ductuum salivalium superiorum minorum*, ediditque non solum sialographiam curiosam, sed & ductuum ocularium aquosorum anatomen novam. Demonstravit itaque suo etiam exemplo abunde, naturae sacra cuius in inquirenti patere. Intra octennium ultra sexaginta & plura cadavera humana, praeter ingentem brutorum animantium numerum, disseccuit, & hac sua industria indefessa ductum salivalem novum, novaque vasa, humorem aqueum versus oculum deductentia, in aprium deduxit, ostenditque, hunc ab eo ipso detectum ductum, à *Wartbonianis*, *Stenonianis* & *Bartholinianis* vasis plane distinctum esse. Edidit etiam adenographiam curiosam & uteri foeminei anatomen novam, cum epistola ad amicum, de inventis novis. In dicta illa adenographia adcuratam glandularum conglobatarum & conglomeratarum historiam exhibuit, eas quoque adjiciens, quae à *Wartbono* omissae fuerant, uti sunt glandulae meatus auditorii, labiales, hypoglottidis, occipitales, cervicales, suprascapulares, sterni, submamillares, pulmonum, diaphragmatis &c. Valvulas ductuum lactiferorum mera anatomicorum quorundam figmenta esse demonstrat, cum quidam horum variis in locis angustati non tam valvularum ratione, quibus destituuntur, quam intuitu substantiae adiposae duriusculae, tubulos galactiferos aliquando nimium comprimantis, liquori injecto resistent. Quamlibet glandulam conglobatam quatuor gaudere



gaudere distinctis vasis ostendit, nempe arteriola, venula, nervulo & ductu lymphatico. Ostendit porro, vasa lymphatica à glandulis originem suam non habere, verum potius articularum continuitatem esse, id quod ex eo comprobatur, quod flatus in arteriam v. g. emulgentem immixtus, vasa lymphatica in conspectum producat. In epistola quadam anatomica de variis ductibus lymphaticis differit, qui in variis externis capitis partibus, cervice, tunica pulmonum, spatii intercostalibus, lumbis, diaphragmate, corde, liene, hepate, vesica fellea, ventriculo, mesenterio, testiculis, manibus, pedibus, cerebro, ipsa pineali glandula ne quidem excepta, reperiuntur: Unde non dubitat eidem glandulae epitaphium addere, tanquam quae prae reliquis corporis glandulis nullam mereatur praerogativam.

#### §. DCXV.

*Johannes Bobnius*, decus quondam *Academiae Lipsiensis* eximium, qui per plurimorum annorum decursum professionem publicam anatomiae atque chirurgiae ibidem summa cum laude exornavit, quemque ante aliquot annos fata orbi medico eripuerunt, praeter alia multa erudita scripta edidit non solum *circulum anatomico-physiologicum*, verum etiam *observationes* quasdam *anatomicas*, structuram vasorum biliariorum & motum bilis spectantes, quae in *Actis Eruditorum Lipsiensibus* mens. Januar. A. MDCLXXXII. & LXXXIII. summam exhibentur & huc potissimum redeunt: Observaverat nempe *Bobnius*, cervicem folliculi fellei notabiles propagines praeter illam, cujus *Glissonius*, *collegium Amstelodamense* & *Blasius* mentionem fecerant, ad substantiam hepatis spargere, vel rectius loquendo, inde recipere, imò quasdam harum cum ductu epatico communicare: Hinc, ut tanto magis confir-



confirmaretur, res istas ita reipsa, ut observaverat, sese habere, sequentia instituit experimenta: *Primo* in epate bubulo flatum, per ductum cysticum ad turgescientiam usque vesiculae immissum & cavam epatis partem diversis tractibus transeuntem, per porum epaticum in subjectis sanis redire, aliquoties observavit. *Secundo* ex hepatis vitulini cysti fellea omnem emulsi bilem, hujus ductum ligavit, ubi poro epatico inosculatur, ut per illius orificium nihil liquoris vesiculam subintrare posse, certus esset: Hinc epatico ope siphonis aquam tepidam immisit, ejus tandem aliqua portio ad folliculum flaccidum divertebatur, hunc notabiliter distendebat, ac per vulnus ipsi inflictum effluebat. *Tertio* aperto hominis, canis & bovis ductu cystico, illa in parte, qua is epati continuus est, plura deprehendit foramina (ab *Amstelodamensibus* & *Blasio* in bove saltem notata) tanquam totidem vasorum biliariorum oscula; Ita quidem, ut hujus generis aliquando in cane tria, in humano cadavere quinque, in epate bovino plura &c. comparuerint. Tractus eorum modo longiores modo breviores, oblique satis meatus cystici tunicas ut plurimum penetrant, in cane & homine stylum equidem admittentes, hincque vasorum peculiarium emanationem aut insertionem promittentes: Quorum tamen ulteriorem progressum, propter exilitatem molestissimam nec de tegere haecenus nec investigare ipsi licuit. Ast in subjecto quodam bubulo, quod commodioris magnitudinis causa eligebat, praeter reliquos folliculi canalibus meatus, ad epatis interiora decurrentes, duo patentiora orificiorum vasa, ex lateribus illius oppositis prodeuntia, epatisque substantiae saltem leviter immersa, ad sinum ductus epatici sic tendebant, ut flatui & stylo, à cervice folliculi usque ad porum epaticum, aditum liberrimum concederent. Ex hisce vero experimentis



concludit *Bohnius*, pro officina & motu bilis, satis alias ambiguè determinandis, ab epate omnem forsan bilem, folliculo fellis non tantum per canales superius recensitos, sed epaticum quoque porum, infundi: Id quod sequens insuper observatio confirmat: Canis scil. vivi, praesentibus pluribus spectatoribus, vesiculam usque ad cervicem dilaceravit, tentaturus, an aliquid bilis per hanc versus fundum laceratum deflueret? Respondit expectationi eventus, i. e. non tantum bilis, quasi turgescencia quadam, ex angustiore ductu cystico per latiore cervicem copiosissime eructabatur, sed idem cysticus, post injectum ipsi vinculum notabiliter sic intumescibat, ut nihil aut saltem parum bilis per dictam cervicem amplius promanaret. Quae omnia dum sua in anatomia *Verheyenus* profundo premit silentio, occasionem praebet suspicandi lectori, quasi nempe, quae de ductibus hepaticocysticis differuit, pro suis inventis venditare voluerit: Nisi forte inde excusari mereatur, quod plura alia inventa anatomica, quae in *actis Lipsiensibus* recensentur, anatomiae suae inferere neglexerit.

#### §. DCXVI.

Ab eo tempore plura huc facientia adnotavit, quae in *actis Lipsiensibus* mens. Mart. A. MDCLXXXIII. hisce circumstantiis recensentur: Aperto vivi canis abdomine ex vesicula biliaria omnem huius humorem expressit, ductum cysticum ligavit, expectaturus, an nihilominus, si subjectum aliquamdiu superstes foret, aliquid bilis, non obstante hoc vinculo, denegatoque folliculo fellis cum poro epatico commercio, in illo colligeretur; Proin confuto denuo abdomine animal per 24. horas vivum conservavit vivumque resecurit. Et per ductum equidem communem choledochum bilis ad intestinum confluere



confluere videbatur, praeter modum tamen infimul tumente extremitate canalıs cystici filo intercepta, nihil autem fellis, sed loco hujus tantillum sanguinis congrumati & sapore amaricante, sine dubio à bilis expressae reliquiis, tincti deprehendebat. Quo experimento in eo confirmatus fuit, in homine cane, similibusque animalibus, quibus pori epatici & cystici adaequata contingit communicatio, notabilem bilis quantitatem, ab epatico ad cystin per hujus meatum, secedere, adeoque ex hac bilem ad intestinum non continuo, sed interpolato motu ferri.

### §. DCXVII.

Nec ab officio suo alienum putavit, aliorum quoque celebrium virorum scripta in meliorem ordinem redigere, sicque aliorum utilitatibus apta magis reddere: Proinde *Hieronymi Fabricii ab Aquapendente* opera omnia anatomico-physiologica, quae variis hactenus locis ac formis prodierant, certo ordine digessit, & in unum volumen redacta cum indice rerum atque verborum locupletissimo & praefatione sua edidit. Similiter *Laurentii Bellini* opuscula de urinis & pulsibus, de M. S. de febribus, de morbis capitis &c. evulgavit, illisque praefationem & indicem praemisit.

### §. DCXVIII.

Ejusdem in *Academia Lipsiensi* collega, D. *Johannes Wilhelms Pauli*, anat. & chirurg. P. P. annotationibus, recentiorum in anatomicis ac chirurgicis industriam patefacientibus, adauxit opuscula anatomico-chirurgica *Johannis van Horne*, sicuti jam superius à nobis animadversum est. Quem eundem quoque auctorem D. *Johannes Mauritius Hoffmannus* in *academia Norica* sibi declarandum sumpsit, inque dissertationibus



suis anatomico-physiologicis librum, mole quidem parvum, sed rerum tractatarum amplitudine magnum, notis suis illustravit: Noster vero *Lipsiensis commentator*, non solum *Lipsiensem editionem* cum *Lugdunensi* diligenter contulit, mendas & allegata correxit, & reliqua auctoris addenda undique conquisivit, sed & novis observatis locupletavit, quorum aliqua tantum speciminis loco allegabimus. In respiratione magna, ubi costae cum sterno elevandae ac deprimendae sunt, centum musculorum, tam *communium* quam *propriorum* concurrere adseruit, cum ad respirationem parvam vel duo diaphragmatis muscoli sufficere queant. Nam praeter duos diaphragmatis, costae utrinque a 27. *propriis*, nempe subclavio, ii. intercostalibus externis, ii. levatoribus costarum, serrato antico minori, serrato antico majori, serrato postico superiori ac cervicali descendente *Diemerbroeckii*, & tribus communibus, pectorali, scaleno, & levatore scapulae attolluntur, cum costae e diverso utrinque a 14. *propriis*, videlicet ii. intercostalibus internis, triangulari, sacrolumbo & serrato postico inferiori & 5. communibus, musculis sc. abdominis soleant deprimi. Per orificium, quod in duodeno cum choledocho ductus pancreaticus commune habet, flatu in hunc immisso, simul minus osculum canalis minoris detexit, priori fere oppositum, nisi quod paulo superius esset. Reliqua noviter observata in praefatione uberiore, ipsi opusculo praemissa videre licet. Caeterum silentio non est praetereundum, huic editioni opusculorum *Hornianorum* adjectam esse *Thomae Bartholini* historiam anatomicam anevrismiatis dissecti, uti & *Hornii* ipsius epistolam ejusdem argumenti.

#### §. DCXIX.

*Daniel le Clerc* & *Johannes Jacobus Mangetus*, duo celebres medici *Genevenses*, ipsimet quidem scripta anatomica non  
edide-



ediderunt, interea tamen eo potissimum nomine rempublicam medicam ac praecipue anatomicos maximopere devinctos sibi reddiderunt, quod non sine operosis laboribus pleraque anatomicorum scripta in unum congefferint, & integram bibliothecam anatomicam concinnaverint, h. e. thesaurum locupletissimum plerorumque in anatomia recens inventorum, in quo integra eaque absolutissima totius C. H. descriptio ejusdemq; oeconomia ex praestantissimorum quorundam anatomicorum tractatibus singularibus, tam hucusque editis, quam ineditis, exhibetur; Quibus adjecta est omnium partium administratio anatomica, cum variis earundem praeparationibus curiosissimis.

## §. DCXX.

Cum vero ab eo tempore, quo bibliotheca anatomica duobus spissis voluminibus in folio edita fuit, res anatomica non parva cepisset incrementa, consilium iniit *Johannes Jacobus Mangetus*, novum *theatrum anatomicum* splendida forma publico sistendi, in eoque plurimorum recentiorum anatomicorum scripta ac nova inventa, quae *Ruyschii*, *Bidloi*, *Cowperi*, *Chiraci*, *Fantoni*, *Verheyenii*, *Baglivi*, *Pachioni*, *Valsalvae*, *Morgagni*, *Bianchi*, *Terranei*, *Littrei*, *Vercelloni*, *Brunneri*, *Mery*, *Reverborstii*, *Hovii* pluriumque aliorum industriae jure debentur, recensita unoque in corpore collecta exhibendi. Sicuti vero *bibliotheca anatomica* non sine applausu est excepta; Ita non poterat quoque nisi gratisimum primo intuitu esse novum hoc theatrum. Uti autem nihil omni ex parte beatum & perfectum est: Ita libere fatetur *Heisterus*, se in splendido isto *Mangeti* theatro multa nova aut singularia non reperisse, quorum in suo compendio non fecerit mentionem; Contra errores haud paucos evitasse, quos ille commiserit: Ut consilium ceperit, opus



*Mangeti* censurae suae submitlendi; Verum quia clar. *Morgagnus* ipsum praevenerat, atque errores à *Mangeto* commissos in *adversariis anatomicis secundis, tertiis, addo & quartis* satis indicaverat & emendaverat, in eo acquievit, ut seriem tantum exhiberet auctorum à *Mangeto* omissorum, uti sunt *anthropologia Drackii, Swammerdamii* figurae uteri, *Bonclari* tractatus de testibus, *Leali* liber de partibus semen conficientibus, *Bartholini* figura de ductu salivali glandulae sublingualis, *Alghisii* figurae de partibus genitalibus, *Novesii* figura curiosa de nervi auditorii distributione, *Palsini* elegantes ossium delineationes in osteologia, *Cheseldeni* variae novae & curiosae figurae, & inprimis *Henningeri* curiosa ductus thoracici delineatio aliaque pulchra, quae à *Mangeto* omissa esse miratur & dolet.

### §. DCXXI.

Ipsam interea opus quod attinet, in *duos* iterum *tomos, quatuor libros* continentes, voluit illud distributum, in quorum *primo* eas pertractavit partes, quae nunc similes nunc generales vocantur, ac in toto corpore, potissimum vero extrinsecus in artubus ac trunco occurrunt, uti sunt fibrae, cuticula, cutis, panniculus adiposus & carnosus, muscoli, ossa, nervi, arteriae, venae, vasa lymphatica, glandulae, membranae & ligamenta; Inprimis vero myologiam ex *Johanne Brown & Compero*, osteologiam ex *Bidloo, Compero, Ruyschio & Kerckringio*, ac denique nevrologiam ex *Vieuassenio* figuris illustravit. Deinde in *libri secundi parte prima* post peritoneum ac *Poupartii* ligamenta rotunda validissima, hernias in inguinibus praecaventia, partes abdominis, omentum scilicet, oesophagum, ventriculum, intestina, mesenterium, lienem, hepar ejusque cystidem cum ductu biliario, glandulas item renales, renes ipsos,



iplos, ureteres & vesicam urinariam descripsit: At vero in *parte secunda* dicti libri, unde *tomum secundum* auspicatur, organa generationis, prout in utroque sexu reperiuntur, exhibuit.

### §. DCXXII.

Porro *librum tertium* thoraci destinavit, ac proinde structuram mammarum, pleurae ac mediastini, thymi ac glandularum oesophagi, pericardii ac pulmonum in eodem descripsit. Ac denique in *libro quarto* tam meninges ac cerebrum intra cranium quam extra illud oculos, aures, nasum, linguam, genas, tonsillas, uvulam ac tunicam pituitariam explicuit. Quantumcunque vero splendoris hoc theatrum *Mangeti* evibrare videatur, deprehendit tamen hinc inde celeb. *Morgagnius*, quod boni publici causa corrigeret & emandaret, sicuti pluribus suo loco enarrabimus, ubi clar. *Morgagni* adversaria anatomica, quae hucusque lucem adspexerunt, recensebimus.

### §. DCXXIII.

Quod speciatim *Clericum*, sive, ut ab aliis scribitur, *le Clerc* attinet, *osteologiam*, quam ipse *exactam & completam* vocare non erubescit, edidit.

### §. DCXXIV.

Ultimo loco prorsus silentio praeterire, nefas duco, singularem non tam inventionem, quam potius opinionem DD. *Nabothi*, olim professoris medicinae extraordinarii in *academia Lipsiensi* de *novo* quodam ovario, quod circa cervicem uteri sibi detexisse visus est, & occasione disputationis publicae, quam pro loco habuit, de *sterilitate foeminarum*, aliquot dissectarum mulierum observationibus confirmare adnissus fuit. Cum vero jam alibi, nempe dissertatione de *partu octimestri*  
vitali



*vitali & legitimo*, respondente Dn. *Stabelio*, deinde medicinae Doctore & apud Silesios practico felici ante aliquot vero annos Halis Magdeburgicis, quorsum medicinae docendae gratia sese contulerat, mortuo desideria mea libere simulque satis prolixè exposuerim, nolo hac vice actum agere.

### §. DCXXV.

Credebam autem, hypotheseos *Graeffianae* evidentiam ac certitudinem, quam plerique exercitatisimorum anatomicorum, quippe universo partium genitalium muliebrium systemati consonam atque conformem, calculo suo adprobarunt, plerosque moraturam, ne novo tali invento vel potius commento (quasi ejus farinae plura in medicina non haberemus) nulla in primis verisimilitudine, nedum certitudine sese commendante, ante omnia vera nulla solida experientia confirmato, tam facile aures praeberent: Evenit vero, quod in vulgari dicitur proverbio, nempe uno clamante graculo clamitare & alterum. Ita ergo novum istud ovarium circa cervicem uteri, si Diis placet, reperiundum, suos passim invenit admiratores, imo defensores & statores publicos, incautos tamen, & quam perspicillis in talium rerum testimonium adhibendis, fidem denegaverant, propriis crassis oculis superbe arrogantes. Abunde vero convicti sumus, quod aequè credulos medicinae studiosos non semper inveniant, quorum quippe praesertim oculatiorum & prudentiorum oculis glaucoma inducere nec possibile nec consultum videtur; Simplicioribus vero illudere, facile quidem est, sed simul admodum malitiosum.

### §. DCXXVI.

Illorum tamen aliqui, re penitus expensa, ne per precipitantiam fictionibus atque fabellis, quibus leves tantum & ignobiles



ignobiles animae capiuntur, aliquid darent, facile quidem intellexerunt, citra ingentes absurditates usum, nuperrime isti abusive sic dicto ovario adsignatum, agnosci non posse: Nempe ovula ista seu vesiculas (quas hydatides rectius dixeris) circa cervicem uteri sitas, & intra substantiam ejus maximam partem demersas, quadantenus tamen, prout majorem vel minorem maturitatem adquisivere, prominentes, liquore seminali repletas, veram generationis materiam continere, ab aura spermatis virilis impraegnari, indeque turgefactas abrumpi, in fundum uteri devolvi, tandemque cum eodem ope placentae coalescere, ac prima foetui formando rudimenta praebere; Hunc, inquam, usum istis vesiculis adscribere ausi non sunt: Interea tamen rem ipsam retinentes, & vesicularum talium, secundum naturam semper praesentim existentiam ambabus ulnis, ut ajunt, concedentes, eo ipso totius negotii participes sese reddunt.

### §. DCXXVII.

Versatur autem in eo totius rei cardo, ut *vesicularum* istarum, quas nonnullis *abusive seminales* vocare placet, *certitudo & universalis existentia*, in quibuscunque subjectis foemineis *anatomice* demonstraretur, qua demonstratione haecenus deficiente, irritum sane est, quicquid de usibus & consecrariis in physiologiam & pathologiam inde resultantibus differitur. Stabunt sane duae illae rationes in contrarium adlatae inconcussae, quamdiu *primo* per observationes saepius iteratas & experientiam magis universalem non ostenditur, vesiculas istas *semper & in omnibus* promiscue *foemellis* tam *brutis* quam *humanis* adesse, & id quidem *secundo* non in *statu extraordinario* vel *morbofo*, sed quam maxime *secundum naturam*.



## §. DCXXVIII.

Haec duo quamdiu solide non praestantur, non poterunt, qui talia serio objiciunt, accusari, frustra esse, quod veritatem rei anatomicam sollicitent, vel penitus *universalem* istarum vesicularum *existentiam* negando, vel earundem *naturalitatem*, ut sic barbare cum aliis loquar, infringendo.

## §. DCXXIX.

Indicium est malae causae valde manifestum, quod in puellis impuberibus vesiculas istas non adesse, liberaliter concedatur; Aut enim sunt partes *spermatice* (ignoscite velim, anatomicorum coryphaei, ignoscite, inquam, antiquae distinctioni, si forte in delicatioribus vestris auribus ingratum stridorem excitet) *spermatice*, inquam, quae cum formatione reliquarum partium efformantur, aut *sanguineae*, quae successu demum temporis crescunt, sicuti fungi ex gremio terrae propullulant, vel pyra aut poma in arboribus. Si vero *spermatice* sint, aderunt aequae in puellis impuberibus atque in iis, quae ad annos pubertatis jamdum pervenerunt.

## §. DCXXX.

Quando vero *experientiam* talibus in rebus magis universalem desideramus, neminem tam simplicem fore praesumimus, qui existimet, nos hic talem efflagitare experientiam, quae in *omnibus universaliter individuis* fuerit instituta; Talem enim nemo prudens postulaverit: Sed potius talem hic subinnuimus, quae in omnis aetatis, omnis temperamenti, omnisque vitae generis foemellis, imo & nullo habito discrimine, sive homines fuerint sive bruta, pluribus ac saepius iteratis vicibus adornata fuerit. Equidem, ut nullam rei violentiam adferamus, lubentes concedimus, vesiculas, cervicem  
uteri



uteri occupantes jam observasse *Graeffium*, qui tamen pro hydatidibus illas habuit, *Des-nouen*, qui pro organis seminis foeminei, similiter, ut nostri ovarii novi inventores, illas agnovit, & *Jobannem Baptistam Morgagni*, qui pro scaturigine muci uterini easdem habuit. Tantum tamen abest, ut pro existentia harum vesicularum confirmanda quidquam faciant, ut potius opinionum talium varietas universum negotium magis adhuc implicitum atque impeditum reddat. Neque anatomia publica ante aliquot annos Halis adornata, vesicularum istarum feminalium, falso ita dictarum, certitudinem atque veritatem efficacius demonstrat, quia ipsi dictae sectionis administri negare nequeunt, evidentia sensuum convicti, adfuisse hydatides, licet etiam praeter has, novum ovarium inquisituri in vesiculas, liquore spermatico repletas incidisse, & sibi & aliis persuadere laboraverint, licet observatores periti, cauti & attenti, ad quos provocatur, nihil horum detegere potuerint. Interim talibus in negotiis non raro accidere solet, quod memini aliis accidisse, cum succum pancreaticum examinaturi, saporem ejus acidum esse proclamarent, quibus mox plerique spectatorum auctoritatis praejudicio, ut fieri solet, occupati, adplaudentes viva voce adclamarunt: Utique, Utique, sapor succi pancreatici acidus est, licet certissimus sim, plerosque aut nihil aut certe alienissimum quid ab aciditate gustasse.

#### §. DCXXXI.

Quae cum ita sese habeant, & veritas anatomica, quae tamen *κρινόμενον* est totius rei, adhuc in lubrico versetur, nemo, opinor, multum sollicitus erit de usu, istis vere sic dictis hydatidibus adsignando; Quia non entis nullae sunt adfectiones, & hinc sublato fundamento, totum aedificium



physiologicum atque pathologicum, isti superstructum, sua sponte corruat, necesse est. Sed fortassis curae posteriores omnia vel certius confirmabunt, vel crudius dicta emendabunt, cum tota res *problematicè* magis quam *definitivè* proposita esse dicatur. Si ergo pro lusu ingenii habeatur, ego quoque non multum tergiversabor, invento huic inter speculationes physicas, si non eminenter utiles vel necessarias, attamen curiosulas, aliquem locum concedere, quae superfluum instar si non profint, minimum etiam eminenter non nocebunt, nisi in physiologiam ac pathologiam (nempe medicam) imo ipsam quoque therapeuticam (nempe medicam, non cathedralem vel per chartam fieri solitam) tandem inconsiderate invehantur, quod quidem non speramus, justè tamen metuimus.

#### §. DCXXXII.

Praeterea vero reticendum non est, quod numerosis selectissimis observationibus repletae sint Ephemerides N. C. quae inprimis e sectione cadaverum humanorum haustae atque collectae sunt, quo nomine passim laudatur *Johannes Jacobus Wepferus*, poliater Schaffhusianus, qui adsumptis eum in finem laborum sociis, *Christophoro Hardero*, *Friderico Lucio Scretæ*, & *Emanuele Hertnero*, jam ab aliquot retro annis *Schaffbusi* varios aegros morborum impetu extinctos aperuit, inque veras istorum morborum, quibus denati fuerant, causas & origines inquisivit; Hinc nata est tetras historiarum apoplexia extinctorum. Nec sua laude defraudandus *Ballonius*, qui non minus in cadaverum humanorum apertione & causarum morbificarum investigatione desudavit. De *Jacobi Bontii* observationibus jam superius dispeximus, uti & de observationibus *Johannis Chiffletii*. Nec praetereundus est

*Johannes*



*Johannes Faber Bamberg*, professor Romanus, qui ultra centena diversi sextus & aetatis cadavera humana secuit. Similiter ignotus non est *Petrus Castellus*, professor *Messanensis*, qui sepulchretum suum, sive quod idem est, observationes anatomicas ex centum cadaveribus, quae Romae, ubi professione perfunctus est, secuit, sese hausisse ipsemet confessus est. De *Marci Antonii Ulmi* observationibus anatomicis, ex cadaveribus humanis à se aliisque sectis, pariter jam superius locuti sumus. Ut alios taceam, quorum passim in *Ephemeridibus* mentio injicitur, qui per anatomen hanc practicam plerorumque adfectuum H. C. tam externorum quam internorum, v. g. scirrhorum, abscessuum abdominis, hepatis, renum, anasarca defunctorum, apoplecticorum, asciticorum, asthmaticorum, cachecticorum, calculosorum, catarrho suffocativo interentorum, cephalalgicorum, colica defunctorum, convulsivis adfectibus demortuorum, dysentericorum, epilepticorum, haemoptylicorum, herniosorum, hydrocephalicorum, hypochondriacorum, hysteriarum, ictericorum, passione iliaca demortuorum, ischuria ac mictione purulenta defunctorum, phthisicorum, phreneticorum, syncopiticorum, tabe confectorum &c. indagationem summa cum industria & successu praxeos medicae susceperunt.

## §. DCXXXIII.

Verum cum praeter cadaverum, variis morbis denatorum, sectiones, non pauca quoque hinc inde occurrant, quae historiam rei anatomicae locupletare queant: Plerisque non ingratum fore spero, si, quae commemoratione digna mihi videbuntur, ex dictis *Ephemeridibus* N. C. huc transcripsero.



## §. DCXXXIV.

Ex decuria I. Anni I. observatio XL. quam DD. *Joachimus Georgius Elsnerus*, practicus *Uratistaviensis* & academicus curiosus communicavit, huc transferri miretur. Sistit illa admirandam structuram atque delineationem vasorum hepatis uterini, quam proinde reti mirabili, quod basi cerebri subjicitur, comparare non dubitat; Structuram vasorum istorum inveniri existimat, si placenta chorio annexa aquae calidae saepius immergatur, ut sanguis à glandulis, ex quibus substantiam hepatis uterini contextam esse putat, sollicitè abluatur. Ita enim, cum hepar uterinum, secundum *Elsneri* sententiam, nihil aliud esse compareat, quam glandula conglomerata, ex infinitis glandulis, acinos referentibus constans, quibus sanguinis copia superfusa sit; Hinc glandulas istas, sensim atque sensim à vasis vult separandas esse; Qui labor, licet taediosus, in fine tamen pro labore suscepto ingentem causaturus sit jucunditatem, quam quis hauriet ex aspectu istorum vasorum in pelvim vitream aqua plenam injectorum: Extremitates enim vasorum, ut *Noster* pollicetur, infinitas & delicatissimas plumas candidas aquae innatantes oculis subicient. Figura, qua mira secundinae humanae textura cum vasorum delineatione exhibetur, dicta observ. XL. Dec. I. Ann. I. p. 112. sistitur, lectorque curiosus, qui plura de hepate uterino scire desiderat, ad *Nicolai Hobokenii*, Ultrajectini, anatomiam secundinae humanae, quindecim figuris illustratam remittitur.

## §. DCXXXV.

Huc pertinet observatio LXXVI. ejusdem decuriae de osse cuneiformi in pueris, quod DD. *Laurentius Wolffstrigelius*, anatomes professor in *academia Viennensi*, non ex quatuor, quod



quod *Fallopins & Riolanus* praetendunt, sed tribus tantum partibus in nuper natis & abortivis foetibus, quos frequenter dissecuit, conflatum saepius observavit; Tum & primam illius partem, quae sphaenoidea sella dicitur, in foetu perforatam reperit, contra ac in adultis fieri consuevit.

§. DCXXXVI.

Anno 1671. collegium medicum Halae Magdeburgicae foeminam 20. annorum, ob crimen incendii & furti decollatam, cultello anatomico subjecit, in qua praeter pulmones, diaphragmati & pleurae firmiter annexos, aliaque observant, qui sectioni aderant, *cor plane inversum*, ac sinistrum ejus ventriculum dextram thoracis partem occupantem, arteriam vero magnam statim supra cor in viam seu latus sinistrum, quasi erroris sui memorem, redeuntem, nullius interim alterius partis situ mutato.

§. DCXXXVII.

Anonymus quidam curiosus observatione CLVII. anni II. dec. I. conjecturas quasdam de nova via feri ad renes delabentis academicis communicavit, conjecturas, inquam, seu rationes quasdam *a priori*, non veras anatomicas demonstrationes *a posteriori*. Existimat enim, uti superius jam commemoravimus, urinae materiam non per vasa tantum emulgentia in renes ferri, sed etiam, & quidem potissimum per *vesiculas seu vasa circa adipem renum*, quam ex mesenterio & propinquo *Pecqueti* receptaculo chyli per adipem ferum urinosum ad renes transveherent. Fundamenta hujus suae adserptionis haec sunt: 1) Quod ex compressione adipis talis falsus liquor effluat: Quanquam hic conscientia rei incertae Dn. *auctorem* fateri cogat, ex anglis quosdam, quibus mentem suam



suam ea de re aperuerit, adhuc negasse, tales ductus per anatomicum reperiri posse. II.) Quod post usum terebinthinae, exactis duabus horis, odor ejus deprehendatur in urina, qui tamen in sanguine, eo tempore vena educto, non sit. III.) Quod impossibile ipsi videatur, in bibonibus tantam feri copiam, quantum est urinae, tam celeriter per ductum thoracicum ferri, & sanguini per totum corpus misceri, cum non videamus, arterias & venas tantopere tunc augeri. IV.) Quod incredibile videatur, materiam tam crassam, purulentam fibrosamque in diabete prius in arteriis fuisse & cor corpusque pervasisse; Cum probabile sit, ex tali impuro sanguine longe alia & quidem atrociora symptomata oriri debuisse, quae actu tamen non existant. V.) Quod per urinas acus aliaque mirabilia excreta fuerint, quae per arterias ivisse absolum sit. VI.) Quod ipse usus diureticorum valde calidorum doceat, urinas potius ita pelli, quam sanguinem inflammari. Postremo, quod anatome viri ex diabete & calculo mortui docuerit, externam renum tunicam plane laceratam & minutis arenulis obsitam fuisse, plus quam ipsam pelvim. Verum, praeterquam quod neutra harum rationum ulla probabilitate sese commendat, conjecturis etiam in rebus anatomicis, ubi autopsia opus est, nullus locus relinquendus est.

### §. DCXXXVIII.

Absentiam *columellae* in puella quadam à nativitate, quae tamen nihil inde incommodi passa sit, observavit DD. *Ebrenfried Hagendornius*, practicus Görlicensis Lusatus. Huic adfinis est observatio DD. *Alardi Hermannii Cummeni a Cummen*, Sereniss. Duciss. *Brunsvicensis & Lüneburgensis* consilarii & medici cubicularii, de arteriis spermaticis deficientibus: Quanquam enim alias *Regnero de Graef* visum fuerit, nugari omnes



omnes anatomicos, qui aliquando unam, aliquando utramque arteriam spermaticam defuisse dixerunt: *Noster* tamen in aliquot subjectis tam brutis quam humanis defectum talem autopsia confirmatum adnotavit. Dissecuit nempe canem masculum, qui nullas habebat arterias spermaticas, vena tamen illius nominis in utroque latere optime constituta. Idem notavit in lupo, hacce tamen differentia, quod in hoc exiguis ramus ex arteriae magnae ramo iliaco sinistro ejusdem lateris venae spermaticae infereretur. In alia cane foemina ne vestigium quidem arteriarum dictarum spermaticarum deprehendit, licet novem catellis gravida esset, sicuti & ipse canis masculus, cujus modo meminimus, non obstante arteriarum spermaticarum defectu, salacissimus atque foecundus fuit. Et quod hoc modo in canibus, lupo & lepore, idem quoque in corpore foeminae, quae ob perpetratum parricidium capitis supplicium subierat, observavit, in cujus quippe cadavere arteria spermatica utriusque lateris deficiebat, ramulo interim exiguo ab arteria hypogastrica ad testes delato. Eundem quoque arteriarum spermaticarum defectum annotavit DD. *Carolus Raygerus*. Lienem duplicem, alium minorem, ovi magnitudine & figura, juxta pancreatis corpus, alium majorem, duos pugnos aequantem, costis notis & diaphragmati firmiter adnexum, utrosque tamen corruptos ac semiputridos invenit DD. *Henricus Sampsonius*, medicus Londinensis.

#### §. DCXXXIX.

Jungo hisce observationibus problema, quod enodandum sibi sumpsit L. *Sigismundus Grassius*, Physicus *Swidnicensis*, qua nempe via pleuriticorum sputa ad arteriam asperam perveniant? *Noster* censet, per easdem vias materiam peccantem ex pleura



pervenire ad pulmones, per quas pleuritidis in peripnevmoniam fit transmutatio: Hanc autem fieri existimat per venas in pleuram desinentes, inprimis ἀζύον. Dubium vix cuiquam relinquere putat viam tam brevissimam, quam amplissimam, quae quippe talis sit: Humorem nempe ex parte turgente per ἀζύον in cavam, pronoque impetu per dextrum cordis ventriculum in venam arteriosam seu arteriam pulmonalem, adeoque in pulmones regurgitare; Ex his tandem ab arteriae asperae radicibus absorptum tussi rejici existimat, huncque fiendi modum aliis experimentis practicis confirmat.

#### §. DCXL.

Anno tertio decuriae miscellaneorum curiosorum primae annexa est *Jacobi Rolandi de Belabad*, chirurgi *Salamuriensis* aglossotomographia, sive descriptio oris sine lingua, quod perfecte loquitur & reliquas suas functiones naturaliter exercet, quam, additis annotationibus e gallico in latinum sermonem vertit DD. *Carolus Reygerus*. Misiss vero iis, quae de ordine tractationis *Auctor* praefatus est, id solummodo notamus, quod *capite tertio* de naturali conformatione & usu ordinario linguae in homine ex professo agat; Quod cum argumentum nostrum, nempe anatomicum, proxime stringat, hic sane omittendum non fuit.

#### §. DCXLI.

Foetum tubarium possibilem esse, ex epistola *Johannis Sigismundi Elsboltii*, medici Electoralis Brandenburgici, ad D. *D. Wolrathum Huxboltium*, Sereniss. Principis *Landgraviae Hassorum* regentis archiatrum, de conceptione tubaria, qua humani foetus extra uteri cavitatem in tubis quandoque concipiuntur, patere potest; Quanquam enim *Benedictus Vassalius*,  
Chirur-



chirurgus *Parisiensis*, in cadavere foeminae triginta duos annos natae duas matrices sibi detexisse visus sit: *Noster* tamen non sine fundamento reputat, gemino utero *Parisiensem* illam gravidam non instructam, sed dextram tantum uteri genuini tubam dilatatam fuisse, in qua embryo conceptus delituit.

## §. DCXLII.

Huic observationi analoga est, quae *anno VI.* ejusdem hujus *decuriae* pag. 289. & sequentibus occurrit, atque de ovario humano & tubis uteri agit. Etenim ad illustrandam hypothesein *de conceptione hominis ex ovario* eximiam nactus est *Auctor* occasionem, dum foemina triginta annorum, jam tum sex liberorum mater, homicidii convicta gladioque percussa, ad anatomen curiosis concessa fuit: Quo in cadavere in partes genitales adcuratius inquisivit, inque tubis & ovario sequentia observavit: Tubas nempe uterinas cum *Spigelio* & *Highboro* non pro coecis habuit ductibus, sed cum *Veslingio* aliisque insignia & admodum conspicua vasa vel potius canales, in uteri fundum manifesto patentes, deprehendit. Cui suo adserto non modo fidem conciliavit ex inflatione per canaliculum facta, qua aër ore in proboscidem insufflatus per extremum angustum in uteri cavitatem ingreditur, sed & liquorum coloratorum injectione idem patefit, qui pariter tam manifeste per ductus istos in uteri cavum transeunt, ut nullus dubitationi locus amplius relinquatur. Hinc vero etiam delucescere putat, valvulam in uterum patere, sed retrorsum neutiquam, siquidem non tantum difficulter stylum admitteret, sed & frustra liquores per valvulam sursum pellerentur.

## §. DCXLIII.

De *proboscide* notavit *Noster*, laceram illam & quasi attritam à se semper observatam esse. *Ovaria* seu *testes* vidit obvelare



membranam satis validam, ex qua, cum in dextro scinderetur, humor ex albo citrinescens effluebat. Sinistrum servavit quidem integrum, utrumque tamen in ferventem aquam per medium horae quadrantem simul conjecit, tandemque extracta induruisse animadvertit, conspicuis per superficiem ovulorum eminentiis; Quae tamen ova post dissectionem magis in conspectum sese dederunt, suis singula cellulis albicantia atque inde facile exemptibilia. De brevi isto ductu, qui vasis deferentis titulo communiter ab ovario ad uterum, aut potius ab utero ad ovarium tendit, animadvertit, illum isto in cadavere non penetrasse, ipsi visum esse, licet alii hunc ductum pervium se invenisse crediderint, quorum proinde fidei nihil derogare cupit.

#### §. DCXLIV.

Caeterum occasione hujus observationis in memoriam sibi revocat *Benedicti Vasalii* descriptionem duplicis uteri, suamque, quam de hac historia jam olim foverat, opinionem, iterum iterumque defendit, certo persuasus, *foetum istum extra uterum in medio tubae* conceptum fuisse: Cum non potuerit in ampla uteri cavitate primum conceptus fuisse, ac deinde demum per angustum tubae extremum, valvula uteri inprimis renitente, sursum in medium tubae trudi; Contra autem vero magis ipsi consonum videtur, principium propagationis suae desuper accepisse hunc foetum & illud quidem (ovum nempe animatum) in media via, dum descendebat, haesisse atque ob impedimentum aliquod ibi substituisse; Id quod singulare argumentum esse credit, non fieri in utero conceptionem, nisi ex ovario vel testibus aliquid in uterum descendat: Quod profecto systema naturali omnium partium genitalium conformationi usque adeo consentaneum est,



est, ut sua claritate & evidentia plerorumque aliorum praefigurationes longissime superet.

§. DCXLV.

*Anno hujus decuriae ephemeridum curiosarum postremo observatione CLXXX. commemorat Johannes Baptista Verle, quae ratione parens ejus, Johannes Verle, primum anatomiae artificialis oculi humani specimen ediderit, verum tunc quidem ebore & osse tecti; Quod cum ob novitatem (pluribus quantumvis partibus mancum) placeret omnibus, qui id viderunt, dictum ejus parentem id devinxit, ut, quemadmodum etiam Venetiis diu fecit, illam continuaret. Noster vero, suarum esse partium existimans, non negligere, sed potius provehere illam tanquam paternam haereditatem, perrexit, adjiciendo (ex eadem tamen materia) alias novas partes, & insistens instructioni doctissimi professoris, D. D. Molinetti, sicque tandem hisce similes alios confecit. Ex quo tempore subiit ipsum desiderium artificiosa anatomia non tantum hocce sensorium, nempe oculum, sed reliqua sensuum organa imitandi, exprimendo ea non ebore solum & crystallo, sed cera, glutine, gypso, serico, filis laneis lineisque, lana varie texta, membranis, pellibus animalium &c. Quod vero reliquum est, descripsit adhuc ordinem atque rationem, juxta quam sedulas suas observationes in oculo instituit, subjunctis monitis atque cautelis necessariis, secundum quas oculi istius artificialis partes, inprimis vero tunicae, tractandae & custodiendae sunt.*

§. DCXLVI.

*Ast veniamus nunc ad alteram miscellaneorum curiosorum decuriam, quae, quo ditior est in accumulandis variis egregiis observationibus practico-clinicis; Ita in inventis novis*



anatomicis in apurum deducendis tanto est sterilius. *Anno secundo observatione* CXXVIII. occurrunt rariora quaedam noviter observata in quodam cadavere, à D. D. Georgio Franco, Prof. t. t. *Heidelbergensi* & Serenissimi *Marchionis Badensis* archiatro communicata, qualia sunt: Musculos pyramidales ad 6. digitos transversos longos, ad radicem in osse pubis ultra duos latos sensimque ita desinentes, admodum robustos in homine probe mentulato fuisse conspectos; Quo commotus anatomicis istis accedere non dubitat, qui pro robore genitalium datos esse statuerunt. Credit insuper, dictos pyramidales ordinarios esse; Ipse saltem, in omnibus cadaveribus à se dissectis inventos esse, testatur; Quinimo apud praecceptores olim se vidisse, probe recordatur: Ut extraordinarium esse reputet, si desiderentur. Monet tantum, in separatione illorum cautela opus esse; Unde toties risit discipulos, quando abesse illos crediderunt, qui tamen per encheiresin admodum validi deprehendebantur. Musculos abdominis rectos quatuor habuisse inscriptiones in corpore lacertoso similiter animadvertit; Quod ipsum impulit ad credendum, tot diversos esse musculos, quot inscriptiones eos discernunt. In transversis abdominis musculis id notabile observavit, quod nunquam vel vidisse vel alibi legisse recordatur, nempe inscriptionem membranosam & pinguem per medium illos fere discidisse, si finem versus umbilicum ad duos digitos transversos excipias. Intestinorum longitudinem 20. ulnas nostrates excessisse conspexit, cum homo tamen mediocris esset staturae. Hepar longe maximum ad libras tres cum semisse fuit, quod convexitate sua totum laquear diaphragmatis adimplevit & perpendiculariter ad utramque papillam desit, quem tamen situm naturalem esse autumat, quia in omnibus cadaveribus ita invenit; Secus ac plerique, qui credunt,



credunt, saltem in dextro haerere hypochondrio, cum utrumque repleat, magis tamen dextrum.

§. DCXLVII.

Pertinet huc epistola DD. *Michaëlis Bernhardi Valentini*, quondam professoris medicinae *Gieffensis*, quam de nova matricis & morbonae muliebris anatome aliisque observationibus curiosis ad illustrem & magnificum DD. *Jobannem Danielem Widtium*, diversorum imperii statuum cameraeque Imperialis *Spirensis* archiatrum dedit. Is nempe in puella 18. annorum, quae ob perpetratum à se infanticidium decollata fuerat, sequentia vel nova vel insolita observavit. Praeter ovarium, tubae Fallopianae ductum ejusque expansionem foliaceam contra *Salvium*, qui urethrae exitum sub alis seu nymphis esse scripsit, aliam urethrae insertionem, quae sub una caruncularum myrtiformium erupit, adstantibus demonstravit. Vaginam uteri scalpello leviter vulnerans erupisse vidit plurimas conglomerationes botriformes, ex indefinitis ovalis figurae glandulis constantes, & ad levem quemvis contactum liquoris spumosi albicantis quippiam eructantes: Diducto vero hinc paulatim ipso vaginae ductu, superficies interna racemis illis glandulosis tota fuit obsita, altius tamen in utroque latere protuberantibus sui que vestigia ad extremum usque orificium sequentibus, donec carunculis myrtiformibus maritentur, quas pariter nihil aliud esse, quam glandularum harum productiones, eodem cum illis officio perfungentes, probabile credit. Hoc autem glandularum istarum vaginalium officium esse putat, secernere liquorem, qui ad feminis virilis excellentiam & indolem quidem non accedat, sed sublestum generationis negotium quoddam inde mollementum & illecebrarum argumentum habeat, praeterea ipsam



ipsum quoque partum faciliacet, dum nempe foetus in transitu per vaginam uteri pressione sua lentorem quendam dictis ex glandulis emungat, eoque ipso vias magis lubricas reddendo partum faciliorem reddat. Quod uti in statu ordinario & naturali sic sese habet: Ita non minus in statu morbofo racemos istos vaginales verum nidum & focum esse credit, in quo morbona muliebris, variis nempe catarrhis, lymphae effusionibus, stagnationibus, corruptionibus &c. tragoedias suas ludat, excepta saltem menstruum oeconomia. Ex eodem fonte tentiginem, furorem uterinum, clitoridis infaniam, insomnia venerea, pollutiones nocturnas imo &, quod miror, prolapsum uteri, chlorosin seu febrim virginum albam, fluxum itidem uteri album &c. *noster* derivat.

#### §. DCXLVIII.

Hisce observationibus adfinis est relatio historica, quam de duplici utero in foemina 20. annorum exhibuit *D. Divnis*, chirurgus regius *Parisiensis*, cujus anatomiam seorsim superius recensuimus. Ne quis vero causam haberet suspicandi, quasi nempe matricum altera non sit verus uterus sed ejusdem tantum tuba, quod de *Benedicti Vassali* observatione vidimus paulo superius judicasse *Elsholzi*um, archiatrum Electoralem *Brandenburgicum*: Hinc partem istam, sinistro in latere sitam, quae infanti in abdomen egresso hospitium antea praeberat, ab ordinario & vero utero duorum digitorum transversorum spatio distantem, pro redundante habere non dubitavit: Quia in parte sua laterali sinistra omnia habuit, quae cavitati matricis ordinariae adhaerere solent, nempe vasa spermatica, testiculum unum, cornu sive tubam unam, ligamentum latum & rotundum. Cum vero easdem partes in regione corporis dextra non inveniret, ulterius in illas inqui-



inquisivit viditque, illas adhaerere corpori paulo, quam praecedens, minori, in medio hypogastrio sito, versus dextram regionem, figura simili cavitati uteri, nisi quod crassior esset & longior, quam in statu suo naturali esse solet. Et hanc quidem vere cavitatem uteri esse, archiatri & chirurgi regiis praesentibus ostendit, qui omnes mirati sunt, duas omnino similes cavitatis uteri partes reperiri, cum hac sola differentia, quod sinisterior similis esset cavitati extensae, quae infantem continuit, altera vero cavitas in conveniente sua magnitudine constituta. Interea duo illa corpora collo matricis continua esse deprehendit.

### §. DCXLIX.

Meretur huc etiam transferri experimentum anatomicum, quod medicus & anatomicus *Monspeliensis* accuratissimus, Dn. *Chirat* praesente D. *Emanuele Königio* instituit, quique dignum illud judicavit, quod *Ephemeridibus* N. C. infereretur. Experimentum vero sic se habuit: Cani jugulum aperuit, & nervos recurrentes vicinosque alios, qui cor ferire aut furculos ipsi communicare poterant, dextre digitis evulsit, pulsu interea cordis ad contactum aucto celeriorique reddito, sicque persistente ejus motu & vita, ut dimissus canis ad 42. usque horas, non sine admiratione eorum, qui experimento aderant, vitam protraheret. Quod idem aliquoties postea repetitum, multis aliis incredibile visum est. Solertius interim perpendendum relinquitur iis, qui motum cordis systalticum pariter ac diastalticum per nervos, spiritus ita dictos animales ipsi communicantes, expediri, vane sibi hactenus persuaserunt.

### §. DCL.

Et quanquam suo loco jam indicatum fuerit, DD. *Johannem*

D d d

Conra-



*Conradum Peyerum* duabus integris exercitationibus de glandulis intestinorum luculenter satis egisse: Nihilofecius cum non defuerint, qui partim excessu partim defectu ipsum peccasse autumarint, consultum esse duxit, observatione CXXXII. anni VI. cent. II. denuo causam suam perorare atque demonstrare, quod non modo nunquam in mentem ipsi venerit absurda sententia, à non nullis ipsi obtrusa, quasi nempe totum ventriculum cum intestinorum universo tractu glandulosum esse crediderit sicque in excessu peccaverit, verum etiam, quod, quicquid glandulosi in intestino duodeno compareret, dudum sibi perspectum cognitumque fuerit. Neque enim nos, inquit dicta in observatione, internarum tantum glandularum genus intestinis esse multiplex ostendimus, tam *gregalium* quam *dispersarum*, ac praeterea intimum velamen intestinorum, quod alii crustam appellant, diximus naturam glandulae totum sapere ac affine quadantenus esse membranae narium fauciumque pituitosae, imo hac eadem multo adhuc potius, fabricae nimirum concinnitudine & usu: Sed insuper adhuc eximii duo scriptores, *M. Malpighius* & *Guil. Cole* glandulas duodeno seorsim attribuerunt. Quam suam sententiam deinde non iteratis modo experimentis sed & aliis argumentis confirmavit. Idem vero *Peyerus* praeter glandulosam fabricationem in duodeno singularem etiam fibrarum nervearum struem reperit, carnis tenuissime divisae quadam similitudine, quae conjunctis apicibus in nodulos quasi aut tubercula valde minuta & depressa concrecant, stipantia nerveam tunicam, cui penitus inhaerent adstricta vinculis, ut tanto minus de origine & natura dubites.

#### §. DCLI.

Eadem propemodum fata, quae glandulae intestinales

*Peyero*



*Peyeri* subierunt, eadem, inquam, experta sunt experimenta nova DD. *Brunneri* L. B. à *Brunn*, circa pancreas instituta. Quanquam enim rem omnem jam olim satis confecisse videri potuerit: Conqueritur tamen observatione CXXXII. dec. II. anni VII. *Ephemeridum Germanicarum*, repertos fuisse, qui de experimentorum suorum certitudine dubitaverint & decantatam bilis flavae cum succo pancreatico effervescentiam subinde suis in scriptis à carie revocaverint. Ne itaque dicta experimenta magno olim studio exantlata, in ipso sui ortu statim iterum occiderent, novis ista sua adserta experimentis suffulcire, suarum esse partium existimavit, quae citata in observatione uberius legi possunt.

### §. DCLII.

Novam vasorum seminiferorum & lymphaticorum in testibus communicationem anatomicis monstravit DD. *Rudolphus Jacobus Camerarius*, medicinae in academia *Tubingensi* P. P. *Novam* vocat, quia, licet vasorum lymphaticorum in hac parte praesentia ab aliis jam demonstrata fuerit, hanc tamen communicationem à nemine adhuc, quantum ipse quidem sciat, descriptam esse retur. Id quod praemonere adeo consultum duxit, ut omnes intelligerent, se, quae adducturus esset, non ab aliis accepisse, sed proprio Marte invenisse, ignarus interea, an prius ab aliis fuerint visa vel descripta. Intelligit autem per vasa seminifera testium proprie dictorum in masculo, non ovarii in foemina, vasa ita vocata deferentia seu ejaculatoria, quae cum lymphaticis singularem habere communicationem non solum inde evincit, quod utraque ex una parte oriuntur, sed quoniam fluido immisso in unum, transitus conceditur in alterum. Experimentum, institutum non adeo difficile, sic sese habet: Immittatur tubulus in

D d d 2

cavita-



cavitatem vasis deferentis aërque infletur fortiter, sic, ubi nullum prius vasorum lymphaticorum indicium, plurima se manifestabunt primum in ipsa superficie testis, post juxta ductum arteriae & venae spermaticae exterius quatuor vel quinque majores ductus elegantes, vasis tamen dictis sanguineis non inflatis.

### §. DCLIII.

Commode hic suum quoque locum invenit observatio DD. *Johannis Mauriti Hoffmanni* de cartilagine media osium pubis in primipara, quae post mortem ejus mollis atque spongiosa reperta est, & quae proinde divulsioni osium pubis, quam recentiorum pariter ac antiquiorum quam plurimi defensam ivere, patrocinari videtur. Est autem haec *Hoffmanni* sententia, cartilaginem mediam osium pubis in foeminis juvenis ab humiditate allabente laxiorem redditam esse sequacem & elongationem aliquam sive distensionem in partu ob foetus magnitudinem vel situm incongruum difficili (citra tamen manifestam continui solutionem vel perruptionem) admittere; Qua in opinione ipsum confirmavit infanticida primipara à se dissecta, ubi cartilago συγχονδρωσι osium pubis sustinens, mollis & spongiosa sive cavernulosa adhuc extitit, ut ad levem cultri contactum mox secesserit. Majorem vero haec observatio lucem accipiet, si, quae superius de simili propemodum observatione in meretrice juvencula adnotaverat *Henningus Arnisaeus*, huc transferantur.

### §. DCLIV.

Hymenis seu membranae claustro virginali praetensae existentiam, quam alii dulce somnium esse putant, probare suscepit DD. *Johannes Casparus Westphalus*, non quidem rationibus, sed autopsia, creditque, vel maxime adesse omnibus  
illibatis



illibatis virginibus hymenem, virginitatis flosculum & infallibile indicium. Largitur quidem, in quam plurimis deesse membranam istam, sed id non vitio naturae, sed contrectatione manus petulantis fieri opinatur. Quid vero ipsemet, inspiciendo corpus puellae 15. annorum, quae incestus cum privigno commissi rea agebatur, deprehenderit, his exponit verbis: *Diductis per obstetricem vulvae labiis, membranam transversam diaphragmatis instar expansam, in qua non foramen rotundum, ut quidam statuunt, sed rimulam conspeximus oblongam. Hanc ferti instar cingebant, & complicata inter se erant vascula illa sangui-fera, ex quarum non violento quidem sed levi duntaxat contactu vel leso camisiorum cruentatio deducenda venit. Sita erat hac membrana à collo tergi vesicae & sub meatu urinario circa confinia carunculae myrtiformis terminabatur.* Quibus ita praemisissis provocat ad autopsiam & auctoritatem aliorum anatomicorum, *Bartholini*, inprimis *Blegnii* & suamque illorum observationibus sententiam firmat ac roborat.

§. DCLV.

In eadem denique *decuria anno nono observatione CCXXIV. DD. Johannes Mauritius Hoffmannus* sciagraphiam notabilium in anatomia corporis feminini visorum exhibuit, quorum haec fuit series: Glandulas subcutaneas miliares elegantissimas, de quarum existentia nonnulli modernorum subdubitare coeperunt, sub cutis interiori superficie innumeras fuisse conspectas, quarum etiam nonnullas cultri acie sedibus suis evulsas spectatorum oculis propius usurpandas dedit; Glandulas itidem in plexum gregalem junctas duodenum, jejunum ileumque hinc inde oculis obvertisse; Valvulam coli non circulum quendam carnosum, uti à nonnullis delineatur, sed geminam quasi pelliculam esse, ita affabre factam, ut



relapsuris ex colo faecibus cataractae vices, dum clauditur, praestare possit, *αυτοψία* monstrasse; Mesenterium trunco majori arteriae mesentericae superioris ac venae glandulam insignem incumbentem visui exhibuisse, quam pro pancreate *Afelli* humano habuit *Noster*. Folliculum felleum, mediante incisione apertum, sub tunicae intimae mucagine aspredines glandulosas hinc inde prominulas ostendisse, leni facta pressione tantillum biliosi humoris reddentes; Et annulum fibrosum cervicem cystidis ambientem bilisque spontaneum & perpetuum effluxum tantisper coërcentem evidenter conspectum fuisse; Vesicam urinariam, tunica communi prius ablata, flatu distentam fibras motrices carneas in longum exporrectas oculis usurpandas concessisse; Arteriam spermaticam dextram ex aortae trunco descendente enatam, mox in progressu gemina anastomosi venae sociae ex trunco adjacentis cavae dimissae, junctam fuisse, inter ejusdem venae dein mutuo implicitum propagines, serpentino quasi ductu, ad ovarium descendisse: Sinistram autem arteriam spermaticam, ex emulgente propinqua exortam, sustinuisse pariter singulari naturae lusu arteriam, ad renem succenturiatum superiorem assurgentem; Circa divisionem bronchi in bronchia pulmonalia glandulas tres haesisse conglobatas nigricantes &c.

#### §. DCLVI.

Verum tempus jam est, ad *tertiam decuriam miscellaneorum naturae curiosorum* transitum faciendi, quae quidem iterum, si verum fateri liceat, numeroso inventorum novorum anatomicorum proventu non luxuriat: Nihilofecius, quae in eadem occurrunt observationes, sicco pede penitus praetereundae non sunt. Rarum atque curiosum est, quod in decollata, cultro anatomico subjecta DD. *Michaël Bernardus*

*Valenti-*



*Valentinus*, in *Academia Giessena* med. P. P. ord. mucronem sterni bifidum deprehenderit, quanquam, ut ipsemet addit, idem quoque *Bartholino* visum & observatum sit, simileque cartilaginis sterni mucronatae, praeter consuetudinem & ordinarias naturae leges bifurcatae & semilunaris exemplum quoque adnotaverit scholiasites, *Wurffbainius*. Et, si privatam quoque observationem addere liceat, ad servo adhuc sceleton foeminae, ante *triennium* nostro in theatro anatomico sectae, cujus cartilago ensiformis non solum bifida est, sed & in latiore ossis sterni parte, tribus digitis transversis ab ejus mucrone rotundum conspicitur foramen, per quod sine dubio vasa mammaria suum habuere transitum: Ordinarie enim perforata non est, sed vasa mammaria à latere ejus emergunt. Confer, si placet, *Selecta Francofurtens.* Tom. i. obs. i.

#### §. DCLVII.

Anno secundo ejusdem decuria DD. *Johannes Jacobus Wagnerus* exhibuit observationem de puero, binis uvulis instructo, aequalis ac solitae magnitudinis, quae tamen, ut facile cogitare licet, obstaculo ipsi fuere, quo minus & ipse verba distincte proferre & ab aliis intelligi potuerit. Contra vero DD. *Johannes Mauritius Hoffmannus*, Professor *Altorffinus*, nova peritonei diverticula adnotavit, quae tamen solertissimum quondam *Lugdunensium* anatomicum, *Antonium Nuckium* jam vidisse & in adenographia sua descripsisse fatetur, quae nempe à peritoneo originem habentia ex orificio angustiori in capsulas latiores expandantur, atque naturaliter ligamenta uteri rotunda non solum excipiant, sed & transmittant, oblique per tendines musculorum extensa, & supra pubis ossa in fibrillas divisa prope clitoridem evanescentia. Addit tamen praeclaudatur *Nuckius*, praeter naturam intra diverticula ista intestinum prolapsum herniam inguinalem efficere, & quia ob ostii angusti-



angustiam difficulter regreditur, laqueo quasi constrictam inflammationem, gangraenam demumque mortem parere; Id quod singulari observatione *Hoffmannus* noster confirmat in foemina foeta, quae à ponderis gravioris elevatione istud mali genus, & intestini in diverticulum peritonei sinistrum prolapsum perpeffa erat, cuius repositio cum frustra tentaretur, septimo die ileus & mors supervenit.

§. DCLVIII.

Similiter DD. *Güntberus Christophorus Schellhammerus*, olim in *Jenensi*, deinde vero in *Kiloniensi Academia* P.P. ordinarius, communicavit *epbemeridum germanicarum collectoribus* observationem de *vase chyliifero-lymphatico* coli noviter demum reperto. Quanquam enim plerique anatomicorum testentur, colon suis quoque lymphaticis gaudere; Neminem tamen eorum adhucdum demonstrasse, praetendit *Schellhammerus*, qualia illa sint, & quomodo terminentur in vesiculas chyli? Hanc autem felicitatem sibi obtigisse profitetur, cum ultima in *Academia Jenensi* anatomia perfungeretur. Cum enim totum colon cum coeco resectum à recto & ileo, illaeso tamen mesenterio, eximeret, in tabula varie versaret & vasa cera impleret, ostendere constituisset, cumque arteriae mesentericae inferioris (quam totam ad colon etiam pertinere existimat, quamvis id vulgo ignorent Doctores) truncum & ramos separaret, inque id flatum subinde per tubulum emitteret, ab errante flatu aliud vas egregie intumescere vidit; Quod cum non esset vena, neque etiam arteria, quam filo ligatam manibus tenebat, immisso altius flatu, intercipere eum redeuntem filo iussit, sicque illico apparuit pellucidum, eoque ipso lymphaticum esse agnovit. Egregio autem spectaculo oculos animumque exhilarasse, lubens confitetur

*Schell-*



*Schellhammerus*, cum e trunco mesocolon perreptante versus intestinum permultos ramulos emittere videret, qui se inter duplicaturam membranae insinuabant, ibique diu sub externa conspicui, sensim in minima abeuntes, oculorum aciei sese subducerent. Non autem, uti porro dicta in observatione enarrat *Schellhammerus*, ad finem usque coli versus rectum ibant, sed desinebant post superatas duas ejus tertias, ubi renem sinistrum contingit, vel paulo inferius; Inde enim truncus versus dextrum tendebat: Ex altera vero parte sinistra alius ascendebat sursum versus, ut, quantum conjicere liceret, exacte colligerentur uterque truncus in ductum communem ad dextrum latus ventriculi, ubi brevissima & ad cisternam lacteam via, in quam, ut *Noster* opinatur, haud dubie ille definit.

#### §. DCLIX.

Glandulae lacrymalis *Harderianae* realem existentiam non in cervis tantum & damis, verum etiam in aliis diversi generis animalibus, cuniculo v. g. sciuro, lepore, apro &c. confirmavit DD. *Samuel Nebelius*, olim in *Marburgensi*, nunc vero in *Heidelbergensi Academia* Professor medicinae ordinarius. Quem in finem cervino in capite osseam oculi orbitam diffregit, e qua integrum oculum sua adhuc dum pinguedine obductum extraxit, & glandulam *Harderianam* juxta musculum oculi adducentem illico conspexit, adipe dimidia fere ex parte tectam, & in interiore ac decliviori orbitae sede locatam, cujus superficiem quam plurimi vasculorum sanguiferorum plexus occuparunt. A lateribus tam nervulorum, quam vasorum sanguiducorum furculi flexuose circumducti plures observati sunt. Ductus excretorius satis manifestus ex anteriore glandulae extremitate prodire, & juxta vulgaris glandulae lacrymalis alterum latus, ad nictitantem



tunicam progredi visus est, in cujus inferiore limbo sub membranacea plica, ceu valvula, patenti ostio hiavit. Flatu in hoc ostium immisso tota illico glandula intumuit, & albis hinc inde maculis notata fuit. Postea exterior glandulae membranacea tunica facili negotio detracta fuit, cui subjecta & per tenues fibrillas nerveas connexa fuit alia tenuior ac delicatior, glandulam immediate cingens, eique firmiter adhaerens. Hanc dum paulo exactius perlustraret, in posteriore glandulae extremitate deprehendit plures membranaceas cellulas, ut valvulas, multis foraminulis pertusas, & flatum in ipsam glandulae substantiam transmittentes. Has sanguine repletas esse vidit, atque hinc conjecit, cellulas istas totidem esse sinus, quibus sanguis per arteriolas ad glandulam allatus, post lymphae lacrymalis separationem, excipitur, & in proximam venam infunditur. Porosas itaque credidit esse venas in glandula lacrymali nova, ut sanguis eo promptius & celerius ex arteriis in venas transmeare posset, ne mora sua uberiores lacrymarum copiam continuo suppeditaret, oculis & visui molestam. Tunica denique interiore remota glandula nuda in plures dividi potuit lobulos, qui, pulmonum instar, ex meris constare vesiculis membranaceis visi sunt, quae aëre, antea per ductum excretorium immisso, adhuc dum distentae fuerunt, & propterea facilius in conspectum prodire &c. Quae tota structura ut tanto melius cognosceretur, non solummodo curavit, ut glandula lacrymalis antliae pneumaticae submitteretur, verum etiam, ad vasorum hujus glandulae communionem tanto exactius investigandam, in ductum excretorium siphonis ope ceram liquefactam injecit, & mox non solum plerasque vesiculas, sed & omnia vasa sanguifera in glandulae confinio cera repleta vidit, unde conjecit, vasorum sanguiducorum extremas propa-



propagines glandulae vesiculas subire, aut forte in easdem subtilem suam tunicam laxare, ob exilitatem vero nil nisi tenuem lympham lacrymalem transmittere, quae in vesiculis collecta sensim per vasculorum excretoriorum radículas, e quavis vesicula pullulantes, in communem ductum profluat, e quo oculi bulbo affundatur pro continua ejusdem humectatione.

## §. DCLX.

De clitoride singularia quaedam adnotavit DD. *Ambrosius Stegmannus*, medicus *Islebiensis*. Nempe non modo prodigiosam interdum crassitiem & longitudinem acquirere eandem, sed & in vidua, undecim liberorum matre clitoridem visam esse, quae amplissimo gauderet orificio, tantaque colli vesicae cavitare & longitudine, ut membrum virile, quod, quale, quantum in coitu perceptibilioris & acutioris delectationis gratia, illaesa vesica & mictione, admiserit.

## §. DCLXI.

Nervorum atque tendinum fibras esse cincinnatas, non solum in variorum animalium, sed & ipsorum quoque hominum corporibus expertus itidem est DD. *Daniel Nebelius*. Speciatim id animadvertit in structura nervorum intercostalium taxi, inque diaphragmaticis subjectorum aliquot humanorum, in quibus quippe non solum nervos, sed etiam tendines tantum non omnes ita cincinnatos & elegantissime intortos plures cum *Nebelio* philiatri conspexerunt, qui subtilissimam hanc nervorum tendinumque texturam cum ipso admirati sunt. Sicuti vero dubio carere videtur, illarum partium fibras ideo in cincinnos istos contractos esse, ut citra dolorificam tensionem aut rupturae periculum in musculorum membrorumque motu obsequi & sufficienter prolongari possint: Ita,



quomodo eadem haec fibrarum tortuosa circumflexio aëream spirituum, nempe animalium vulgo sic dictorum materiam, quae subtilis instar aurae *facilius & citius* per hos nervorum gyros influere & sensum motumque in partibus praestare debeat, quam si succo nerveo permixta esset, id quidem ad liquidum nondum deductum est.

### §. DCLXII.

Dispositionem foetus in utero, & ratione structurae & insertionis vasorum umbilicalium & imprimis intuitu foraminis ovalis & ductus arteriosi talem esse, qualem hucusque multi magni nominis anatomici tradiderunt, id autopsia quoque in foetu foeminino, qui circa nonum mensem in utero expiraverat, comprobavit DD. *Johannes Daniel Dolaëus*, polia-ter *Cassellanus*. Secto namque abdomine venas arteriasque umbilicales urachumque, communi membrana vestitum egregie, qui sectioni interfuerunt, cernere potuerunt, sicuti & vena arteria multo major inque hepar per fissuram inserta fuit conspecta, & intra jecur ex vena cava, mediante canaliculo venoso in foetu aperto deducta; Urachus similiter exploratus, non tamen admodum pervius fuit repertus, & arteriae umbilicales ab arteriae magnae extremitate prope divisionem ejus in ramis iliaticis internis (uti plerumque accidit) ortum traxerunt. In vena cava prope cor deprehensum est foramen ovale, quo transitus e cava in venam pulmonalem patuit, à parte hujus venae obtenta membrana tanquam valvula munitum, canaliculus item, ex arteria pulmonali in aërtam protensus, ob tunicarum crassitiem arteriosus dictus, optime potuit explorari. Pulmo admodum rubicundus simulque ponderosus est repertus; Unde in aquam projectus non totus modo, sed & in partes discissus, fundum petiit; Unde



Unde verosimillimum esse infert, in omnibus, in quibus nempe aëer crassior nondum penetravit, hoc fieri debere, atque adeo pulmonum subsidentiam in aqua satis certum esse experimentum, foetum in utero jam denatum fuisse.

### §. DCLXIII.

Substantiam cerebri medullarem esse fibrosam, uti anatomicorum plerique adferunt; Ita in hydrocephalico recens nato, eandem ex fibris nerveis foliatim quasi expansis constare, manifesto spectaculo vidit.

### §. DCLXIV.

Memoratu hic quoque digna est via atque insertio insolita pori choledochi, quae sine dubio per lusum naturae contigit, quamque in puero 13. annorum observavit DD. *Iustus Fridericus Dillenius*, poliater *Giessensis*. Ductum namque bilis, quem porum biliarium vocant anatomici, satis notabilem deprehendit & viam quidem apertam; Sed mox duorum circiter digitorum latitudine post suum ex vesicula fellis ortum in duos ramos divisum, quorum minor ad intestinum duodenum tendens, eidem quatuor digitorum transversorum infra pylorum spatio insertus est, usque adeo tamen exilis, ut ne minimum quidem stylum admitteret. Alter vero pori biliarii ramulus multo capacior & amplior pancreatis substantiae insertus, & vix digitum transversum latum progressus per totam pancreatis substantiam, in plurimos minutissimos ramulos definens sese diffudit, & pressa vesicula plurimum bilis ex pancreatis substantia in medio dissecta effluxit. Non obstante tamen solemni hac insertione, *noster* negare vix audet, bilem per ductum pancreaticum in intestinum duodenum non iterum eructari, quanquam viam nullam



invenire potuerit: Id tamen confidentius edisserit, *Sylvii* ac *Graeffii* opinionem de mutua bilis & succi pancreatici pugna, magnum hinc detrimentum capere.

### §. DCLXV.

Occasione hujus à se factae detectionis in puero, enarrat aliam observationem, quam quidam auditorum *Dillenianorum*, *D. Philippus Ludovicus Kuppins*, Gissensis, nunc medicinae Doctor & practicus artis in cuniculo foemina fecerat, cujus nempe ductus seu meatus cysticus ex vesicula fellea ad intestinum duodenum usque quidem pertingebat, ipsum vero intestinum non ingrediebatur, sed retrogrado modo ipsum hepar prope vesiculam bilariam rursus ingrediebatur. Observata autem fuit haec cuniculus foemina, quoad vixit, macilenta non modo & subtristis, sed & alvi durioris: Unde forte non sine ratione conjicere licebit, bilem ad faecum alvinarum excretionem suam conferre symbolam.

### §. DCLXVI.

*Adamus Brendelius*, med. D. & anatomiae atque botanices in academia *Wittebergensi* P. P. ordinarius trigeminos communi quidem chorio, sed distinctis amniis inclusos foetus observavit, idemque in cadavere foeminino sano & robusto, sed angustissimo pectore praedito, foramen ovale patens, quale in foetibus reperiri solet, deprehendit, canalis vero arteriosus paululum hiavit, per quem & foramen ovale aqua injecta expedite fluxit: Ut hinc credibile esse videatur, sanguinem tam per utrumque canalem, quam per pulmones conversum in orbem, cursum suum confecisse. Similem observationem de foramine cordis ovali in juvene 20. annorum adhuc patiente naturae curiosorum societati communicavit DD. *Joh. Wilb. Widmannus*, poliater *Norimbergensis*.

### §. DCLXVII.



## §. DCLXVII.

Quaestionem inter anatomicos diu agitatam, quin vexatam, num scil. urachus in foetu humano pervius sit, examinandam sibi sumpsit DD. *Johannes Melchior Verdries*, medicinae in *academia Gieffensi* prof. ordinarius. Probe quidem is novit, multos celeberrimi nominis medicos quaestionem & affirmasse & negasse. Ipse tamen interea certissimum esse credit, *urachum* in recens natis saepissime, in adultis vero saepius etiam pervium fuisse deprehensum; Idque sua quoque experientia & autopsia confirmare nullus dubitat. Conferri etiam possunt, quae ex *Heistero* de tunica *allantoide* vasorumque ejus nova delineatione ex observatione XXIV. Cent. V. & VI. *ephemer. academiae Caesareo-Leopoldinae-Carolinae N. C.* excerptimus.

## §. DCLXVIII.

Meretur huc quoque transferri *Johannis Sigismundi Henningeri*, med. D. & Prof. publ. ordin. Argentor. nec non capitul. Thoman. Canon. elegans descriptio de *vasis lacteis & modo novo inveniendi ductum thoracicum in homine*, quem etiam adcurato schematismo ad vivum delineari curavit, id quod ante *Guilielmum Comperum*, ut superius retulimus, nemo ausus fuerat, cum reliquae anatomicorum delineationes tam *vasorum lacteorum* quam ipsius quoque *ductus thoracici* ex corporibus brutorum animantium essent petitae. Occasio inventi haec fuit: *Menhardus Carolus Eulerus*, medicinae C. *Landaviensis*, sub praesidio *Henningeri* disputationem de mesenterio defensurus, eum in finem structuram ejus variis in cadaveribus perquisivit, ut, quae ibi traditurus erat, non aliena fide ex libris transcriberet, sed oculatus testis, iterata inspectione certior redditus, proponeret. Inter alia vero cadavera sectioni



sectioni oblatum est corpus virginis, ex gangraena femoris emortuae, in qua, ut refert *auctor*, omnes humores in motu expansivo constituti, partes continentes, vasa inprimis venosa, intestina cum ventriculo, lienem, peritoneum prope renes, cor, pericardium, pulmones flatu turgidas reddebant, unde sequens enata est observatio oppido rara & elegans, quam verbis ab ipso *auctore* conceptis hunc in modum subministramus: *Vasa lactea chylo turgido in ipsa substantia intestinorum representabant egregios ramusculos lacteos & quidem magis conspicuos, quam ramusculos venosos, & non tantum majores ramusculos exhibebant, sed etiam arcus egregios inter se formabant, per tunicas intestinorum transparentes. Dum progrediebantur hi ramuli intestinis adhuc adhaerentes, singulas venas duplici ramo comitabantur & amplexabantur. Ubi ad mesenterium pergebant, magis variis & disparibus, quam venae & arteriae ramificationibus (per modum fere nervorum plexuum exporrecti) in plures ramos majusculos in superiori & inferiori mesenterii lamella properabant ad centrum mesenterii. Si vero accuratius eorum progressus attendatur, respectus glandularum maxime in considerationem venit, quas in media fere planitie ingrediuntur, ut exinde etiam, mediante flatu & injectione, manifestius ipsae glandula impleantur, eoque ipso substantiam suam prodant: Praeterea etiam multa vascula praetergrediuntur has glandulas, pergendo ad vasa insigniora. Quibus ita expositis, citat testimonium Warthoni, qui modum, quo vasa lactea in glandulas inferantur, omnium optime descripsit, quemque autopsia confirmatum ipsemet adoptare non dubitat. Deinde vero ulteriorem vasorum lacteorum dispositionem una cum detectione ductus thoracici in aliis quoque tribus subjectis sic persequitur: Vidimus haec vasa lactea non tantum hac occasione, sed alia etiam luculentiora, numerosiora, pleniora chyloque turgida in aliis tribus subjectis, quae nobis viam constantem aperuerunt demonstrandi*  
*vasa*



*vasa lactea, uti vocant, secundi generis, quæ etiam encheiresin facilem, non impeditam subministrat, ductum thoracicum præparandi, inflandi, injiciendi ac demonstrandi. Nam alia denuo occasione in centro mesenterii notavimus, quod quatuor præ omnibus aliis rami vasorum lacteorum secundi generis in conspectum veniant, quorum alii quidem penitus latent, alii manifeste magis adsunt, singuli vero, remotiorum removendis, longitudinem suam exhibent duorum aut trium articulorum, hinc ampliora fiunt, ut apta evadant, quo mediante tubulo mediocri inflari uno actu sufficienter possint. Id quod præstitimus in hydropico virili subjecto, hoc jucundo spectaculo, ut flatus non solum integrum receptaculum lumbare cum ductu thoracico turgens faceret sisteretque, sed etiam simul multos alios ramos lymphaticos ab inferioribus partibus dictum receptaculum incurrentes manifestaret &c.*

#### §. DCLXIX.

Cumque præterea prædictus laudatissimus vir una cum sociis laborum, D. *Eulero & Kislingio*, in anatomicis administrationibus pariter versatissimis, in investigatione mesenterii vasorumque ejus in cadaveribus humanis occupatus esset, & *Kislingius* vasa lactea per mesenterium versus receptaculum tendentia accuratius examinaret, eaque occasione vasa lactea conspectiora se sisterent, nova encheiresis subministrata fuit, per dicta vasa lactea secundi generis ductum thoracicum præparandi, inflandi ac demonstrandi. Unde in dictorum fidem ductum thoracicum integrum cum adnexis vasis lacteis, quæ in receptaculum tendunt, à primo suo ortu, progressu & insertione in venas, subicere non dubitavit, simul fidem suam interponens, omnia in naturali sua magnitudine accurate delineata & dimensa esse repræsentata, prout nempe ex cadavere cum situ suo naturali fuerunt extracta. Figura ductus thoracici una cum receptaculo chyli communi



vasisque lacteis majusculis, illo praecipue, per quod injectum fuit, exhibetur appendice ad *ephemeridum academiae Caesarac-Leopoldinae - Carolinae* Nat. Cur. in Germania cent. III. & IV. p. 124. Spondetque circa finem *auctor*, hanc methodum inveniendi ductum thoracicum tam constantem, certam ac fidam esse, ut quilibet alius in cadaveribus humanis imitari eandem queat.

### §. DCLXX.

Atque hae sunt primariae novae in *anatomicis* detectiones, quae, quamdiu illustrissima *naturae curiosorum* societas stetit, successive communicatae fuerunt. Nunc vero ad praesentis, quo vivimus, seculi, scriptores anatomicos nos convertimus, quorum industria tot eximia publicam lucem adspexerunt opera, ut antecessores nostri merito sint miraturi, quo fato fieri potuerit, ut totidem egregia inventa ipsos latuerint.

### §. DCLXXI.

Ex *Italis* primum merito locum concedo *Johanni Baptistae Morgagnio*, anatomico nostri temporis famigeratissimo, qui artem hanc summo cum adplausu exercuit & adhuc exercet. Successive edidit anatomica *prima, secunda, tertia, quarta & quinta*. In *anatomicis primis* haud pauca occurrunt, quae antiquis quidem cognita fuerunt, hodie vero neglecta habentur, uti sunt cartilaginum arytaenoidum cum cricoide articulationes, ventriculi laryngis, medium epiglottidis ligamentum, suspensorium penis ligamentum & valvularum arteriae aërtae atque pulmonalis corpuscula fibraeque. Adducuntur insuper aliorum quoque anatomicorum observationes & vel confirmantur vel reprobantur per ea, quae de foramine foetus ovali ejusque valvula, de vena umbilicali, de oculorum glandu-



glandulis & lacertis, de thyroidea aliisque glandulis, de musculis coracohyoideis atque laryngis propriis, de hymene, de ovariis & tubis *Fallopianis*, de lacunis fossae muliebris, de muci ad cervicem uteri occurrentis fontibus ac demum de vera menstruorum scaturigine magna ubique soliditate à *Morgagnio* traduntur. Nostram imprimis facimus observationem circa vesiculas, cervicem uteri occupantes, institutam, quas *de Graeff* pro hydatidibus, *Des Noues* pro organis feminis foeminei & *Naboth* pro genuinis ovulis, germen continentibus, *noster* vero pro scaturigine muci uterini habuit. Quae vero de fonte sanguinis menstrui mulierum attulit, nunquam aliter meis explicui, quam per solam tantum vaginam eundem succedere, adductis experimentis & demonstrationibus ocularibus: Postquam vero solertissimus *Morgagnius* tam in sectione virginis quam unius alteriusve mulieris, quibus ante obitum menses vel fluxerant vel imminebant, demonstravit, non vaginam sed fundum uteri maculas sanguineas continuisse; Probabilius est, tam per fundum quam per vaginam excretionem mulierum menstruam succedere.

§. DCLXXII.

Ejusdem *adversaria anatomica altera* complectuntur observationes, in L. animadversiones ad lib. I. *theatri anatomici* Cl. Joh. Jacobi Mangeti, serenissimi Regis Prussiae archiatri distributas. Ingenue confitetur Clar. *Morgagnius*, in splendido hoc *Mangeti* opere non quaedam, neque multa, sed plurima cum praeclaris ejus promissis non congruere. Non enim modo inter legendum observavit *Morgagnius*, correctiones & mutationes figurarum necessarias, quas pollicitus erat *Mangetus*, omittas, sed novas insuper gravesque hallucinationes additas esse, imo, quae ex aliis auctoribus protulit, aliorum inventis



neque illustrasse neque correxisse, tantum abest, ut plagii vitium, quod quam maxime decebat, sollicitè evitaverit; Id quod vel solo *Verheyenii* exemplo manifeste liquet. Hae vero imputationes, quam graves illae etiam videantur, tam clare probavit *Morgagnius*, ut qualemunque ipsi factam esse injuriam, nullam justam conquerendi causam *Mangetus* habeat.

### §. DCLXXIII.

Verum ad *adversaria tertia Morgagni* nostri transeundum est, quae quinquaginta animadversiones in *partem primam libri secundi* theatri anatomici *Mangeti* continent, ex quibus praecipuas tantum, brevitati studentes, hic sistemus: Quae de processibus peritonaei ex *Glissonio*, *Nuckio*, *Verheyenio* adlata fuerant, *noſter* partim contradictoria, partim falsa esse judicat, nec negligit ea in medium proferre, quae de ligamenti *Poupartii* suspensoriis abdominis observaverat; Scilicet annotari quidem illa jam in veterum anatomicorum libris, in multis tamen cadaveribus reſecto illo ipſorum extremo, per quod pubis oſſi affiguntur, eoque una cum continuato musculi obliqui externi tendine ad latus ſenſim inverſo, evidentissime ipſa non peculiaria ligamenta, ſed imam ſaltem tendinis ejusmodi musculi oram exiſtere. Prolixe etiam exponit, quid de valvulis quibusdam ſemilunaribus, quas *Gliffonius* ano aſſignavit, observaverit; Scilicet in recto inteſtino unum vel alterum digitum tranſverſum ſupra extremam ani oram bis valvulam admodum extantem apparuiſſe, frequentius autem infimum inteſtini recti tubum à columnis quibusdam longitudinalibus, paulatim anguſtiore ad ſummum faſtigio extenuatis undiquaque intus cingi, quae ex contracta nervea inteſtini tunica reſultarent ac fibris carneis deſuper gauderent, inter baſin vero unius & alterius columnae membranas ſingu-



singulas non absimili forma valvularum cordis semilunarium disponi.

§. DCLXXIV.

Circa valvulam coli sequentes *Nostri* observationes memoratu dignae sunt; Ileon eo densioribus fibris muscularibus investiri, quo propius ad colon accedit; Colon immobiliter sedibus quaquaversum suis detineri; Idem intestinum trajici ac perenniter asfidere ante annulos musculorum abdominis, unde ad scrotum peritonaei elongationes procedunt: E converso ileon ab hisce locis longe disitum esse; Appendicem vermiformem à fundo coeci ordinario esse pendulum; Ossium pelvis diductionem in omni quidem partu jure ab antiquis declaratam fuisse, perperam vero à modernis negatam; Ileon horizontaliter ad colon excurrere &c.

§. DCLXXV.

Non minus in eo *Mangetum* censura dignum existimat, quod vasa lactea à lymphaticis vere differre dixerit; Miratur interim, cur utraque vasa in una eademque mesenterii parte simul & eodem tempore à nemine adhuc anatomicorum observata fuerint. *Bianchi* historiam hepaticam, quam *Mangetus* accuratam & consummatam pronunciaverat, mancā, obscuram, contradictoriam, falsam & in *Malpighii* manes injuriam *Noster* pronunciat. Refellit quoque ejusdem *Bianchi* novos, quos adseruerat, vesicae musculos, elevatores nempe ac depressores, & quidem *priores*, à quibus vesicam attolli & urinam contineri *Bianchus* tradiderat, quod in nullo subjectorum à se dissectorum fuerint inventi, qui potius in pelvi ad tergum cavitatis acetabuli, ac aliquantum altius & posterius originem sumerent, indeque notabiliter lati, validi ac teretes oblique ad prostatarum extuberantias descendendo in his



finirent: *Posteriores* autem musculos, qui vesicam deprimere ac urinam excernere dicuntur simulque depinguntur, ita describi notat, ut à tuberculo posterioris altiorisque processus ossis ischii horizontaliter ad quintam vertebrae ossis sacri & principium ossis coccygis excurrentes vesicae nequaquam deprimendae, sed juxta alios, qui eosdem ante *Bianchum* jamdum cognovissent, ischio cum osse sacro simpliciter alligando rectoque intestino ejusque musculis melius sustinendis possent inservire. Neque vero perspicere potest *Noster*, quomodo tales muscoli vesicam deprimerent, quorum terminum in collo vesicae nunquam videre ipsi licuit: Unde eosdem potius levatorum ossis coccygis titulo insignire voluit.

#### §. DCLXXVI.

Reliqua, quae innumera propemodum sunt, eximia observata mitto, & ad *adversaria anatomica quarta* tanto lubentius depropero, quo liberius benevolum suum erga me animum in illis declarare, meorumque levidensium scriptorum perhonorificam facere mentionem Vir amicissimus dignatus est, mutuae sine dubio amicitiae interprete *Hermanno*, quondam Collega nostro amantissimo & in hac *Viadrina* mathematicum & philosophiae naturalium professore, cum viveret, celeberrimo. Complectitur iterum *quingenta animadversiones ad partem secundam libri secundi theatri anatomici Job. Jacobi Mangeti*, de quo in epistola dedicatoria ad Illustrissimos *Gymnasii Patavini* moderatores graviter conquestus est, *splendide* quidem illud, *sed negligenter editum* multisque *gravissimis erroribus* refertum esse.

#### §. DCLXXVII.

Id quod ut tanto clarius dilucescat, in *prima animadversione* non id quidem improbat *Morgagnius*, quod *Mangetus* genita-



genitalium anatomiam *Graefii* potius quam suis verbis tradere consultum duxerit, sed quod notulae & observationes adpositae partim sint perpaucae, partim non admodum rarae, partim denique ad textum *Graefii* obscurandum quam illustrandum adcommodatior. Id quoque desideravit *Noster*, non tantum *Mangetum* de inventoribus *septi scroti* (quod & ante & post *Vesalium* dudum descriptum esse, jam in *adversariis primis* monuerat) nihil adjecisse, sed & quid de septo ipso sentiendum esset, ex *Rauio* & *Fantonio* nihil, quod observationum scriptorem decebat, monuisse. Caeterum duo adhuc sunt, quae silentio non sunt praetereunda; Nempe internam vaginalis & externam albugineae tunicae superficiem humore aqueo more pericardii humoris conspersam sese conspexisse; ac deinde se ab externa tunicae vaginalis superficie alteram tunicam, quam musculi cremasteris fibrae aut immediate complectuntur aut fortasse etiam componunt, facillime & sine ulla vi ab summo ad imum divisisse.

### §. DCLXXVIII.

Quod in *secunda animadversione à Nostro* allegatur, omni intuitu dignum est, quod pace ejus huc transcribatur: Miratur nempe, neque *Graesium*, qui vesicularum seu potius communium vesiculis & deferentibus vasis ductuum in urethra finem plurimis in cadaveribus consideravit, neque dissentientem *Swammerdamium*, neque ex aliis anatomicis quenquam prope illum ipsum finem atque adeo in eadem caruncula (caput gallinaceum vocant) in qua is finis est, vidisse, quod hisce verbis *Clar. Auctor* describit: *Scilicet praeter illa duo foraminula, in quibus duo isti ductus finiuntur, & quorum singula in singulis ejus caruncula lateribus vulgo pingunt atque describunt, esse inter utrumque tertium solet, saepe quidem his paulo superius, aut inferius,*



*inferius, & praeterea aliquanto majus, ut quod parvae instar fissurae secundum carunculae longitudinem apertum est. Hoc ego vel ante novem vel decem annos, cum aliud agerem, forte conspexeram, eique tenuis specilli tantam partem, quanta apicis minimi digiti latitudinem ferme aequaret, in uno vel altero cadavere immiseram. Postea autem cum, seminalibus compressis vesiculis, non ex lateralibus modo, sed ex hoc etiam medio foramine erumpens semen vidissem; Specillo immisso, & secundum hujus & carunculae longitudinem hac incisa, parvam oblongam caveam, seu mavis sinum, detexi, qui etsi in quibusdam minor est, saepe tamen latitudine carunculae respondet, latitudine autem summam hujus, quam versus protenditur, partem superat. Parietibus est lubricis & mollibus; Hosque humidos propriae, ut opinor, servant exiguae glandulae, quas nonnunquam ibidem videre visus sum granulorum instar protuberantes. Nam quod aliquando conjeceram, nonnullos subjectae prostatae canaliculos intra hunc sinum influere, exprimendo confirmare nunquam potui. Ductus autem seminales etsi nonnunquam, ut ex paulo ante dictis intelligitur, cum sinu communicant, hoc tamen fieri perraro, multis accurate inspectis dissectisque carunculis deprehendimus.*

#### §. DCLXXIX.

*In animadversione quarta id cumprimis desiderat Clar. Morgagnius, quod de ligamento penis suspensorio, de glandulis Comperi mucosis, de alia glandula Cl. Litrii, de canaliculis urethrae à se detectis, de glandis ipsius sive glandulis sive papillis, de transversis & triangulari penis musculis nihil Mangetus in suis ad Graesium adnotationibus monuerit, id quod tamen in tali splendido theatro maxime fieri decuisset.*

#### §. DCLXXX.

*In animadversione VIII. IX. & X. de duplici genere canaliculorum urethrae prolixum sermonem instituit Cel. Morgagni-*



*Morgagnius*, & *majorum* non modo inventionem jure sibi tribuit & primam gonorrhoeae virulentae sedem in illis constituit, sed &, quid circa *minores* urethrae canaliculos à se observatum sit, candide edisserit.

### §. DCLXXXI.

Non minus reprehendit negligentiam *Verheyenii* & *Mangeti*, quod prior figuram 1. tab. 13. ex *adversariis* ejus *anatomicis* desumptam minus diligenter, posterior vero insuper pleraque ex foraminibus majoribus satis accurate sua in tabula non exprefferit, alia vero loco, alia positu, alia figura, alia magnitudine ab iconismo *Morgagni* discrepent.

### §. DCLXXXII.

Animadversionibus proxime insequentibus ad vigesimam usque id potissimum agit, ut objectiones, quas super canaliculis urethrae ipsi & *Terraneo* moverat *Mangetus*, diluat insuperque ostendat, quam injustum judicem in eo sese praeberit, quod primam illorum inventionem non tam ipsi quam *Terraneo* vindicaverit: Cum tamen majora & peculiariora foramina continuatosque canaliculos (de quibus laudatus *Morgagnius* solummodo loquitur) *Terraneus* neque delineaverit neque descripserit, foraminula autem, quae à *Graefio* quadantenus indicata fuerant, minimosque illos atque communes ductus non nisi tertio ab editis *adversariis Morgagnianis* anno demum descripserit.

### §. DCLXXXIII.

In *vigesima prima animadversione*, postquam notaverat, par musculorum penis transversorum jam ante *Bidloum* descripsisse *Thomam Bartholinum*, qui *Lindanum* imò *Fabricium ab Aquapendente* laudaverat Auctorem, adstipulatur *Bidloo*, qui



ingenue monuerat, musculos dictos transversos *non semper reperiri*: Adseverat enim *Noster*, testari se posse, cum in multis praeclare illos viderit, se in duobus vel tribus cadaveribus quamvis idoneis & diligenter etiam cum amicis anatomicis perlustratis *invenire illos non potuisse*. Adjicit tamen, quod, cum desint, munus eorum, quod in *adversariis tertiis* tum in feminis tum in urinae ejaculatione consistere dixerat, à triangulari, quem descripserat, tanto facilius suppleatur, quo magis conspicuum deprehendit illum in iis, quibus defuerant transversi.

#### §. DCLXXXIV.

*Animadversione vigesima tertia* auspicator Cl. *Morgagnus* caput alterum, quod de partibus genitalibus mulierum agit, postquam ad *animadversionem usque vigesimam secundam* produxerat tractationem de virilibus. De hymene agens non tam de existentia, quam potius structura, sede & forma disquirat. De urethra muliebri observat, in ipso fine fieri eam angustiores, & suis non destitui canaliculis, à quibus intrinsecus obliniatur; Quam utramque circumstantiam, utut ex *Terraneo* facile petendam, male *Mangetum* praetermisisse, silentio premere *Noster* non poterat. In vagina uteri papillas cum in plerisque, minus etiam idoneis cadaveribus satis observavit, tum aliquando ita confertas, elegantes ac manifestas iis, qui aderant, ostendit, ut complures vaginae rugae nihil aliud quam perpetuae distinctarum papillarum series esse viderentur. Menstrui fluxus fontes, ut jam superius observatum, non in vagina, sed in fundo uteri quaerit, provocans etiam ad autopsiam Cl. *Santorini*, qui idem prorsus in foemina viderat, quae sanguine menstruo fluente mortem oppetierat. In glandulis sebaceis non modo generatim denuo adserendis ac defen-



defendendis prolixus est; sed & in nymphis sebaceas tales glandulas confertim reperiri ex pluribus observationibus, etiam post edita *adversaria anatomica* habitis confirmat, nec ad auctoritatem aliorum praestantissimorum in arte virorum confugere erubescit, cum istas suas sebaceas nympharum glandulas in *Bononiensi* primum theatro *Stancarius* ostenderit, tum in Veneto *Santorinus*, & hic praesertim valde conspicuas & sebaceam materiam evidentissime emittentes. Verum hasce glandulas sebaceas tanquam novum inventum Cl. *Morgagnio* vindicandas esse, jam in anatomes historia monui & nunc repetere non erubesco. Quod idem etiam de valvulis cervicis uteri, quas se unquam observare potuisse negat *Mangetus*, adfirmare nullus vereor. Si enim ante *Morgagnum* descriptae sunt, citentur Auctores, ex quibus demonstrari illud possit.

#### §. DCLXXXV.

Atque ea, quae modo memoravimus, ex tredecim animadversionibus, quae à *vigesima tertia* ad *trigesimam quartam* consecutive se extendunt, excerpta sunt. In animadversione vero *trigesima sexta* commemorat *Noster*, quae ejus figura ibi nominata prae aliis peculiaria habeat, inter quae refert ligamentum clitoridis & proximorum labiorum suspensorium, quod quippe nemo ante ipsum, quod sciam, delineaverit, deinde novas sebaceas nympharum glandulas, porro plures muliebris fossae lacunas cum varia ipsarum habitudine ac directione aliaque pluribus ibi legenda.

#### §. DCLXXXVI.

Religio vetat, ea silentio praeterire, quae *Celeb. Morgagnius* de muliebris uteri vasis lymphaticis detexit, non quidem ex conjectura & analogia, ut plerique alii fecerunt, sed ex



certa accurataque observatione. Sic enim loquitur noster: *Ante annos ferme duodecim in Veneta puerpera & vidi ipse, & iis, qui dissectioni aderant, amicis doctissimis ostendi vasa lymphatica turgentia admodum atque adeo satis superque conspicua, quae sub exteriori uteri tunica prope osculi regionem manifestissime reptabant. Mors foeminae, quae repente & brevi à partu, sic ut valde adhuc tumeret uterus, supervenerat, atque addita ab intestinis, quae flatibus mirum in modum distenta erant, compressio, novi hujus & gratisimi nobis spectaculi copiam fecere.*

### §. DCLXXXVII.

Verum tempus est transeundi ad *adversaria quinta*, quae Illustrissimo ac reverendissimo Praefuli D. D. *Johanni Mariae Lancisio*, intimo cubiculario & archiatro Pontificio dedicata sunt & stricturas continent in *librum tertium theatri anatomici Mangeti*. Ex quinquaginta, quas complectuntur, animadversionibus memorabiliora tantum excerpemus, nimiam prolixitatem vitaturi. In *prima animadversione* inconstantiae & contradictionis insinuat *Mangetum*, quod communicationem inter ramos mammarios & epigastricos modo negaverit, modo denuo adstruxerit. Non minus in *secunda* reprehendit eundem, quod vasis lactiferis valvulas adscripserit, quae tamen à *Nuckio* meris adnumerentur figmentis; Scire etiam cupit *Morgagnius* noster, cujus generis sint glandulae, papillae vasis intersitae, quae tamen ab solertissimis anatomicis, *Nuckio* & *Heistero* non agnoscantur?

### §. DCLXXXVIII.

Animadversione *tertia, quarta & quinta* redarguuntur ea, quae in sua anatomia de structura & usu mammarum attulerat *Verheyenius*, quaeque calculo suo adprobaverat *Mangetus*,  
fecure



securè adserens, se hujus anatomici descriptionem quoad tubulos lacteos aliaque ad mammas & earum usum facientia, veracissimam invenisse; *Noster* contra fateri non erubescit, se talem mammarum structuram, qualem descripserat *Verheyenius*, ex plurimis nempe glandulis compaginatam, invenire non potuisse, cum tamen multas sive siccas sive lacte scatentes mammas haud negligenter dissecuerit, imò semper potius, quicquid propriae glandulosae substantiae in mammis fuit, in corpus unicum magnumque compactum, cujus ferme centrum papillae respondit, deprehendisse, interque substantiam subduram, dum lacte scateret, nonnullas quasi cellulas eodem plenas spectasse, quae ad ductus lactiferos pertinebant. Suas quoque in partes pertraxit *Johannem Riolanum*, *Thomam Warthonum* & *Laurentium Heisterum*, quorum postremus in praefatione, compendio anatomico praemissa, diserte negat, se unquam mammarum glandulas ita, ut *Verheyenius* delineat, rotundas, copiosissimas-dispersas - - reperire potuisse, quamvis lactantium, puerperarum, virginum & aliarum mulierum mammas saepius examinaverit - - verum in medio mammae, sub pinguedine, aliam quandam, parvam quasi mammam latere, cujus substantia uberibus brutorum haud absimilis sit; Idemque censet, *Verheyenium* de glandulis mammarum tam breviter & frigide loqui, ac si nunquam eas vidisset.

### §. DCLXXXIX.

Ab animadversione *septima* ad *decimam* usque agitur de areolarum tuberculis, in quae ductus lactiferos hiare, jam *adversariis primis* primus indicaverat *Cl. Morgagnius*; Et quod tunc temporis simpliciter tantum indicavit, id in praesentia pluries iteratis observationibus confirmat; Scilicet ad singula tubercula singulos pertingere ductus lactiferos, & sic



intra ipsa dilatari, ut tuberculorum efformatio eorum ductuum & dilatationi & ultra areolae planum eminentiae maximae ex parte deberetur. Quod vero dicta tubercula *glandulas sebaceas* vocaverit, ex quorum quippe osculis materiam sebaceam frequentissime prostantem vidit, neque minus frequenter exprescit, id quidem absurdum esse judicat *Mangetus*, quam nullas idoneas, quibus adsertum firmaret, rationes attulerit.

### §. DCXC.

Porro vero, posteaquam *animadversione decima tertia* notaverat *Noster*, integrum tertium caput, quod est de pleura ac mediastino, ex *Verheyenii* capite de iisdem membranis inscripto desumptum esse, licet id per se testari & lectoribus significare oblitus fuerit: Occupatus potissimum est in evellendis scrupulis, quos de valvulis arteriae magnae & pulmonaris, earundemque corpusculis, fibris & usu sibi formaverat is, cum quo contendit: Quae quidem prolixa tractatio ad *animadversionem* usque *vigesimam sextam* sese extendit.

### §. DCXCI.

*Animadversione trigesima secunda*, qua de vasis bronchialibus sermo est, libentissime quidem fatetur atque concedit Cl. *Morgagnius*, à *Ruyschio*, solertissimo *Amstelodamensium* anatomico, arteriam bronchiale restitutam auctamque esse; Nihilominus tamen veretur, ne veteribus forte anatomicis sit injurius, si ejusdem quoque existentiae, initii atque insertionis inventum acceptum eidem referret; Aliter enim ac *Mangetum* judicasse *Fantonum* existimat, qui arteriam hanc à *Galeno* & *Fernelio* dudum descriptam esse, ex *adversariis Morgagnianis* repetit, imo *Heisterum*, virum veri non minus quam *Ruyschii*, sui quondam praeceptoris amicum, locis adlatis perlectis,



perlectis, hunc tandem rediisse memorat, ut idem quod ipse concluderet: *Ruschium* nempe *ramificationis* ejus arteriae perspicuam descriptionem & delineationem *primum* dedisse: Unde addit: *Quod si satis esse homines censeant, ut illi omnem inventionis ejus arteriae gloriam adscribamus, mihi denique non id molestum sane erit, sed longe jucundum, propterea quia pares ob causas, multarum rerum, quas auctas primaeque perspicua descriptione & delineatione illustratas restitui, inventorem pariter me dicent.*

## §. DCXCII.

Cumque insuper exercitatisimus noster anatomicus glandulas asperae arteriae & visibiles & crebras & varia magnitudine at miliaribus plerasque majores, praesertim ad inferiorem asperae arteriae truncum, & quidem in cadaveribus minimum viginti, quae harum glandularum causa continenter inspexit, observaverit; *Mangetus* contra contendit, eas non modo non ita solere esse extantes, sed & nunquam, nisi morbose sic condita magna haec tubercula aut visibilia occurrere &c. Neque enim verisimile esse putat *Noster Morgagnius*, in viginti, quae continenter secuit, cadaveribus, morbofas fuisse glandulas asperae arteriae, ac proinde ad auditorum suorum testimonium & autopsiam in subjectis sanissimis, tum ratione magnitudinis tum numeri intuitu provocavit, imo allegavit quoque laudatum *Fantonum*, testem omni exceptione majorem, qui diserte scribit, se non modo in postica asperae arteriae parte glandulas numerosissimas, quales *Morgagnius* expresit, deprehendisse, sed &, secto per longum canali, poris etiam innumeris, quo nomine oscula eorundem excretoria intelligit, internam superficiem perviam vidisse, qui, digitis canali presso, viscidiusculum humorem eructassent.

## §. DCXCIII.



## §. DCXCIII.

Animadversione *quadragesima tertia, quarta & quinta* agitur de ventriculis laryngis, eorundem usu, nec non illorum ut & appendicum varietatibus. Commodam hic nactus est occasionem nonnulla veterum inventa, insufficienter descripta in lucem denuo protrahendi suisque additamentis augendi & illustrandi, ut novo tali lumine corruscantia novorum inventorum titulo (quanquam summa *Morgagnii* nostri modestia id omni modo deprecetur) superbire jure possent. Id quod in larynge potissimum, si verbis amicissimi viri uti mihi liceat, observetur, velim, ut in qua non ii modo, qui universi corporis anatomen tradebant, verum ii pariter, qui de voce ejusque organis singulari studio scribebant, haud obscure ostenderent, se haud satis scire, quid glottis ipsa esset, cujus potissimum causa ut vox efficitur, ita larynx tota constructa est, & praeterea tum rem, sine qua dilatationis & constrictionis glottidis verus ignoratur modus, articulationem videlicet arytaenoidum cum annulari cartilagine se ignorare, tum insignes & maxime attendendas ad ipsius glottidis latera caveas duas tanto artificio constitutas, ut ea dilatata dilatentur, constricta constringantur, nescire. Cum igitur, rebus ita constitutis, haec omnia non sine ingenti labore, ut facile suspicari licet, in lucem revocaverit, & tam in aperto, quam antea nunquam fuerant, posuerit, ingentem sine dubio invidiam proderet, qui haec solertissimi viri merita non agnosceret. Caeterum optime mea sententia facit, quod de nomine cavitatum laryngis cum *Verheyenio* contendere nolit, an rectius finuum, quam ventriculorum nomine salutandae veniant, dummodo res ipsa recte agnoscatur, quod quidem fecisse *Verheyenium* pleno brachio concedit laudatissimus

*Morgagnius*



*Morgagnius*, non immerito tamen, suppressum fuisse nomen ejus, per quem profecerat, conqueritur.

§. DCXCIV.

Postremis animadversionibus ad *quingagesimam* usque exercitatisimus noster anatomicus observationes suas, quas de structura & glandula epiglottidis habuit, exponit: Ubi non potuit non aegerrime ferre, quod hiatus illi praecipue majores, quos & ipse vidit & pictor ejus circini ope fideliter descripsit, ita fuerint repraesentati, quasi in rerum natura nunquam extitissent: Cum toties foveas istas totidem spectatoribus, quos inter viri, professoria dignitate illustres fuere, demonstraverit. Eadem facilitate non minus quam felicitate alterum convellit dubium, quod de glandulosa substantia, qua utraque epiglottidis facies obducitur, animadversionis, qui dicitur, auctor conceperat. Observavit enim primus oculatissimus *Morgagnius*, non *duas distinctas glandularum congeries* hic esse considerandas, sed *unam eandemque evidenter hujus cartilaginis glandulam esse, quae videlicet ab una ipsius facie ad alteram operiendam per eos hiatus continuetur*. De cartilaginis cricoidis cum arytaenoide articulatione, à *Galeno* olim aliisque anatomicis celebrata, postremorum vero scriptorum communi fere negligentia obsoleta, à *nostro* vero in antiquum notitiae publicique usus locum restituta, in *adversariis primis* jam facta est mentio.

§. DCXCV.

Nunc vero ad *quartum & postremum theatri anatomici Mangeti librum* deproperandum nobis est, in quo celeb. *Morgagnius* observationes, in centum animadversiones distributas, complectitur, quibus ea breviter perstringuntur, quae quarto isto



libro *Mangetus* proposuerat. Initio statim reprehenditur *theatri auctor*, quod sinum longitudinalem minorem sive inferiorem, non minus quam superiorem & laterales semper occurrere cum *Verbeyenio*, cuius textum, paucis mutatis, suum fecerat, crediderit, cum tamen istum saepe abesse non difficile illi futurum sit cognoscere, si vel reliquos anatomicos vel (quod praestat) anatomen ipsam consuluerit. Quaedam deinde adduntur de sinuum lateralium initio & communicatione inter sese, atque adversus communem anatomicorum sententiam adseritur, ex quatuordecim, quae continenter secuit, cadaveribus, quatuor, haud amplius fuisse, in quibus laterales sinus essent continuatio bifurcata *sinus longitudinalis superioris*, in reliquis autem decem tantum abfuisse, ut is bifariam, aequaliterque in laterales divideretur; Jam supra torcular in alterum latus evidentissime deflectebat, totusque adeo ejusdem lateris sinui continuabatur. Quocum sinu qua ratione lateralis alter communicet, uti & de fine sinus quarti, in *animadversione prima, secunda ac tertia* copiosius differuit *Morgagnius*.

#### §. DCXCVI.

Ab animadversione *trigesima tertia* ad *sexagesimam octavam* repetit ea, quae de caruncula & glandula, ut putatur, lacrymali disputavit *Mangetus*. Fatetur libere, se, cum ex variis & inter sese discrepantibus anatomicorum traditionibus de lacrymalibus glandulis & ductibus nihil certi colligere potuisset, ad optimum anatomes librum, hominis videlicet ac brutorum dissectionem sese contulisse, ex quo illud praecipue cognoverit, plerosque passim recentiores anatomicos in eo potissimum lapsos esse, quod non modo eas glandulas, earumque canaliculos eadem in nobis atque in brutis ratione esse tradidissent, verum etiam glandulam horum interiorem, quae



quae in nobis omnino deest, & lacrymalem carunculam, quae neque proprie glandula est, & brutis atque hominibus est communis, idem prorsus esse credidissent. Observat insuper fibrillas quasdam nerveas per innominatam glandulam subterlabentes, atque adeo instar exilium rectorumque canaliculorum palpebram versus contendentes, quas in homine ab nonnullis anatomicis pro ejusdem glandulae ductibus nimis facile acceptas esse, alias jam suspicatus est: Unde non citra rationem artis anatomicae tyrones monet, ut, quae descriptiones non satis certae ac manifestae observationi, sed illi potius brutorum atque hominum similitudini innixae sunt, iis ne temere fidem habeant. Quid enim, inquit Clar. *Morgagnius*, si glandulae innominatae canaliculi longe aliter in homine, atque in bobus dispositi tantummodo essent ac distributi?

### §. DCXCVII.

Succedit deinde examen dissertationis inscriptae; *Ductus lacrymales novi*: Quae potissimum cl. *Anellio* opposita est: Quaquam nihil hic novi adferri, candide, pro more suo cel. *Morgagnius* exponat, simul tamen de sacco, ut vocant, lacrymali, de majoris ductus lacrymalis figura ejusdemque obliquitate, sine non pelviformi aliisque huc spectantibus copiosum sermonem instituat, nec reticeat, qua angustia, figura & positu extremum ejus orificium fuerit in sectionibus inventum, ita nempe, ut ellipsin referret, non in transversum positam, sed a perpendiculo aliquantum in latus inclinatam, eâ autem non modo in ima parte, qua saepe videlicet ista ellipsis angustior fuit, verum etiam in totum parvitate, ut haud raro iis, qui propius inspectârunt, interdum sibi ipsi quoque non ante appareret, quam demissum per ductum specillum



orificium ipsum indicaret. Notavit insuper, "carunculam inter & oculum locatam esse in nobis rubellam quandam & semilunarem membranam, ex duplicata interiore palpebrarum tunica constructam, cujus ut & vasculorum, à quibus irrigatur, descriptionem non credidit omittendam, tum ut constaret, quid in angulo humani oculi interno glandulae & cartilagini in multis animantibus posita responderet, tum ut chirurgis occasio praeberetur videndi, an illius oculi affectionis, quae *πτερύγιον* Graecis, unguis autem nostris dicitur, sedes & origo in hac plerumque membrana nimium excrescente, ponenda sit. Negat quoque *noster*, ad majoris ductus lacrymalis finem esse valvulam semilunarem ita quidem positam, ut rebus à naribus in ductum ascensuris apta sit potius adversari, quam obsequi: Tantoque magis miratur, valvulam hic agnosci ab eo, qui alias insignem intestinorum valvulam negaverat. Uti vero in reliquis animadversionibus partium memoratarum usus indicantur: Sic ductuum quoque lacrymalium morbi & curationes adnectuntur simulque de specillorum in ductus lacrymales immisione agitur disquiriturque, num operatio ista veteribus nota fuerit, vel etiam injectiones per puncta lacrymalia institutae ante *Anellium* innotuerint?

#### §. DCXCVIII.

Animadversione *octogesima tertia* non solummodo generatim in memoriam revocat medicis utilitatem anatomes in reliquis artis medicae partibus, sed &, qua ratione speciatim, venarum occipitalium & descriptione & delineatione non modo historia anatomica instaurari atque augeri, verum etiam facultas medica juvari & illustrari queat, exponere non dubitat. Uti enim, inquit Cl. *Morgagnius*, eae venae hinc in occipite chirurgicis instrumentis expositae sunt, inde vero  
 intra



intra cranium cum laterali utroque sinu communicant: Ita opportunitatem praebent, ut ipsas incidendo atque ideo sanguinem, quem in sinus convectionis essent, avertendo, reliqui sanguinis, per eosdem sinus fluentis, copiam quidem non nihil minuere, motum vero augere pro re nata immediate possumus. Quae duo ut in multis cerebri affectionibus sunt admodum necessaria, ita illud per admotas cucurbitulas & crebras altasque incisiones eo certius praestatur, quod earum venarum truncos & profunde semper locatos, & nonnunquam, ut eorum per cranium meatus, in plures atque adeo minores divisos invenimus. Quibus rebus ita per anatomen illustratis, cum proclive fuit *nostro* isto ipso praesidii genere magnam opem ferre laboranti olim contumaci quadam ac perdifficili soporosa affectione - - - tum multo facilius erit omnibus intelligere, qua ratione *Zacutus Lusitanus* desperatam apoplexiam cucurbitula bis in occipite profunde scarificata curare potuerit. Cui adfuit, quod ex *Valsalva* de hemiplexiae causa repetit suaque experientia, ex ejusmodi cadaverum sectionibus hausta confirmat, nempe nullam se ferme vidisse in apoplecticis affectibus alterius medietatis corporis resolutionem, cujus causam, secto cadavere, in opposita cerebri parte non invenerit.

§. DCXCIX.

Animadversione *octogesima quinta, sexta & septima* probat quidem *nos*, quod *Mangetus* elaborato *Cl. Valsalvae* tractatu in tradenda auris anatome usus fuerit; Metuit tamen, ne lectores in eo diligentiam ejusdem sint requisituri, quod nec omnia, quae *Valsalva*, neque ita, ut *Valsalva*, exhibuerit. Occasione animadversionis *octogesimae octavae* monet, praeter glandulas & papillas nerveas, membranae nasi peculiares quas-



quasdam, ut *noster* judicat, glandulosas & plerumque admodum insignes congeries, à nemine adhuc, quod sciat, observatas, in certis hujus membranae locis detexerit: In octo enim cadaveribus continenter dissectis ad utrumque septi latus, loco inter summam infimamque cavearum nasi regionem ferme intermedio, sed multo anticis quam posticis nasi limitibus propiore, membrana secundum earum cavearum tum altitudinem tum longitudinem binis sectionibus incisa, peculiarem & valde notabilem hujus crassitudinem ibidem invenit, basi narium parallelam, ea secundum nasi altitudinem latitudine circumscriptam, ut auricularis digiti latitudinem, interdum & multo majorem prope aequaret, longitudine admodum ampliore; Sed quo magis ad extrema & posterius praesertim, accedebat, eo magis contractam & extenuatam. Vidit autem, crassitudinem hanc deberi densae compactaeque substantiae ex albo rubescenti, quam *Morgagnius* *noster* glandulosam esse judicavit. Id denique in descriptione nasi *Mangetiana* desiderat *noster*, quod neque, unde vasa sanguifera ad ipsum veniant, aut quo redeant, neque ullos alios praeter eos, qui à primo pari exeunt, nervos indicaverit, cum tamen illud in haemorrhagiis scire deceat, nervos autem à pari quinto huc pertinentes sive in sternutatione explicanda plerique, sive in olfactus facultate exponenda nonnulli potissimum attendant. Reliqua de thyroideae glandulae appendice, de medio epiglottidis ligamento, de foramine ad linguae radicem, de canali eidem foramini continuato ejusdemque usu, de glandulis linguae, parotide ejusque ductu &c. non attingo, brevitati consulens, idque unicum adhuc monens, in cunctis hisce animadversionibus, *Mangeto* oppositis, celeberrimum *Morgagnium*, ut modestum disputatorem sese ubique exhibuisse. Optandum esset, exemplum ejus imitari omnes litera-



literatos, qui de re quacunque ferram disputationis inter se reciprocant.

### §. DCC.

Subsisterem hic, & inventorum novorum meritorumque clar. *Morgagni* commemorationi finem imponerem, nisi duarum adhuc *epistolarum anatomicarum*, quae ipsum auctorem agnoscunt, quaeque non paucas, praeter superius recensitas, novas observationes & animadversiones complectuntur, quibus *anatomie augetur, inventorum anatomicorum historia evolvitur & utraque ab erroribus vindicatur*, mentio injicienda esset. Istis vero epistolis scribendis lites, quae inter *Morgagnum & Bianchum* exarserant, occasionem dederunt. Et quamvis controversia ista consopita esse videretur, recrudit tamen, ex quo *Johannes Baptista Bianchi* tractatum suum de *hepatis structura & usu* recudi curavit, cui novae editioni animadversiones adjecit, in quibus *Morgagnum* aliosque laceffere non dubitavit: Ut proinde ex justo dolore calamum denuo arripere fuerit coactus, & epistolarum harum bigam amicis suis communicare, aequum duxerit, in quibus errores à *Biancho* commissos, castigavit, & *Lancisii* nec non *Malpighii* suamque famam defendit.

### §. DCCI.

Nova vero, quae hisce in epistolis continentur, & sublimiorem hepatis anatomen spectant, huc fere redeunt: Subtiliter in illis differitur de *ligamento hepatis suspensorio*, de *trunci venae cavae habitudine vera*, de *eminentiis & lobulis hepatis*, de *arteria hepatica*, de *ingressu venae portae in hepar*, de *exitu venae cavae ex hepate*, de *ramulorum venae cavae orificiis hiantibus*, de *vasis lymphaticis jecoris*, de *productionibus membranaceis inter pancreas & cystemam chyli*, de *foveis hepatis*, de *funiculis*, quos  
inter-



*intercostalis & spinales nervi suppeditant, de ductibus hepato-cysticis & cyst hepaticis in homine, de reticulata intimae faciei folliculi fellei structura, de valvulis ductus cystici, de glandulis folliculi ejusque ductuum, de tunicis folliculi fellei, nec non de sinibus ductus hepatici, & quae sunt ejus generis plura.*

### §. DCCII.

Singularem disquisitionem *de vena sine pari* Illustrissimus & reverendissimus DD. *Jobannes Maria Lancisius* instituit, quam in meditationem ut descenderet, laudatissimus *Morgagnius* auctor ipsi fuit, eumque in finem epistolam ad *illum* scripsit, in qua haec *quatuor rerum momenta* solidius sibi declarari petiit; *Primum* est, quid causae sit, cur, quicquid sanguinis ex arteria magna per intercostales plerasque effluit, id omne non per totidem venulas, quae in cavam pari ordine desinant, in hanc refluat? *Deinde*, cur non in inferiorem truncum redeat, sed in superiorem? *Tertio* cur istuc non per duas venas, singulas videlicet more institutoque naturae ab singulis lateribus positas, sed per venam sine pari inferatur? *Postremo*, cur hujus ipsius venae truncus, non à sinistris, sed à dextris prorepat? Quamquam autem horum omnium rationes attingere non neglexerit *Morgagnius* noster, plenior tamen eorum perquisitionem *Illustrissimo Lancisio* maluit permittere, qui proinde pro praeclara, qua in rebus anatomicis pollet, scientia arduum argumentum adgressus, cogitata sua per epistolam amicissimo *Morgagnio* communicare non dubitavit.

### §. DCCIII.

Equidem jam olim dignum judicavit hoc argumentum *Bartholomaeus Eustachius*, in quo ingenium suum exerceret: Confidit tamen illustrissimus *Lancisius*, non pauca se esse detectu-



detecturum ab aliis praetermissa. Quod si enim cum illo numerum spectes, in homine quidem, simia, cane, equo aliisque unica est ut plurimum, eaque per dextrum thoracis latus producta ramos ad utriusque partis intercostales musculos protendit: In echino vero & mure sinistrum duntaxat latus illam perreptare & utrinque suas propagines mittere observavit *Eustachius*. Idemque animadvertit, suis duplicem quidem datam esse, mirabili tamen artificio dispositam, ut sinistra à dexteris quoque, sed inferioribus costis, sanguinem excipiat. In aliis animalibus aliam venae azygae dispositionem ratione numeri adinvenit Illustrissimus *Lancisius*. Locum anastomoseos quod attinet, illum pariter non eundem omnibus esse deprehendit *noster*; In homine siquidem, ubi unica reperitur vena sine pari, ibi semper cum superiori cava extra pericardium, & supra asperam arteriam inosculatur; In simia, cane & fele cum eadem superiori cava, sed intra pericardium, & prope dexteram cordis auriculam jungitur. In aliis animalibus aliter res sese habet. Cum vero *Lancisii* institutum sit, humanam tantum *azygam* expendere, tanto lubentius mittimus discrimina proprietatum in caeteris animantibus, quo magis cum eodem intelligimus, ejusmodi venam apud homines peculiari artificio instructam esse, quippe qui respirationis organis uti debuerant, tum ad vocem multifariam excitandam flectendamque, tum ad varios ac pene innumeros corporis ac praecipue thoracis edendos motus, tum denique ad nonnullos pectoris morbos per anacatharsin profligandos.

## §. DCCIV.

Itaque notat, *venam sine pari* seu comite in hominibus locatam esse intra thoracem ad radices costarum secundum



dexterum vertebrarum latus & caeterarum venarum more valvulis munitam fursum progredi, à septo nimirum transverso inter pleurae membranas, atque in ascensu e singulis intercostalibus musculis tam dexteris quam sinistris ramos accipere, tandemque insignem truncum constituentem curvo itinere seu paululum in arcum flexo supra tubum asperae arteriae inter quartam, ut plurimum & quintam dorsi vertebrae assurgere, ac sanguinem, quem convehit, universum ingerere atque immittere in superiorem cavam, quo loco nondum pericardium ingressa eidem asperae arteriae incumbit ac firmiter adhaeret. Et quanquam aliquibus visum est, venulas à tribus vel quatuor superioribus costis in *azygam* non derivari; Re tamen vera primus ramus, qui inter tertiam & quartam, vel, quod frequentius accidit, inter quartam & quintam costam progrediens, in *azygam* aperitur, tres furculos in via, qui sanguinem e musculis primarum costarum (unde revehunt etiam venulae à subclaviis & axillaribus, praesertim in laevo latere) ad eandem venam sine pari, veluti per communem canalem regerunt & important; Quos quidem ramulos *Eustachius* etiam diligenter inspexit atque descripsit.

### §. DCCV.

Verum ne iis multum immoretur Illustr. *Lancisius*, quae ab aliis jam adnotata leguntur, tria potissimum occurrunt, quae in *azyga* ipsi observare contigit. *Primum* est; Nervos quosdam utrinque per dorsi costas inter pleurae membranas usque ad posteriora diaphragmatis, singulas intercostales venas vago itinere & saepe ad rectos fere angulos secantes decurrere. *Secundum* est; Orificium ejusdem azygae in cavam dehiscens semicirculo musculari instar hemisphincteris cum peculiari ramo munitum. *Tertium* denique est; In eadem anasto-



anastomosi venae *azygae* cum cava (quae sane inosculatio adamasim accidit supra dorsum asperae arteriae, priusquam in duos majores bronchiorum ramos facessat) animadvertisse sese, minimos tubulos ab inferiori ingredientis *azygae*, atque excipientis cavae parte inter tracheae annulos ac membranas sensim irrepentes, atque ad internam usque ipsius tracheae tunicam pervadentes. Quae deinde omnia luculentius persequitur, & quae peculiari observatione in iisdem à se fuerint deprehensa, ostendit. Tandem vero ad problematum à Cl. *Morgagnio* propositorum solutionem descendit, & primi problematis occasione aliquid monet, de quo apud anatomicos altum putat esse silentium; Scilicet arterias intercostales, quae ab aërta sinistrum latus petunt, breviores iis esse, quae ad dextrum tendunt: Contra vero ex ramis in azygam desinentibus, sinistros dextris esse longiores. Quod sane non frustra vel fortuito factum esse opinatur, verum potius, quod vel major vis adhibenda esset in latere dextro ad ipsius thoracis dilatationem, quia hepatis moles liene major à costis spurii loco suo in ipsa inspiratione paululum movenda esset, vel ut in viribus sanguinis utriusque lateris musculorum aequalitas quaedam servaretur. Verum sciendum est, utramque hanc rationem problematice tantum à *Lancisio* propositam esse.

### §. DCCVI.

Accedamus nunc ad dissertationem *Lancisii*, quam de structura usuque gangliorum conscripsit, quo quidem nomine hic non intelligit morbos nervorum nodos seu renitentes fibrarum contractiones tumoresque incertis in sedibus à plaga vel nimia compressione subortos; Sed naturalia, ob figuram *olivaria corpora* à *Fallopio* primum vocata, quorum



non modo structuram & vim, sed & usum atque morbosas affectiones investigavit. Quanquam autem, monente *nostro*, pusilla quaedam ganglia, seu gangliorum rudimenta in nervorum truncis à cervice per ventres, atque per artus ubivis locorum reperiantur, in quibus diversi ordinis nervi simul coeunt, majoremque ac praedurum caudicem efformant, à quo postmodum veluti à trunco ramuli prodeunt ac disperguntur, ut adeo certus eorum numerus definiri nequeat: Tyrones tamen artis commonere aequum duxit, ne singulos nervorum plexus pro perfectis statim gangliis habeant. Enimvero, ut praeclare loquitur *noster*, rami nervorum, qui à veris gangliis proxime proficiscuntur, lacertosi sunt ac musculares, iisque in varios deinceps veluti nerveos tendines abeunt, ubi postea in alios atque alios distribuuntur, tendinea pariter tunica circumvestiuntur, plexumque saepe effingunt, qui non est considerandus tanquam novum ganglium, sed ut plurimum veluti pars seu membrum à superiori ganglio productum atque elongatum.

#### §. DCCVII.

At vero ad genuinam gangliorum naturam intelligendam, jubet advertendum esse, non quaslibet nervorum complicationes, quae nempe in ovalem aut saltem hordeceum tumorem non elevantur, pro absolutis perfectisque gangliis habendas vel considerandas, sed vel pro tendineis propaginibus supernorum gangliorum vel pro colligationibus plurimum simul nervorum aestimandas esse, quas interdum ipsa natura, medio quodam artificio inter perfectum ganglium & simplicem tunicam nectit atque complicat; Quae quidem natura industriori tandem opere eadem majora ganglia, ceu conglomeratas mistasque glandulas & veluti robustissimos muscu-



musculos exstruxit & fabricata est. Figuram gangliorum non orbicularem, sed ovalem seu olivarem esse ostendit, ita ut verum ipsi ganglium constare quodammodo videatur ex duobus conis per bases commissis, atque in medio conjunctis, quorum apex superior principium, inferior finem seu caudam constituit.

§. DCCVIII.

Structuram gangliorum quod attinet, notum quidem est, *Fallopium*, *Willisium* & *Vieussenum* in ea evolvenda laborasse; *Noster* vero citra fucum edisserit, neminem, quod sciat, internam gangliorum substantiam persecutum esse, fibrarumque ordinem, principium, situm, modumque, quo excurrunt, recte pervidisse ac delineasse. Atque adeo adstipulatur *Morgagnio* nostro, qui muscularem in ganglio substantiam quaerendam esse voluit. Diligenti enim accurataque adhibita gangliorum sectione, quae modo cruda, modo cocta, modo etiam longo tempore tum in urina tum in aceto macerata, deprehendit, eadem esse peculiares sui generis musculos, cum reipsa muscolari textura donentur. An vero glandularem etiam naturam participant, hoc est, de quo *noster* vehementer dubitat.

§. DCCIX.

Haec vero, quae de gangliorum structura eleganter exposuit, iter ipsi muniverunt, ad eorundem vim & actionem tanto melius assequendam; Hinc progreditur ad usum eorundem declarandum, quantum nempe rei novitas pariter atque obscuritas ejusdem pati videtur, nullo interea modo negligens ipsas quoque affectiones morbosas indicare, quibus ganglia exposita esse ipse diuturno experimento animadvertit. Cum enim ganglia nihil aliud esse deprehenderit, quam



muscularia sui generis corpora, quae tendineis nervis sanguinea praesertim vasa & muscutorum fibras veluti claviculis sic apprehendant, ut ad dirigendum moderandumque animalis arbitrio liquidorum in illas influxum comparata ipsi esse videantur: Idcirco non dubitat adserere, quod ganglia triplici malorum genere, quibus musculares partes ut plurimum tentari solent, ipsa quoque obnoxia esse possint, nimirum primo convulsioni seu convulsivo motui, secundo convulsioni tonicae ac tertio semiparalyfi aut verae paralyfi.

### §. DCCX.

Praeter hanc edidit aliam adhuc dissertationem, operibus *Lancisianis* insertam, qua universi corporis humani synopsis anatomicam exhibuit. Praeterea de tabulis *Eustachii* anatomicis scripsit, atque, prout & ipse *Morgagnius* hinc inde suis in scriptis memorat, lucubrandis commentariis de corde & anevrismatibus vacavit; An lucem publicam actu adspexerint, mihi quidem ignotum est; Id tamen satis constat, quod *Lancisius* Cl. *Assalto* hanc curam commendaverit. Probabile est, *Lancisii* mortem harum lucubrationum editionem retardasse vel prorsus impeditivisse. Auctor quoque est tractatus de *mortibus subitaneis*, in quibus multa anatomica, ex cadaverum sectionibus deprompta continentur. Idem *nervi intercostalis* veram originem & progressum descriptum reliquit.

### §. DCCXI.

Id denique laudi non exiguae cedit *Lancisio*, quod, sicuti superius jam memoravimus, cum *Bartholomaei Eustachii* scripta recenseremus, promiserit ille *tabulas anatomicas* aeri incisas, quae tamen, licet anxie dudum desideratae, dudum delituerunt, & diutius forte delituissent, nisi *Lancisius* tandem easdem ex capsulis *Pini* protraxisset & imprimi curasset. Prodierunt itaque



que hae tabulae anatomicae *Eustachii*, praefatione tamen & notis illustratae, studio & opera *Jobannis Mariae Lancisii*, cubicularii & archiatri Pontificii, quo proinde nomine non vulgares illustrissimo editori grates debentur.

### §. DCCXII.

Historiam hepaticam seu tractatum de structura, usu & morbis hepatis conscripsit *Jobannes Baptista Bianchi*, in quo, praemissa secretionum doctrina generali earundemque necessitate variis rationibus evicta, imo &, confutatis hypothesebus cum fermentationis assertorum tum poristarum, ad ipsam hepatis descriptionem propius accedit, illud primum secundum partes suas externas, vasa lymphatica & nervos, deinde etiam quoad reliquam sui structuram una cum cystide fellea delineando ac praeter usum bilis secretorium illos etiam hepatis vindicando, quod non modo virtutem ventriculi chylicatoriam juvet ac promoveat, sed & sanguini diverticulum praebet una cum liene, quotiescunque nempe is vel copia vel rarefactione auctus ultra ordinariam quantitatem ampliores vias exigit. Atque his jam superstruit statum hepatis praeternaturalem, omnesque ejus morbos ad tres classes reducit, nempe ad affectus à solido hepatis dependentes, deinde qui à fluido, sanguine, bile & lymphâ, quique tandem ab extraneo corpore, v. g. calculo, vermibus, flatibus &c. originem suam deducunt.

### §. DCCXIII.

Idem *Bianchi* dissertatione epistolari ad virum Illustrissimum, *Josephum Lanzoni* descripsit ductus lacrymales novos eorumque anatomen, usum, morbos atque curationes; Novi dicuntur, non quod canales tales vel veteres vel recentiores penitus latuerint, cum neminem fugere possit, clarissimum

*Morga-*



*Morgagnium* suis in adversariis anatomicis figuris illos adumbrasse; Sed quod naturalem illorum dispositionem, imprimis vero morbos & operationes illis convenientes exactius descripserit. Quae tamen omnia sicco hic pede praetereunt, notamus solummodo, quae anatomicae considerationes sunt, eaque vel nova tantum nomina prae se ferunt, vel reipsa *novis observatis* adnumerari merentur. *Nova* nomina sunt, quando auctor duos ductus lacrymales, qui prope internum oculorum canthum à punctis palpebrarum lacrymalibus incipiunt ac nonnullis cornua limacum audiunt, *laterales* vocat, concursum autem horum speciatim *sacrum*, & reliquum canalis, sub inferioribus ossibus spongiosis sive turbinatis intra nares hiantis, *ductum longitudinalem* salutat, *rostri sacci* voce internam hujus prominentiam majorem intelligens. Verum *nova observata* sunt annulus cartilagineus punctorum lacrymalium, fraenum palpebrarum oculi cum suis productionibus, sacci lacrymalis duo annuli, superior & major alter, alter inferior & minor, aequalis tum sacci & ductuum lateralium, tum ductus longitudinalis & antri nasalis longitudo, ligamentula sacrum cum subtensis ossibus nectentia, à periosteio provenientia & sacco vaginam simul tendineam concedentia, ductus lacrymalis longitudinalis à perpendiculo versus posteriora notabiliter declinans ac inaequalis capacitatis, dum latior à sacci angulis descendit, mox gracilescit & demum rursus in pelvis modum ampliatur. Pertinet huc, quod primus adnotaverit *noster*, cunctos ductus istos ex capite exemptos atque incisos ob retia vascularia exquisite interius rubescere, sacrumque & longitudinalem ductum fibris quidem muscularibus gaudere, sacrum tamen peculiari ulterius substantia spongioso-glandulosa praeditum, ob eminentias plures minores & unam majorem vix sensibilem



sibilem cavitatem obtinere, ductus autem longitudinali expansioni pelviformi, qua intra nasi cavum patet, valvulam quandam tenuem seminularem praeponi, quae tamen nec canalem occludat, nec variorum à naribus ad oculum transitum arceat, nisi major aliquando extirerit.

## §. DCCXIV.

*Johannes Fantonus*, Med. D. & in *Universitate Taurinensi anatomiae* Professor jam multis abhinc annis dissertationes *anatomicas* ediderat, quas A. 1711. sub titulo anatomiae C. H. ad usum theatri adcommodatae *Augustae Taurinorum* recudi curavit. In tractatione ipsa sic se gessit auctor, ut praeliminari dissertatione non modo mirabilem corporis humani fabricam primis veluti lineamentis adumbraret & durarum pariter ac mollium partium necessitatem demonstraret, sed etiam, quo mechanismo utraeque ad multiplices usus concinnatae fuerint, fusius declararet. Pergit hinc ad velamenta abdominis tam communia quam propria describenda, & de peritoneo speciatim notat, duabus tantum laminis, difficilius à se separandis illud constare, etiamsi in peritoneo bubulo tres sine negotio seungi possint. Sequuntur organa masticationis ac deglutitionis, sicque ordine describuntur oesophagus & ventriculus cum intestinis & omento superincumbente, ubi vermicularis cylindrulus pro coeco habetur, qui in juvencula octo transversorum digitorum longitudinem obtinuerit, ad colon instar infundibuli amplior. Expenditur deinde mesenterium cum ductibus chyliferis atque lymphaticis, qui in corpore cachectico, viginti post mortem horis aperto, *nostro* adparuerunt. Hinc transitum facit ad descriptionem hepatis, pancreatis, lienis, renum, ureterum, vesicae renumque succenturiatorum, & partium genitalium virilium, ubi circa



liquorem prostaticarum notat, eam tantum ob causam in urethram illum effundi, ut lubricetur & quasi inungatur, ne ab urina acriori molestius vellicetur. Convertit hinc sese ad descriptionem partium genitalium muliebrium, ubi negat, portionem seminis masculini per tubam Fallopiam ad ovarium ferri atque ovulo insinuari, credens potius, activitatem seminis à mucilagine tubae enervari, ulterioremque motum ad ovarium usque in prolixo isto ac tortuoso canali cohiberi. Tandem in hoc ventre circa uterum gravidarum, foetum, involucra, placentam uterinam & funiculum umbilicalem occupatus est, ubi tamen varia iterum dubia movet, reddens non modo incertum tempus, quo foetus in utero verti soleat, sed & nutritionem foetus per os in dubium vocans, ideo quod foetus longe ante septimum mensem capite suo orificio uteri insistere deprehendatur, & humor omnis unice ex hujus folliculis glandulosis in longe in minori quantitate proveniat, quam ut foetui per os nutriendo sufficiat.

#### §. DCCXV.

Exhibita historia partium infimi ventris, ad descriptionem mediae cavitatis seu thoracis sese convertit auctor, ubi de mediastino, pericardio & thymo agit, inprimis vero elegantem structuram cordis atque pulmonum evolvit, quos pro praecipuo respirationis organo habet atque in postica tracheae parte numerosissimarum glandularum, quas *Morgagni* expresserat, realem existentiam sua autopsia confirmavit & respirationis modum pariter atque usum latius deduxit. Supremi ventris seu capitis descriptionem, in qua multa nova promittuntur, adhuc expectamus, animitus interim optantes, ut propediem lucem publicam adspiciat.

#### §. DCCXVI.



## §. DCCXVI.

Pertinet huc *Jacobi Vercelloni*, Pedemontani, phil. ac med. D. dissertatio anatomico-medica de glandulis oesophagi conglomeratis, humore digestivo vero ac vermibus; In qua negotium chylicationis explicaturus auctor, primum glandulas oesophagi externas earundemque canaliculos excretorios patefacit, deinde verum humorem digestivum ab illis derivat, ac denique vermes ita subjungit, ut ultimam veluti manum imponere chylo videantur. Nescio vero, quo impetu hodie auctores in verminosam istam hypothesein ruant. An forte, quia *Leuwenboeckius* artificiosis suis microscopiis illos seduxit? Verum abstineo hac vice ab omni judicio, idque tanto lubentius, quo apertius jam id fecisse animadverto celeberrimos auctorum Lipsiensium auctores his verbis: *Interim auctor, num in oesophagi glandularum structura earumque canaliculis, nec non in duobus fermentis digestivis, solutio altero, altero transmutativo describendis veritati magis litaverit, an imaginationi, non tam nostrum est, quam lectoris, judicare.*

## §. DCCXVII.

De *Antonio Maria Valsalva* jam superius §. CCCXXXVII. commemoravimus, quod multa nova in structura auris detexerit; Nova merito dicuntur quam plurima, quae in hac auris descriptione occurrunt, sive auriculam & meatum auditorium, sive tympanum & labyrinthum spectaveris. Nova enim sunt non pauca in auricula & meatu auditorio detecta, uti sunt glandulae cutis sebaceae, cartilaginis quidam processus, glandulae tragi, musculus auriculae anterior, musculi tragi & antitragi, novum auriculae ligamentum, verum meatus auditorii incessum observandi ratio, glandularum meatus auditorii corpus reticulare, auriculae & meatus auditorii



rami venosi à peculiari vena occipitali oriundi, nonnulla basis cranii foramina, certior nervum in odontalgia adurendi locus atque in parotide humana lymphatica seu conglobata glandula. Non minus *nova* quaedam demonstrata sunt in *tympani* cavitate, quae nempe membranae tympani compositionem ex duabus laminis, modum processus mallei minoris musculum à *Casserio* inventum detegendi, demonstrationem ejus membranae mobilis, cujus interventu basis stapedis cum fenestra ovali connectitur, foramina tympani cum cavitate cranii communicantia nec non *tubae Eustachianae* musculum &c. concernunt. *Nova* denique aut saltem non adcurate satis descripta sunt, quae in labyrintho seu interiore auris cavitate à *nostro* observata sunt, uti sunt cavitas orbicularis ante canalis semicircularis majoris orificium proprium, canalium semicircularium proportionem, scalae tympani & vestibuli differentia, quinque vestibuli foramina nervos transmittentia, tres canalium semicircularium Zonae sonorae &c.

### §. DCCXVIII.

*Georgius Baglivus*, medicinae theoricæ in *archilycaeo Romano* Professor circa initium seculi hujus specimen de *fibra motrice & morbosa* edidit, in quo, examinata ejus structura, ostendit, quanta vi polleant partes fibrosae solidae, ad motum fluidorum varia ratione modificandum. Occasionem ipsi dedit lectio scriptorum *Hippocraticorum*, in quibus deprehendit, magnum hunc Graeciae medicum in curationibus morborum non tam ad humorum alterationem & correctionem, quod permulti recentiorum facere consueverunt, verum potius ad solida eorundemque potestatem ac vim, quam in liquida exercent, respicere; Id quod ex *fotuum*, *frictionum*, *balneorum*, *succussionum*, *vellicationum* aliorumque talium remedio-



remediorum, solida potius adficientium, commendatione sat liquido constat.

### §. DCCXIX.

Ejusdem studio variae quoque dissertationes, quae anatomici sunt argumenti, lucem adspexerunt publicam, uti sunt, quae anatomen tarantulae, itemque experimenta anatomico - infusoria &c. sistunt; Quibus etiam sectio cadaveris Marcelli Malpighii, & quae in eo inventa sunt, adnumeranda est. Ut taceam, ipsum quoque anatomen cordis testudinis exhibuisse.

### §. DCCXX.

Anno 1707. fasciculus epistolarum prodiit, auctoribus *Georgio Desnoues* sive *Novesio*, anat. & chirurg. Prof. in acad. Bononiensi, & *Guilielmino*, pariter medicinae & matheos *Professore Patavienſi* aliisque, in quibus varia inventa, nova continentur, uti sunt *singularis nervi auditorii reptatus per auris labyrinthum*, methodus artificiosa vasa sanguinea replendi itemque methodus partes elegantissime cera imitandi, ut naturalibus quam simillimae reddantur; Quod, an ullus alius anatomicorum ante ipsum praestiterit vel praestare saltem potuerit, non recordor, me ullibi legisse.

### §. DCCXXI.

A. 1709. *Laurentius Terraneus* tractatum suum de glandulis *universim & speciatim* ad urethram virilem pertinentibus, quas pro novis venditat, publicavit, additis etiam majoris illustrationis gratia aliquot figuris, Cl. *Mangeto* communicatis, qui eas theatro suo anatomico inseri iussit. Re autem penitus expensa, glandulae istae eadem esse videntur cum iis, quas jam antea *Morgagni*, *Littre*, & *Comperus* descripserant.



## §. DCCXXII.

Continet autem universus tractatus 5. capita, in quorum *primo* de glandulis disgregatis in genere, in *secundo* de glandulis disgregatis urethrae, in *tercio* de glandulis conglomeratis ejusdem, in *quarto* de glandularum conglomeratarum urethrae musculo, ac denique in *quinto* de morbis glandularum urethrae ac speciatim de gonorrhoea agitur; Quae omnia deinde usibus physiologicis ac pathologicis adplicantur.

## §. DCCXXIII.

*Jobannes Hyacynthus Vogli*, philosophus ac medicus *Bononiensis* de *anthropogonia* dissertationem anatomico-physicam conscripsit & duas in partes distinxit, in quarum *priore*, de viviparorum genesi agens, ova vivipara refellit, in *posteriore* vero novum specimen per uterinae substantiae elongationem atque ordinatam texturam ex feminibus plasmantibus propugnat. An vero hac sua theoria, quam pro nova venditat, plus luminis abstrusae doctrinae de generatione animalium accenderit, alii dijudicent.

## §. DCCXXIV.

Prodiêrunt quoque studio & opera *Petri Simonis Rubaltii*, *Regis Sardiniae* & *generalis militaris chirurgi*, *professoris chirurgiae Taurinensis*, ut & *chirurgi jurati Parisiensis* & *academiae scientiarum regiae socii*, observationes anatomico-medicae, illustrandae oeconomiae foetus humani inservientes. Comprehenduntur autem, quae partim nova detexit, partim ab aliis jam descripta sunt, sex capitibus, in quorum *primo* de placenta & membranis foetus, in *secundo* de funiculo umbilicali, in *tertio* de nutritione foetus, in *quarto* de motuum potentia, qua sanguis à matre ad foetum urgetur, in *quinto* de circulatione sanguis-



sanguinis per cor in foetu ac denique in *sexto* de partus causis agitur.

§. DCCXXV.

Cum vero in modo, quo sanguis in foetu humano circulationem suam absolvit, ab opinione *Harvei* & *Mery* recederet, ac theses ipsius, quas ea de re concinnaverat, censuram *Winslovii* subiissent, sui officii esse putavit, censurae huic suam opponere responsionem; Unde opusculum sub hac inscriptione enatum est: *Petri Simonis Rubalti* responsum ad censuram *D. Winslovii*, super commentarium suum de circulatione sanguinis in foetu humano factam; Quam controversiam nos suo loco relinquere cogimur, brevitati quippe studentes.

§. DCCXXVI.

*Josephus Pozzi*, *Jacobi* filius, Professor anatomes *Bononiensis*, & academiae scientiarum instituti sodalis, duas habuit orationes, quibus *epistolare anatomicum commentariolum* adjecit, eo forte consilio, ne orationes ipsae nimia sterilitate lectoribus taedium parerent. Continet vero epistola observationes aliquot, quae anatomen propius respiciunt, uti sunt: Ungues à musculorum tendinibus, per extrema digitorum internodia diffusis subnasci. Structuram thymi esse cellulosam, & intra cellulas observari fibrillas quasdam carneas, quas firmitati ac motui thymi inservire existimat, & quae sunt pauca alia.

§. DCCXXVII.

Industria atque labore *Dominici Gagliardi*, M. D. & Professoris anatome ossium, novis inventis illustrata prodiit. In praefatione pollicetur lectori, se *medullae ossium secernicula ac ejus receptacula delineaturum*, ostendendo artificium, quo laminis  
*internae*



*internae substantiae ea alligata ac distributa sint?* Idem quoque spem facit, se nonnulla quoque *de circulatione sanguinis per ossa ac per medullas* adlaturum, ubi mirabile artificium, quo in tali parte refluus sanguis propellitur, & ea occasione plurima alia curiosa aequae ac utilia eventilanda sibi proposuit.

### §. DCCXXVIII.

Ordo vero totius operis talis est: Praemissa praefatione, agit primo in capite de compositione ossium in genere, subjunctis novem observationibus admodum curiosis, quibus structura ossium ex sententia *Gagliardi* confirmatur. In *secundo* capite particularem ossium indaginem instituit, eamque pariter octo observationibus corroborat.

### §. DCCXXIX.

*Antonius Nicolaus Barnabeus* sua, nempe italica lingua de *mortibus subitaneis* scripsit, quarum causas ut experiretur certius, cadavera talium hominum, qui plane ex improvviso denati erant, cultro anatomico subjecit.

### §. DCCXXX.

Eodem sibi vernaculo idiomate *Thomas Alghisi* tractatum suum de *lithotomia* concinnavit; Quod argumentum cum rite tractare non posset, nisi probe cognita structura partium secandarum: Hinc non modo descriptionem sed & figuras novas partium, urinae se & excretioni inservientium praemisit.

### §. DCCXXXI.

Et quamvis *Franciscus Maria Nigrosolius* anatomica ex professo non scripserit: Nihilominus tamen, cum a. 1712. considerationes quasdam de generatione viventium & sigillatim monstrorum ederet, vix impetrare à se aliter poterat, quin anatomica quaedam immisceret.

### §. DCCXXXII.



## §. DCCXXXII.

*Antonius Saracenus* anatomiam quidem C. H. publico exhibuit, sed, ut ipse ingenue fatetur, ex anatome quadam gallica, quam *anonymus* quidam ediderat, in linguam italicam conversam; Additae tamen sunt adnotationes quaedam, comprehendentes eorum multa, quae noviter in anatomicis inventa ac detecta sunt.

## §. DCCXXXIII.

*Jacobus de Sandris*, anat. & chir. prof. in acad. *Bononiensi* nihil quidem, quod *anatomen* stricte concerneret, in publicum dedit, nisi quod de ventriculo & glandulis egerit; In tractatu tamen, quem de statu sanguinis naturali pariter ac praeternaturali reliquit, non pauca anatomen spectantia continentur.

## §. DCCXXXIV.

*Sebastiani Melli*, professoris Veneti, nullam aliam ob rationem hic mentio injicitur, quam quod in tractatu suo, de *fistula lacrymali* consignato, melioris doctrinae gratia, ductus lacrymales describere ac delineare fuerit coactus. Quod idem argumentum etiam *Dominicus Anellus* sibi evolvendum sumsit.

## §. DCCXXXV.

In gallica natione, ad cujus scriptores anatomicos nunc progredior, permulti quoque fuere, qui in hoc studii genere eminuerunt, & quorum non paucos jam in superioribus recensuimus. Inficias tamen ire neque possumus neque debemus, quod eorum nonnulli plus curiositati, quam verae ac solidae utilitati tribuerint; Id quod tamen laudatissimis hujus nationis conatibus, artem tam utilem atque necessariam excolendi, nihil derogare potest. Multi non contenti iis,



quae sensus subministrant, more *Leuwenhoekii* oculis armatis utuntur & interiora rerum hoc beneficio rimari conantur, unde tamen saepius exigua imo nulla solida utilitas resultat. Hujus census esse videtur labor, quem Dn. *Chirac*, professor regius in academia *Monspeliensi* circa *pilorum structuram* suscepit. An vero ex talibus praesuppositis, quae ab ipso formantur, pilorum phaenomena, ut nihil tamen cōacti admittatur, explicari possint, aliis dijudicandum relinquo.

### §. DCCXXXVI.

Utiliorem in se operam suscepit *Johannes Bagetus*, magister chirurgus juratus *Parisiensis*, atque anatomiae & chirurgiae demonstrator, qui eo non obstante, quod ab aliis descriptiones ossium satis adcuratae jam prostant, *osteologiam* tamen publicavit, in qua unumquodque os ratione partium, ex quibus componitur, cavitatum, quae inibi existunt, & articulationum cum aliis ossibus, consideratur. Distinxit auctor opusculum suum in tres tractatus, quorum *primus* lucem jam adspexit, & in quo de ossibus, nulla partium molliorum ratione habita, agitur.

### §. DCCXXXVII.

Quamvis aliquoties jam *Jacobi Benigni Winslovii* ex academia regia scientiarum doctoris regentis, Facultatis medicae in academia *Parisiensi*, seniorisque professoris anatomiae & chirurgiae ejusdem Facultatis mentio hoc in scripto facta sit; Nondum tamen expositio anatomica structurae C. H. per illum luci publicae data à nobis recensita est. Placuit vero celeberrimo auctori, hoc suum anatomicum opus, *Vesalii* exemplo, in quatuor tomos distinguere, ita ut *primus* doctrinam ossium, *alter* musculorum, *tertius* vasorum & *quartus* reliquorum abdominis viscerum pariterque thoracis & capitis & praecipuarum



puarum glandularum proponeret. Quid vero singulare in singulis praestiterit, & quibus accessionibus anatomen pro vasta, quam in hac arte possidebat, scientia, locupletaverit, nimis prolixum foret hic recensere. Ad commendationem operis sufficere hac vice potest, quod statim ac lucem adspexit publicam, in germanicam, anglicam & forte alias versum fuerit.

### §. DCCXXXVIII.

*Jobannes Crescentius Garengeot*, chirurgiae demonstrator regius in collegio S. Cosmi, ut & societatum, *Londinensis* ac *Parisiensis* membrum, in lucem dedit *splanchnologiam* seu anatomiam viscerum cum figuris, quam ex gallico in teutonicum vertit *Jobannes Alexander Mischel*, una cum dissertatione de origine chirurgiae & medicinae.

### §. DCCXXXIX.

Comprehenditur tribus distinctis partibus, in quarum *prima*, praemissa partium omnium definitione generali, abdominis, in *secunda* thoracis viscera ac denique in *tertia* capitis partes tam externae quam internae describuntur.

### §. DCCXL.

In observationibus *medico-chirurgicis* D. *Wagret* haud pauca etiam anatomen concernentia occurrunt; Ut *osteologiam* taceam. Similiter *Louis-Leger de Gouey*, chirurgus gallus in *chirurgia*, quam *veram* appellare amat, nova inventa, *osteologiam* aequae ac *myologiam* illustrantia in medium producit.

### §. DCCXLI.

Cum obstetricandi ars non admodum fructuose exerceri ab eo possit, qui anatomes penitus ignarus est: Hinc *Francisci Mauriçau* observationes eo majori in pretio habendae sunt,



sunt, quo pluribus ad anatomen spectantibus animadversionibus sunt exornatae. Simile institutum adprobavit obstetrix quaedam gallica, *de la Marche* dicta, quae in praeceptis, scitu obstetricibus admodum necessariis, talem partium genitalium descriptionem suppeditavit, quae arti isti cum successu exercendae sufficiat.

#### §. DCCXLII.

*D. Verduc* myologiam edidit, & *Berengerus*, qui tractatum de herniis publicam in lucem emisit, nihil omisit eorum, quae ad descriptionem earum partium pertinent, in quibus herniae contingere consueverunt, adjectis, melioris illustrationis gratia, figuris.

#### §. DCCXLIII.

Iungimus hisce *D. Besse*, M. D. qui tractatum anatomicum in partes distributum edidit, in quo praeter structuram usus etiam partium C. H. explicatur.

#### §. DCCXLIV.

*Brissaei* tractatus de *cataracta* & *glaucomate* alio nomine hic non memoratur, nisi quod, ad causam horum malorum rectius intelligendam, oculi structuram concinne admodum descripserit. In eodem argumento industriam suam exercuit *Antonius Maitre Jean*, chirurgus, qui, ut morbos oculorum scientifice magis tractaret, descriptionem oculi anatomicam praemisit.

#### §. DCCXLV.

De *generatione hominis* tractatum gallicum in publicum emisit *Nicolaus Venette*, medicus & professor quondam *Rupellensis*, qui a. 1702. *Coloniae* auctior cum figuris, partium genitalium structuram & totum generationis negotium illustrantibus prodiit



prodiit. Optarem vero cum Cl. *Heistero*, castis auribus & oculis pepercisse *nostrum*, cum juvenilis aetas ad illecebras venereas sponte jam fatis propendeat.

§. DCCXLVI.

Subjūngo his chirurgum *Parisiensem*, *Saviardum* nempe, qui quidem fasciculum tantum *observationum chirurgicarum* scripsit, verum quibus non paucae anatomicae, ex cadaverum sectionibus depromptae, sunt insertae.

§. DCCXLVII.

*Meryo* ac *Littrio* non paucas eximias debemus observationes, quas *academiae scientiarum regiae Parisiensi* inferi curarunt, & quarum aliquot jam supra commemoravimus.

§. DCCXLVIII.

Inter Anglos hoc nostro tempore anatomicam artem illustrarunt, qui sequuntur: *Carolus Holt*, ad editorem *actorum philosophicorum Anglicorum* litteras perscripsit, in quibus commemorat, se sectioni infantis, duos menses nati, interfuisse, in cujus abdomine aperto, praeter hepar, renes, vesicam urinariam & intestinum rectum, nullum aliud viscus, alias secundum naturam in eo reperiendum oculis sese objecerit; At vero, sterno remoto, mesenterium cum adjunctis intestinis, super cor & pulmones expansum in cavitate thoracis conspectum est. Omentum una cum mediastino omnino desideratum fuit; Id quod tamen pro certo & indubitato auctor venditare non audet.

§. DCCXLIX.

*Jacobus Douglassius*, magnae Britanniae Regis archiater extraordinarium Coll. med. Londinenf. & societatis regiae Collega scripsit speciem *myographiae comparatae* sive *descriptionem*



*comparatam corporis humani & quadrupedum*, lingua nempe anglica, quam *Jobannes Fridericus Schreiberus* latinum in sermonem convertit. Addita est descriptio nova musculorum, mulieribus priorum una cum tabula etymologica. In lucem primum emissâ est Londini A. 1707. noviter vero edita *Lugduni Batavorum* A. 1729. cui postremae editioni interpres multas egregias observationes anatomicas adjecit. Multa quoque praestitit in anatome C. H. quam *Guilielmus Cheseldenius*, chirurgus *Londinensis* in publicum dedit, sicuti ipsemet lubens in praefatione confitetur. Praeterea descriptio accuratior *peritonei & membranae cellularis* eidem debetur, quam una cum recensione veri situs omnium viscerum abdominis, quantum ad has partes attinet, ex anglico latine vertit & annotationibus auxit *Elias Fridericus Heisterus*, filius *Laurentii*. Denique *bibliographiae anatomicae* specimen edidit, in quo praecipuos, si non omnes, scriptores anatomicos a magno *Hippocrate* usque ad *Harvaeum* accurate descripsit.

#### §. DCCL.

*Guilielmus Rutti*, Med. D. societatis regiae collega & anatomiae in theatro chirurgico lectoris tractatum de *viis urinariis* consignavit, quem in tres sectiones divisit, in quarum prima, nempe *anatomica*, singulas partes, urinarum se & excretioni dicatas, renes, ureteres, & vesicam urinariam explicuit, quibus tamen partibus renes quoque succenturiatos addidit. *Alterâ* sectio est physiologica ac *tertiâ* pathologico-therapeutica, quae tamen utraque non est hujus loci.

#### §. DCCLI.

*Jacobus Keil*, M. D. anatomiam corporis humani, in compendium redactam reliquit, quae *Londini* A. 1718. sextum prodiiit.



diit. Septem continet capita, in quorum *primo* de partibus constitutivis, externis & communibus, in *altero* de infimo ventre, in *tertio* de thorace, in *quarto* de capite, in *quinto* de ossibus, in *sexto* de musculis & in *septimo* demum de nervis, venis & arteriis tractatur. Et licet hac anatome clar. auctor non exiguam sibi famam comparaverit; Non minori tamen adplausu exceptus est quoque ejusdem tractatus de *secretione animali*, qui licet pure *physiologicus* esse videatur: Multa tamen etiam, natura rei sic exoptulante, *anatomica* continet.

§. DCCLII.

Inter commentatores ossium, quorum plures hinc inde commemoravimus, referri etiam meretur *Alexander Monro*, Professor *anatomiae* in academia Edimburgensi, qui, licet multa jam satis nota adferre necesse habeat; Non pauca tamen etiam hoc in scripto leguntur, quae aliis aliter visa sunt. Ita v. g. de periosseo agens, duplex ei stratum vindicat, quorum alterum, nempe membranaceum à dura matre ortum ducere, alterum vero à musculosis fibris repetendum esse existimat. Per ossa tam vasa sanguinea quam nervos disseminari credit: Unde non omnem illis sensibilitatem denegandam esse censet. Plura talia specimina, quod factum facile esset, excerpere, instituti nostri ratio haud patitur.

§. DCCLIII.

Eidem huic volumini, eodem auctore, adjunctus est tractatus anatomicus de *nervis*, nec non recensio *motuum reciprocorum cordis*, ut & *sacci ductusque lactei humani* descriptio. Nervum parvulis segregatisque constare fibris adserit quidem, at nulla tamen oculo etiam quam maxime armato osculi vestigia exhibere lubens confitetur; Quo tamen nihil obstante argumen-



argumentis *Bellini*, *Bohnii*, & *Pittarnii* convictus concedit, nervos esse fasciculos vasorum, per quae conveniens angustiae viarum liquor transvehi queat. Quanta vero incertitudine hae tales res adhuc laborent, ipse dissimulare nequit.

#### §. DCCLIV.

*Jobannes Freind*, M.D. & serenissimae reginae Carolinae archiater, ob historiam medicinae, quam à *Galen*i tempore usque ad initium seculi 1716. concinnavit, eruditis satis notus, in *emmenologia* sua *structuram uteri* ejusdemque *vaginae* accurate admodum descripsit, ut naturam & causam fluxus mulierum menstrualis eo felicius investigaret.

#### §. DCCLV.

Simili modo in *ophthalmiatria* sua sese gessit *Guilielmus Coowardus*; Vix enim possibile erat, in ejus elaboratione digne ac fructuose versari, nisi oculi ejusque partium structura & functionibus rite praemisissis. Jungo huic *Guilielmum Read*, ocularium, cui idem placuit consilium; Acturus enim de morbis oculorum, condigne se hoc praestitutum vix sperabat, nisi oculorum anatomica consideratione debite praemissa.

#### §. DCCLVI.

*Gibsius* observationes de *adfectibus scrophulosis* cum publico communicavit: Qua occasione suas, quas de *glandularum structura* fovit, considerationes, eruditorum quoque judicio exposuit.

#### §. DCCLVII.

*Petrus Kennedy* in *ophthalmographia* sua quadam quasi necessitate coactus fuit, ut structuram oculi simul explicaret, cum alterum sine altero condigne tractari nequeat. Quod  
idem



idem institutum adprobavit quoque *Georgius Berkeley*, hybernus, qui, *novam visionis theoriā* traditurus, necesse omnino habuit, ut *oculi anatomen* conjungeret.

### §. DCCLVIII.

*Guilielmus Cheseldenius*, cujus jam antea de *Douglasio* agentes, mentio injecta est, *anatomen* C. H. vernacula sua conscripsit, in qua varias non modo observationes, ab aliis praetermissas attulit, sed & variarum C. H. partium delineationes viginti tribus tabulis aeneis exhibuit. Ex his prae reliquis notatu digniores judicat Cl. *Heisterus*, quae *vasa lactea* una cum *ductu thoracico*, *sinus* & *arterias cerebri* itidemque *intestinelorum arterias* & totius *venae portae* delineationem, nec non *ductus hepatici pororumque biliariorum* per totam hepatis substantiam distributorum ac deniq; *organa, urinae se- & excretioni inservientia vasaque cordis ac hepatis* ex foetu desumpta repraesentant.

### §. DCCLIX.

*Guilielmus Cockburn*, gonorrhoeam virulentam rite descripturus, sponte absolutam agnoscebat necessitatem, describendi simul ipsas illas partes, quae in foedissimo hoc morbo, ex impura venere ortum trahente, potissimum affectae sunt.

### §. DCCLX.

Idem plane institutum placuit *Johanni Purcel*, qui in colicae natura exponenda occupatus, vix abstinere potuit, quo minus qualemcunque partium in colica laborantium descriptionem anatomicam subministraret. Cur vero digressionem ad *lienem*, ejusque structuram & usus singulares evolvendos, alieno plane loco fecerit, ejus rei rationem nec facile nec accurate comprehendo.



## §. DCCLXI.

*Archibaldi Pitcairni*, qui natione quidem *Scotus* fuit, sed tamen in academia *Lugduna-Batava* professione publica perfunctus est, scripta magno quidem adplausu sunt excepta; Verum paucissima in illis occurrunt lectori, quae nostrum, nempe *anatomicum* argumentum stricte concernunt.

## §. DCCLXII.

Cumque nihil sit, ut jam aliquoties monuimus, quod observationes medico-practicas clarius illustret atque confirmet, quam *anatomie practica*: Hinc *Hum. Ridley*, M.D. & coll. med. Lond. socius, operae pretium esse duxit, ut, quas collegerat observationes tam physiologicas quam practicas, sectionibus corporum humanorum, variis morbis extinctorum, corroboraret. Inscriptio opusculi haec est: *Observationes quadam medico-practicae & physiologicae, inter quas aliquantofusius agitur de asthmate & hydrophobia, quarum etiam decem ultimis subjiciuntur administrationes totidem corporum, morbis, quorum tituli observationibus iis praefiguntur. anatomicae; Cum particulari & non ante observata de cordis in embryone vasorum structura, & juxta cum sanguinis circuitu dissertatio.*

## DCCLXIII.

Ex *Suecis* & *Danis* pauci sunt, quorum scripta hoc seculo ad nos pervenerunt, nisi *Johannem Cbr. Heyne* & *Christianum Stroem* excipere placeat. Ille namque, ossium morbos expositurus, eorundem structuram perite conjunxit. Hic vero in nova motuum reciprocorum machinae animalis theoria, ex partium organicarum structura & proprietatibus deducta, ad anatomicae artis subsidium hinc inde recurrere coactus fuit.

## §. DCCLXIV.



## §. DCCLXIV.

Praeter hos inter scriptores seculi decimi sexti *Johannis Jacobi Döbelii*, med. D. & civitatis *Gothoburgensis* ac provinciae *Bahusiensis* medici ordinarii mentionem facere debuisssem. Verum cum serius ad notitiam meam pervenerit scriptum ipsius, malui illud alieno loco recensere, quam silentio penitus velare. Descriptam itaque reliquit historiam glandis penis cancrofi ac feliciter dissecti cum adnexa quaestione: Num, qui integris instructus est testiculis, pene vero vel natura brevior vel casu abbreviato, ad prolificationem aptus esse possit?

## §. DCCLXV.

Verum *germani* nostri magno numero in scenam prodire, atque ad *anatomien* ulterius expoliendam socias operas contulerunt. Spectat huc *Bartholdus Krügerus*, medicus *Brunsvicensis*, qui non tam de anatomia ipsa, verum de administrationibus anatomicis tantum sollicitus fuit. Inscriptio tractatus haec est: *Anatomicus curiosus* *Θιαδιδαντος*, h. e. ut ipse eam declarat, methodus secandi cadavera Hippocratica-Democritea.

## §. DCCLXVI.

*Bellingeri* descriptio ductuum, ex glandula thymi ad os abeuntium, plerisque suspecta est; Nisi ergo clarior ei lux adfundatur, ejus existentiam in medio merito relinquimus.

## §. DCCLXVII.

*Johannes Conradus Ammannus*, natione quidem *Helvetius* fuit, sed *Amstelaedami* praxin medicam exercuit. In tractatu, quem *surdum loquentem* inscribit, loquelae organa, *linguam, laryngem, nares, palatum, uvulam, dentes, labra &c.* adcurate descripsit.



scripsit. De eodem hoc argumento aliquot annis post etiam *Dodartius* in galliis differuit.

§. DCCLXVIII.

*Johannis Nicolai Pechlini* ideo tantum in historia *anatomes* mentionem facimus, quia in tractatu de *purgantibus* qualemcunque *ventriculi*, *intestinorum*, *hepatis* atque *pancreatis* descriptionem simul suppeditavit. De *Christiano Maximiliano Spenero*, magni illius theologi n. t. filio, satis quidem notum est, quod in *theatro anatomico Berolinensi* demonstrationibus talibus diligenter vacaverit; An vero scripta quaedam reliquerit, ignotum mihi est, nisi quod a. 1704. myographiam *Johannis Browne* ex anglico in vernaculum transtulerit, multisque additamentis locupletaverit.

§. DCCLXIX.

*Güntherus Christophorus Schellhammerus*, M. D. & antehac in *Julia*, deinde in *Jenensi* tandemque in *Kiloniensi* professor fuit. In *analectis anatomico-physiologicis* libere quidem, quae in sectionibus cadaverum observavit, exponere potuisset, sed ab invectivis in *Verheyenium*, *Willisium*, *Nuckium*, *Tournefortium*, *Gavettum*, *Higbmorum*, *Viessenium*, *Bellinum* pluresque alios abstinere merito debuisset. Veritatis character est, sine bile eandem profiteri. Quae praeterea à *Schellhammero* observata sunt, in epitomen congesta in suo *inaugurali* programme *Heisterus* p. 133. 134. 135. & 136. exposuit.

§. DCCLXX.

Ex eorum numero, qui *medicinam forensam* tractarunt, innotuit *Valentinus*, *Zittmannus* alique, qui ex variis cadaverum sectionibus utilissimas, *anatomien* illustrantes collegerunt observationes. *Valentino* praeter *pandectas* & *novellas medico-*



*dico - legales* debemus quoque *medicinam nov - antiquam*, in qua delineatio *ductus thoracici* ex *Saltzmanno* tamen mutuata continetur. *Zittmanni* vero prolixum opus nil nisi casus continet, qui ad facultatem medicam *Lipsiensem*, transmissi & ab eadem elaborati sunt.

## §. DCCLXXI.

*Georgius Albertus Hambergerus*, existentiam DEI, quod alii jam ante ipsum fecerant, probaturus, ad artificiosissimam cordis structuram recurrit.

## §. DCCLXXII.

*Christophorus Jacobus Trewius*, med. D. & reipublicae Norimbergensis physicus ord. os *sesamoideum* in externo femoris condylo, similiterque in primo digiti auricularis articulo saepe reperiundum delineavit. Promisit praeterea decadem observationum anatomicarum, quae, an lucem adspexerint, mihi certo non constat.

## §. DCCLXXIII.

*Heinricus Bassius*, med. ac chir. D. nec non in alma *Friedericiana* P.P. observationes *anatomico - chirurgico - medicas* scripsit, quas in IV. decades digessit, variis observatis rarioribus exornavit, & solidis medicae scientiae principiis superstruxit, variis figuris aeneis additis. Anatomen caeteroquin exacte callere *Bassium*, ex cadaverum sectionibus, quas *Halis* administravit, satis constat.

## §. DCCLXXIV.

Hoc anno mense martio debita naturae persolvit *Poly-earpus Gottlieb Schackerus*, phil. & med. D. & in acad. *Lipsiensi* therapevtices P. P. O. Fac. med. Dec. perpetuus, Universitatis senior & decemvir, in cuius vita describenda ideo prolixus



non sum, quod eam in novellis litterariis *Lipsiensibus* A. 1737. mens. Aprilis adcurate jam video delineatam. Scripta vero nostri argumenti ac disputationes, quas reliquit, hae sunt: De loquela hominis; De cataracta; De deglutitione; De fistulae spiritalis fabrica ejusque sectione, quam *bronchotomiam* nuncupant; De placenta uterina ejusque morbis; De anatomica praecipuarum partium administratione, de qua disputatione id cum primis notari meretur, quod in ea nova plane singularis describatur machina, aeris incisa, concurrente in primis antlia pnevmatica, vasa alicujus visceris cera vel mercurio vivo ita adimpleri possunt, ut melius in conspectum producantur. De anatomia & physiologia in genere; De partibus C. H. externis & internis; Inter programmata ejusdem pariter occurrunt, quae anatomen concernunt, & tractant de anatomia C. H. olim invidiosa satis atque exosa, summe tamen necessaria; De nuda peritonei dilatatione, herniarum causa; De vasorum biliariorum existentia & distributione; De prolapsu vaginae uterinae &c.

#### §. DCCLXXV.

*Jacobus Benignus Winslow*, cujus jam alio loco perhonorifica facta est mentio, anatomiae & chirurgiae in Facultate medica *Parisiensi* Prof. nec non regiae scientiarum societatis *Parisiensis* & *Berolinensis* membrum spectabile hoc nostro tempore tantam in anatomica arte famam & existimationem sibi comparavit, ut de palma cum plerisque aliis hujus aevi certare jure possit. Ipse scil. manum admovit operi, atque hinc intervallo aliquot & viginta annorum, quos informandis aliis Gallis aequae ac exteris in hoc studii genere impendit, tantam sibi dexteritatem adquisivit, ut universi corporis humani elegantissimam structuram feliciter ob oculos posuerit.

#### §. DCCLXXVI.



## §. DCCLXXVI.

Luci proinde publicae exposuit *tractatum anatomicum* gallica lingua, ex qua tamen, ut nostrorum etiam germanorum usui inservire posset, in vernaculam nostram jam dudum translatus & a. 1733. Berolini in forma, ut dicunt, octava editus est. Haec ipsa vero editio in quatuor volumina est distincta, in quorum *priore* de ossibus tam *recentibus* quam *siccis*, in *altero* de musculis, in *tertio* de arteriis, venis & nervis agitur; Quibus omnibus demum terminorum anatomicorum, ossis, cartilaginis, ligamenti, fibrae, glandulae, pinguedinis &c. explicatio una cum integumentorum corporis communium historia subjungitur. Tandem vero quarta in parte viscerum explicationi sese adcingit, singulosque tres ventres, caput, thoracem & abdomen percurrit.

## §. DCCLXXVII.

*Christianus Polycarpus Leporinus*, M. D. disquisitionem brevem quidem, fundamentalem tamen de secundinis retentis communicavit eruditis; Quam anatomicae tractationi *Friederici Rhysschii* de musculo in fundo uteri observato modeste opposuit.

## §. DCCLXXVIII.

*Johannes Fridericus Ermelius*, Grimma-Misnicus, M. D. & practicus, auctor est tabularum *physiologico-anatomicarum*, quae fundamenta tradunt medicinae tyroni, ejusque fini inserviunt. In praefatione libere fatetur, se *Schachero* Lipsiensium professori celebri, quem praeceptorem suum veneratur, debere. Nec tamen dissimulat, multum se quoque ex *Stablii* & *Nenteri* scriptis profecisse.

## §. DCCLXXIX.



## §. DCCLXXIX.

Univerſum vero opus ita digeſſit, ut tabula *prima* anatomiae definitionem praemitteret, in *ſecunda* de instrumentis anatomicis & in *tertia* de objecto artis hujus ageret. Tabula *quarta* externas corporis humani denominationes, *quinta* & *ſexta* vero osteologiam in genere exhibet; *Septima* de osſium cavitate eorumque perioſteo, medulla & cartilagine, *oſtava* de partibus eminentibus osſiumque connexione agit & *nona* atque *decima* & *undecima* demum ſpecialem osteologiae partem ſiſtit una cum osſiculis auditus, faciei &c. Tabula *duodecima* de dentibus, *decima tertia* de osſe hyoide, *decima quarta* de osſibus ſpinae vertebrarum, *decima quinta* & *ſexta* de osſibus thoracis, ſpeciatiim de claviculis & ſcapulis, tabula *ſeptima decima* de osſibus abdominis agitur. *Decima oſtava* & *nona* exhibentur osſa manuum pedumque. In duabus poſtremis vero de pilis & unguibus tractatur.

## §. DCCLXXX.

Studio & opera *Johannis Timmii*, Bremeniſis, M. D. & practici *obſervationes aliquot anatomico-practicae rariores*, ex ſectionibus hominum, certis morbis denatorum hauſtae prodierunt; Unde non ſolum pars laeſa, ſed & cauſſa mortis genuina innotuit; Addito ſuccincto tractatu de exiſtentia DEI, ex conſideratione medullae ſpinalis anatomica demonſtrata.

## §. DCCLXXXI.

Eodem *Timmio* auctore lucem adſpexerunt *collectanea ad praxin anatomes ſpectantia*, quae tamen nihil aliud continent, quam collectionem ſcriptorum quorundam anatomicorum, ad praeparationem corporum humanorum anatomicam pertinentium, uti ſunt *Lyſeri* culter anatomicus, *Caspari Bartholini* demon-



demonstrationes anatomicae, *Regneri de Graef* tractatus de usu siphonis anatomici cum *Bartholini* emendatione ejusdem instrumenti; Accessit latina terminorum technicorum in arte anatomica usitatorum denominatio una cum aliquot observationibus; De quo opusculo adseveratur in praefatione, quod in lingua vernacula ejus generis scriptum lucem nunquam viderit, quod ei comparari mereatur.

### §. DCCLXXXII.

*Johannes Henricus Herlinus*, M. D. & pract. *Altenburgensis* observationem *anatomico-pathologicam* de praeternaturali ac lethali fluxus haemorrhoidalis suppressi ad pectus translatione; Quae sane observatio multis de causis omni animadversione digna est & optandum, ejus farinae plures à practicis consignari, quia ex statu praeternaturali & morbofo status subinde naturalis optime cognosci potest.

### §. DCCLXXXIII.

*Christianus Michaël Adolphi*, M. D. & Fac. Med. *Lipsiensis* adfessor inter varias, quas habuit, disputationes, etiam *triadem dissertationum physiologico-anatomicarum*, quas ante hac diversis temporibus seorsim ventilandas proposuerat, deinde unum in fasciculum collectas edidit; *Prima* illarum de motu ventriculi & intestinorum peristaltico, *altera* de tunica intestinorum villosa ac *tertia* de intestino agit.

### §. DCCLXXXIV.

*Hermannus Fridericus Teichmeierus*, M. D. & in *academia Jenensi* anatomiae, chirurgiae & botanices P. P. O. in elementis *anthropologiae* meminit *officuli auditus*, quod speciatim inter mallei & incudis juncturam à se primum observatum, descriptum ac delineatum esse profitetur. Cumque non modo officulum



hoc, sed & alia inventa sua anatomica à celeberrimis quibusdam anatomicis in dubium vocari deprehenderet, eorundem vindicias in se suscipere coactus est, atque adeo disputatione solemni egit *primum* de tribus ossiculis auditus *majoribus*, malleo, incude & stapede, *deinde* vero etiam de *minoribus*, ovali nempe, *semilunari*, *lenticulari* atque *triangulari*. Reliqua sua in anatomicis inventa circa finem praedictarum *vindicatarum* ipse enarrat his verbis. Reliqua, quae in anatomicis à me detecta, sunt 1. *in valvula cerebri majore*. 2. *in fimbriis tubarum FALLOPII*, in quarum utraque evidens eaque necessaria admodum, conspicitur valvula. 3. *in ramo nervoso, a plexu nervoso abdominis ad epididymides tendente, quem nervum cel. Valsalva pro speciali ductu ad epididymides procedente venditat*. 4. *in tunicis testium, ubi albuginea dicta in tres evidentes tunicas separari potest*. Dubia quidem praeter Heisterum movit Waltherus, sed quae amice remove *noster* studuit.

### §. DCCLXXXV.

Henricus Albertus Nicolai, M. L. in academia Argentoratensi praeceptore inprimis Johanne Saltzmanno usus est, qui sincerum hoc ipsi perhibet testimonium, quod, cum anatomiae potissimum excolendae sese consecraverit, magnam in secundo dexteritatem sibi comparaverit. Edidit proinde *diatribam mechanico anatomicam de directione vasorum pro modificando sanguinis circulo*, quod primum ejus specimen penes cultores anatomes non vulgarem invenit adplausum.

### §. DCCLXXXVI.

Et licet germania nostra ignoraverit olim consuetudinem, docendi artem *anatomicam* in scholis trivialibus & gymnasiis; Hodie tamen rem aliter sese habere, exemplo scholae *Saldriae*



*Saldriae*, quae est *Brandenburgi*, addiscimus, in qua à pluribus jam retro annis *Ernestus Victor Sprengel*, ejusdem *Saldriae* Con-rector *tabulas anatomicas* à se concinnatas juventuti scholasticae, cum fructu praelegit, ut eandem hoc etiam modo ad studia academica rectius praepararet.

§. DCCLXXXVII.

Constant autem, praeter *prolegomena*, tribus sectionibus, in quarum *prima* partium H. C. maxime exteriorum consideratio sistitur; In *secunda sarcologia* universa, cujus *dermatologiam*, *splanchnologiam*, *angiologiam*, *nevrologiam*, *myologiam* & *adenologiam* partes constituit, exhibetur, & in *tertia osteologia* brevissimis adumbratur; Ita tamen, ut eorum nihil, quae ad rem pertinent, sit omissum.

§. DCCLXXXVIII.

*Johannes Henricus Heucherus* anatomen magnam artem esse praedicavit alioque in loco de ignorantia anatomicorum, odioso certe argumento, disseruit, cum plerique, si non omnes, hodie credant, *anatomen* ad eam usque perfectionem esse erectam, ut perfectior & consummatiores reddi nequeat.

§. DCCLXXXIX.

*Franciscus Balthasar von Lindern* lingua vernacula *osteologiam* edidit, in qua ossium historiam breviter ac succincte explicuit.

§. DCCXC.

*Guilielmus Henricus Müllerus*, *Sylva-Duco-Brabantius* disputationem suam inauguralem de *thymo* sub praesidio *Bidloi* habuit, in qua *Verbyenium* acriter quidem perstrinxit, sed responsoriam accepit, sale isto satyrico dignam. Commode hic etiam locum suum invenit *Johannis Matthiae* tractatus de



*effractura cerebri*, in quo permulta, anatomen capitis concernentia, reperiuntur.

§. DCCXCI.

*Christianus Henricus Kirckheim*, usibus chirurgorum consulturus, *vademecum anatomicum* conscripsit. Jungo huic *Adamum Brendelium*, anatomes professorem in academia *Wittebergensi*, qui tres decades observationum, de ejusdem peritia in anatomicis testimonium praebentes, reliquit, & plura sine dubio praestiturus fuisset, nisi fata praematurius viventium coetui eundem eripuissent.

§. DCCXCII.

*Godofredus Klaunigius* in nosocomio *Wratislaviensi*, cui praefuit, multiplicem nactus est occasionem corpora mortuorum secandi sicque varias ad anatomen spectantes observationes colligendi. *David* vero *Hermannus* tabulas *osteologicas* edidit, in quibus universa ossium doctrina continetur. Jun-  
gimus his *Georgii Theodori Bartholdi*, professoris olim *Giessensis* opera medica, satis quidem ampla, sed quorum pleraque ex dictatis illustr. *Friderici Hoffmanni*, cujus olim discipulus & auditor fuit, sunt deprompta. Et similiter cum descriptione C. H. anatomica res sese habet, quae quippe magna imperfectione laborat.

§. DCCXCIII.

*Johannes Adolphus Wedelius*, M. D. & in academia *Jenensi* P.P. de *valvula venae subclaviae ductui thoracico* imposita, ejusdemque usu longe alium sibi format conceptum, quam hucusque anatomici sibi formarunt. Recepta nempe sententia est, valvulam hanc subservire ipsi ductui thoracico & efficaciter impedire, ne chylus retrocedere queat: Noster vero probandum in se suscepit, longe aliam valvulae hujus destina-



destinationem esse, nempe illi potius usui illam consecratam esse, ut in *auriculae cordis contractione conjunctim cum vicina valvula claudat venae subclaviae cavitatem sicque impediatur, ne sanguis per eandem hanc viam versus brachium retrocedere queat*. An vero specialis valvulae hujus situs ejusdemque respectus ad ductum thoracicum ejusmodi explicationem ferat vel ferre tantum possit, ulteriori ac diligentiori disquisitioni commendo.

#### §. DCCXCIV.

In eadem academia *Schlevogtius* in dissertatione quadam a. 1715. publice ventilata contra communem & haecenus receptam sententiam probandum in se suscepit: *Processus medullares cerebri ex nervorum numero esse proscribendos*. Cujus adfert rationes nunc ad examen vocare non licet.

#### §. DCCXCV.

In academia *Lipsiensi* in dissertatione inaugurali de vitiis auditus, *Johannes Augustus Rivinus* sub patris sui *Augusti Quirini Rivini* praesidio defendendam in se suscepit parentis sui sententiam de *foramine tympani*, eamque ulterius confirmavit figurisque illustravit. Vocatur ab inventore suo *biatus Rivini*.

#### §. DCCXCVI.

*Johannes Andreas Schmidius*, in academia *Julia* professor extraordinarius in dissertatione epistolica periostrum ossiculorum auditus ejusdemque vasa sanguifera descripsit, figuris illustravit & *processus Raviani* in malleo delineationem repraesentavit.

#### §. DCCXCVII.

*Johannes Wilhelmus Albrecht*, M.D. & in acad. *Erfordensi* P. P. nec non phys. provinc. sub titulo *observationum*  
Nnn 3 anat.



*anatomicarum* edidit libellum mole quidem parvum, sed qui profecto multa eximia rerum momenta in se complectitur; Descripsit enim praeter *syphonem anatomicum* modumque operandi, etiam structuram ventriculi & intestinorum nec non vesicae urinariae; Indicavit insuper verum ac genuinum vasorum coronariorum usum in corde transitumque aëris ex bronchiis ad sanguinem, ut & structuram V. P. longe peculiarem ramosque venae pulmonalis ad pleuram pertingentes. Singularem inprimis considerationem meretur *valvula* in vena dorsali penis inventa, quam ante ipsum a nemine observatam esse contendit notatque, quod valvula ista ex tribus quasi valvulis composita fuerit visa, &, quod longe peculiarem considerationem exposcit, situs ejusdem à reliquis venarum valvulis prorsus diversus sit conspectus; Eo quod ab ampliori parte versus angustiores spectans regressum sanguinis à pene ad venas hypogastricas sub certis circumstantiis impedire, non sine ratione concludi posse, observatori nostro videatur.

#### §. DCCXCVIII.

Hamburgi a. 1720. publicam in lucem prodiit *anatomia*, auctore J. M. *Glusingo*, M. D. quam ipse *rationalem* adpellitare non veretur, quem librum ipse quidem non inspexi, sed qui, *Heisteri* judicio, *multas figuras anatomicas partim ex Verheyeno depromptas, partim vero novas easque valde mirabiles, in omnibus vero perquam singulares partium H. C. delineationes, cum earum tamen natura parum convenientes* in se contineat &c.

#### §. DCCXCIX.

Cum ante aliquot annos Francofurtum nostrum salutaret *Eduardus Petrus Wium*, me etiam honoris gratia invisit suamque disputationem inauguralem, quam sub praesidio

*Georgii*



*Georgii Friderici de Franckenau*, Prof. regii Hassniensis, publice defendit, mihi etiam exhibuit, quam, cum attente perlegerem, descriptionem ac delineationem singularis ac stupendi ductus thoracici, quam in homine invenerat, continere observavi, eamque cum structura ac delineatione ejusdem ductus, quam jam ante quatuordecim, & quod excurrit, annos in subiecto humano deprehenderam & meis in scriniis adservabam, si non in omnibus, saltem in plerisque convenire animadvertēbam, sicuti utriusque figurae, quae suo tempore in *selectis medicis Francofurtensibus* communicabitur, collatio unumquemque facile edocebit.

## §. DCCC.

*Abrahamus Vaterus*, anatomiae & botanices professor in academia Vitebergensi a. 1721. observationem de novo ductu salivali communicavit, vestigia celebris anatomici, *Johannis Baptistae Morgagni* secutus, qui ad linguae radicem foramen aliquando hiare primus observavit. In eodem invento ducem quoque & hodegum habuit *Laurentium Heisterum*, qui, ut in compendio suo anatomico ipse refert, idem hoc foramen vidit coecumque adpellavit. Horum itaque insignium & in re anatomica expertissimorum virorum industria excitatus *Vaterus*, post multos labores frustra susceptos tandem in puella novem mensium demortua, injectione aquae in hoc foramen saepius tentata, successive elevatam vidit glandulosam expansionem amplissimam, majorem linguae fauciumque partem involventem, quam glandulosam expansionem ad salivales referre neutiquam dubitavit. Praeterea scripsit etiam dissertationem de novo bilis diverticulo, quod vult consistere in anfractuosa cavitate intra tunicas duodeni, orificium ductus choledochi circulariter quasi ambiente. In programme  
de



de *anatomico acerbius* castigato conjecturas suas de foramine ovali & ductu arterioso obturatis exponit. Parentis sui, *Christiani Vateri* physiologiam experimentalem, in qua permulta *anatomica* continentur, idem imprimi curavit.

### §. DCCCI.

In ductibus salivalibus rite eruendis, differentiisque eorundem, prout in linguis brutorum ac hominum sese habent, indicandis & erroribus inde prognatis demonstrandis suam inprimis industriam & secundi dexteritatem publico comprobavit *Augustinus Fridericus Waltherus*, M. D. & anatomes atque chirurgiae t. t. in academia Lipsiensi P. P. ord. Quem in finem exercitationem de *lingua humana*, novis inventis octo sublingualibus salivae rivis, ex suis fontibus, glandulis sublingualibus eductis, irriguam publico exhibuit. Qua in disquisitione errores ab aliis commissos non modo cautissime evitavit, sed &, quod soli linguae humanae tribuendum erat, solertissime indicavit.

### §. DCCCII.

Etiam si autem haec omnia luce sua radiarent, visum tamen est *anonymo* cuidam, salivales, quos descriptos exhibuerat *Waltherus*, eosdem videri cum illis, quos *Morgagnius* in adversariis suis anatomicis jam dudum cum publico communicasset; Proinde de *sublingualibus* hisce salivae ductibus ad auctorum eruditorum Lipsiensium auctores epistolam dedit, in qua hanc mentem & opinionem suam clarius exposuit; Verum ab *Anonymo* quodam alio id responsi loco tulit: Interpretem verborum cl. *Morgagni*, quisquis demum ille fuerit, *diversa non discernere*, imo metum esse, *ne quadrata misceat rotundis*. Deinde idem petit *Anonymus*, ne graviter ferant ductuum, ad latus versus gingivas excurrentium adsertatores, si, cum



cum ab aliis hætenus non sint visi, prius non admittantur, quam & clarius descripti & oculis quoque conspiciendi ab ipsis exhibiti fuerint.

### §. DCCCIII.

Eidem *Waltbero* in acceptis referendae sunt observationes, quas de *articulis, ligamentis & musculis, hominis incessu statuque dirigendis* cum orbe erudito communicavit. Hisce in observationibus non id solummodo egit vir clarissimus artis-que anatomicae peritissimus, ut ea tantum, quae ab aliis circa hoc argumentum jam dicta & in lucem producta fuerant, recenseret, sed novis accessionibus locupletaret, & quae ab aliis vel minus adcurate perspecta, vel manca ac mutila relicta erant, suppleret novisque inventis augeret; Id quod egregie ab ipso praestitum esse, non inficiabuntur, qui observationes hæc ea, qua par est, attentione perlegerint.

### §. DCCCIV.

Nihilosecùs tamen, cum Cl. auctor ob tabularum angustiam aliaque impedimenta omittere nonnulla coactus fuerit; Hinc ea supplere aliaque explanare & emendare suscepit: Unde enatum est *supplementum* tractationis de *articulis, ligamentis & musculis* incessu dirigendis, cui tabula nova, in qua planta pedis humani, arte anatomica praeparati & sicci exhibetur, addita est.

### §. DCCCIV.

Neque hic substitit Cl. *Waltberus*, sed, ad musculorum doctrinam magis magisque illustrandam, Cl. *Winslovii* expositionem cum cadavere comparavit; Qui novi ipsius conatus *observationibus anatomicis*, musculorum doctrinam dilucidantibus, occasionem praeberunt. Prodierunt A. huius seculi MDCCXXXIII. O o o §. DCCCVI.



## §. DCCCVI.

Eidem *Walthero* in acceptis referamus necesse est singularem paris vagi & intercostalis C. H. nervorum investigationem; Qui etiam expositionem, quam & *Winslowius* dedit, cum cadavere comparavit & observationem recensuit.

## §. DCCCVII.

Cumque inter desiderata anatomica emendatiorem ac luculentiores *arteriae coeliacae* delineationem ac descriptionem merito referret, operam omnem impendit, ut, quid crebrius vel rarius in *coeliacae* divisione, nec non ramorum, imprimis gastricorum hepaticorumque principalium numero subjecta humana inter secandum ipsi obtulerint, omni, qua decet, cura studioque adnotaret.

## §. DCCCVIII.

Quod suum propositum ut dignius & luculentius effectui daret, consultum duxit, ut prius antesignanorum anatomicae artis quorundam, v. g. *Galenii*, *Vesalii*, *Palsyni*, *Morgagni*, *Fantoni*, *Ruyschii* aliorumque sententias praemitteret, quam suam in apricum produceret. Itaque integram corporis humani *coeliacam* una cum notabilioribus ramis & cera quidem liquata repletam in theatro anatomico publico & quidem masculino in cadavere ita demonstravit, ut ad hoc exemplum, quo tres trunci habebantur hepatici (id quod nondum ab alio memoria preditum erat) alii, quicunque in cadaverum sectionibus forte occurrerent, casus, adcommo- dari facile possent. Adjecit majoris illustrationis & facilioris conceptus gratia tabulam, ex cujus inspectione clarius omnia intelligi posse, sponte agnoscimus.

## §. DCCCIX.



## §. DCCCIX.

Hisce non contentus *Waltherus*, additamenta ad observationes de ductibus salivalibus sublingualium glandularum, exercitatione de lingua humana tradita concinnavit, in quibus plures canales, quos glandulae sublinguales depromunt, adiecit pleniusque describere suscepit; Id quod & facilius ipsi fuit, quo plura ipsi cadavera tam publice quam privatim secanda obtigerunt: Unde amplam naetus est occasionem ea uberius confirmandi, quae cadaverum apertio ipsi olim suppeditaverat.

## §. DCCCX.

Idem quoque *exercitatione angiologica de vasis vertebrali- bus* novam observationem communicavit, cui deinde observationem alteram ceu prioris supplementum, de *vena vertebrali* adjunxit.

## §. DCCCXI.

At vero *Conradus Ludovicus Waltherus*, chirurgus *Hallensis*, dum de spina ventosa tractatum germanico idiomate publicavit, figuris simul anatomicis pessimum hunc puerilis aetatis morbum illustrare conatus est.

## §. DCCCXII.

Structuram intestinorum tenuium adcuratius evolvendam sibi elegit *Christianus Bernhardus Albinus*, qui, licet anatomicen in acad. *Lugduno Batava* profiteatur, natione tamen germanus est, patre quippe germano natus, qui pariter professione publica primum in *Viadrina* nostra, deinde etiam in *Lugduna-Batava* summa cum laude est perfunctus. Vindicavit autem in hoc specimine anatomico, quo novam intestinorum humanorum descriptionem exhibuit, quinque diver-



fas tunicas, intestinis tenuibus, quarum *primam* & *extimam*, alias communem dictam, à peritoneo derivavit, *secundam*, alias *cellulosam Ruyschii* dictam, à mesenterio repetit, *tertiam* ex musculis exiguis duplicis seriei conflata, cui musculofo strato *quartam* subjacere adserit, per cujus telam subtilissimam vasa sangvifera densissima ramificatione disseminentur, & *quintam* denique seu intimam, *villosam* vulgo dictam holoserico comparare non dubitat. Et ut eo majorem dictis fidem conciliet, ad experimenta ubique provocat provideq; monet, ut, qui partes C. H. cum fructu sunt investigaturi, non recentes tantum, sed & arte praeparatas exacte oculis suis subjiciant; Cum alteruter horum modorum solus infidus sit, mancus & imperfectus, debite vero junctus uterque firmiorem ac solidiorem cognitionem subministret.

### §. DCCCXIII.

Ejusdem germanus frater *Bernhardus Siegfried Albinus*, anatomes pariter professor in academia *Ultrajectina*, in gratiam auditorum suorum *tractatum de ossibus* imprimi curavit, in quo constructionem & formam omnium totius corporis in homine adulto ossium una cum singulorum usibus descripsit, nullis tamen figuris additis, quas quippe tam ex *Vesalio* quam ex *Eustachio* peti, & spectantium oculos ad figuras illorum auctorum tuto remitti posse, ut suis delineationibus non aequè opus sit, confidenter existimat. Itaque praemisfis generalioribus quibusdam, ossa spectantibus, speciatim deinde sceletum virilem, perfectum & in eo caput, truncum, pedes, brachia seorsim examinat & de osse hyoide sermonem facit; Quo misso, sceletum foemineum, idque pariter perfectum in auditorum suorum conspectum producit & utriusque differentiam exponit, tandemque adpendicis loco tractationem



tionem de dentibus subjungit, eoque ipso tractatui suo finem imponit.

### §. DCCCXIV.

Idem hoc, in quo vivimus, seculum illustrarunt *tabulae anatomicae* *Johannes Adami Kulmi*, M. D. ejusdemque & physices professoris in athenaeo *Gedanensi*, quae *Amstelædami* A. MDCCLXXXII. romano sermone prodire, & in quibus C. H. omniumque ejus partium structura & usus brevissime explicantur, adjunctis, majoris perspicuitatis gratia, annotationibus & tabulis aeneis. Dedicavit illos *Friderico Ruyschio*, *Johanni Saltzmanno* & *Guilielmo Röel*, omnibus ac singulis anatomiae Professoribus celeberrimis, quos ceu fideles suos praecceptores omni venerationis cultu prosequitur, & quibus omnes suos, quos in arte secandi fecit, profectus in acceptis refert. Quid in illis praestiterit auctor, ipsemet in praefatione ingenue indicat hisce verbis. *Redegi praecipuas & tyronibus maxime necessarias res in paucas tabulas, ea methodo concinnatas, ut singulorum viscerum pertractandorum definitionem, figuram, situm, connexionem, structuram, substantiam, partes & usum, quantum fieri potuit, plerumque unica saltem pagina complecteretur, sicque uno intuitu cuncta, ad unamquamque rem pertinentia facillimo negotio perlustrari possent.* Specialius vero in pertractandis visceribus eundem naturalem servavit ordinem, quo partes C. H. externae distribuuntur. Atque hac ratione exposuit prius partes capitis, postea thoracis ac tandem abdominis viscera. Integumenta autem communia ad caput eo lubentius retulit, quo certius est, panniculum carnosum nullibi curatius, quam in capite patere.

### §. DCCCXV.

Concinnavit itaque *compendium* *hocce anatomicum* in  
 Ooo 3 audi-



auditorum suorum gratiam, qui plerumque vel de nimia scriptorum talium prolixitate vel figurarum defectu conquerruntur: Utrique huic defectui mederi studuit *noster*; Atque adeo tabularum forma ipsi placuit, qua odiosae prolixitati ita consuluit, ut nihilominus omnium ac singularum C. H. partium notionem animis auditorum suorum ingeneraret. Nec tamen figuris additis dicta illustrare neglexit, quibus quippe omnia vividius phantasiae repraesentari possunt.

### §. DCCCXVI.

Gaudemus quoque, eodem *Kulmo* auctore, *descriptionem anatomica-physiologicam* foetus alicujus monstrosi, cui adjicitur observatio viri cujusdam aqua suffocati, quorum cadaverum singulas partes praeternaturaliter constitutas debito modo exposuit atque ulteriori eruditorum disquisitioni exposuit. Et quamvis alias ejusmodi monstrorum descriptiones quoad formam externam parum prosint incrementis physiologiae vel pathologiae vel ipsius quoque anatomes; Aliter tamen in hac descriptione sese gessit *Kulmus*, & permulta, secandi artem concernentia, hinc inde adjecit.

### §. DCCCXVII.

*Martinus Schurigius*, physicus Dresdensis, multis eximiis collectaneis publico inservire studuit: Quem in finem, praeter *spermatologiam* & *sialographiam* etiam *chylologiam* edidit, quibus operibus singulis anatomica hinc inde interspersa sunt.

### §. DCCCXVIII.

Idem *Schurigius* est quoque auctor *parthenologiae* ut & alterius tractatus, in quo partes genitales muliebres considerationi physico-medico-forensi subjiciuntur; Id quod cum  
fine



sine genitalium organorum muliebrium, pudendorum nempe externorum partiumque uteri internarum descriptione fieri neutiquam potuerit: Hinc velleo nomine ad censum anatomicorum scriptorum pertinere, existimavimus.

## §. DCCCCXIX.

*Georgius Daniel Coschwitius*; M. D. inque *Fridericiana* regia P. P. Ord. nec non in comitatu *Mansfeldensi* & apud *Palatinos Halenses* physicus, de *valvulis in ureteribus repertis* singularem communicavit observationem, in qua non solummodo eorundem *structuram* descripsit, sed & earundem simul *usum* indicavit. Quoad *prius*, existimat *auctor*, valvulas hasce *versus inferiora oblique* & *magis pendulas adparere*, modo *circulum integrum*, modo *semisirculum repraesentantes*, & *vel sub membranae vel sub firmiori textura non solum circa insertionem in vesicam*, sed & *in reliquo eorum cavo* & *tractu cum distinctionibus seu arctitudinibus conspicuas esse*. Quoad *posterius* vero, *usum* nempe harumce valvularum ita sentit, quod moderamini *urinarum subserviant*, ne nimio cum impetu, sed *successive fiat earundem in vesicam descensus*, & ut *omni regurgitationi versus renes via efficaciter praecludatur*.

## §. DCCCCXX.

*Idem Coschwitius* videri quidem voluit *novum* praeter jam inventos detexisse *ductum salivalem*, cujus etiam descriptionem a. 1724. *Halis Magdeburgicis* publicavit. At vero hoc inventum multis suspectum visum est, eidemque non pauci contradixere, quos inter suum quoque nomen professus est *Christophorus Jacobus Trew*, M. D. & *Reipublicae Norimbergensis* physicus ordinarius in observatione, declarante *ductum salivalem novum cl. Coschwitii ad venae lingvalis ramificationes*



nes pertinere. Id quod in *novis literariis circuli Franconici* part. I. p. 186. enarratur fusius. Eandem opinionem de ductu hoc *Coschwitiano* fovit etiam *Waltherus*, Prof. *Lipsiensis*, sicuti ex ejusdem exercitatione de lingua humana patet. Quibus denique adstipulari non dubitat Dn. *Du Vernoy*, Professor *Tübingensis*, in dissertatione de ductu salivali novo cl. *Coschwitii*, qui omnes in eo tandem consentiunt, hunc putatitium ductum salivalem *Coschwitii* nihil revera aliud, quam unam ramificationum venarum lingvalium esse.

### §. DCCCXXI.

*Johannes Saltzmannus* non modo specimen anatomiae curiosae & utilis publico exhibuit, sed & de articulationibus artuum commentatus est. Ipsi quoque debemus novam enchiresin, qua ductus thoracicus una cum receptaculo chyli in quovis subjecto humano demonstrari possit. Adjungimus huic *Johannem Fridericum Bauerum*, qui dissertationem anatomico-physiologicam de nervis eorumque praestantia in corpore humano edidit.

### §. DCCCXXII.

Cum etiam *Alberus Hallerus* animadverteret, structuram *diaphragmatis*, pro nobili sua, qua in oeconomia animali perfungitur, sparta, nondum ea, qua requiritur, *ακριβεια*, ab anatomicis descriptam aut figuris expressam esse: Hinc dissertationem scripsit anatomicam de *musculis diaphragmatis*, qua novam hujus partis figuram, prout à parte inferiore spectatur, & cum cartilagine *xiphoide*, margine costarum spuriarum & lumborum vertebrae cohaeret, ut sic nulla ejus pars situm naturalem mutaverit, delineari curavit, adjecta commentatiuncula, qua omnes ejus conditiones sollicitè exponuntur.

### §. DCCCXXIII.



## §. DCCCCXXIII.

*Jobannes Fridericus Cassebohm*, med. D. & anatomes P. P. in Fridericiana Regia, neutiquam quidem ignorabat, praeter *Schelhammerum*, *Duvernayum* alios quoque in investiganda auris internae structura occupatos fuisse; Attamen à proposito suo, mirabilem hanc auris structuram penitus enucleandi, minime deterreri se passus est, sed manum operi strenue admovit & quatuor distinctis tractatibus, tribus figurarum tabulis illustratis, auris humanae admirandam structuram ita elucidavit, ut non modo aliorum, qui idem argumentum tractandum ante ipsum in se susceperunt, defectus emendaverit, sed & multa nova aliorum inventis adjecerit.

## §. DCCCCXXIV.

Primus itaque tractatus de osse temporum, in quo maxima organi hujus auditus pars delitescit, agit; *Secundus* aurem externam, sed brevissimis tantum, describit. *Tertius* cavitationem tympani exponit, & in *quarto* demum de iis, quae in hac cavitate continentur, agitur. De *primo* adhuc notari meretur, quod eum *speciminis inauguralis* loco hac nostra in *Viadrina* publice defendendum sine praeside in se susceperit; Quo actu feliciter finito honores & insignia Doctoralia meis ex manibus accepit, ac paulo post in alma *Fridericiana* professionem *anatomes* publicam est auspicatus.

## §. DCCCCXXV.

Si vero omnia, quae de hoc auditus organo partim noviter ab ipso detecta, partim emendatiora hisce in tractatibus sistuntur, recensere deberem, satius sine dubio foret, si verbotenus omnes huc transferrem, cum ne verbulum qui-



dem gratis dictum sit: Quare ad auctorem ipsum lectores ablegare, consultius erit.

## DCCCXXVI.

Praeterea ornamentum atque decus germanicae nationis merito habetur *Laurentius Heisterus*, qui, cum animadverteret, anatomiam *Verheyanae* & complures alias, quae hucusque primatum in scholis obtinuerant, multis foedis hallucinationibus partim scatere, partim vero multas neotericorum detectiones & inventa male omissa vel neglecta esse, novum compendium, quo universam rem anatomicam complecteretur, meditatus est, idque auctoribus artis nostrae non displicuisse, inde patere potest, quod jam plures editiones, prioribus auctiores una cum figuris aeneis adornare coactus fuerit. *Auctor*, qua est modestia morumque elegantia, sponte fatetur, nullam quidem, neque librorum neque compendiorum anatomicorum esse penuriam: Interim tamen nec actum sese acturum existimat, si tale quoque compendium anatomicum in hominum manus tradere susciperet: Nam cum scientia haec indies nova capiat incrementa & à paucis quoque tempore actu largissima ceperit, jam vero molestum admodum sit, res jam cognitae ex tam multis libris conquirere: Hinc isto suo compendio sese studuisse taedium prolixae lectionis removere & philiatorum labores sublevare artemque faciliorem reddere, ingenue simul profitetur. Cumque insuper in syntagmatibus anatomicis hucusque usitatis quam plurima deficient, quae ab aliquo usque tempore vel recens detecta atque inventa vel emendata & correctae fuerunt, quae tamen tyronibus medicinae & scitu utilia & necessaria sint: Hinc eorum quoque desideriis, qui nova cum antiquis uni quasi obtutui oblata cuperent, eo ipso ut satisfaceret, strenue adlaboravit.

§. DCCCXXVII.



## §. DCCCXXVII.

Quod cum re ipsa praestiterit, & scientiam anatomicam, alias valde prolixam, in idoneam epitomen redegerit, merito gratulamur iis, quibus docendi provincia publica est demandata, de idoneo compendio, quo pro studiosae juventutis informatione in academiis commodissime uti queant.

## §. DCCCXXVIII.

In pertractione ipsa vero sic se gerit *auctor*, ut praemissa generaliore anatomes notitia ac subjuncta brevi ossium historia, ad partes corporis molliores postea faciat progressum: Ubi prius tegumenta ejusdem communia brevibus in tabellis explicuit, deinde vero eadem methodo partes ab dominis, thoracis & capitis, tandemque arterias, venas, musculos & glandulas exposuit: In quarum omnium descriptione rem ita dirigere studuit, ut plerumque unamquamque partem organicam una vel duabus, e regione sibi positae tabulis explicaret, quo juvenes unico quasi aspectu intueri possent, quid in qualibet parte ex observationibus recentissimis notandum ipsis occurreret: Id quod, experientia edoctus, tam ad excitandam attentionem, quam memoriam tyronum adjuvandam multum collaturum existimavit.

## §. DCCCXXIX.

Neque vero dissimulat *auctor*, quod hocce compendium primis jam tyrocinii anatomici initiis conscribere coeperit ex anatomia *Verheyana*, tanquam tunc temporis optima, non alium tamen in finem, quam ut privato usui inserviret, ut nempe in sectionibus & inquisitionibus cadaverum breviter atque in epitome mox perspicere posset, quatenam



in hac vel illa parte, quam peruestigaturus erat, inquirenda essent: Et si deinde in autorum lectione aut cadaverum sectione aliquid offenderat, quod in *Verhayeno* istisque suis tabulis non reperiiebatur, vel aliter, quam ab ipso descriptum fuerat, observaverat, illud sedulo adnotavit, tabulisque suis addidit; Atque sic tandem, ob rerum additarum copiam in maiorem molem, quam ab initio fuerat, accrevit, ali- amque prorsus faciem adsumpsit. Cumque inprimis *author*, quod pauci alii imitarentur, fidem suam interponat, se pauca pro veris descripsisse, quae non ipse in cadaveribus humanis exploraverit ac vera esse deprehenderit: Hinc tanto maiorem meretur commendationem *compendium Heisterianum*, dignum proinde, quod non modo studiosorum manibus diligenter teratur, sed quod etiam Doctores publici commendatum sibi habeant, in quo quippe res, hucusque in anatome cognitae, in compendio deprehendent.

### §. DCCCXXX.

Exemplaribus primae editionis, quae anno 1717. adornata fuerat, brevi tempore distractis, necessitas incumbibat *auctori* anno 1719. novam editionem eamque priori longe auctiorem denuo adornandi, cui adenologia ac deinde notae in praecipua loca controversa aut obscuriora accesserunt. Quoad adenologiam, *noster* sane tractationem de glandulis, hodie tantopere controversam, haud perfunctorie pertractavit, & quae partes pro glandulis habendae, quae vero ex illarum censu proscribendae essent, idoneis rationibus indicavit. In notis vero, ad calcem rejectis, loca varia obscuriora illustravit & prolixius descripsit, controversias modeste excussit, res, quae falsae ipsi vel saltem dubiae visae fuerant, emendare studuit, & quid circa eas ipsemet expertus fuerit, candide ubique aperuit.

DCCCXXXI



## §. DCCCXXXI.

Postremo id adhuc addere ac monere consultum duxit, quod in ultimo, quod secuit, cadavere virili musculus uvulae azygon *Morgagnii*, à tergo corporis uvulae situm, valde teretem ac tenuem tandem offenderit; Deinde, quod etiam in pene praeter ligamentum ejus suspensorium, duo alia ligamenta, suspensorio fere similia repererit, quae utrinque mox supra ortum musculorum erectorum ex ossibus pubis distincta prodierint, & supra insertiorem horum musculorum in latera corporum cavernosorum inserta fuerint.

## §. DCCCXXXII.

Ex quibus speciminibus cunctis clare colligere licet, non ex libris anatomicorum tantum, sed potissimum ex libro naturae, frequenti nempe cadaverum sectione, *Heisterum* nostrum anatomiam didicisse. De quo indefesso ejusdem labore, scientiam anatomicam locupletandi, publicum perhibent testimonium *Ephemerides N. C. academiae Caesareo-Leopoldinae Carolinae* Cent. III. IV. V. & VI. in quibus plane eximiae novae detectiones occurrunt; Cujus generis est nova & accuratior tonsillarum descriptio & delineatio. Observaverat nempe *auctor*, exactam tonsillarum descriptionem in demonstrationibus anatomicis vel omitti vel negligentius ostendi; Imo *Valsalvam* quoque, qui novam earundem delineationem in tractatu de aure humana suppeditasse videri voluit, veram omnino neglexisse, ejusque loco talem, quae nunquam extiterit vel inventa fuerit, substituisse: Hinc de meliori non tantum descriptione sed & delineatione dudum cogitavit, eamque ob causam multis in cadaveribus humanis in earum accuratiorem anatonem inquisivit, varias ton-



fillas collegit easque partim in spiritu ballamico conservavit, partim tantum delineavit & varietates annotavit. Commoda novae hasce detectiones cum publico communicandi occasio se obtulit, cum D. *Weidmannus*, honores Doctores ambiciens, hoc prae multis aliis argumentum de tonsillis pro themate inaugurali, physiologice, pathologice ac practice elaborandum sibi elegisset earumque in cadavere virili, quod tunc publice dissecabat *Heisterus*, accuratorem praeparationem pro apta delineatione ab ipso expetiisset. Sicuti vero descriptio & explicatio tonsillarum ex dicta disputatione DD *Weidmanni* petenda est: Ita figuras jubet conferri cum delineationibus *Valsalvae*, & ingentem inter utramque differentiam lectorem non modo deprehensurum sed & clare cogniturum pollicetur, delineationes tonsillarum *Valsalvae*, omnia earum orificia unius ejusdemque fere magnitudinis ac figurae aequalique ordine disposita repraesentantes, in tractatu de aure humana Tab. V. fig. 1. cum natura ipsa haud convenire.

### §. DCCCXXXIII.

Non minus quoque egregia *Heisteri* observatio de admiranda cerebelli structura huc transferri meretur. Largitur equidem, plures alios insignes anatomicos circa finem superioris seculi structuram cerebri atque cerebelli pervestigasse, nominatim *Willisum*, Anglum, in tractatu de cerebro, *Vieussenium*, Gallum, in *nevrographia* & *Ridlejum*, pariter Anglum in anatomia cerebri; Id tamen non impedire existimat, quominus suas ipse vires quoque periclitetur, idque tanto magis, quo certius sit, praedictos celeberrimos Viros, quovis etiam labore ac diligentia adhibita, non omnia miranda atque curiosa detexisse, sed posteris adhuc aliquid tum inveniendum tum emendandum reliquisse. Neque dubitat adserere,

mira-



mirabilem praecipue fabricam cerebelli tam leviter ab ipsis pertractatam ac descriptam esse, ut videatur, eos in hoc designando aliud quid egisse, aut reliquis cerebri partibus adeo intentos fuisse, ut hanc quasi neglexerint.

§. DCCCCXXXIV.

Quae posteaquam ita generatim praelibavit *Heisterus*, specialius deinde hunc in modum perstringit: Et primum quidem ostendit, nullam figurarum, à praedictis *Auctoribus* de cerebello communicatarum, convenientiam esse cum ipsa natura; Speciatim vero in toto *Willisii* tractatu de cerebro, ne unicam quidem exhiberi existimat figuram cerebelli humani, quae facies ejus interior repraesentetur, nisi forte figuram IV. quis excipiat, quae, cum ex adolescente fatuo desumpta sit, quam longissime à structura hominis sani recedat. Caeterum reliqua cerebella fig. VII. & VIII. in eodem tractatu exhibita, non humana, sed ovilla esse, & ita quidem delineata, ac si ex irregulari & confusa substantiae cineritiae ac medullaris massa essent composita: Cum tamen tam humana quam bestiarum cerebella ex structura constent pulcherrime & sapientissime ordinata, artificiosa & quam maxime regulari. Et quando idem *Willisius* in tractatu de anima brutorum Tab. VIII. novam sibi visus est repraesentare cerebri humani anatonem; *Noster* potius credit, in ea cerebellum à vera cerebelli humani structura usque adeo recedere, ut firmiter persuasus sit, nunquam illud ita, prout delineatum exhibetur, ab illo vel ullo alio anatomicorum visum esse: Tam rudes enim, tam crassos & à natura diversos sibi tractus medullares, tam paucam adesse substantiam cineritiam, ut se nunquam ista ita offendisse, cum veritate rei adfirmare queat.

§. DCCCCXXXV.



## §. DCCCCXXXV.

Nec minus in magna *Vioussenii nevrographia*, arduo licet labore concinnata, desiderat *Noster*, adcurate delineatam non esse veram cerebelli structuram, imo ne unicam quidem reperiri figuram, quae naturae aemula sit: Sed praeter rudiorum delineationem, aliosque defectus (quanquam forte pictoris vel sculptoris culpa illos irrepsisse existimat) semper & ubique ita exhiberi, ac si corticalis ejus substantia ubique esset & chaos quasi confusum.

## §. DCCCCXXXVI.

Idem plane judicium de figuris *Ridleyi*, sagacissimi alias cerebri perscrutatoris, ferre non dubitat, eodemque censu habet *Bidloum*, *Verheyenum*, aliosque, quos evolvit, autores, in quorum omnium scriptis nihil melius, quam in praedictis autoribus reperire ipsi licuit: Unico forte *Ruyfchio*, quem anatomicorum omnium principem vocat, excepto, qui quidem vestigium verae cerebelli structurae reliquerit, totam tamen mirabilem cerebelli structuram non patefecerit, multo minus enchiresin fabricam istam extricandi descripserit, cum alium plane ob finem figura, qua cerebelli structura delineatur, exhibita esset.

## §. DCCCCXXXVII.

Ob has potissimum rationes *nostro* commodum visum est, alias & adcuratiores quidem atque perfectiores figuras delineare, ab omnibus equidem hactenus visis diversas, at tamen cum cerebello humano optime convenientes, quas proinde una cum praeparandi artificio & exacta descriptione Obs. LXXXII. Ephem. N. C. Ann. V. & VI. Acad. Caesareo-Leopoldino-Carolinae communicare nullus dubitavit.

## §. DCCCCXXXVIII.



## §. DCCCCXXXVIII.

Eodem modo allegato loco sistit quoque novam eamque elegantem pylori ventriculi delineationem ac descriptionem. Cum enim, anatomicorum celebriorum scripta pervolvendo, observasset *Heisterus*, pylorum seu dextrum ventriculi orificium nec recte delineari, nec, prout in corpore humano sese habet, describi, è re esse judicavit eorum, quos accurata corporis humani cognitio delectat, veram hujus partis constitutionem ob oculos ponere. Hunc in finem exhibuit partem dextram ventriculi flatu exsiccati & partem intestini duodeni aperti & reclinati, ut pylorus cum sua valvula in naturali situ conspici posset. Atque ita deprehendit valvulam pylori posituram non habere horizontalem, sicuti in *Willisii*, *Verheyeni* aliorumque tabulis anatomicis exhibetur, sed obliquam & ita quidem constitutam, ut à latere dextro oblique deorsum versus latus sinistrum descenderet.

## §. DCCCCXXXIX.

Injurius essem in rem anatomicam, si elegantem tunicae allantoidis vasorumque per eam disperforum novam delineationem, quam eodem *Ephemeridum* N. C. anno exhibuit *Heisterus*, silentio praetermitterem, idque ideo, quod earundem *Ephemeridum* *centuria secunda observatione* 198. ipsemet quondam dubitaverat imo aperte negaverat, tunicam, allantoidem dictam, in foetu humano reperiri, quia urachus utrinque pervius nunquam ab ullo anatomicorum inventus fuerat. Cujus tamen negationis nulla alia ratio fuit, quam quia neque ab illis, quos secari vidit, ipsi unquam unquam demonstrata fuit, nec illi ipsi, magna licet diligentia adhibita, tanta contigit felicitas, ut eam detegere ad illud usque tempus potuerit. Cum vero interea in re tam dubia



non defisteret à labore, allantoidem ulterius inquirendi, factum tandem est, ut praesentibus multis spectatoribus in vacca primum voti sui compos evaderet autor, tunicamque allantoidem, quae multorum diligentiam diu jam eluserat, farciminis magni crassique figura, cum uracho & vesica manifestissime communicantem, foetum non obvolventem, sed thoracis & abdominis parti subjectam & ad utrumque uteri cornu exporrectam atque caeteroquin revera ita constitutam, sicuti à *Fabricio ab Aquapendente* in tractatu de foetu formato, à *Needhamo* in observationibus anatomicis & à *Verheyeno* delineata sistitur, invenerit. Quibus in homine visis, tanto minus jam de existentia *allantoidis* in pullo vaccino & ovillo dubitabat, eoque ipso dubitationem suam, quam olim de ejusdem existentia foverat, solemniter revocat, quod etiam virum cordatum atque sincerum eximie decebat. Et quis bonus hoc vitio ipsi verteret? Cum paria in eo fata habuerit cum *Guilielmo Harveo*, veterano illo atque exercitissimo anatomico, qui licet hisce in partibus, ad foetum pertinentibus, vitam quasi contriverit, nunquam tamen reperire allantoidem, quantacunque etiam adhibita industria, potuit.

#### §. DCCCXXX.

Ex hac interim detectione has enatas esse utilitates *noster* lectori suo persuadet: 1.) Quod aliis eo minus dubitandi ansa de allantoidis in bestiis existentia relinquatur; 2.) Quod eo ipso simul occasionem nactus fuerit, *vasa sanguifera copiosissima & pulcherrima*, subtilia quidem, attamen satis conspicua in illa & inveniendi & delineandi, quae ab aliis anatomicis, quantum ipse novit, nondum delineata, imo à quibusdam plane negata fuerant.

#### §. DCCCXXXI.



## §. DCCCCXXXI.

Huic detectioni jungo aliam non multum disparis argumenti, nempe veram venae umbilicalis in foetu insertionem & canalis venosi accuratiorem descriptionem, errorumque, quos auctores circa haec commiserunt, emendationem. *Heisterus* pro sua, quam in secando sibi adquisiverat, dexteritate plus simplici vice animadverterat, tubum hunc venosum ab autoribus non satis accurate imo potius perverse & delineatum & descriptum esse, quare officio suo non indignum esse judicavit, illum una cum insertionem venae umbilicalis in hepate, perspicacius exhibere ac describere. Idque ut tanto praestaret solidius, *Verheyeni* descriptionem in utraque anatomiae suae editione examinavit, illamque partim inconstantia partim incertitudine laborare prolixè ostendit, tandemque genuinam methodum, qua omnia, sicuti revera in homine aequè ac vitulis sese habent, inveniri facile queant, subjungit.

## §. DCCCCXXXII.

Nec denique omittenda est observatio, quae priori paulo post subjuncta est, quâque ossa sesamoidea in femore minimoque digito manus describuntur. Inquirens nempe *Heisterus* in numerum *ossum sesamoideorum* (cum auctores de eo non convenire, probe recordaretur)prehendit una cum laborum socio, L. *Christophoro Jacobo Trem*, quaedam illorum ossum, de quibus apud auctores vel nihil vel saltem non accurate dictum reperitur; Multa autem alia constanter in homine abesse observavit, quae à magnis anatomicis homini tribuuntur, & tamen in canibus tantum aliisque bestiis inveniuntur. Primum antea nondum cognitum ossiculum sedulis hisce indagatoribus sese obtulit in femoris parte inferiore condyloque ejus exteriori; Ubi in fovea quadam



deprehenderunt osficulum rotundum, satis magnum, figura & magnitudine, quam in ipsa figura delineari curarunt, quod parvae patellae instar insidebat in utroque femore. Etiam si autem tunc temporis extraordinarium id fuisse putarent; Aliter tamen & maxime quidem naturali & ordinario semper in statu sic sese habereprehenderunt, cum alia in scelletis femora perlustrarent, in quibus quippe singularis semper fovea eo in loco femorum conspiciendam sese prae-buit, cui antea osficulum illud insidere repererant: Unde facile commoveri sese passi sunt, ut crederent, non frustra aut fortuito foveam istam ibi existere.

### §. DCCCXXXIII.

Alterum, quod ab aliis non descriptum noverat, osficulum, minimo digito manus insidere, in medio articulationis deprehendit, ubi os metacarpi jungitur cum prima phalange minimi digiti. Neque fortuitum quid fuisse, iteratae sectiones comprobarunt, in quibus toties, quoties volupe fuit, invenit dictum osficulum. Atque hinc occasionem arripit, *Vesalium*, *Spigelium* aliosque notandi, quod osficula duo sesamoidea omnibus digitis attribuant & appingant, atque ita ultra quadraginta numerent, quibus tamen *αυτοψια* contradicat; Siquidem, quotquot *noster* aliique accuratiores cum ipso cadavera examinarunt, nulla in ullo digito invenire potuit, praeterquam duo in quovis pollice manus ac pedis, unumque ibi in quolibet pede, ubi sub tarso os cuboides cum cuneiformi jungitur; Atque ita decem in universum, plura nullo ullo in digito reperire ipsi licuit: Nisi quod quaternis nunc vicibus illud unicum solum in minimo digito & quidem in medio articuli constanter observare ipsi contigerit, cum alii autores lateribus ea apponere consueverint.

DCCCXXXIV.



## §. DCCCCXXXIV.

Non est silentio hic omnino praetermittenda ejusdem *Heisteri* dissertatio anatomica de valvula coli, quam clar. *Bianchi*, anatomici *Taurinensis* dissertationi de supposita hactenus intestinorum valvula opposuit. Scilicet cum à *Tulpii* & *Baubini* temporibus anatomici tantum non omnes unanimi consensu statuissent, ad ingressum intestinorum tenuium in crassa valvulam-quandam reperiri, impredientem, ne, quod crassa semel ingressum est, versus tenuia regredi posset: Hinc *Bianchus* de existentia illius valvulae non dubitare modo coepit, sed & plane valvulam ipsam vel quodcunque aliud ad valvulae ministerium accedens, ad ingressum ilei in colon & coecum, falsum ac mere supposititium esse pronuntiavit, acriter contendens, anatomicos omnes circa hanc partem devios fuisse, illorumque neminem instituisse rei veritatem attentius indagare, sed omnes ab accuratiori hujus partis examine ob foetorem & sorditiem deterritos fuisse & lubenter in sententia *Baubini* semel recepta, qui impune super hoc concursu dixisset, quicquid primum in mentem obveniret, acquievisse, ne sordidam & foetidam partem uberius pervestigare obligarentur; Se vero, *Bianchum*, comperisse, nullam valvulam, nil valvulosi eo loco existere, sed solummodo annulum sive circulum musculosum adesse, qui faccum à crassis intestinis ad tenuia regressum impediret, sicuti etiam sub hac annuli forma valvulam vulgo sic dictam & delineavit & descripsit.

## §. DCCCCXXXV.

Verum cum odiosum quodammodo visum fuerit *Heistero*, quod toti anatomicorum ordini istam sive simplicitatem sive credulitatem imputaverit *Bianchus*, quasi nempe sola fide



*Tulpium* vel *Baubini* existentiam hujus valvulae adstruxerint, omni interea autopsia destituti: Hinc operae pretium esse duxit, in veritatem ipsius rei studiosius inquirere, quem in finem etiam varia cadavera humana aperuit atque seria tali indagine instituta deprehendit, non temere valulam istam ab anatomicorum choro haecenus adsertam, fuisse creditam, sed eam revera existere, atque adeo cum *Biancho* pro solo anulo musculofo haberi neque posse neque debere. Cui suo adserto ut tanto majorem fidem conciliet *Heisterus*, ex cadaveribus humanis recentibus veram ejus figuram naturalemque magnitudinem delineavit atque proinde ex autopsia demonstravit, non rotundam eam esse, quod vult *Bianchus* sed *longitudinalem*, fere *transversam* sive *horizontalem*, atque sic à parte superiore & inferiore eminere, ut, si quid ex crassis ad ileum remeare vellet, eminentes partes tanquam valvulae introrsum versus ileum premerentur illudque hoc modo occluderetur. Meretur etiam expendi experimentum ab *Heistero* institutum, ut membranas istas veras valvulas esse, tanto luculentius pateret, nimirum hoc: Finis intestini ilei & principium coli ad pedis circiter longitudinem utrinque à reliquis intestinis resecantur, atque aqua à sordibus purgantur; Deinde filo constringatur finis coli & flatu per ileum immisso intestina haec repleantur; Denique finis ilei filo claudatur, atque sic inflata in aëre sicco suspendantur; Tunc, postquam exsiccata sunt, si pars coli, ingressui ilei opposita aperiatur, valvulam illam coli admodum perspicue in conspectum prodituram existimat: Ita quidem, ut duplices potius sint valvulae, quam unica, semilunares, sibi invicem oppositae, superior nempe & inferior. Cumque insuper *Bianchus* sustinisset, ileum ad angulum rectum intestina crassa ingredi & quidem parietem ejus dextrum perforare: Hinc  
senten-



sententiam illam *noster* non solum observationibus & delineationibus omnium anatomicorum, verum etiam quotidianae experientiae repugnare docet, ileumque sinistrum cras-  
forum parietem penetrare, & quidem plerumque non ad angulum rectum, sed ita, ut inferius angulus acutus, superius vero obtusus fiat.

§. DCCCCXXXVI.

Denique tanquam singulare quippiam & ab aliis nondum animadversum adnotat *Heisterus*, nempe has coli valvulas non ab ingressu ilei in colon ejusque coarctatione oriri, ut vulgo scribitur, sed à tunicis coli & coeci formari: Et provocat hic iterum ad autopsiam spondetque, se in intestinis exsiccatis cuilibet facile ostensurum fibrarum cursum cum fibris coli & coeci, minime vero cum fibris ilei convenire, illumque in externis parietibus coli & coeci desinere; Coli vero & coeci tunicas intus ita reflecti, ut coecum valvulam inferiorem, colon vero valvulam superiorem conficiat; Caeterum monet adhuc *Heisterus*, controversiam hanc non esse novam, sed jam ab *Hildano*, *Pavio*, *Falcoburgio*, *Schellhammero* & *anonymo* Gallo dudum motam.

§. DCCCCXXXVII.

Veniamus nunc ad compendium anatomicum *Johannis Christophori Sproegeli*, med. D. & practici *Hamburgensis*, vernaculo idiomate conscriptum, sicuti illud in collegio suo anatomico studiosis chirurgiae explicare aliisque curiosis spectatoribus in *theatro anatomico* publice demonstrare solet. In praefatione disertis verbis fatetur *autor*, se pleraque *Heistero* celebri, quem artis anatomicae restauratorem in Germania vocat, in acceptis referre, nisi quod quaedam noviter detecta  
addide-



addiderit, quorum ille mentionem non fecerit, uti sunt, quod musculus labiorum addiderit musculus *depressor* labii superioris proprium, quem quippe tali etiam nomine indigitet *Comperus*, eumque *constrictorem* simul narium esse judicet. Circa lienem ductus cujusdam excretorii, cujus inventionem *Marchetti* (vid. diar. Erud. Gall. anno 1682. mens. Jan.) sibi tribuit, mentionem facit. In venis valvulas, hinc inde occurrentes, diligenter notavit, v. g. in venis spermaticis, eam praecipue, quae ductui praeposita est ex ovario in venam cavam adscendentem sive inferiorem, quam *Venlou* detexit, illamque in pene, quam *Collinus* & *Verheyenius* descripserunt. In pudendis mulierum existentiam hymenis nova *Heisteri* observatione & in ovario glandulas, vasa lymphatica &c. à *Collino* jam clare descripta, demonstravit. Glandulae thymi vias novas usumque singularem, quas DD. *Bellingerus* (vid. *Lipsiensium* novellas de rebus eruditionem concernentibus Anno 1717. pag. 634.) publico exhibuit, itidem indicavit. Circa anatomiam pericardii vasorum nervo-lymphaticorum ex arteriis coronariis cordis, quae ab *Hovio* detecta sunt, mentionem iniecit, à quibus nempe pericardii liquor suam derivet originem. Ex *Collino* membranarum mediam cartilagineam asperae arteriae notavit; Neque reticuit vasa lymphatica *oesophagi*, quae *Bartholinus* vasa lactea esse perperam sibi persuasit; Circa fabricam oculi adnotavit tunicam tendineam *Ruyschii* & vasa nervo-lymphatica *Hovii* in humoribus ejusdem. In cerebri anatome addidit glandulas in plexibus choroideis & in cerebello, nervos itidem seu processus medullares in glandula pineali &c.

### §. DCCCXXXVIII.

Universum opusculum exhibet quasi ichnographiam operis anatomico-chirurgici majoris, quod suo tempore  
auctor



*auctor* editurus est dividiturque in *ischomenologiam*, *ischontologiam*, *osteologiam*, *myologiam* & *splanchnologiam*.

### §. DCCCXXXIX.

In *ischomenologia* agitur de humoribus seu partibus fluidis corporis humani, quae ad tres *species* reducuntur; In quarum *prima* sunt humores utiles, nempe lymphæ, humores, oculorum, bilis, succus pancreaticus, saliva, liquor glandularum oesophagi, ventriculi, intestinorum, liquor cerebri, thoracis, pericardii, abdominis, tunicae vaginalis testium, mucus articularum, vaginae uteri, pinguedo & medulla ossium. Ad *secundam* classem referuntur humores, qui extra corpus usum suum exerunt, uti sunt semen, lac & liquidum prostaticum. *Tertia* vero classis eorum est, qui tanquam inutiles & excrementitii, e corpore proscribuntur, uti sunt urina, sudor & effluvia insensibilia, lachrymae & lemae, mucus narium, tonsillarum, glandularum asperae arteriae & bronchiorum pulmonalium, cerumen aurium &c.

### §. DCCCL.

In *ischontologia* partes omnes distinguuntur in *simpliciores* & *compositas* seu *organicas*, seu veterum loquendi more, in *similares* & *dissimilares*. Ad illas pertinent nervi, venae, arteriae, vasa lactea & lymphatica, vasa neuro-lymphatica seu aquaeductus, ductus & cellulae adiposae ac medullosoe, complicationes seu contorsiones arteriarum, glandulae earumque ductus excretorii, muscoli, tendines, tunicae, membranae, ligamenta, cartilagineae, ossa, ungues & pili; Ad has vero spectant viscera, nempe cor, pulmones, hepar, lien, ventriculus cum intestinis &c. Sicuti vero *prior* istae in *ischontologia*, sic *posteriores* in *splanchnologia* satis adcurate describuntur.

R r r

§. DCCCLI.



## §. DCCCLI.

*Osteologia*, quae est *tertia* compendii hujus anatomici pars, sistit descriptionem omnium totius corporis, quibus constat, osium, adeo ut in capite septuaginta, in trunco quinquaginta tria & in artubus tam superioribus quam inferioribus centum & triginta octo, atque adeo ducenta sexaginta & unum in universum juxta *nostrum*, secundum *Heisterum* vero centum & sexaginta tantum numerentur.

## §. DCCCLII.

Denique uti *myologia* cum omnibus integumentis communibus in *quarta parte* exhibetur: Ita in *postrema* agitur tribus distinctis capitibus de visceribus infimi, medii atque supremi ventris, in quorum omnium descriptione methodo adcurata utitur *auctor*, indicando visceris & partis nomen, situm, connexionem cum aliis partibus, colorem, magnitudinem, figuram, integumenta, substantiam atque structuram, vasa tam arteriosa & venosa quam nervosa & lymphatica una cum ductibus excretoriis, si quos habent. Estque proinde, ut paucis me expediam, compendium hocce *Sproegelianum* ita comparatum, ut tyronum artis anatomicae commodis eximie plane inservire queat; Tale nempe, quod nec superfluis luxuriet, nec in utilibus atque necessariis deficiat.

## §. DCCCLIII.

Suum quoque hic locum sibi vindicat *Adami Christiani Thebesii*, medicinae Doctoris, dissertatio medica de circulo sanguinis in corde, quo nomine intelligit *auctor rivulum sanguinis, ab oceano abeuntem & peractis in cordis substantia muniis redeuntem*; Circulum nempe sanguinis, qui in usus cordis privatos adornatur.

## §. DCCCLIV.



## §. DCCCLIV.

Id quod ut tanto rectius intelligeretur, praemittit *au-*  
*ctor* descriptionem vasorum sanguineorum, cordi propriorum.  
 Nimirum duae plerumque arteriae ex ipso exitu sub valvulis  
 sigmoideis cordi implantantur, quae in oppositum latus a-  
 beunt, sibi statim unitae circulum constituunt & coronae  
 instar basin amplectuntur; Emissisque deorsum tanquam ra-  
 diis, multis ramis, varie sibimet intextis & junctis specula-  
 to jucundo cor circumcingunt, ut ea propter cum venis so-  
 ciis vasorum coronariorum nomen obtinuerint. Quando-  
 que tamen singularis hic naturae lusus observatur, & arteriae  
 istae coronariae duobus ab arteria osculis oriuntur, sed rari-  
 us unus isque major sub valvula truncus emergere observa-  
 tur, qui in duos statim ramos dispescitur, hisque in opposi-  
 to latere obviam sibi factis eodem modo circulus absolvitur.  
 Atque hoc ipsum arteriosum cordis systema, secundum ma-  
 jores minoresque ramos, tum exterius tum interius secun-  
 dum fibrarum varios ductus decurrentes, millenis anastomo-  
 sibus implicatur, & externam aequae ac internam pulcherri-  
 me superficiem ipsasque columnas & tendines tenuissimis ac  
 copiosis ramulis exornat; Id quod omne, cera immissa, ele-  
 ganter exhibuit *Ruyfchius*.

## §. DCCCLV.

Neque aliter ac arteriarum, pergunt *noster*, venarum quo-  
 que coronariorum se habet amplexus mutuus, elegans situs  
 atque decursus. Hae enim arteriis sociae & proxime ad ea-  
 rum latera flexuosis pariter viis omnem cordis contextum,  
 potissimum vero, qua minores ramos, internam, & qua ma-  
 jores minoresque, externam superficiem speculato eleganti  
 percurrentes, eodem modo ut arteriae, tantum non ubique  
 mutuis anastomosibus sibi junguntur.



## §. DCCCLVI.

Quibus omnibus sic sese habentibus, consequitur, cum veritate satis convenire adsertum auctoris, multas nempe venas esse & inter se & cum aliis venae coronariae ramis, ad canalem communem commeantibus, copiosis anastomosis connexas, sanguinem in auricularum sinuumque cordis foveas deducentes; Atque adeo dari revera in corde singularem, privato cordis usui destinatam, sanguinis circulationem. Q. E. D.

## §. DCCCLVII.

Anno 1732. mense martio p.177. retulerunt auctores novellarum litterarum Lipsiensium, D D. Johannem Christophorum Boblium publice promississe galaxiam corporis animalis occasione experimenti Gedani de ductu thoracico capti: Quo in scripto auctorem novas simul detectiones de villis intestinalibus & ipsa administratione anatomica variis in partibus dubia subministraturum esse, fidem fecit. Adjecit quoque non paucorum problematum physiologicorum adcuratam, ut illi sua in relatione loquuntur, solutionem tandemque completam hujus detectionis historiam ab Arabum temporibus usque ad haec nostra exhibuit. Comparebit simul *rari ductus thoracici* figura, quam Dantischi, ubi tunc temporis commorabatur, exsculpi jussit una cum universo lymphaticorum systemate, facta fil. liquoris colorati injectione omni eo successu, qui talibus in casibus vel optari vel sperari poterat.

## §. DCCCLVIII.

Hoc ipso anno 1737. quod superius, cum de scriptoribus anatomicis gallis sermo esset, commemorari debuisset, in academia regia *Monspeliensi* Johannes Honoratus Petiot, Sabulonen-  
lonensis,



Ionensis, dioecesis *Lucionensis* apud *Pictones*, AA. LL. M. jam dudum medicinae alumnus, universitatis consiliarius & publicus anatomiae demonstrator, praeside D. *Ant. Fizes*, regis consiliario & medico &c. pro prima apollinari laurea impetranda disputandum proposuit universum physiologiae *conspectum anatomico-mechanicum*, in quo partes primum solidas & primigenias, deinde vero etiam fluidas considerationi suae subjecit, motusque ex utrisque ortos functionesque secundum consuetam trium ventrium divisionem exhibuit.

### §. DCCCLIX.

Inter germanos inferiores prae aliis eminuit *Fridericus Ruyschius*, professor anatomiae, chirurgiae & botanices *Amstelodamensis*, qui, cum viveret, *plerosque* temporis nostri anatomicos & diligentia & secandi dexteritate longissimis intervallis post sese reliquit. Dico *plerosque*; Eoque ipso nihil detractum volo laudibus illorum, qui & in *Germania*, & *Italia* & *Gallia* & *Anglia* ab aliquo usque tempore in hoc studiorum genere non vulgarem celebritatem nacti sunt. Musaeum *Ruyschianum* tot olim nitidissimis praeparatis ubique instructum erat, ut, quorsum prius oculos tuos verteres, varietate objectorum fere obstupefactus nescires. Jam vero, quasi tantum thesaurum fata nobis invidissent, cuncta ista tam naturae quam artis mirabilia PETRUS Magnus, *Russorum* Imperator, magno pretio redemit inque Rusiam transportari curavit. Nos interim ex magno numero eorum, quae noviter ab ipso detecta sunt, pauca commemorabimus.

### §. DCCCLX.

Ex centuria observationum anatomico-chirurgicarum meretur huc transferri observatio *quadragesima quinta*, quae  
Rrr 3
sistit



fistit varia observata in cadavere hydropicae, inter quae hepatis glandulas admodum tumefactas fuisse conspectas commemorat, additque, se glandulas hepatis magnitudine auctas & aliquoties conspexisse & publice quoque demonstrasse, nunquam tamen adeo copiosas, quam in praedictae hydropicae hepate; Unde totum hepar e meris glandulis magnis constare ipsi visum est. Quod si ita crude accipiatur, vix conciliari posse videtur cum aliis *Ruysschii* nostri adfertis, quando substantiam hepatis vasculosam esse, seu ex minimorum vasorum congerie constare dixit: Nisi forte contradictionis vitandae gratia in subsidium vocetur observatio *quingagesima prima*, in qua non hepar tantum sed & lienem, renes succenturiatos &c. pro *glandulis sanguineis* diserte habuit.

#### §. DCCCLXI.

Observatione *sexagesima nona* enarrat auctor, quomodo in cadavere mercatoris cujusdam, qui à longo jam tempore de asthma & dyspnoea conquestus fuerat, valvulas cordis semilunares dictas deformes, in osseam substantiam degeneratas & ita coalitas deprehenderit, ut nulla visibilis via aut exitus sanguini e corde amplius superesset.

#### §. DCCCLXII.

Neque reticuit *nos*ter varios naturae lusus, inter fecandum observatos hinc inde adnotare. Arterias renales seu emulgentes, quae ut plurimum simplices oriuntur, non raro tamen duplicatas imo triplicatas ex arteria magna vidit emergere. Antequam vero renes intrant, diversimode ramificantur, nunc bifurcantur, nunc trifurcantur, nunc magis ac minus multiplicantur rami. Ureteres & pelvim, quod utrumque simplex ut plurimum est, aliter subinde deprehendit, nempe pelvim  
non



non raro bifurcatam imò trifurcatam invenit; Et quanquam simplices communiter sint ureteres, contrarium tamen in rene sinistro, duobus ureteribus instructo reperit, quorum unus ex superiore, alter ex inferiore renis parte erupit; Quos dum ulterius denudavit, utrumque ante suam in vesicam insertionem coire reperit, ita ut unico tantum canali vesicam intrarent. Dissecuit quoque cadaver, in quo duos ureteres uno ex rene prodire observavit, quorum uterque vesicam separatim intravit.

### §. DCCCLXIII.

*Centesima & ultima* observatione vera glandis in pene structura noviter detecta monstratur. Prius vero, quam hoc praestet *auctor*, variorum non infimi subsellii anatomicorum, *Johannis van Horne, Veslingii, Blasii, Bartholomaei Cabrolii, Thomae Bartholini, Vesalii, Adriani Spigelii, Realdi Columbi*, ne ipso quidem *Regnero de Graeff* excepto, sententias refert, quos tamen omnes rem acu non tetigisse audacter adseverat. Ac proinde experimentis aliquot institutisprehendisse credit, glandem penis reipsa nihil esse aliud, quam continuationem omnium corporum nerveo-spongiosorum, & quidem sine ulla substantiae mutatione: Ad quod credendum sequens ipsum experimentum commovisse profitetur: Per tubulum nempe aeneum circa penis radicem, ubi ad ossa pubis proxime accedit insertum corpus nerveo-spongiosum majus & crassius flatu extendit, & post repletionem digitis tamdiu penem detinuit, donec eodem tabulò, e dicto corpore extracto & corpori nerveo-spongioso minori & tenuiori indito, idem corpus flatu quoque replevisset; Quo facto totum deinde penem ligavit & exsiccavit. Post exsiccationem penem ejusque glandem in lamellas dissecuit, &, ut modo re-

latum



latum est, penis glandem nihil aliud fuisse deprehendit, quam veram continuationem tam corporis nerveo-spongiosi majoris & crassioris, maximam penis partem constituentis, quam minoris & tenuioris urethrae, maximam & praesertim inferiorem ejus partem ambientis, sine ulla substantiae mutatione.

#### §. DCCCLXIV.

Perlustratis observationibus, breviter nunc etiam percurramus *epistolas problematicas*, quasve contineant novas in anatomicis detectiones, videamus. Prima est *Johannis Gaubii*, agitque *de pilis, pinguedine septoque scroti, nec non de papillis pyramidalibus, ut & de corpore reticulari, sub cuticula sito*. Ad singulas hasce propositiones succincte quidem respondet *Ruyschius*, praecipuum tamen in demonstratione septi scroti consistit, cujus quippe beneficio in duas illud partes dividitur, alio tamen artificio realis ejus existentia vix demonstrari potest, quam inflatione & exsiccatione, ubi post exsiccationem demum est aperiendum scrotum, quo ipso non solummodo videndum sese exhibebit septum, sed & vasis sangviferis innumeris idem perfusum esse, eadem opera demonstrabitur.

#### §. DCCCLXV.

Eundem agnoscit auctorem altera epistola, quae *de artificiosa scroti humani induratione, ejusque vasorum sangviferorum cursu ac copia, uti & de arteriis per costarum periostium, spatia costarum intercartilaginea, pericardium &c. disseminata* tractat. Equidem quod primum attinet, artificiosam nempe scroti humani praeparationem, qua lapidis instar induretur, lubens fatetur *Ruyschius*, artificio tam singulari istam adornari praeparationem, ut in ea perficienda ultra triginta & quatuor annos desudaverit; Verum induci vix potuit, ut artificium istud



istud praeparandi notum faceret, ne aliis, alienis pennis superbiendi, occasionem subministraret. Delineationem vero arteriarum anterioris partis scroti, nec non per costarum periostrium, quod à pleura diversum est, per spatia itidem intercartilaginea & pericardium disseminatarum lubens adiecit.

### §. DCCCLXVI.

Neque in eo petitis atque desiderio *Gambii* defuit *Ruyschius*, quod arterias per cordis substantiam ejusque auriculas dispersas delineayerit, deque egressu arteriae aërtae e sinistro cordis thalamo veriora, quam ab aliis anatomicis ad ea usque tempora factum fuerat, ipsum edocuerit. Occasione prioris postulati fuse exponit *Ruyschius* requisita, quae ad vasa sanguinea subtilissima materia ceracea adimplenda necessaria sunt, solemmniterque protestatur, artificium istud praeter se ac filium suum nemini alii innotuisse. Caeterum delineavit non modo arterias, cordis substantiam pervagantes, quibus coronariarum nomen imposuerunt auctores, quaeque trunculis suis ex aërtae radice supra valvulas semilunares oriundae cordis basin ambiunt; Sed & numerosam earum prolem & divaricationes, nec non arterias, per cordis auriculas innumeris ramulis superbientes, quae ab arteria coronaria in utroque latere prodeuntes per cordis auriculas quaquaversum disseminantur & à *Ruyschio* arteriae cordis *auriculares* dicuntur, quibus hunc adsignat usum, ut nempe debitam quantitatem sanguinis arteriosi auriculis tum ad nutritionem tum ad concalesfactionem largiantur. Quod vero divisionem aërtae in truncum ascendentem ac descendentem attinet, ita rem omnem in subjectis adnotavit *noster*: *Aërtae* nempe truncum e sinistro cordis sinu prodeuntem, fursum



quidem vergere, statim vero arcuatum deorsum reflecti, nomenque mutando truncum aërtæ descendente[m] dici; In ea autem incurvatione ramos aliquot elargiri partibus supra cor sitis & praesertim subclavios carotidesque, &, quod notandum, in dextro latere ut plurimum, si non semper, arteriam carotidem & subclaviam sibi invicem aliquanto spatio ad exortum in unum coälitas esse, secus ac in latere sinistro, ubi seorsim ex aërta ut plurimum prodeunt. Adeo ut, secundum *Ruyschii* nostri observationem, aërta proprie in duos truncos à natura divisâ non sit, sed truncus ascendens ac descendens sit unus idemque. Non multum tamen repugnat, si quis hanc aërtam, quatenus ascendit, ascendente[m], & quatenus descendit, descendente[m] nominare velit, dummodo non credat, aërtam in duas partes ita separatam atque divisam offendi in homine, ut altera pars ascendat, quemadmodum in figuris variorum auctorum ita repraesentari solet.

### §. DCCCLXVII.

Problematicâ *quarta* auctorem agnoscit *Johannem Jacobum Compdomereum*, in qua ex *Ruyschio* scire desiderat, quae sit conditio glandularum lienalium usque adeo ab auctoribus decantatarum, quidve de fasciculis filamentorum per lienis substantiam dispersis nec non de cellulis à *Malpighio* descriptis sentiendum? Quae problemata cuncta sic solvit *noster*: Esse quidem famosum admodum adsertum apud neotericos, lienes exiguis scatere glandulis easque à *Malpighio* esse detectas: Verum oeconomia lienis adcuratius perlustrata, vasis nempe sanguineis nova sua methodo infarctis, iisque in totum turgidis, integrum lienis humani corpus nihil aliud esseprehendit, quam congeriem quandam arteriarum, venarum, lymphae-



lymphæductuum & nervorum, quæ membranis ambientibus coërceantur. Cum vero extremæ & protractæ articularum venarumque propagines aliam videantur acquirere naturam, nempe & fasciculatim dispositæ sint & in corpuscula molliora, succosiora atque rotunda redactæ esse videantur: Hinc id auctoribus imposuisse videtur, ut corpuscula ista pro glandulis lienaribus habuerint, quæ tamen à veris glandulis maxime sint distinctæ: Quandoquidem nulla peculiari membranula sint obductæ, nec per se consistant; Id quod tamen in vera glandula requiratur. Cumque insuper dictæ propagines sibi invicem proxime sint adsitæ, nulla intercapedine visibili superstite, consequitur sponte, fictas esse cellulas *Malpighii*, nisi forte à digitorum frictione, fasciculorum ruptione aut alia quavis tractatione violenta procedant, vel flatu præter naturam excitentur. Sincere quoque contestatur *Ruyfchius*, sese fibras, quales ab auctoribus describuntur, nullas in liene humano offendisse; *In liene*, inquam, *humano*: Quo ipso lubens concedit, in liene vitulino rem sic sese utique habere, & in eo præter arterias fasciculosque arteriosos in conspectum prodire innumeras fibras, varia serie & situ inordinato dispositas, ramosas, & inter se textas, quarum intercapedine vasorum extrema, dictos fasciculos repræsentantia recondantur.

### §. DCCCLXVIII.

Verum transitum facimus ad *epistolam problematicam quintam*, quæ DD. *Gerardum Frenschium* auctorem habet. Petit is à *Ruyfchio*, non modo ut vasa periosstium percurrentia accuratiori penicillo delineet, verum etiam ut viam bilis ad vesiculam felleam ipsi demonstret? Utrum videlicet per radices cystidis, in ejus fundo existentes id fiat, an vero per glandulosam



vesicae substantiam? An forsan per ductum cysticum, uti *Arnisaeus* & alii existimarunt? Cui petito satisfactorius *noster*, tantum abesse putat, partes membranosas vasis sanguineis destitui, ut potius per periostium anticonemii tibiae, ut & per involucrum patellae tendinosum copiosorum vasorum repletus arteriosus oculis usurpandus fuerit exhibitus, ut prae vasorum, sive sanguine sive materia ceracea repletorum multitudine totum periostium summa rubedine fuerit perfusum.

#### §. DCCCLXIX.

Quod vero ad vias attinet, per quas bilis ad vesiculam felleam deducitur, nullus dubitat *noster*, tot quippe experimentis convictus, quin vesiculae contentum maximam partem per ductum cysticum adveniat, idque tanto magis, cum nullae radices e vesiculae felleae fundo emergant. Hisce tamen non obstantibus largitur quoque, minorem portionem humoris, in vesicula fellea contenti, prodire e glandulis tunicae interioris vesiculae ut & ductus cystici impactis.

#### §. DCCCLXX.

Epistola sexta ab *Johanne Henrico Graezio*, industrio *Ruysschii* quondam auditore ac discipulo ad praeceptorem suum exarata est agitque de arteria & vena bronchialibus nec non de polypis bronchiorum ejectis, venae & arteriae pulmonalis ramos mentientibus. Sancte testatur *Ruysschius*, se arteriam bronchiale[m] proprio Marte primum in corpore vitulino, deinde vero etiam in humano adinvenisse, nihil obstantibus rationibus illorum, qui vel *Erasistrato* vel *Galeno* vel *Marchetto* primam ejus inventionem vindicare non erubuerunt. Arteriam bronchiale[m] vocare placuit *Ruysschio*; Quia per bronchia pulmonum ad extremum usque prodiret. Observat vero insuper,

natu-



naturam circa hujus arteriae exortum in homine saepius ludere, cum aliquando immediate illa ex arteriae magnae trunco descendente, idque ad latera arteriarum intercostalium orta fuerit, saepissime ex infima parte arteriae intercostalis superioris trunculo, nonnunquam vero simul cum arteria intercostali dextri lateris, tertia, ex aortae trunco descendente exorsa, semunciae intervallo ab exortu à dicta arteria intercostali recedat, bronchiisque pulmonum annexa, ad extremum usque ea concomitetur. Deprehendit denique, variis locis hanc arteriam bronchiale anastomosibus associari ramusculis minutissimis arteriae pulmonalis: Repleta siquidem arteria pulmonali materia ceracea, illico quoque repletos conspexit ramulos arteriae bronchialis. De arteriae vero bronchialis comite vena anceps hucusque ac dubius haesit, saltem nullo adhuc in subjecto eandem reperire unquam ipsi licuit.

## §. DCCCLXXI.

Ejusdem auctoris est *epistola problematica septima*, qua rogatur *Ruyschius*, ut veram demum piae meningis tam cerebri quam cerebelli interstitia intrantis, superficiem internam ejusque faciem & constitutionem delineatam & explicatam exhiberet: Cui etiam petitioni lubens adfurrexit, modumque, quo tenuis meninx inter cerebri atque cerebelli interstitia sese insinuat, sic describit: Piam nempe meningem in omnes sulcos & anfractus processus quosdam demittere, similem fere in modum, ac ex durae matris duplicatura processus falciformis sinui longitudinali subjectus emergit, ita nempe, ut tot pia mater processus producat, quot reperiantur anfractus, eosque figura non quidem falciformes, sed serpentino ductu repentes. Pari etiam modo, animadvertit



*noster*, in cerebelli interstitia piam matrem immergi, & tot quidem processibus falciformibus, quot extant sulci seu anfractus, ablataque illa & separata jucundo prorsus spectaculo capitis papaveris albi loculamenta exhibere.

### §. DCCCLXXII.

*Problematica octava* eundem *Graetzi*um auctorem sibi vindicat, agitque de *structura nasi cartilaginea, vasis sanguiferis arteriosis membranae & cavitationis tympani nec non ossiculorum auditus eorundemque perioestio*. In omnium harum partium descriptione ab usitata ita recedit *Ruyfchius*, ut non solum longe plures enumeret cartilagines, eam nasi partem constituentes, sed & pinnarum substantiam non cartilagineam sed mere membranaceam esse, quamvis satis crassam edisserat. Membranam tympani duabus ex lamellis, imo, si accuratius totum negotium rimari fas sit, tribus constare, publice demonstravit, simulque ostendit, vascula sanguinea non per extimam, sed per mediam disseminari, ita ut conjicere fas sit, haec vascula peculiari prospicere provinciae, & raro, si unquam, communicare cum vasis capsam perreptantibus. Et quanquam haud incelebres quidam anatomici adseruerint, auditus ossicula perioestio carere imo eodem ne quidem indigere; *Noster* tamen ex autopsia confirmavit, dicta ossicula aequae ac alia majora membrana ista investiri.

### §. DCCCLXXIII.

*Epistola nona* mea est, quam anno 1697. ad *Ruyfchium* dedi; Cum enim meningem mediam, medio nempe loco positam inter duram atque piam matrem & cerebrum cum cerebello & medulla oblongata investientem, quam ipse *arachnoideam* vocat, in sectione quadam publica flatu distentam inque



inque publico *Amstelaedamensium* theatro anatomico à *Ruyschio* demonstratam vidissem, arripui inde occasionem, epistola quadam eundem rogitandi, ut in philiatrorum commodum & usum publicum adcuratius eandem describeret & iconismo illustraret; Id quod etiam sua in *responsoria* ad meam *problematicam*, quae inter epistolas *Ruyschianas* ordine nona est, dexterime praestitit, coque nomine non vulgariter se mihi devixit, Confer, si placet, disputationem meam de *meninge arachnoidea*, anno 1737. hic locorum habitam.

### §. DCCCLXXIV.

*Decimam* ad illustrem nostrum anatomicum perscripsit DD. *Bartholomaeus Keerwolff*, atque de *auricularum cordis earumque fibrarum motricium structura* tractat. *Undecimae* auctor est *Johannes Christianus Wolffius*, med. Lic. qua de tunicarum intestinalium structura earundemque glandulis sententiam *Ruyschii* in commune artis anatomicae emolumentum sibi expetit. Is vero pro suo, quo in philiatros natura fertur, studio inserviendique promptitudine respondit: Se quoad numerum tunicarum intestinalium quaternarium adstipulari *Willisio*, *Verheyenio* aliisque; Valvulas, quae *conniventes* audiunt *Kerckringio*, rugas nempe seu juga per intestinum jejunum distributa maximam partem à tunicae villosae, non nerveae, duplicatura ortum suum trahere; Tunicam *villosam* à quibusdam *glandulosam* esse vocatam, quae tamen denominatio illi haud competat, saltem intuitu originis ita dictarum glandularum, cum illam potius debeant tunicae nerveae, aut, si mavis, vasis sanguifluis, e quorum quippe extremis protractionibus succosis mollibusque ortum deducunt. Interim *spurias* tantum, non *veras* esse glandulas existimat *noster*; Infarctis enim omnibus arteriolis per intestina disseminatis, totum constitutum dictarum



glandularum infarcitur, & ex meris protractionibus vasorum succosioribus & mollioribus constare reperitur; Quia vero interea non sunt corpuscula per se subsistentia, ad quae vasa alluunt, non propria membrana involvuntur, ideo pro veris glandulis haberi neque possunt neque debent; Glandulas intestinorum spurias per totum illorum tractum reperiri, & in tenuibus quidem intestinis non solum solitarias sed & congregatim dispositas esse, in crassis autem solitarias tantum inveniri; In jejunio solitarias glandulas spurias non solum spatia, inter *valvulas conniventes* seu rugas posita occupare, verum etiam ex illis *rugis* seu *valvulis conniventibus* emergere: Quae autem in agmen congregatae sunt, dictas rugas haud supergredi, jam observavit *Peyerus*. Quoad numerum denique ac situm earum solitariarum per valvulae *Bauhini* limbum dispersarum glandularum, haud solum in ejus limbo confitas esse comperit, verum etiam per integrum ejus planum, nullo superfluo loco inani.

### §. DCCCLXXV.

*Duodecimae epistolae* auctor est *Michael Ernestus Ettmüllerus*, med. D. & in *academia Lipsiensi* posthac prof. publicus, qui rogat *Ruyschium*, ut, cum de corticali cerebri substantia tot diversas foveant sententias anatomici, veram demum corticis hujus substantiam atque texturam patefacere, faciem ejus exhibere usumque determinare non dedignaretur. Fecit id pro ea, qua hisce in rebus pollet, dexteritate *Ruyschius*, & postquam vasa sanguifera usque adeo replevit, ut minutissimi ramusculi infarcti, tomenti instar obvenirent, perspicue vidit, corticalem cerebri substantiam ex meris vasis sanguiferis diversimode combinatis, constare, & arterias minutissimas e pia matris facie interiore prodeuntes, musci speciem prae se



se ferre. Ut adeo hoc modo demonstret, corticalem cerebri substantiam musci & tomenti speciem repraesentare, illudque tomentosum nihil aliud esse, quam protractas vasculorum sanguineorum extremitates, quae tamen sui in extremo aliam videantur induere naturam ac dispositionem, cum adeo molliusculae & succosae existant, ut, nisi liquori inditae, sine dissolutionis periculo vix ac ne vix quidem tractari queant; Hae autem protractae vasorum sanguineorum extremitates succosae respondere videntur fibris aut tractibus cerebri medullaribus.

### §. DCCCLXXVI.

Atque hoc modo patuit *nostro*, corticalem cerebri substantiam glandulosam non esse; Quod ii maximopere dolerunt, qui hucusque dictis in glandulis verum spirituum animalium organon secretorium quaesiverunt. Quod *plexum choroideum* sic vocatum attinet, ejus genuinam pariter constructionem sua methodo examinavit, & glandulis pariter omnino destitutum esse deprehendit: Contra vero ex meris constare vasculis sanguineis, praesertim arteriosis motu serpentino repentibus, glandulasque mentientibus propter gyros anfractuosos & piaë matris portione cohaerentibus, monstravit.

### §. DCCCLXXVII.

Nunc ad *tertiam* & *decimam* epistolam nos convertamus, quam *Christianus Wedelius* ad *Ruyschium* nostrum de tunicis oculorum exaravit, ab eoque petiit atque contendit, ut pro ea, qua hisce in rebus polleret, solida eruditione, accuratorem tunicarum oculi numerum (cum sententiae anatomicorum mirifice hac in re variarent) ipsum edoceret, earum veriore constitutionem & usum explicaret, quaeque tum circa has,



tum ipsos etiam humores singularia, rariora praeprimis notanda ipsi visa essent, benevole communicaret. Id quod etiam quam dexterrime fecit *Ruyschius*, ac proinde tunicas oculi visibiles ad octonarium numerum reduxit, quarum *prima* adnata seu conjunctiva, *secunda* tendinea, *tertia* sclerotica, *quarta* choroidea, *quinta* Ruyschiana, *sexta* retina, *septima* vitrea & *octava* crystallina audit.

### §. DCCCLXXVIII.

*Adnatam* vult esse continuationem perioestii seu potius pericranii, quae uti sensibilis, ita innumeris quoque vasis sanguineis est perfusa. Huic ex mente *Ruyschii* subjecta est *tendinea*, quam alii innominatam vocant, atque ex tendinibus musculorum oculos moventium enata, tamque firmiter scleroticae conjuncta est, ut nullo facile artificio ab illa in totum separari possit. Sub hac interim expansione videnda exhibetur *tertia*, quae est *sclerotica*, admodum dura, crassa & opaca, cujusque pars anterior ob pelluciditatem *cornea* audit, estque in aliquibus aliquanto convexior, quanquam non in omnibus. Singularia, quae de hac tunica observavit *Ruyschius*, haec sunt: Se artificio suo vasa sanguiflua, per eam dispersa, tam numerosa detegere nunquam potuisse, quam quidem in tunicis *adnata*, *Ruyschiana* & *retina*. Deinde, ductum à *Nuckio* detectum longe peculiarem fuisse, cum vena in totum haud convenientem. Denique visum sibi esse videre se, plurima vascula nova, secundum longitudinem decurrentia, quae neque sanguiflua neque lymphatica esse ratus est, quamvis lymphaticorum aemula sint, quia in totum cum illis non conveniunt. Itaque suspicatus est, per vasa illa reduci humorem aqueum, qui per ductum *Nuckianum* vel alium ignotum antea adlatus fuerat; Cum credibile non sit, humorem aqueum  
fine



sine renovatione semper remanere. Atque haec ipsa *Ruysschii* observatio controversiae acri inter ipsum & *Hovium*, qui motum humorum oculi circularem primus in brutis, deinde vero ipsis quoque in hominibus demonstraverat, originem & fomitem subministravit.

### §. DCCCLXXIX.

Intuitu *choroides*, quam tunicarum oculi quartam esse dicit, diversitatem statuit inter *choroideam* & *uveam*, cum uvea ligamentum ciliare ejusque processum, ut & iridem constituat. Interim in parte hujus tunicae postica, quae proprie *choroides* adpellatur, sequentia observat *Ruysschius* noster: Hancce ex duplici lamella seu membrana constare, quarum exterior totius nomen retinens ipsi est *choroidea*, interior vero ab inventoris nomine *Ruysschiana* dicta. Arterias per choroideam dispersas tam numerosas esse, ut plures ea recipere haud possit. Reptatum arteriarum esse peculiarem, cum ramuli varii e trunculis oriundi in orbem sint dispositi.

### §. DCCCLXXX.

Quintae oculorum tunicae nomen *Ruysschianae* imponit, quam *choroideae* tam firmiter connatam esse demonstrat *Ruysschius*, ut vulgari sectione anatomica haud incurrat in oculos ac propterea manserit obscura & incognita. Cum vero *choroideae* tunicae arterias artificiose infarsisset cera, exiguum *Ruysschianae* tunicae portionem à *choroidea* recedere vidit, per quam aequè bene ac per choroideam arterias peculiare, diverso reptatu percurrentes, esse dispersas observavit. Quapropter distinctam esse tunicam, ex hisce potissimum conjecit: Quod peculiaribus arteriis sit donata; De venis enim nihil adhucdum pronunciare audet. Quod arteriae



per *Ruyschianam* tunicam obambulantes eundem cum *choroidea* reptatum haud servant, cum & variis in locis crucis in modum sibi invicem incumbant & ortu quoque varient. Quod tunica *Ruyschiana* à *choroidea* separari haud valeat, nisi arteriarum repletio materia ceracea facta praecesserit: Cum insuper in iis, qui *choroidem* justo habent tenuiorem, *Ruyschiana* separationem haud semper admittat, quantumvis omni in oculo sit visibilis, destinata quippe non solum ad robur *choroideae*, verum etiam, ut, ratiocinante sic *Ruyschio*, à sanguinis arteriosi majori copia requisitus calor tribus humoribus, natura frigidis conciliaretur.

#### §. DCCCLXXXI.

*Retinae* subjungit tandem *vitream* atque *crystallinam*, quam utramque revera existere, certior factus est continua exploratione, suntque membranulae subtilissimae, diaphanae, nullis vasculis sanguineis visibilibus ditatae, humoremque vitreum & crystallinum coërcentes.

#### §. DCCCLXXXII.

Veniendum quidem nunc esset ad epistolam *quartam* & *decimam*, quae *Mauritium a Reverborst*, medicinae Doctorem & anatomes professorem agnoscit auctorem: Verum illam lubens hic mitto, quia argumentum non tam anatomicum quam chirurgicum tractat, de nova nempe artuum decurtandorum ratione. Atque adeo ad *quintam* & *decimam* progredior, quam *Albertus Henricus Graetzius*, *Johannis Henrici germanus* & natu major frater, genuinus pariter *Ruyschii* discipulus, ad ipsum perscripserat, quaeque de vasorum sanguinorum extremitatibus, placentae uterinae mammaramque structura agit.

#### §. DCCCLXXXIII.



## §. DCCCLXXXIII.

Quibus argumentis cunctis hunc in modum *Ruyschius* in sua responsoria satisfacit: Et quidem, quod substantiam mammarum primum attinet, unanimiter quidem crediderunt hactenus anatomici, fabricam istam ex glandulis vel glandulosis corporibus compaginatam esse, integumentis nempe ac tyasis exceptis: Verum id *Ruyschio* aliter visum est, qui proinde exquisitius mammarum substantiam examinando apprehendit, eam non *glandulosam*, sed *vasculosam* esse, quaeque insuper nusquam in glandulas subdivisa sed ubique conjuncta sit. Si quaeratur, ubinam loci lac conficiatur, & quo ex fonte hauriatur materia in lac convertenda? Respondet *noster*: Se quidem propter substantiae tenacitatem inosculationes extremitatum arteriolarum cum ductibus lactiferis demonstrare nondum valuisse; Interea tamen earundem conjunctiones valde consentaneas esse contendit, lactisque rudimentum in extremis arteriolis ex serositate sanguinis confici, & in extremis ductibus lactiferis perfici, tandemque in ramulis capacioribus ad tempus reservari, donec sugendo, comprimendo aut sua sponte prae copia exitum sibi quaerat.

## §. DCCCLXXXIV.

Postremam ad *Ruyschium* nostrum epistolam problematicam dedit *Michael Ernestus Ettmüllerus*, phil. ac med. D. inque academia Lipsiensi anat. & chir. P. P. extraordinarius, quae de ovario novo, nempe *Nabotiano* agit. Optaveram diu, ut res controversa (alteris quippe eandem adfirmantibus, alteris vero negantibus) communi judici, sufficienti peritia anatomica instructo committeretur, & ecce, expectatione citius voti istius compotem me fecit praeclaudatus *Ettmüllerus*, qui,



exposita prius historia facti & enarrato modo, quo ovarium *Nabotianum* fuerit à medicis exceptum, in commune Reipublicae medicae commodum iudicium *Ruyschianum* sibi expetit, quid de dicto ovario *Nabotiano* secundum observationes in cadaveribus à se factas sentiendum sit, ne in ambiguo amplius ordo medicus relinqueretur?

### §. DCCCLXXXV.

Petitis ejus prompte quoque adsurrexit *Ruyschius*, non quidem, quod olim fecerat, epistolam responsoriam adornando, sed ad imitationem *Clar. Morgagni* adversaria anatomico-chirurgica concinnando, quorum in primo statim articulo de conceptu foecundo, feminisque recepti hospitio & via, in secundo vero de ovario, ut habetur, novo, deque hydatidibus tractationem instituit. De receptaculo feminis ejusque via certior factus fuit sectione corporis meretricis, cui, peracta impura cohabitatione, jugulum lethaliter à *Juvene* fuerat praescissum: Aperto enim secundum longitudinem utero, vidit cavum ejus albo, naturali atque bono semine masculino repletum, imo utramque tubam Fallopianam eodem semine plenam. Idemque jam olim animadvertit in cadavere mulieris cum adultero in illicito actu venereo deprehensae statimque à marito deprehensore interfectae: Quae binae observationes hanc ei suspicionem ingenerarunt, ad foecundum conceptum ipsum crassum semen in interiora uteri tubarumque Fallopianarum recipi, non solum orgasmicum principium, quod spirituum exhalantium specie eo pervadere autumant, qui huic hypothese favent.

### §. DCCCLXXXVI.

Quibus praemissis, nunc demum ad solutionem proble-



problematis *Ettmülleriani* de ovario novo *Nabotiano* accedit atque palam profitetur; plurima quidem cadavera foeminina, eaque variae aetatis sese incidisse, atque intento & animo & oculo perlustravisse, neque tamen unquam in cavo uteri aliquid vidisse, quod ulla omnino specie verum ovarium referret. Deprehendit equidem interius in utero circa ejus colli fabricam talem, qualem eruditissimus atque elegantissimus *Morgagnius* descripsit, rugis nempe, fibris ac valvulis contextum; Quo locorum sic latis etiam frequens sit cernere hydatides vario ut numero & situ, ita & magnitudine conspicuas: Sed has ipsas vel ovarium vel aliquam illius partem constituere, nunquam cogitandum est. Unde potius universum negotium sic concludit: Fuisse tantum ovarium illud fictum *Nabotianum* hydatidum, inter rugas valvulosas, os uteri internum obsidentes natarum, congeriem.

#### §. DCCCLXXXVII.

Tertium adversariorum *Ruyschianorum*, ad quae occasione ovarii *Nabotiani* devoluti sumus, articulum sibi vindicat disquisitio de glandulis cutis humanae ejusdemque papillis nervosis. Quoad priores, mirum videri alicui posset, quod licet lyncaeus sit anatomicus *Ruyschius* noster, & ipsemet harum glandularum existentiam olim adseruerit, candide tamen profiteatur, se post tot molimina glandulas cutis detegere, imo videre vix unquam potuisse, licet magna licentia ab aliis non describantur tantum, sed & delineentur & iconismis exhibeantur. Imo haud leviter illi sese devinctum judicat, qui illas ibidem existentes oculis suis exhibuerit. Circa organon vero nervosum cutis, tactui exercendo idoneum atque dictum mitius sentire videtur, dum toto utique cutis tractu plurimas partes albicantes, turgidulas tamen, atque in obtusum elevatas



elevatas apicem, pilis denique enatis originem clare praebentes detexit, quas nervosas hasce papillas esse, illico autumavit.

### §. DCCCLXXXVIII.

Articulo *quarto & quinto* de glandulis aliarum partium, inprimis membranarum suam exponit sententiam, v. g. de glandulis interiorem pleurae ambitum, pericardium, peritonei cavitatem tunicamque testium vaginalem dictam obsidentibus. Non dissimulat *Ruyschius*, se de harum glandularum *Stenonianarum & Malpighianarum*, quas egregii hi viri membranas dictas ab lubricandum ubique obsidere dixerint, existentia diu dubitasse imo adhucdum dubitare, cum ad hunc scopum nec opus sit glandulis imo nec ibidem in statu secundum naturam reperiantur: Unde, quotiescunque adsunt ejusmodi corpuscula, quae glandulas mentiuntur, cogitandum esse innuit, extremitates arteriarum obstructas abire in tumores praeternaturales, mutata penitus nativa forma. Ex quo eodem fundamento ulterius infert, corpuscula, quae in averfa parte coronae glandis penis virilis sita sunt, glandulas haud esse, licet subtilissimus *Morgagnius* suis in adversariis una cum aliis anatomicis pro glandulis talia habuerit & agnoverit. Unde potius, salva alioquin egregii viri auctoritate, pro papillis nervosis, ultra superficiem in limbo coronae glandis assurgentibus habendas esse judicat, quae, si orgasmo venereo tensae atque molli frictu pressae fuerint, summam in hoc opere delectationem excitent.

### §. DCCCLXXXIX.

*Sextus* isque ultimus argumenti anatomici articulus de corde agit, in quo diluit primum sententiam vulgo receptam;  
 Omnem



Omniem omnino sanguinem, qui per arterias coronarias ipsi cordi datus fuerat, nulla guttula excepta, per solam venam coronariam venae cavae reddi, imo & illum, qui lege circulationis ab utraque cordis auricula redibat, unica etiam hacce via reverti. Id vero sic sese non habere, publice demonstravit, dum ramos quosdam venosos ita in auriculas patere ostendit, ut partem venosi sanguinis exceptam ab arteriis directo itinere instillarent auriculae dextrae, nunquam attacta vena cava ejusque magno situ. At vero inventum *Thebesii*, qui ex ipsa cordis substantia venulas quasdam oriri ostenderat, quae sanguinem cordis ab arteriae coronariae ramis suppeditatum patulis orificiis ipsi cordis cavo infunderent, absque ullo in sinu cavae auriculaeve diverticulo, id suo utique calculo, tanquam saepius quoque à se demonstratum, probat.

### §. DCCCXC.

Denique, ne quod scriptorum *Ruyschianorum* intactum maneat, commemorandum adhuc restat, quod peculiari tractatulo, nempe dilucidatione valvularum, in vasis lymphaticis & lacteis demonstraverit, omnes ductus lymphaticos quam plurimas obtinere valvulas, liberum lymphae chylique progressum ad vasa lymphatica atque chylifera permittentes, regressum vero impredientes, & quidem geminatas, instar crescentis lunae vasorum lateribus adfixas sibi quoque mutuo oppositas, & hasce valvulas etiam sine vasculorum apertione satis distincta animadverti posse, inde ostendit, quod, cum lymphae contenta digito promovetur, ductu contrario à valvulis istis mox ubique sistatur. Huic vero valvularum adsertioni *Ruyschianae* pertinacissime sese semper opposuit *Ludovicus de Bits*, donec tandem victas dare cogeretur manus, postquam

Uuu

illae



illae *Hagae Comitis* ipsi clare non solum delineatae, sed & oculariter demonstratae fuerunt.

§. DCCCXCI.

Neque id reticendum est, quod cum DD. *Godofredo Bidloo*, professore anatomiae & chirurgiae *Leydensi* fervidam habuerit controversiam, quae exinde potissimum exarsit, quod *Ruyfchius* subinde in *epistolis* suis *responsoriis* ad *problematicas* ad ipsum exaratas, *Bidloi* tabulas anatomicas censurae suae submiserit, quod *hic* usque adeo graviter tulit, ut refutatione epistolarum suscepta, adversarium suum crudelissimis quidem injuriis adfecerit, rem vero ipsam, communi disputantium vitio & scandalo, frigide satis defenderit.

§. DCCCXCII.

*Hermannus Boerhaave*, in academia *Lugduno-Batava* Prof. medicinae celeberrimus, anatomica quidem ex professio non edidit, interea tamen permulta, hanc artem concernentia institutionibus medicis à se editis inserta reperiuntur: Praeterea vero neminem latet, quod hypothese *Malpighianae*, qua omnibus propemodum visceribus structuram glandulosam adseruit, admodum faverit, à qua tamen, cum *Fridericus Ruyfchius*, anatomes & chirurgiae Prof. *Amstelredamensis* sententiam plane alienam foveret: Hinc privatos intra parietes saepius ille ab hoc monitus est, ut, si quas alicujus momenti rationes haberet, quae defendendae *Malpighii* opinioni inservirent, eas cum ipso communicaret, ut in tanto clariori luce omnia collocarentur. Satis fecit *Boerbavius* petitis *Ruyfchianis*; Unde opusculum *anatomicum* de *fabrica glandularum* in C. H. enatum est, quod duas comprehendit epistolas, quarum prior à Cl. *Boerbavio* ad Cl. *Fridericum Ruyfchium* data est,



est, posterior vero *Ruysschii* responsoria est, super eodem hoc argumento ad *Boerhaavium* exarata. Cujus utriusque rationes pro & contra adlatas prolixius hic examinare non vacat.

§. DCCCXCIII.

Arent Cant, M. D. quem *Heisterus* in oratione & adjuncto programme inaugurali, quam de *incrementis anatomiae* in seculo XVIII. publice declamavit, cum in regia atque ducali Julia, anatomiae, chirurgiae ac physiologiae professionem susciperet, omisit, non certe infimum hic locum promeretur; Non enim solummodo *ductum thoracicum* in dissertatione sua inaugurali, quam *Lugduni Batavorum* habuit, delineavit ac descripsit, sed & alias C. H. partes figuris expressas cum *anatomes* cultoribus communicavit: Unde opusculum hujus inscriptionis enatum est: *Impetus primi anatomici, ex lustratis cadaveribus nati, quos propria consignavit manu Arent Cant.* Comprehensum vero est VI. tabulis, quarum *prima* faciem ejusque musculos, arterias carotides, nervum vertebralem & septimi paris ramum duriores repraesentat. *Altera* partem cranii interiori, dura matre investitam, itidemque exitum nervorum ex cranio, nec non musculos & nervos oculorum offert. *Tertia* musculos, ad pharyngem & uvulam spectantes sistit. *Quarta & quinta* cor & ventriculum ejusque situm, quem flatibus vel cibis distentum exhibet, oculis conspiciendum subjicit, simulque articulationem cubiti cum brachio, & tibiae cum osse femoris, ossiculum auris, cui mallei nomen est, & os palati delineat. *Sexta* denique *ductus thoracici* situm, addita ejusdem icone, repraesentat. In toto vero opusculo non pauca comprehenduntur, quae citra contradictionem vel plane nova sunt, vel correctae saltem & melius explicatae, quae ab aliis minus recte vel descriptae vel delineatae



fuerant; Id quod tamen summa ubique modestia citra ullius alterius scriptoris injuriam, exequitur.

§. DCCCXCIV.

Qui curiosis in *anatomie*, quam nonnulli *subtilem* sive *sublimem* vocant, delectantur, in *Antonii Leuwenboeckii* scriptis abunde reperient, unde curiositati suae satisfaciant. An vero ars medica solida quaedam emolumenta inde sit reportatura, admodum dubitaverim. Prodiit interim hoc auctore *anatomia*, seu *intiora rerum tum animatarum tum inanimatarum, ope & beneficio exquisitissimorum microscopiorum detecta, variisque experimentis demonstrata, epistolis quibusdam ad celeberrimam societatem regiam Londinensem datis, comprehensa.*

§. DCCCXCV.

Ut vero dictis plenior conciliemus fidem, aliqua tantum talium curiositatum & inutilium speculationum exempla sistemus, uti sunt: Oculi balaenae tunicam corneam ex sedecim vel octodecim membranulis componi; Quamlibet fibram, ex qua tendo constructus est, capillo esse centuplo tenuiorem; Pulsum non arteriis, sed venis essetribuendum; In femine animalium, ne ipso quidem homine excepto, reperiri animalcula viva; Ejusmodi animalcula in canum & cuniculorum matricibus à se reperta esse; In squamis piscium quotannis novas sub prioribus succrescere; In nervis cavitates imo & res illis inclusas distincte à se visas esse; Omnes praeterea nervos, imo & fibrillas tendineas ex vasculis compositas esse; Fibrillas quoque cerebri aselli majoris omnes cavas esse; Et quae sunt ejus farinae plura, quae, sive scias sive ignores, parum interest.

§. DCCCXCVI.

Has itaque *Antonii Leuwenboeckii* curiosas, at saepe parum  
utiles



utiles speculationes lubens suo loco relinquerem, nisi metuentum mihi foret, *anatomes sublimioris* amatores mihi indignaturos, quod eas publico invideam. Itaque ut illorum desiderio quodammodo satisfaciam, nosse oportet, ipsum quidem de variis animalium partibus, v. g. *nervis, tendinibus, ventriculo, epidydimidibus, vasis deferentibus* atque *testiculis* differuisse, sed, quod pace aliorum dixerim, suo modo, i. e. ut curiositatem magis quam utilitatem veram, in ipsam artem medicam redundantem, prae oculis habuerit. Taceo, ipsum hinc inde graviter lapsum esse, dum v. g. pulsum non arteriis sed venis tribuendum esse existimavit, & quae sunt ejus generis plura. Verum ejusmodi hallucinationes eo facilius ipsi condonamus, quo certius constat, ipsum in anatomicis penitus ignarum ac rudem fuisse. Si in fabricandis microscopiis subsistere nec cum sutore ultra crepidam sapere voluisset, laude sua, quam hoc nomine promeruit, minime privandus esset.

#### §. DCCCXCVII.

*Johannes Verbrug*, chirurgus & examinatus *Mediolanensis*, professioni quidem chirurgicae addictus tantum fuit, attamen in *examine*, quod edidit, *chirurgico* sive *praxi chirurgico-medica* omnium trium ventrium C. H. succinctam descriptionem ita praemisit, ut praeliminari hac scientia imbuti chirurgiae alumni eo feliciores sua in arte progressus facere possent. Anno 1731. in vernaculam nostram hoc *examen* translatus & à *Martino Schurigio*, medico & *physico Dresdensi* novis accessionibus locupletatus prodiit.

#### §. DCCCXCVIII.

Studio & opera *Bernardi Siegfried Albini*, anat. & chirurg. in acad. Batava, quae *Leidae* est, P. P. O. cujus jam superius



perhonorificam fecimus mentionem, prodierunt *icones ossium foetus humani*, quibus *osteogeniae* brevis accessit historia. Sicuti vero haec anatomes pars magna hucusque imperfectione laboravit: Ita tanto major cl. auctori habenda est gratia, quanto plus lucis hac sua commentatione eidem accendere adlaboravit. Ut taceam, opus suscepisse *Albinum*, ingentibus difficultatibus circumseptum, sive summam ossium teneti foetus teneritudinem, sive arctam cum aliis partibus connexionem spectes: Cum priori intuitu promptae corruptioni, posteriori vero laesioni facile exposita essent: Quae utraque causa permultos sine dubio deterruit, quo minus negotium, tantis difficultatibus implicitum, susciperent.

#### §. DCCCXCIX.

Nec minus cl. *Albinus* in eo sibi devinxit artis anatomicae cultores, quod novam operum *Guiljelmi Harvei* editionem curaverit iisdemque praefationem praemisit. Distinctum est opus hocce *Harveanum* duos in tomos, in quorum *priore* exercitatio anatomica de motu cordis & sanguinis in animalibus una cum duabus dissertationibus ad *Riolanum*, juniorem, de circulatione sanguinis, in *posteriore* vero exercitationes de generatione animalium continentur, quibus tamen etiam quaedam de partu, de membranis ac humoribus uteri, ut & de conceptione accedunt.

#### §. DCCCC.

Transitum tandem facimus ad integras eruditorum societates, quae in locupletando anatomes studio certatim hoc seculo laborarunt. Has inter primum concedimus locum auctoribus *aëtorum physico-medidorum*, quae sub auspiciis invictissimi imperatoris Romanorum, hodie scepra in imperio *Romano-Germa-*



*Germanico* tenentis feliciter continuata sunt & quorum quatuor jam volumina lucem adspexerunt publicam. In *primo* praeter sectionem & exenterati hydrodipo-tympanitici, rachitici, haemoptyci, empyematici, hectici aliorumque aliis morbis defunctorum, notatu inprimis dignae sunt duae observationes *Heisteri*, nempe CLXXVII. & VIII. quarum illa glandulas labri superioris (nam glandulas labri inferioris jam delinearunt *Comperus* & *Mangetus*) exhibet: Haec vero de lingua humana ejusque glandulis in superficie agit. Qua tamen occasione simul de *ductibus salivalibus novis* quaedam disseruit.

### §. DCCCCI.

Eodem volumine obs. CCXXIV. *Schulzeius* novam facilemque, ut sibi persuadet, encheiresin ductum thoracicum inveniendi proposuit, quam tamen facilitatem alii, qui secundum praescriptam methodum operati sunt, deprehendere non potuerunt. In *selectis Francofurtensibus* tomo III. descripta est methodus universalis, famosum hunc ductum tam in brutis animantibus quam ipsis in hominibus semper & infallibiliter detegendi. Huic observationi adjunxit ille aliam de cavitatibus seu sinibus osium capitis.

### §. DCCCCII.

In volumine *secundo* pauca anatomicen concernentia occurrunt, nisi quod *Christophorus Jacobus Trew* universam mammarum muliebrium massam pro unico glanduloso corpore una cum tubulis lactiferis maximis habeat, cum alii anatomicorum cum *Bartholino*, *Nuckio* & *Verheyenio* pro multiplici potius corpore habuerint. Idem eodem volumine tegumentum peculiare, membranae tympani foetuum inserviens, & val-



& valvulas conniventes in tractu intestini ilei secundum naturam obvias descripsit.

§. DCCCCIII.

In volumine *tertio* auctore *Johanne Hartmanno Degnero* apostema & ossescentia arteriae magnae sistitur, & *Johannes Hieronymus Knipphofius* organorum auditus praeparationem anatomicam exhibuit. — Alias praeter sectiones cadaverum, his vel illis morbis denatorum, judiciorumque medicorum desuper latorum nihil reperitur, quod forum anatomicum directe respiciat.

§. DCCCCIV.

In *quarto* denique pari modo res sese habet, nisi quod DD. *Johannes Sebastianus Albrechtus* observ. XIII. singularis naturae lusus in effigendis cranii ossibus mentionem faciat: Inter rariora enim naturae adservat ille cranium humanum viri adulti, ubi in concursu futurarum lamdoideae & sagittalis non ossiculum, sed os satis magnum à reliqua ossis occipitis parte, per genuinam futuram transversalem, ab uno lamdoideae ad alterius crus extensam, ita distinctum est, ut triangulum referat exacte aequicrurum, non deficientibus interim in reliquo utriusque lateris futurae lamdoideae tractu ossiculis *Wormianis*, eo inprimis loco copiosius & distinctius conspicuis, ubi occipitale hoc os circa processum mastoideum cum petroso jungitur. Ut vero omnia eo vividius phantasiae offerantur, schemate quodam fig. 7. tab. I. adumbrantur.

§. DCCCCV.

Laudabili quoque studio *anatomicae rei* incrementa promovere adlaboravit academia scientiarum imperialis

*Petro-*



*Petropolitana*; Tomo enim primo a 1726. *Johannes Georgius du Vernoi* observationem academicis exhibuit, qua plenior & accuratior *vasorum chyliferorum descriptio* continetur. Quod si cui forte dubium suboriretur, laborem hunc ideo superfluum fuisse, quod hoc à *Pecquetto*, *Asellio* aliisque abunde jam praestitum sit; Statim eidem occurrit celeb. auctor, graviter enūciando, *veras vasorum chyliferorum origines sive locum, quo enascuntur, neminem adhuc adsecutum esse*; Id quod tamen non simpliciter adserit, sed solidis rationibus evincit, sic & non aliter rem sese habere.

### §. DCCCCVI.

Intelligit autem per locum, *partem illam intestini determinatam, in qua radices seu oscula ductuum chyliferorum implantantur*; Proinde jure postulat, ut locus ille certus assignetur, ex quo vera eorundem origo derivari possit. Refutatis itaque aliorum placitis, quae pro meris tantum conjecturis habet, ipse potius confitetur, singulari artificio hunc sibi *locum separatum* in intestini cavo revelatum esse, cui radices chyliferorum sint implantatae, *reliqua tota superficie exclusa*; Cujus rei testem vocat non solum *Glissonium*, sed & autopsia probat, *valvulas intestinales* omnibus vasis chyliferis originem praebere.

### §. DCCCCVII.

Sunt & alia non modo admodum curiosa, sed & plane nova, de quibus altum apud alios anatomicos silentium est. Ex multis paucula tantum sistere mihi liceat. In superficie intestinorum duplicem chyliferorum ordinem deambulare observavit, indicata simul ratione, quare ordinem istum duplicem esse oporteat? Intestina *crassa*, id quod nonnulli in dubium vocarunt, aequè ac tenuia chyliferis gaudere,



chylo tamen rarissime distendi eamque ob causam inconspicua manere: Eadem chylifera per mesenterium pariter incedere per paria; Receptaculum chyli commune una cum ductu thoracico facilius longe, quam ipsa vasa chylifera investigari. Et quamvis variae methodi haecenus excogitatae sint, ductum hunc promte inveniendi; Ipse tamen celeb. auctor novam in theatro anatomico *Petropolitano* usitatam subministrat, quam *universalem* adpellare ipsi placet, cujus beneficio in omnibus promiscue subjectis non cisterna tantum sed & eidem continuus ductus uno conspectu in apertum deduci queat. Addit insuper, se tam in masculino quam foeminino subjecto duplex receptaculum una cum duplici canali thoracico perspicue observasse, aliisque t. t. praesentibus demonstrasse.

#### §. DCCCCVIII.

Cum vero tam cisterna lumbaris quam ductus thoracicus eidem continuus in variis animantibus mirifice discrepet à viis chyliferis, prout in homine reperiuntur: Hinc operae pretium esse duxit idem cel. auctor, hanc diversitatem in cane, equo, lupo, leone, lynce, fele tam odorata quam non odorata, cuniculo, porco, erinaceo, vitulo, atque adeo undecim in animalibus, eo fine incisus, summo studio investigare. Neque reticuit rationes hujus diversae conformationis, nullumque dubium est, quin in pluribus aliis animalibus, sectioni aptis, eandem illam diversitatem sint animadverturi, qui manus operi, utut admodum laborioso, admoveere haud dedignabuntur.

#### §. DCCCCIX.

A *Petro Antonio Michelotto* variae, quas ille sic adpellare amat, observationes anatomicae de *tumoribus vesiculosis*, de  
ruptione



*ruptione lienis, haemorrhagia omenti ac stomachi communicatae sunt.*

### §. DCCCCCX.

In *secundo aëtorum Petropolitanorum volumine* antea laudatus *du Vernoi* non modo in anatome elephanti pericardium non observavit, sed & tam exteriorem quam interiorem cordis, speciatim membranae descriptionem exhibuit, cui hanc attribuit functionem, quod nempe omnem in substantia cordis diffusum sanguinem suo in sinu colligat. Deinde exiguas quoque ad hanc membranam pertinentes detexit glandulas, quam proprietatem ideo inauditam dixit, quod dissectiones tam brutorum quam hominum eam silentio penitus praetermiserunt. Cur vero in aliis animalibus praeter elephantem, inconspicuae manserint haec glandulae, solam forte magnitudinis rationem subesse suspicatur. Interim hanc illis functionem tribuere non veretur, quod scilicet sanguinem purum secernant. Id quod an sic sese habeat vel habere saltem sese possit, penes alios esto iudicium.

### §. DCCCCCXI.

In *tertio volumine*, praeter observationes de duplici ossis femoris luxatione oppido rara, nec non de statu p. n. in duobus craniis, quorum alter alteri plane contrarius fuit, ex *Johannis Saltzmanni* litteris excerptas, nihil occurrit, quod anatonem spectet.

### §. DCCCCCXII.

*Quartum* vero volumen in subministrandis observationibus anatomicis ditius est. Saepius jam laudatus *Duvernoi* accuratius in sinus cerebri inquisivit graviterque conquestus est, se in sinuum horum, qui *anteriores* Galeno, aliis *superiores*,



itidemque *laterales* aliis vocantur, descriptione figurisque ex aliis addiscendis oleum & operam perdidisse: Quae ratio ipsum impulit, ut dictorum sinuum faciem structuramque integram rectius investigaret.

### §. DCCCCXIII.

De fabrica lienis ejusque actione plane quidem alios, quam reliqui anatomici, conceptus subministrat, in eo tamen adstipulatur *Ruyfchio*, quod ne umbra quidem vel vestigium glandularum tam in humano quam in aliorum sibi oblatorum animantium liene adpareat.

### §. DCCCCXIV.

Idem quoque commentatiunculam de *ventriculo & intestinis* inseruit. In illo enim admirandae texturae faciem sibi detexisse visus est, nempe subtilissimorum, instar telae aranearum, visum pene effugientium filamentorum, niveo colore splendentium, ac denique retis in modum facta invicem implicatione summam cavitatis ventriculi superficiem lambentium congeriem; Quibus frequentissimae interjectae fuerint angustissimae intercapedines, seu alveoli aut spatia, profunditate ad visum carentia, quibus *Ruyfchius* nomen intercapedinum quadrangularem adfinxerit, cum tamen plurimae irregulares, quaedam etiam rotundae ab ipso fuerint conspectae. In his vero experimentum instituit, qua ratione juga seu valvulae intestinales constanter fisti queant: Ex quo experimento didicit: 1) Sedem veram valvularum intestinalium in tunica nervea aut villosa perperam statui. 2) Tunicam nerveam praefatas valvulas haud efficere, sed solummodo investire, iisque ut vestimentum sese adcommodare. 3) Hinc etiam intelligi causam, cur, *Ruyfchio* id adnotante, valvu-



valvulae saepe concidant ac homine aegrotante oblitterentur.

### §. DCCCCXV.

*Josias Weitbrecht* exhibuit descriptionem ligamenti claviculae communis, quod inventum licet pro novo venditare non auit, & à *Johanne Riolo* in *entbiridio anatomico* diu observatum esse, ultro fateatur, à se tamen in lucem protractum & uberiori explanatione illustratum esse, grato animo ut agnoscant anatomici, merito mea sententia praetendit.

### §. DCCCCXVI.

Eidem *Weitbrecht* observationes aliquot anatomicae debentur, quas inter occurrit, quae par musculorum in pectore extraordinarium, insolitum quidem, attamen non contemnendae quoque magnitudinis exhibet. Is ipse praeterea tubam Fallopianam utramque in extremitate fimbriata coälitam, arterias itidem umbilicales in truncum concretas, nec non ureteres duos una cum pelvi duplici, obliquum uteri situm ut & foraminis ovalis valvulam non penitus clausam observavit.

### §. DCCCCXVII.

Relictis *actis Petropolitanis* ad commercium litterarium *Norimbergense* nos convertimus, visuri, an ejus subsidio quaedam in anatomicis vel noviter detecta vel saltem correctae & emendata fuerint? Spe nostra non omnino frustrabimur, si, quae successive communicata fuerunt, attentiori oculo & animo perlustraverimus. Inter specimina itaque *semestris primi* anni nempe XXXI. praesentis seculi corruscant observationes anatomicae *DD. Albrechti*, circa duo cadavera masculina, in perantiqua *Hierana* institutae, in quibus tyrones ar-



tis anatomicae sincere hortatur, ne libris tabulisque anatomicis nimium fidant, cum in cadaverum ipsorum inspectionibus & sectionibus multa vel plane non, vel aliter observentur. In cujus rei confirmationem tunicas ventriculi & intestinorum allegat, & de tunica *Ruyschii cellulosa* seorsim agens candide enunciat, *sibi videri eam nihil esse aliud, quam fibras à membranacea ad musculosam tunicam oblique transmissas, easque tunicas arctissime sibi invicem jungentes.* Reliqua, quae hifce in observationibus leguntur, prolixitatis vitandae causa, silentio praetermitto.

#### §. DCCCCXVIII.

In eodem semestri DD. *Schultzio*, in anatome cadaveris foemini occupato, occurrit *officulum sesamoideum*, ad vertebrae lumbaris primae processum lateralem, lateri ejus adhaerens & peculiari sinulo insidens. Tuberculum insuper *Lomeri* in loco, ubi vena cava superior & inferior ad auriculam cordis dextram concurrunt, longe majus, quam unquam in homine observari licuit, & tale omnino, quale in vitulorum cordibus invenitur, extare animadvertit.

#### §. DCCCCXIX.

Similiter *Christophorus Jacobus Trew* novas, ut vocat, observationes circa ovarium *Nabothianum* communicavit. In secando namque corpore mulieris cujusdam liquidum quidem gelatinosum circa orificium uteri internum detexit, eodem tamen, caute deterfo, nulla talia corpuscula, qualia *Nabothus* pro ovulis veris venditavit, observare potuit. Contrarium ejus rei in eingara à se secta videndum ipsi sese obtulit, in cujus quippe cervice uteri interna vesiculas tales, quales à *Nabotho* ejusque sequacibus pro ovulis veris habita fuerant, invenit;

Quod



Quod licet sic sese habere neutiquam inficiemur, pro hydatidibus tamen potius quam pro veris ovulis habendas esse existimamus, ceu superius jam animadversum est. Idem denique, in causam coloris nigri in superficie corporis *Cingarorum* observandi, inquirens, corpori *Malpighii* reticulari eum inesse, probabile reddit.

### §. DCCCCXX.

Ad semestre vero ejusdem hujus anni posterius observationes variae pertinent, *osteologiam*, *angiologiam* & *nevrologiam* illustrantes. Ad *istas* DD. *Mayeri* observatio de ossiculis, in durae matris processu falciformi ipsoque plane cerebro inventis spectat. Ad *illas* vero DD. *Nicolai* dissertatio pertinet, quam de *anomia* venae cavae superioris in pulmones distributae ad illustrem societatem, sub protectione celsissimi principis *de Clermont* Parisiis institutam transmisit. Et ad *hanc* illustrandam DD. *Trew* symbolam suam contulit, qui non modo systemati nervorum generatim examinando cadaver, tali scrutinio commodum adhibuit, sed & nervo intercostali, ejusdemque ortui ac progressui, imo & gangliis, conjunctionibus & implexionibus accuratius describendis singulari studio, cura atque exactitudine incubuit. Ut sectiones cadaverum his, illis, istis morbis denatorum hac vice silentio praeteream.

### §. DCCCCXXI.

Anno 1732. inter nova litteraria, quae Hispaniae promulgata sunt, anatomia compendiosa, quae authore *Martino Martinez* hispanico idiomate prodiit, connumeranda est. Observata vero anatomica parcius hoc ut & sequenti anno communicata, & quae adhuc hinc inde leguntur, jam supra, suis quaeque locis, commemorata sunt. In programme quo-

dam



dam Helmstädiensi, de venarum valvulis harumque usu agitur.

§. DCCCCXXII.

Anno MDCCXXXIV. hebdomade vigesima secunda quaedam de tubulis lactiferis, prope papillam in circulum coeuntibus inter *Ge. Frid. Gutermaunum* & *DD. Trevv* disputantur. Praeterea *Job. Ge. Henr. Kramerus* de ligamentis uteri & *Francisc. Zieglerus* observationes circa musculum temporalem laesum itemque de cordis cum pericardio concretionem peculiari communicarunt.

§. DCCCCXXIII.

Anno sequente hebdomade quarta *Job. Guil. Agricola* delineationem *valvulae ad finem ductus arteriosi in foetu sitae* subministravit; Ubi tamen libere fatetur, se duabus tantum vicibus in infantibus iusto citius exclusis, altero nempe *octimestri*, altero vero *septimestri*, utrisque tamen post partum vivis, eam observasse, sed dictam valvulam semper stylo, per arteriam pulmonalem immisso, hiatum versus elevare debuisse. Quae omnia ut rectius intelligantur, quatuor figuris adjectis declarare consultum duxit.

§. DCCCCXXIV.

Idem *Agricola* historiam *pericardii cum corde concreti* & observationem de vera cataractae seu suffusionis sede communicavit. *Albertus Hallerus* duo cadavera masculina cultro anatomico subiecit, multaque notatu digna, quae inter secandum observaverat, litteris consignavit, praemissa oratione solemni, qua de *utilitate anatomiae pro revelandis systematibus practicis falsis* disputavit, idque occasione *theatri anatomici*, Bernae Helvetorum erecti & solemniter inaugurati. *DD. Grapius,*



*Grapius*, poliater atque physicus provincialis comitatus *Hoya* observationem de foetu cum mola duplicique placenta excluso suppeditavit. DD. *Blockius*, medicus *Bremensis*, conceptum tubarium omni modo possibilem esse, observatione nova confirmavit, & quidem, quod admiratione dignum est, eundem per XI. integros annos in *tuba Fallopiana* retentum, quoad maximam vero partem in materiam fuscam dissolutum, relietis tamen quibusdam partibus solidis sanis, scil. uno osse temporum, duobus vel quatuor potius dentibus molaribus & uno incisorio, *tubae Fallopianae* accretis.

### §. DCCCCXXV.

Quae porro ante biennium edi coeperunt *selecta medica Francofurtensia*, in illis observationes anatomicae primum semper locum sibi vindicant. In volumine enim primo observatione prima sistitur cartilago *Ξ. Φοειδης* seu mucronata sterni, in infanticida quadam nostro in theatro anatomico publice secta, in qua dicta cartilago *bifurcata*, & tertium ejusdem os, quod pro *lamina pugnionis*, cui *sternum* comparatur, anatomici accipiunt, *foramine* exacte *sphaerico* pertusum est deprehensum. Hac ipsa vero observatione refutatur sententia illorum, qui haecenus falso sibi persuaserunt, toties perforatam esse hancce cartilaginem, quoties *integra*, non *bifida* conspiceretur: Id quod nostra in infanticida autopsia aliter nos edocuit. Caeterum eandem hanc *bifurcationem*, praeter *Palsinum*, etiam *Blancardus*, *Heisterus*, *Verheyenius* alique plures adnotarunt. *Foraminulum* vero, cartilagini ensiformi insculptum etiam *Riolanus* vidit. Huic observationi juncta est alia, quae *dislocationem vertebrarum colli absolute lethalem*, prout in corpore militis cujusdam, inter rixas trucidati, a me inventa est, exhibet atque describit.



## §. DCCCCXXVI.

In *volumine secundo* ductus thoracicus una cum receptaculo suo, prout in cane mediocris magnitudinis inventus est, descriptus atque ad juvandam phantasiam, delineatus repraesentatur; Quem laborem eum praecipue in finem in nos suscepimus, ut vel *convenientiam* vel *discrepantiam* ductus hujus, prout in hominibus aequae ac brutis fere habet, eo melius addisceremus. Adjecit DD. *Antonius Philippus Queitschius*, anatomicus exercitatus, *dissertationem epistolarem* ad *Andream Ottomarum Goelicke*, med. D. & in Viadrina nostra P. P. Ord. in qua de *praecipuis ductum thoracicum investigandi methodis* egit; Praemissa enim breviter historia primae demonstrationis ductus thoracici humani, peculiari methodo investigati atque detecti, exponit deinde singularem ejus speciem elegantissimamque formam; Progreditur hinc ad scopum, in publicanda hac methodo sibi propositum tandemque disquirat, an haec ab ipso adhibita methodus à quodam anatomicorum unquam hactenus in usum vocata sit?

## §. DCCCCXXVII.

In *tertio* volumine praeter observationem, quae luxationem ossis brachii tempestive non restitutam sistit, quaeque foeminae cuidam rusticae 19. annorum exitialis fuit, dissertatio epistolaris DD. *Queitschii* continuatur, atque, praemissa diversitate constructionis positusque corporis humani & quadrupedum terrestrium multiplici, methodi *Pequetia-Bartholinianae* ad diversissimam illam constructionem positumque quadrupedum terrestrium corporum & humani adplicatio instituitur, tandemque disquiratur, an *Bartholinus* more *Herophileo-Erasistratio* abominando, ductus thoracici humani investigandi gratia, homines vivos dissecuerit? Quae itidem genuina fuerit causa, cur ductus thoracici in corporibus humanis



humanis investigatio per dimidium fere seculum neglecta & impedita fuerit? Accedit eidem huic volumini DD. *Ditbloss Benjamin Hückelii*, physici *Drosnensis* relatio, sectionem moli-toris, qui, sumto cobalto, semetipsum nefarie interfecit, concernens.

§. DCCCCXXVIII.

In quarto *selectorum* horum *Francofurtensium* volumine, quod instantibus nundinis *Lipsiensibus* lucem adspiciet publi-  
cam, praeter singularem ductus thoracici constructionem de-  
lineationemque in *porco*, mediocris itidem magnitudinis, oc-  
curret ultima *dissertationis Queitschianae* de *praecipuis ductum  
thoracicum eruendi methodis* pars, ubi, postquam de reliquis  
hucusque usitatis modis suum interposuit iudicium, suam  
sibi peculiarem ac vere *universalem* methodum proponet.

§. DCCCCXXIX.

Atque pauca haec sunt, quae pro promovendis rei a-  
natomicae augmentis hucusque in *selectis* nostris praestita sunt.  
Videamus jam, quid pro eodem hoc scopo obtinendo *mis-  
cellaneorum Berolinensium* ad scientiarum incrementum edito-  
rum auctores contulerint? Missis vero duobus prioribus vo-  
luminibus, nihil quippe, quod anatomen concernit, conti-  
nentibus, ad tertium depropero, in quo selectiores quaedam  
observationes anatomicae, à DD. *Augustino Buddeo* commu-  
nicatae, leguntur: *Prima* illarum circa fabricam sinuum cra-  
nii, eorundemque aperturas in cava narium occupata est;  
*Alter*a sectionem foeminae maniacae, & in ea repertum ova-  
rium intus steatomatoso-pilosum exhibet; Ac *tertia* excres-  
centiam scirrhosam piriformem, externae superficiei fundi  
uterini adhaerentem sistit.

§. DCCCCXXX.

Ad quartum volumen symbolas suas contulerunt *Abra-*



*hamus Vaterus & Johannes Theodorus Eller; Ille* dissertationem epistolicam de ductuum lacrymalium subpalpebraliū vera constitutione, nec non de viarum, lacrymas ad nares derivantium, dispositione inferi curavit: *Hic* vero calculi vesicae membrana cincti vel inclusi generationem, tam theoretice illustratam quam practice comprobata benevole communicavit.

### §. DCCCCXXXI.

In *quinto* denique volumine, quod anno proxime elapso lucem adspexit, antea laudari D.D. *Augustini Buddei* observationes miscellae circa ossa occurrunt, quarum *prima* de aequivoco ossificationis praeter naturalis sensu, *altera* de exfoliatione, & quousque ea in morbis ossium sit expectanda? Et postrema de carie ossium tarsi, ut plurimum exitiā agit.

### §. DCCCCXXXII.

*Acta Edimburgensia* meas ad manus, quod doleo, nondum pervenerunt; *Novellae* tamen *litterariae Lipsienses* non pauca eximiarum observationum anatomicarum specimina exhibuerunt, quae credere nos jubent, fore, ut laudatissimi hi conatus multum quoque ad rei anatomicae incrementum sint collaturi.

### §. DCCCCXXXIII.

Praecipue vero attentionem nostram meretur opus plane aureum, quod auspiciis Regis christianissimi Ludovici XIV. in Gallis prodit, nempe historia academiae regiae scientiarum, ejus originem & progressum variasque dissertationes & observationes per 30. annos factas, quam plurima experimenta & inventa digessit & latius donavit *Johannes Baptista du Hamel*, ejusdem academiae socius & exsecretarius. Placuit ipsi quatuor in libros totum opus dividere; Ita quidem, ut in *primo*, quae ab exitu anni 1666. ad initium usque  
anni



anni 1675. acta sunt, continerentur; *Secundus* ad annum usque 1684. ac *tertius* ad annum 1692. progredieretur. *Postremus* denique in annum 1696. desineret. De laboribus vero academicorum generatim judicat, quod pleraque ab illis in lucem edita tum saltem *nova* fuerint, cum ab illis proponerentur, licet nunc permulta illorum *novitatis* speciem exuerint.

#### §. DCCCCXXXIV.

Quod speciatim *librum primum* attinet, nihil in eo occurrit, quod scopum nostrum respiciat, nisi forte famosum illud experimentum, de *transfusione sanguinis*, quod D. *Perrault* inutile imo exitiosum, alii plane commentum inter ineptias vocant, excipias: Quam etiam ob causam *senatus Parisiensis* auctoritate prudentissime, ut ait *du Hamel*, cautum, ne hoc remedii genere inusitato & plane inutili quisquam deinceps uteretur. Praeterea historiae anatomicae leonis, leaenae, chamaleontis, cameli, ursi aliorumque animalium descriptae leguntur. Speciatim vero D. *Mariotte*, probaturus, non in *retina*, quae vulgaris est opinio, sed in membrana *choroide* dicta, quae interioris nervi optici propago est, rerum objectarum imagines depingi atque adeo proximum visionis organon esse, oculum ipsum ratione structurae suae describere necessarium duxit. Cumque vulgarem opinionem propagareoccoepisset D. *Pecquet*, variaque argumenta novae isti *Mariotti* sententiae opponeret, ea diluere è re sua duxit.

#### §. DCCCCXXXV.

In libro *secundo* excerpta sistitur D. *Perrault* dissertatio, quae elegans & ingeniosa dicitur, ac de *motu peristaltico* agit, quae tamen *physiologiam* potius quam *anatomiam* illustrat, atque adeo hujus loci non est. Ad scopum nostrum propius spectant, quae idem de auditus organo disseruit.



## §. DCCCCXXXVI.

Quae *tertio & quarto* libro continentur, anatomen variorum animalium potius quam hominum concernunt. Agitur tamen inter D. *Meryum* & D. *Varignonem* quaestio de *usu foraminis ovalis in foetu*. Quaedam etiam de structura musculorum eorundemque motu disputantur. Si quae forte alia supersunt, eorum jam supra conveniente loco facta est mentio.

## §. DCCCCXXXVII.

Circa finem seculi praecedentis, anno scil. 1699 *Academia Regia scientiarum* a LUDOVICO XIV. Galliarum rege denuo excitata fuit, ut observationes suas, *chymiam, anatomen, scientiam naturalium, mathesin* omnesque ejus partes illustrantes novisque inventis augentes & exornantes gnaviter continuarent. Cujus nutui atque jussibus obsequentissimi, opus plane eximium lingua gallica concinnarunt, quod egregias quoque observationes & inventa nova anatomica, prioribus dignitate, curiositate atque utilitate nihil cedentia complectitur: Optarem solummodo, inventum quempiam fuisse vel adhuc inveniri, qui opus tam egregium & usibus eruditorum omnis generis apprime inservitutum latius donaret. Mihi vero hac vice tot volumina perlustrare & anatomica excerptare non licet: Urget me, nundinis Lipsiensibus instantibus, bibliopola, magistratus academici, quem jam gero, onus humeris meis incumbit, patientesque, quorum numerus singulis aequinoctiis ut plurimum augefcit, opem meam implorat, & quod praecipuo loco habendum, philiatri nostri horas sibi dicatas merito expostulant; Quare hic tractationis filum, sive velim sive nolim, abrumpendum est. Si qui tamen scriptores anatomici a me fuerint omisfi, eorum memoriam in supplementis, posthac edendis, recolere, & si qui novi interea lucem adspexerint, eorum quoque historiam tradere, omni, quo decet, studio adnitar.



# INDEX

Scriptorum, qui anatomen operibus suis illustrarunt.

## A.

**A**chillinus, *Alexander*.  
 Aërius.  
 Aegineta, *Paulus*.  
 Alcmaeon.  
 Aelianus Meccius.  
 Aemilius Parisanus.  
 Albinus, *Christianus Bernhardus*,  
*Bernhard Sigfried*.  
 Albertus, *Salomon*.  
 Aldes, *Theodorus*.  
 Alexander.  
 Albucasa.  
 Anonymus.  
 Antigènes.  
 Arantius, *Julius Caesar*.  
 Aretaeus, *Cappadox*.  
 Aristoteles.  
 Arnisaeus, *Henningus*.  
 Asellius, *Cassparus*.  
 Aquapendente, *Hieronymus Fabricius ab*  
*Avicenna*.

## B.

**B**aglivus.  
 Bagetus, *Johannes*.  
 Barbette, *Paulus*.  
 Backe, *Jacobus de*  
*Baifield*, *Robertus*.  
 Bartholinus, *Thomas*.  
 - *Cassparus*.  
 Baronius, *Theodorus*.  
 Bartisch, *Georgius*.  
 Bartoletus, *Fabricius*.  
 Bauhinus, *Cassparus*.  
 Bassius, *Henricus*.  
 Bauer, *Johannes Fridericus*.  
 Belebad, *Iacobus Rolandus*.  
 Becke, *David von der*.  
 Beddevole.

*Bellinus, Laurentius*.  
*Benedictus, Alexander*.  
*Berengarius, Jacobus*.  
*Beslerus, Michaël Rupertus*.  
*Bergerus, Joh. Godofredus*.  
*Bianchi, Joh. Baptista*.  
*Bidlov, Godofredus*.  
*Bils, Ludobicus de*  
*Blancardus, Stephanus*.  
*Blasius, Gerardus*.  
*Blosius, Sebastianus*.  
*Bohnius, Johannes*.  
*Bonetus, Theophilus*.  
*Boerhaave, Hermannus*.  
*Bontius, Theophilus*.  
*Bonaciolus, Ludobicus*.  
*Bordingus, Jacobus*.  
*Bokelius, Johannes*.  
*Boblius, Joh. Christophorus*.  
*Boscus, Hippolytus*.  
*Botallus, Leonardus*.  
*Bottonus, Albertinus*.  
*Bonaciolus, Ludobicus*.  
*Bordingus, Iacobus*.  
*Brendelius, Adamus*.  
*Broevyn, Johannes*.  
*Brunsvvig, Hieronymus*.  
*Briggs, Guilielmus*.  
*Brunnerus, Joh. Conradus*.  
*Bry, Iohannes Henricus de*  
*Bucretius, Daniel*.  
*Buisfiere*.  
*Bulleine, Guilielmus*.  
*Burgoverus, Johannes*.  
*Burrhus, Franciscus Iosephus*.

## C.

**C**abrolus, *Bartholomaeus*.  
 Cajus, *Johannes*.  
 Cananus, *Joh. Baptista*.  
 Case, *Johannes*.

Casman.



# INDEX SCRIPTORUM.

Casmannus, Otto.  
 Cant, *Arent*.  
 Camerarius, *Joachimus*.  
 Cauliaco, Guido de  
 Cafferius, Julius.  
 Capivaccius, *Hieronymus*.  
 Caelius, *Theodorus*.  
 Caesalpinus, *Andreas*.  
 Celsus, *Aurelius Cornelius*.  
 Charleton, *Waltherus*.  
 Cheselden.  
 Charriere de la.  
 Chirac.  
 Chiffletius, *Iohannes*.  
 Clerc, Daniel le  
 Colladus, *Ludovicus*.  
 Columbus, *Realdus*.  
 Cocus, *Jacobus*.  
 Colle, *Johannes*.  
 Codronchius, *Baptista*.  
 Cosmopolita.  
 Cortesius, *Joh. Baptista*.  
 Cornachinus, *Thomas*.  
 - - - *Michaël*.  
 Concorreggio, *Johannes de*  
 Courtinus, *Germanus*.  
 Constantinus, *Africanus*.  
 Cuneus, *Gabriel*.  
 Curtius, *Mattheus*.  
 Crimali, *Liberalis*.  
 Crocke, *Helkiah*.  
 Coschvitijs, *Georgius Daniel*.  
 Covperus, *Guilielmus*.  
 Courtialis.  
 Cummenus à Cummen, *Alardus Her-*  
*mannus*.  
 Cyprianus, *Abrabamus*.

## D.

**D**emocritus.  
 Des - novés sive Novesius,  
 Deusingius, *Antonius*.

Dillenius, *Iustus Fridericus*.  
 Diemberbroeck, *Isbrandus de*.  
 Diocles, *Carystius*.  
 Dionis.  
 Döbelius, *Joh. Jacobus*.  
 Dolaeus, *Iohannes Daniel*.  
 Douglas, *Jacobus*.  
 Drelincourtius, *Carolus*.  
 Draco.  
 Dresserus, *Mattheus*.  
 Drake, *Iacobus*.  
 Dupre.

## E.

**E**ichstadius, *Laurentius*.  
 Elsnerus, *Joachimus Georgius*.  
 Elsholtius, *Joh. Sigismund*.  
 Empedocles.  
 Entius, *Georgius*.  
 Erasistratus.  
 Ermelius, *Joh. Fridericus*.  
 Eudemus.  
 Eustachius, *Bartholomaeus*.  
 Euth, *Joh. Aegidius*.  
 Eyselius, *Joh. Philippus*.  
 Eyssonius, *Henricus*.

## F.

**F**allopium, *Gabriel*.  
 Fantonus, *Johannes*.  
 Fernelius, *Iohannes*.  
 Fontanus, *Nicolaus*.  
 Fortius, *Angelus*.  
 Fragosus, *Iohannes*.  
 Franco, *Petrus*.  
 Francus, *Georgius*.  
 Francus de Franckenau, *Georgius Fri-*  
*dericus*.  
 Friefs, *Martinus Fridericus*.  
 Franciscus, *Iohannes*.

Gagliardus,



# INDEX SCRIPTORUM.

## G.

**G**agliardus, *Dominicus*.  
 Galenus, *Claudius*.  
 Gandolphus.  
 Garengot, *Iacobus Crescentius*.  
 Gavaflerius, *Michaël*.  
 Gello, *Ioh Baptista de*  
 Gemini, *Thomas*.  
 Gesnerus, *Conradus*.  
 Gerhardus, *Iohannes*.  
 Glandorpius, *Matthias Ludovicus*.  
 Glistonius, *Franciscus*.  
 Gibson, *Thomas*.  
 Glaserus, *Iohannes Henricus*.  
 Gordonius, *Bernardus*.  
 Grasseccius, *Georgius*.  
 Gradibus, *Mattheus de*.  
 Grevinus, *Iacobus*.  
 Graeff, *Regnerus de*.  
 Guarinonius, *Christophorus*.  
 Grassius, *Sigismundus*.  
 Guevara, *Alphonfus Rodericus*.  
 Guenello.  
 Guintherius, *Iohannes*.  
 Guillemeau, *Iacobus*.  
 Grevv, *Nebemias*.  
 Grubelius, *Ioh. Georgius*.

## H.

**H**affenrefferus, *Samuel*.  
 Haller, *Albertus*.  
 Hartung, *Valentinus*.  
 Hagendornius, *Ehrenfried*.  
 Harvaeus, *Guilielmus*.  
 Havers, *Clopton*.  
 Hermannus ab Hermenau.  
 Harderus, *David Ioh. Iacobus*.  
 Herlicius, *David*.  
 Heraclinus.  
 Herophilus.  
 Hemsterhuys, *Siboldus*.

Higmorus, *Nathanaël*.  
 Hippocrates, *Cous*.  
 Hire de la.  
 Helblinus, *Ioh. Casparus*.  
 Heisterus, *Laurentius*.  
 Henninger, *Ioh Sigismundus*.  
 Herlinus, *Iohannes Henricus*.  
 Hoffmannus, *Casparus*.  
     *Mauritius*.  
     *Ioh. Mauritius*.  
 Holt, *Carolus*.  
 Horne, *Iohannes fan*  
 Horstius, *Ioh. Daniel*.  
     *Gregorius*.  
 Hoepffnerus, *Henricus*.  
 Hormannus, *Guilielmus*.  
 Hovius, *Iacobus*.

## I.

**I**asolinus, *Iulius*.  
 Jessenius à Jessen, *Iohannes*.  
 Ingrassias, *Ioh. Philippus*.  
 Junius, *Adrianus*.

## K.

**K**arthan, *Iohannes de*.  
 Keil, *Iacobus*.  
 Kerckringius, *Theodorus*.  
 Knoblochius, *Tobias*.  
 Kulmus, *Ioh. Adamus*.  
 Kuppius, *Philippus Ludovicus*.  
 Kynalochus, *David*.

## L.

**L**acuna, *Andreas à*  
 Landus, *Basfianus*.  
 Lambsvyerde, *Iohannes Baptista de*  
 Lancisius, *Iohannes Maria*.  
 Lanzonus, *Iosephus*.  
 Laurentius, *Andreas*.

Laurem



# INDEX SCRIPTORUM.

Laurembergius, *Petrus*.  
 Leal Lealis.  
 Lemery.  
 Leo, *Dominicus*.  
 Leporinus, *Christianus Polycarpus*.  
 Licetus, *Fortunius*.  
 Litte.  
 Loeselius, *Iohannes*.  
 Lossius, *Ieremias*.  
 Lovverus, *Richardus*.  
 Ludovicus, *Antonius*.  
 Lycus.  
 Lyserus, *Michael*.  
 Lysterus, *Martinus*.

## M.

**M**ajor, *Iohannes Daniel*.  
 Mangetus, *Iohannes Iacobus*.  
 Malpighius, *Marcellus*.  
 Marchettis, *Petrus de*  
*Dominicus de*  
 Marianus, *Sanctus*.  
 Marefcotius.  
 Marinus.  
 Martianus.  
 Massa, *Nicolaus*.  
 Massaria, *Alexander*.  
 Mayovv, *Iohannes*.  
 Meibomius, *Henricus*.  
 Meletius.  
 Mercurialis, *Hieronimus*.  
 Merianus, *Mattheus*.  
 Mery.  
 Meurerus, *Christophorus*.  
 Mezgerus, *Georgius Balthasar*.  
 Michinus, *Franciscus*.  
 Minadous, *Iohannes Thomas*.  
 Molinettus, *Antonius*.  
 Montagnana, *Petrus*.  
 Monro, *Alexander*.  
 Montana, *Bernhardinus*.  
 Mon, *Petrus*.

Morgagni, *Iob. Baptista*.  
 Moulin.  
 Mundinus.  
 Munnik, *Iohannes*.  
 Muralto, *Iohannes de*.  
 Musgrave, *Guilielmus*.

## N.

**N**aboth.  
 Nebelius, *Samuel*.  
 Nedham, *Gualtherus*.  
 Nemefius.  
 Nicolas, *Nicolaus*.  
 Noble, *Carolus le*.  
 Nonnius, *Emanuel*.  
 Novarinus, *Antonius*.  
 Nuckius, *Antonius*.  
 Numesianus.  
 Nymmanus, *Gregorius*.

## O.

**O**ribasius.  
 Ortlobius, *Iob. Fridericus*.

## P.

**P**adovanus, *Iohannes*.  
 Palfyn, *Iohannes*.  
 Pallierius, *Paulus Franciscus*.  
 Parisanus, *Aemilius*.  
 Paracelsus.  
 Pareus, *Ambrosius*.  
 Pascolus, *Alexander*.  
 Paschioni, *Antonius*.  
 Parthenius.  
 Paullinus, *Fabius*.  
 Pauli, *Iacobus Henricus*.  
*Simon*.  
*Iob. Wilhelmus*.  
 Paxmannus, *Henricus*.  
 Pecquettus, *Iohannes*.

Pelops



# INDEX SCRIPTORUM.

Pelops.  
 Perdulcis, *Bartholomeus*.  
 Petitus.  
 Petri, *Fridericus*.  
 Peyerus, *Iohannes Conradus*.  
 Petracus, *Henricus*.  
 Phecianus.  
 Philotimus.  
 Pinaeus, *Seberinus*.  
 Piccolomineus, *Archangelus*.  
 Pinus, *Petrus Mattheus*.  
 Plato.  
 Plantinus, *Christopherus*.  
 Plazzonus, *Franciscus*.  
 Plistonius.  
 Poll, *Michaël*.  
 Polybus.  
 Postellus.  
 Posthius, *Iohannes*.  
 Pozzi.  
 Praxagoras.  
 Protospatarius, *Theophilus*.  
 Pythagoras.

## R.

**R**aedt, *Franciscus de*.  
 Rau, *Iohannes Iacobus*.  
 Recorde, *Robertus*.  
 Reinesius, *Thomas*.  
 Remmelinus, *Iohannes*.  
 Reverhorst, *Mauritius Bon*.  
 Rhafis.  
 Rhodius, *Iohannes*.  
 Richardus Anglicus.  
 Ridley, *Henricus*.  
 Riolanus, *Iohannes*.  
 Riviere, *Stephanus*.  
 Rondeletius, *Guilielmus*.  
 Rolincus, *Guernerus*.  
 Rouffetius, *Franciscus*.  
 Ronssaeus, *Baldwinus*.  
 Rouhautus.

Rohaltus, *Petrus Simon*.  
 Ruffus, *Ephesus*.  
 Rudbeckius, *Olaus*.  
 Rudius, *Eustachius*.  
 Ryffus, *Gualtherius Hermenius*.  
 Ruti, *Guilielmus*.  
 Ruyschius, *Fridericus*.

## S.

**S**altzmanus, *Ioh. Rudolphus*.  
*Iohannes*.  
 Sarpi, *Paulus*.  
 Satyrus.  
 Schaeuius, *Henricus*.  
 Schacherus, *Polycarpus Gottlieb*.  
 Schillingius, *Iacobus*.  
*Henricus Sigismundus*.  
 Sclanovius, *Hector*.  
 Schenckius, *Ioh. Theodorus*.  
 Schraderus, *Iustus*.  
 Schaefferus, *Carolus*.  
 Schellhammerus, *Guntherus*.  
*Christophorus*.  
 Schultze, *Iohannes Henricus*.  
 Schneiderus, *Conradus Victor*.  
 Schurigius, *Martinus*.  
 Sebizius, *Melchior*.  
*Iohannes Albertus*.  
 Senguerdus, *Arnoldus*.  
 Septalius, *Ludovicus*.  
 Sennertus, *Daniel*.  
 Severus, *Nicolaus*.  
 Severinus, *Marcus Aurelius*.  
 Siegelius, *Paulus Marquardus*.  
 Sinidaldus, *Ioh. Benedictus*.  
 Soranus.  
 Spigelius, *Adrianus*.  
 Sprengel, *Ernestus Victor*.  
 Sponius, *Carolus*.  
 Sproegelius, *Iohannes Christophorus*.  
 Stegmannus, *Ambrosius*.  
 Steno, *Nicolaus*.

Stephanus



# INDEX SCRIPTORUM.

Stephanus, *Carolus*.  
 Stockamerus, *Franciscus*.  
 Strausius, *Laurentius*.  
 Stratonicus.  
 Svammerdammius, *Iohannes*.  
 Schvvendendorfferus, *Georgius Tobias*.  
 Sylvius, *Iacobus*.  
*Franciscus de le Boe*

## T.

**T**aliacotius, *Cassparus*.  
 Tanckius, *Iohannes*.  
 Tauvry.  
 Teichmeierus, *Hermannus Fridericus*.  
 Terraneus, *Laurentius*.  
 Thebesius, *Adamus Christianus*.  
 Theßalus.  
 Tigeon, *Thomas*.  
 Tilingius, *Matthias*.  
 Timmius, *Iohannes*.  
 Tyson.  
 Trevv, *Christopherus Iacobus*.  
 Turrianus, *Marcus Antonius*.

## V.

**V**al, *Petrus du*.  
 Valla, *Georgius*.  
 Valentini, *Michaël Bernhardus*.  
 Valsalva, *Antonius Maria*.  
 Valverda, *Iohannes*.  
 Varolius, *Constantinus*.  
 Vassaeus, *Ludovicus*.  
 Vassalius, *Benedictus*.  
 Vaterus, *Abrahamus*.  
 Verle, *Iohannes Baptista*.  
 Vercelloni, *Iacobus*.  
 Verbrug, *Iohannes*.  
 Verheyen, *Philippus*.

Vernay, *Iosephus du*.  
 Vesalius, *Andreas*.  
 Veslingius, *Iohannes*.  
 Vicarius, *Thomas*.  
 Vidus Vidius.  
 Vieussens, *Raymundus*.  
 Vigierius, *Iohannes*.  
 Viringus, *Iohannes Mattheus*.  
 Virsungus, *Ioh. Georgius*.  
 Vogli, *Iohannes Hyacinthus*.  
 Volkamerus, *Ioh. Georgius*.  
 Ulmus, *Franciscus*.  
*Marcus Antonius*.

## W.

**W**agnerus, *Ioh. Iacobus*.  
 Waltherus, *Augustinus Fridericus*.  
 Warthonus, *Thomas*.  
 Welschius, *Christianus Ludovicus*.  
 Wesenfeldius, *Conradus*.  
 Wepferus, *Ioh. Iacobus*.  
 Westphalus, *Iohannes Cassparus*.  
 Willichius, *Iodocus*.  
 Willis, *Thomas*.  
 Winsemius, *Menalaus*.  
 Winslovv.  
 Wium, *Eduardus Petrus*.  
 Wolffstrigelius, *Laurentius*.

## X.

**X**imenes.

## Z.

**Z**ambecarus, *Iosephus*.  
 Zeidlern, *Sebastian Christianus A.*  
 Zerbus sive de Zerbis, *Gabriel*.  
 Zypaeus, *Franciscus*.



# INDEX

## Rerum memorabiliorum.

### A.

**A**cademia scientiarum imperialis  
 Petropolitana augmenta ana-  
 tomes promovere studet. 526  
 Observationum miscellarum tomos  
 IV. hucusque publico exhibuit. 527  
 Quid in quolibet illorum contineā-  
 tur. 527 529  
*Acad. regia scientiarum Parisiensis*  
 observationum anatomicarum ad-  
 modum dives est. 538  
*Acta Edimburgensia* eximias observat.  
 anat. continent. 538  
*Acta medico-physica* N. C. talium  
 plena sunt. 524 525  
*Achillinus Alexander* quo seculo  
 floruerit? 114  
*Aelianus Meccius*, praeceptor *Galen*i. 63  
 Scripsit de musculorum dissectione. *ibid.*  
*Aetius Amidenus* in anatomicis nihil  
 praestitit. 103  
*Aegyptii* prae *Graecis* primi anatomen  
 excoluere. 12  
*Aegyptiorum* scientia anatomica quae  
 & qualis fuerit? 15 16  
 Reges corpora mortuorum secue-  
 runt. 16  
*Anatomen* quidam lanienae com-  
 pararunt. 16  
 Pollincturam exercuere. 16  
 Aemulationis pravi effectus. 132  
 Adulatore nihil turpius. 104  
 Adulatorum & parasitarum in aliis  
 laudandis stultitia. 48  
*Aemilius Parisanus* in anatomicis  
 nulla habet merita. 167  
 Circulationem sanguinis acriter  
 impugnavit. *ibid.*  
 Ipsius scripta *Riolanus* chartam  
 cecatom vocat. *ibid.*

*Douglasii* de illo iudicium. *ibid.*  
*Albertus*, Salomo, anatomicus. 159  
 Ejus scripta. 159  
*Albucasa*, arabs. 109  
 Ejus scientia anatomica. *ibid.*  
*Alexander*, anatomen reliquit inta-  
 ctam. 103  
*Alexandri* M. liberalitas in promo-  
 venda historia animalium. 45  
*Alghisi*, Thomae; tract. de lithotomia. 448  
 Inserta illi est descriptio partium, uri-  
 nae se & excretioni servientium. *ibid.*  
*Alcmaeon*, Crotoniensis, anatomicus. 42  
 An tuba, hodie *Eustachiana* dicta,  
 ipsi nota fuerit? 42  
*Albrechti*, Joh. Wilhelmi, observat.  
 anatomicae. 467  
 Valvulam dorsali in vena penis ejusq;  
 veram constitutionem detexit. 467  
 Johannis Sebastiani lusus naturae in  
 cranio humano. 516  
*Albinus*, Christianus Bernardus, structu-  
 ram intestinorum tenuium explicuit. 473  
 Quid in hoc tractatu praestiterit? 474  
 Bernard Siegfried tract. de ossibus. 474  
*Aldes* Theodori Scripta. 224  
*Ammanni*, Joh. Conradi Tractatus,  
 surdus loquens inscriptus. 300  
 Amstelodamensis Collegii anatomica. 459  
 Anatomica admiranda incerti autho-  
 ris. 285  
 Anatomici studii, impedimenta. 282 283  
 Anatome melius addiscitur autopsia  
 quam lectione scriptorum. 356  
 practica magnae in medicina utili-  
 tatis. 381  
 artificiosa quid praestet? 389  
 Sensuum fide niti debet. 449 450  
 In ea nihil phantasiae tribuendum. *ibid.*  
 necessaria est in arte obstetricandi  
 recte tractanda. 451



# INDEX RERUM

An jure divino & humano licita sit? 270	Antiqui an C. H. unquam fecuerint? 14
ingens utilitas. 280	An integra 36. seculâ anatomen
Anatomici collegii praecipua con-	reliquerint intactam? <i>ibid.</i>
tenta 184 185	<i>Anonymi</i> , Angli, anatomia C. H.
Primaria ejus membra quae fuerint?	compendiosa. 262
Et quid praestiterint? 186 187 188 190	conjectura de nova via feri ad
Anatomicae artis optima compendia. 157	renes delabentis. 315
Scriptores germani. 143 114	Judicium de illa. <i>ibid.</i>
seculi XIV. 112	Osteologia nova. 229 230
seculi XV. 114	<i>Aquapendente</i> , Hieronymus Fabri-
post <i>Galenum</i> . 138	cus ab, celebrer anatomicus. 182
Anatome chirurgo necessaria. 131	<i>Fallopium</i> habuit praeceptorem. <i>ibid.</i>
Cum chirurgia constanter conjun-	Magnos adsecutus est honores. <i>ibid.</i>
genda. <i>ibid.</i>	Corpora tam hominum quam
est vel <i>physica</i> vel <i>medica</i> . 8	brutorum permulta secuit. 102 103
Ejus vetustissimus scriptor. 9	Opera ejus anatomica. 102
In scholis trivialibus hodie docetur. 464	& 103
<i>Sublimis</i> cujus momenti? 522	<i>Arantius</i> , Julius Caesar 30. annos
Anatomicum theatrum Berolini erectum. 6	anatomen docuit. 126
Anatomes facies belli Trojani tempore. 11	Scripta ejus anatomica. <i>ibid.</i>
An eam <i>Aegyptii</i> prae <i>Graecis</i> , an	<i>Arctaeus</i> , Cappadox. 104
<i>hi</i> prae <i>illis</i> citius exoluerint? <i>ibid.</i>	anatomes quandam habuit pe-
Olim neglectae causae. 9	ritiam. <i>ibid.</i>
necessitas summa. 2	<i>Aristoteles</i> , Stagirita ex Asclepia-
physiologiam praecedere debet. <i>ibid.</i>	dum familia genus duxit. 44
<i>curiosa</i> cujus momenti? 3	An in anatomia solidi quippiam
quem usum in medicina habeat? 4	praestiterit? 45
quid doceat? 4 5 7	An corpora humana fecuerit? <i>ibid.</i>
practica quid sit? 5	Rationes adfirmantium & ne-
administratur vel in corpore <i>vivo</i>	gantium. 46 47
vel mortuo. 5	Ejus praecipua in anatome
fundamentum est totius artis medicae. 1	dogmata. 49 50
Anatomici studia obstacula. 282 283	Thoracem & abdomen pro uno
Analogica partium animalium trans-	eodemque ventre habuit. 49
latio ad hominem, multorum er-	Excusatur à <i>Bartholino</i> . <i>ibid.</i>
rorum causa. 48 263 264	Ejus scripta anatomica. 51
Specimina ejus rei. 264	An figuris anatomica sua illustra-
<i>Anellus</i> Dominicus ductus lacry-	verit? 51
males descripsit. 449	Errores in sectione animalium
<i>Anonymi</i> graeci isagoge anatomica. 108	commisfi. 48
à Laurembergio edita. <i>ibid.</i>	Quaedam ejus rei specimina. <i>ibid.</i>
<i>Antigenes</i> , rudioribus anatomicis à	Arteriam magnam primus aôr-
<i>Galeno</i> adnumeratus. 41	tam vocavit. <i>ibid.</i>
	Ejus



# MEMORABILIORUM.

Ejus errores plane palpabiles in anat.	46	<i>Bartisch</i> , Georgius, ophthalmologiae author.	176
<i>Arnisaeus</i> , Henningus anatomicus praestans.	298	<i>Bartoletus</i> , Fabricius, anatomicus.	127
Ubi docuerit?	<i>ibid.</i>	Ejus scripta.	<i>ibid.</i>
Ejus scripta.	<i>ibid.</i>	Vita & mors.	<i>ibid.</i>
Ossium pubis distractionem in partu credidit.	299	<i>Bartholini</i> , Caspari scripta.	238
Arteriarum ossescentia.	520	Vita & mors.	<i>ibid.</i>
<i>Asellius</i> , Casparus, vasorum lacteorum inventor.	190	Thomae vita.	<i>ibid.</i>
In brutis tantum illa demonstravit.	<i>ibid.</i>	Vasorum lymphaticorum primus fuit inventor.	238 239
Hominem vivum incidere nefas duxit.	191	Controversia inter ipsum & <i>Rudbeckium</i> .	238 239
<i>Aselepiadea</i> , schola an & quomodo anatomen tractarit? 1 2 24 25 61		An ductum thoracicum primus invenerit?	239
<i>Athostis</i> , an libros anat. scripserit?	17	Ejus scripta.	239 240
<i>Avicenna</i> , Arabs, anatomen in honore habuit.	109	<i>Casparum</i> & <i>Thomam</i> filios reliquit.	240
<i>Auzotii</i> Adriani, epistola ad Joh. Pequetum.	206	<i>Basfius</i> , Henticus, anat. exercitatus.	461
		Ejus observat. anat. chir.	<i>ibid.</i>
		<i>Barbette</i> , Paulus, anat. practicam edidit.	344
		<i>Baueri</i> , Joh. Friderici, dissertatio de nervis.	478
		<i>Bauhinus</i> , Casparus, Johannis sen. filius in studio anatomico clarus.	270
		Varia anat. scripta edidit.	<i>ibid.</i>
		A <i>Riolano</i> plagii insimulatus.	271
		<i>Basfianus Landus</i> , Placentinus, discipulus <i>Montani</i> fuit.	123
		Ejus scripta.	<i>ibid.</i>
		fata.	<i>ibid.</i>
		<i>Becke</i> , David van der, dissert. de procidentia uteri.	285
		<i>Beddesole</i> , tentamen anatomicum.	218
		<i>Benedicti</i> , Alexandri aetas, qua vixit.	113
		Singularis ejus opinio de duabus foraminulis juxta urinae exitum in foemellis.	113
		<i>Belebad Jac. Relandi</i> , aglossostomographia.	386
		<i>Bellingeri</i> descriptio ductuum ex glandula thymi ad os subeuntium suspecta.	459
		<i>Behnius</i> , Laurentius, structuram renum explic.	195
		<i>Berengerus</i> in tractatu de herniis anatomica tractat.	452
<i>Back</i> , Jacobus de, differuit de corde.	300		
Ejusdem dissertationes anatomicae.	445		
<i>Baglibus</i> , Georgius de fibra motrice scripsit.	444		
<i>Baifield</i> , Robertus, exercitationes anat. divulgavit.	247		
<i>Ballonius</i> , in anat. practica desudavit.	380		
<i>Banister</i> , Guilielmus sua ex <i>Vesalio</i> hausit.	172		
ast <i>maximam</i> partem depravata.	<i>ibid.</i>		
<i>Bamberg</i> , Joh. Faber ultra 100. cadavera secuit.	381		
<i>Baronius</i> , Theodorus descriptionem instrumentorum urinatorum reliquit.	164		
<i>Barnabeus</i> Anton. Nicolaus de moribus subitaneis scripsit.	448		
<i>Bartholdi</i> , Georgii Theodori anatomica non magni sunt momenti.	460		
Sparsim operibus ejus permixta.	<i>ibid.</i>		



# INDEX RERUM

<i>Berkeley</i> , Georgius anatomen oculi tradidit.	457	<i>Blossius</i> , Sebastianus, disquisitionem	
<i>Besse</i> , tractatus anat. de structura & usu partium.	452	<i>Icepsews</i> anat. edidit.	274
<i>Bergeri</i> , Joh. Godofredi tractatus de natura humana laudatus.	332	<i>Bockelius</i> , Johannes, pro usibus acad. <i>Juliae</i> anat. C. H. edidit.	161
Aortam rectius aliis delineavit.	332 333	<i>Bohlius</i> , Joh. Christopherus galaxiam C. H. promisit.	498
<i>Beslerus</i> , Michaël Rupertus patre medico natus.	310	<i>Boerhaave</i> , Hermannus, anatomica physiologiae permixta.	520
Ejus scripta.	<i>ibid.</i>	Ejusdem opusculum de fabrica glandularum.	<i>ibid.</i>
Vita & mors.	<i>ibid.</i>	<i>Bonaciolus</i> , Ludovicus, de part. genit. scripsit.	121
<i>Bils</i> , Ludovicus de, ingenium ad anat. natum habuit.	293	<i>Boneti</i> , Theophili, sepulchretum laudatum.	50 325
Ejus adversarius <i>Joh. van Horne</i> fuit.	<i>ibid.</i>	<i>Bontius</i> , Jacobus, observationes anatomico practicas edidit.	303
Specimina anat.	<i>ibid.</i>	<i>Bohnus</i> , Johannes, circulum anatomico-physiologicum scripsit.	368
<i>Bianchi</i> , Joh. Baptista de structura & usu hepatis scripsit.	439	Ejus observat. anat. summa.	368 369
Ejus dissert. epistolaris ad <i>Josephum Lanzoni</i> de ductibus lacrymalibus novis.	439 440	Opera <i>Aquapendentis</i> edidit.	370
<i>Bidlous</i> , Godofredus, anatomicus insignis.	357	item <i>Laurentii Bellini</i> opuscula.	371
Ejus magnificum opus anat. centum & quinque tabb.	<i>ibid.</i>	<i>Boscus</i> , Hippolytus lectiones de facultate anat. scripsit.	199
Allantoidem adseruit & delineavit.	358	<i>Botallus</i> , Leonardus, magnae famae medicus.	136
Eidem contradixit <i>Verheyen</i> .	<i>ibid.</i>	Ejus praeceptores.	<i>ibid.</i>
Judicium de pretioso hoc opere anat.	<i>ibid.</i>	anatomica cujus momenti?	137
An <i>meningis arachnoideae</i> primus inventor?	<i>ibid.</i>	<i>Bottanus</i> , Albertinus, de structura uteri disseruit.	164
Reliqua <i>Bidloi</i> scripta.	359	<i>Borrighii</i> , judicium de anat. <i>Aegyptiorum</i> .	17
Ejus vindiciae anat.	363 364	<i>Bordingus</i> Jacobus, anatomen edidit.	174
Spiritus animalium existentiam exposcit.	359 360 361	Ejus vita.	173
<i>Guilielmum Cosperum</i> plagii accusavit.	364	<i>Bouparti</i> observ. de duobus teretibus ligamentis suspensoriis in musculis abdominis.	227
<i>Blancardi</i> , Stephani anatome <i>reformat</i> a potius <i>deformata</i> dicenda.	354 355	<i>Bourdonis</i> descriptio partium H. C.	230
In altera editione multa emendavit.	355	<i>Brendelius</i> , Adamus, foetus trigeminos communi quidem chorio, sed distinctis amniis inclusos observavit.	406
Ejusdem anat. practica cujus momenti?	355	Idem in cadavere foeminino foramen ovale patens & canalem arteriosum paululum hiantem deprehendit.	406
<i>Blasius</i> , Gerardus Zootomiam edidit.	297		
Ejus reliqua scripta,	297 298		

*Brissaeus*



# MEMORABILIORUM.

*Briffaeus* de cataracta & glaucomate  
agens, structuram oculi simul ex-  
plicuit.

*Broesyn*, Johannes substantiam he-  
patis glandulosam defendit &  
confirmat.

Ejus myographia nova,

Oeconomia animalis.

*Bruckeri*, judicium de anat. Aegyptio-  
rum.

*Brunnerus*, Joh. Conradus ad Baro-  
nis dignitatem ob merita sua  
ejectus.

glandulas intestinales accurate  
descripsit.

Inventi occasio.

Operis dispositio.

Ejus dissert. de glandula pituitaria.

*Briggs*, Guilielmus ophthalmogra-  
phiae author.

Reliqua ejus scripta.

*Bry*, Joh. Theodorus de, chalcog-  
raphus.

adpendicem ad figuras anat. ad  
*Louysam de Bourgeois* adjecit.

*Brunsswig*, Hieronymus anat. cum  
figura sceleti exhibuit.

*Bucretius*, Daniel, supplementum  
tabularum anat. *Julii Casserii*  
scripsit.

*Bulleine*, Guilielmi scriptum chirur-  
gicum, cui anatomica permixta.

*Buisfiere*, observatio de ovo in tuba  
*Fallopiana* invento.

Ejus singularia hac in sectione  
detecta.

*Burrbus*, Franciscus artificium resti-  
tuendi humores oculorum amis-  
sos jactitavit.

Judicium de illo.

*Burgundus*, Vincentius, physiologiam  
potius quam anatomen tradidit.

## C.

452 *Cabrolus*, Bartholomeus, alphabeti  
anat. author. 206

*Camerarius*, Joachimus partium H.

C. nomina evolvit.

Rudolphus Jacobus novam vaso-  
rum seminiferorum cum lym-  
phaticis in testibus communi-  
cationem monstravit.

*Cajus*, Johannes, discipulus *Montani*.

Ejus scripta anat.

Vita.

*Cananus*, Joh. Baptista ob peritiam  
anatom. alter *Vesalius* dictus.

*Capibaccius*, Hieronymus lautissimas  
conditiones generose est adper-  
natus.

methodi anat. author.

*Carpus*, Jacobus sive *Berengarius*, ma-  
gnus anatomicus.

plura quam centena secuit cadavera.

An vivos inciderit homines?

Ejus scripta & fata.

*Casae*, compendium anat.

Quid contineat?

*Casseri*, Julius, secandi peritia clarus.

*Aquapendentis* discipulus, aemulus  
tandemque successor.

Tabulae ejus anat. magno semper  
in pretio fuere.

Eas *Daniel Bucretius* ab interitu  
vindicavit.

*Casmani* anthropologia cujus mo-  
menti?

*Castellus*, Petrus sepulchretum edidit.

Cartilago synchondrosi in ossium pubis  
sustinens an in partu elongetur?

*Cauliaco*, Guido de, discipulus Ray-  
mundi in monte Pessulano.

Ejus anatomia.

*Caesal.*



# INDEX RERUM

<i>Cæsalpinus</i> , Andreas acriter contra <i>Galenum</i> disputavit.	165	Discipulus & sectator <i>Vesalii</i> fuit.	<i>ibid.</i>
Ejus anatomica.	<i>ibid.</i>	<i>Cockburn</i> , in tr. de gonorrhoea anat. tractavit.	451
<i>Cant Arend</i> , ductum thoracicum delineavit ac descripsit.	521	<i>Colle</i> , Johannes annuum honorarium 500. aureorum habuit.	198
Ejus impetus primi anat.	<i>ibid.</i>	Ejus vita & scripta.	<i>ibid.</i>
Eorum contenta.	<i>ibid.</i>	<i>Coelicus</i> , Theodorus, brevem C. H. descriptionem reliquit.	177 178
<i>Cassebohm</i> , Joh. Fridericus anatomi- cus n. t. exercitatus.	479	Judicium de illa.	<i>ibid.</i>
De organo auditus 4. edidit tra- ctatus.	479 480	<i>Coiter</i> , Volcherus, diligens anat. cultor.	154
<i>Celsus</i> , Aurelius Cornelius qua aetate vixerit?	64	Ejus tr. de ossibus foetus abortivi.	<i>ibid.</i>
Cur ejus mentio hic fiat?	<i>ibid.</i>	scripta ejus argumenti anat.	<i>ibid.</i>
<i>Chrysippus</i> , praeceptor <i>Erasistrati</i> .	57	Ejus vita & mors.	<i>ibid.</i>
<i>Charriere</i> , Josephus de la, integram C. H. anatomen promissit, quam tamen per partes tantum tradere coepit.	231 232	<i>Columbus</i> , Realdus, praestans anat.	117
<i>Chiffletius</i> , Johannes, observat. anat. practicas scripsit.	205	<i>Vesalii</i> successor.	119
<i>Charleton</i> , Waltherus observat. ana- tomico-physic. author.	265 266	Ejus anatome qualis?	417 118
<i>Cheselden</i> anatomiam C. H. publicavit.	268	Monstravit methodum conficiendi scelela.	119
Ejus contenta.	269	<i>Concorreggio</i> , Joh. de, tractatum anat. scripsit.	113
Idem multa notatu digna attulit.	457	Ejus vita & mors.	<i>ibid.</i>
<i>Chirac</i> , pilorum structuram evolgen- dam sibi sumisit.	450	<i>Conringii</i> , Hermanni, judicium de anat. <i>Aegyptiorum</i> .	15
<i>Clerici</i> , Danielis judicium de re anat- omica <i>Aegyptiorum</i> .	15 16	Libros <i>Athostis</i> anatomicos pro <i>fabulosis</i> habuit.	17
Bibliothecae anat. cum <i>Mangeto</i> author.	372 373	Judicium de <i>Hermete Trismegisto</i> .	18
Idem osteologiam edidit.	375	<i>Cornachini</i> , Thomae scripta conti- nent anatomica	166
<i>Cleyeri</i> , Andreae testimonium de Sinensium scientia anat.	23	<i>Cortesi</i> , Joh. Baptistae miscellaneis anatomica quaedam permixta.	184
<i>Codronchius</i> , Baptista, de structura & usu ossis pectoris & cartilaginis mucronatae disseruit.	164	<i>Comperus</i> , Guilielmus anatom. edidit	251
Idem de prolapsu hujus cartilaginis disputavit.	<i>ibid.</i>	Existentiam spirituum animali- um negavit	252
<i>Colladus</i> , Ludovicus, in anat. nihil singulare praestitit.	168	Opus ejus anat. ob singularia in- venta laudatum	252
		Reliqua ejus scripta.	252. 253. 254.
		<i>Courtialis</i> observat. de ossibus.	222
		<i>Commercium litterarium Norimbergen- se</i> quid ad anat. promovendam contulerit?	531
			<i>Constan-</i>



# MEMORABILIORUM.

<i>Constantinus Africanus</i> pauca in anat. merita habuit.	109	Ejus vita & mors	304
Cor plane inversum visum.	383	<i>Dillenii</i> observatio circa viam & insertionem insolitam <i>pori cholodochi</i>	405
<i>Cosmopolitae</i> historia naturalis cum delineatione C. H. anatomica est eadem cum <i>Stockameri</i> microsmographia.	327. 328	<i>Diemerbroeck</i> , Isbrandus de, professor anat.	307
<i>Coschbitius</i> , Georgius Daniel, singularem reliquit observationem de valvulis in ureteribus repertis.	477	Scriptis anat. C. H.	307 308
An ductum salivalem novum invenit?	<i>ibid.</i>	Vitia, quibus laborat.	<i>ibid.</i>
<i>Cobhardus</i> , Guilielmus in <i>ophthalmiatria</i> structuram oculi explicuit.	456	Exactam nervorum descriptionem impossibilem esse judicavit.	284
<i>Cypriani</i> Abrahami epistola ad <i>Millingtonum</i> de foetu humano post 21. menses ex uteri tuba extracto.	333	<i>Dionis</i> , anatomes demonstrator in hereto regio.	236
<i>Crima Liberalis</i> , singularia in anatome merita non habuit.	166	<i>Diocles</i> Carysthius quid in anatomis praestiterit?	38
<i>Crooke</i> , Helkiah, <i>microcosmographiae</i> auctor est.	172	Qua aetate vixerit?	<i>ibid.</i>
<i>Culinaria</i> veterum quid ad rem anat. contulerit?	11	Alter <i>Hippocrates</i> dictus <i>Atheniensis</i> .	61
<i>Curtii</i> , Matthaei scripta.	177	<i>Dolaei</i> , Joh. Danielis, observata circa structuram & insertionem vasorum umbilicalium nec non intuitu <i>foraminis obalis</i> ac <i>ductus arteriosi</i> .	404
Ejus vita & mors.	<i>ibid.</i>	<i>Doebelius</i> Joh. Jacobus, descriptam reliquit historiam penis cancro si feliciter secti.	459
<i>Cuneus</i> , Gabriel, discipulus <i>Vesalii</i> .	125	<i>Douglassius</i> , Jacobus <i>myographiae comparatae</i> auctor.	453
Contra <i>Puteum</i> defendit <i>Vesalium</i>	<i>ibid.</i>	Membranam cellularem & peritoneum accuratius aliis descripsit.	454
<i>Courtinus</i> , germanus, anatomen excollit.	134	<i>Bibliographiam anatomicam</i> edidit	<i>ibid.</i>
D.		Reliqua ejus scripta.	<i>ibid.</i>
<b>D</b> egnerus Joh. Hartmannus, ossescen- tiam arteriae magnae observavit.	526	<i>Draco</i> , M. Hippocratis filius.	37. 38
<i>Democritus</i> , Abderita, an anatomen excolluerit?	41	<i>Dresserus</i> , Mattheus partes H. C. descripsit.	175
Ejus itinera.	<i>ibid.</i>	<i>Dracke</i> , Jacobus, <i>antropologiae</i> novae author.	268
An, popularium suorum iudicio, factus fuerit?	<i>ibid.</i>	Desiderata circa illam.	<i>ibid.</i>
Praefagiendi facultate polluit.	42	<i>Drelincourtijs</i> , Carolus, celeberrimus anatomicus.	210
<i>Des nobes</i> fasciculus epistolarum anatomicarum.	544	Ejus scripta.	210 211
<i>Deusingius</i> , Antonius, anatomen parvorum naturalium scripsit.	304	Systema de modo conceptionis.	211
	62	<i>Dryander</i> , Iohannes, anatomen 24. annos docuit.	158
		Ejus scripta anat.	<i>ibid.</i>
		<i>Mundinum</i> castigatiorem edidit.	<i>ibid.</i>
		Dupré	



# INDEX RERUM.

*Dupré* descriptio s. parium musculorum abdominis. 230

## E.

*Eichstadius* Laurentius coll. anat. scripsit. 280

*Elfnerus* Joachimus Georgius, structuram ac delineationem vasorum hepatis uterini exhibuit. 382

*Elsholtz* Iohannis Sigismundi, observatio de foetus tubarii possibilitate 386

*Empirici* anatomen contemtim habuere. 12

*Empedocles*, anatomes cultor. 43

*Entii* Georgii scripta. 151

*Erasistratus* an vivos dissecuerit homines? 56

Qua aetate vixerit? *ibid.*

Ejus praeceptores. 56 57

Scripta dudum perire. 57

An vasa lactea ipsi fuerint perspetta? 57 190

Originem nervorum a meningibus recte deduxit. 57 58

An sententiam suam circa ostium nervorum senex mutaverit? 58

*Ermelius*, Ioh. Fridericus, tabulas physiologico-anatomicas edidit. 463

Quibus authoribus sua in acceptis referat? 463

*Eudemus* ob scientiam anatomicam

*Herophilo* comparatus. 40

An ductus pancreaticus eidem innoverit? 40

Cur in historia anat. nulla ejus facta sit mentio? 62 63

*Eustachius*, Bartholomaeus, anatomicus. 119

Ejus opuscula anat. *ibid.*

praecipua inventa. 118 119

An ductus thoracicus ipsi fuerit perspectus? 260

*Eyssonius*, Henricus, amphitheatri anat. author in academia Gröningana 290

Ejus tractatus de ossibus infantis cognoscendis, conservandis & curandis. 290

Ostendit differentiam inter ossa infantum & adultorum. 291

*Riolano* plagii crimen imputavit. 291

*Extispicina* inveniendae anatomiae occasionem dedit. 9 10

exercuerunt *planchnotomiam* 10

Eorum officium in quo constituit? 14 15

## F.

*Fabricius*, Hildanus Guilielmus, chirurgiam exercuit. 158 159

Eam tamen junxit anatomiae 158

Ejus vita. *ibid.*

Decantavit anatomiae laudes & praestantiam. 159

*Fallopianus*, Gabriel, vocavit *Herophilum* anatomicorum Evangelistam. 56

Ejus vita 122

Scripta anat. *ibid.*

Inventor est rubarum, quae hodie *Fallopianae* dicuntur. *ibid.*

Modestus fuit disputator. *ibid.*

*Fantonus*, Iohannes, celebrer anatomicus. 441

Anatomiam C. H. edidit ad usum theatri adcommodatam. *ibid.*

Methodus tractandi in illa observata. 441 442

*Fauvellus* hydatides magnae molis in ovario detexit. 227

*Fernelius*, Iohannes, celebrer suo tempore medicus. 135

Ejus scripta anatomicis hinc inde permixta *ibid.*

merita in domum regiam. *ibid.*

*Fantonus*, Nicolaus, adnotationes scripsit ad *Vesalii* epitomen anat. 280

*Forstius*



# MEMORABILIORUM.

<i>Forssius</i> , Angelus anatomen ex pro-		An corpora humana secuerit?	65
testo non tractavit.	162	An <i>Herophili</i> fide omnia tradiderit?	<i>ibid.</i>
<i>Fracassatus</i> , Carolus epistolas anat.		Anatomica ejus scripta.	102
scripsit.	197	Ejus testimonium de <i>Herophili</i>	
<i>Fragosus</i> , Johannes, chirurgiae suae		anatome.	12
anat. interspersit.	169	Ipsius tempora ingens in anatome	
<i>Franco</i> , Petrus, quid in anat. prae-		sterilitas secuta.	13
stiterit?	170	Multa medicorum antiquorum	
<i>Francofurtensis</i> , selecta complectun-		nomina conservavit, quae alias	
tur anatomica.	535 536 537 538	periissent.	40
<i>Franci</i> , Georgii, scripta anat.	285	<i>Galenicae anatomiae</i> systema ex	
Ejusdem nova observata anat.	390	scriptis ejus erutum, à pag. 66.	
<i>Franckenaui</i> , Georgius Fridericus		usque ad pag.	102
Francus de, <i>onychologiae</i> author.	328	<i>Gandolphi</i> , observatio de ingenti	
dissertatio inauguralis: De via		vasorum lymphaticorum ampli-	
alimentorum & chyli, sub ejus		tudine.	227
praesidio habita, elegantem		<i>Garengeot</i> , Joh. Crescentius, publi-	
<i>ductus thoracici</i> delineationem		cus chir. demonstrator.	451
exhibens.	528 329	Ejus <i>splanchnologia</i> .	<i>ibid.</i>
<i>Freind</i> , Johannes in <i>emmenologia</i>		<i>Osteologia</i> .	<i>ibid.</i>
structuram uteri exposuit.	456	<i>Gabassettius</i> , Michael, anat. scripta edidit.	141
<i>Friess</i> , Martinus Fridericus, de den-		<i>Gerardus</i> , Joh. succinctam anat. com-	
tibus differuit.	286	prehensionem scripsit.	291
<i>Fuchsius</i> , Leonardus, medici <i>illumi-</i>		<i>Genathius</i> , Joh. Jacobus, multas dispu-	
<i>nati</i> titulo cohonestatus.	155	tationes medicas & inter illas non-	
Ejus vita.	155 156	nullas anat. congescit.	179
scripta anat.	156 157	<i>Gello</i> , Joh. Baptista de, dialogos edidit	
<i>Mundipum</i> multorum in anatome		de fabricae humanae natura.	167
errorum coarguit.	156	<i>Gemini</i> , Thomas figuras, quas deli-	
Insimulat <i>Galenum</i> , quod simias		neavit, ex epitome <i>Vesaliana</i> pe-	
tantum & canes, non homines,		tiit.	152
inciderit.	157	<i>Gersdorff</i> , Johannes anat. C. H. edidit.	155
<i>Vesalii</i> anatomica magno in pre-		Chirurgiam cum anatomia con-	
tio haber.	<i>ibid.</i>	junxit.	<i>ibid.</i>
G.			
<i>Gagliardi</i> , Dominici anatome		<i>Gesnerus</i> , Conradus, historiam ani-	
ossium novis inventis illu-		malium scripsit.	175
strata.	447	<i>Gibson</i> , Thomas, anat. C. H. compen-	
Ordo hujus operis.	448	diariam edidit.	257
<i>Galenus</i> , Pergamenus dictus.	65	<i>Gibs</i> , observationes de adfectibus	
Quo tempore vixerit?	<i>ibid.</i>	scrophulosis scripsit.	456
		Egit in illis de structura glandu-	
		larum.	<i>ibid.</i>
	c 3	<i>Glauder-</i>	



## INDEX RERUM

- |  |              |  |                     |
|--|--------------|--|---------------------|
| <b>Glandorpius</b> , Matthias Ludovicus,<br>discipulus <i>Aàriani Spigeli</i> .  | 179          | <b>Gresinus</b> , Jacobus anat. delineationem<br>aeri insculptae exhibuit.   | 171                 |
| In speculo chirurgorum partis<br>adfectae explicationem anat.<br>praemisit.  | <i>ibid.</i> | A <i>Douglasfo</i> plagii accusatus.   | <i>ibid.</i>        |
| <b>Glaseri</b> , Joh. Heinrichi tract. de cere-<br>bro posthumus.  | 284          | <b>Grubelius</b> , Joh. Georgius, de ductu<br>chylifero <i>Pequeti</i> differuit.  | 286                 |
| Ejus contenta.   | 284          | <b>Guenello</b> , medicus Amstelod.  | 249                 |
| <b>Glusngii</b> , J. M. anat. rationalis.  | 467          | In structuram tunicae reticularis<br>adcuratius inquisivit.  | 249                 |
| Judicium Heisteri de ea.   | <i>ibid.</i> | <b>Guilhelmini</b> , epist. anat.  | 445                 |
| <b>Glissonii</b> , Francisci scripta anatom.   | 249          | <b>Guarignonii</b> , Christophori merita in re<br>anatomica.   | 166                 |
| Inventor est ductus hepato-cystici.  | <i>ibid.</i> | <b>Guillemeau</b> , Jacobus, chirurgus <i>Pari-</i><br><i>siensis</i> .  | 169                 |
| <b>Goblii</b> , adsertum de insufficientia<br>cerebri ad sensum & motum ani-<br>malis contra <i>Burggraviu</i> Jun.              | 58           | Paracelci opera elimavit.  | <i>ibid.</i>        |
| Ejus praecipua inventa in ana-<br>tomicis.   | 59           | Anatomen figuris & tabellis exor-<br>navit.  | <i>ibid.</i>        |
| <b>Gordonii</b> , Bernhaldi conatus anatomi-<br>ci.  | III.         | <i>Carolus</i> , filius Jacobi.  | 16                  |
| <b>Gouey</b> , Louis Leger de, inventa nova<br>osteologiam & myologiam illustran-<br>tia.  | 451          | <b>Guebara</b> , Alphonsus Rodericus, librum<br>de re anat. edidit.  | 169                 |
| <b>Grassecius</b> , Georgius examen theatri<br>microcosmici edidit.  | 273          | <b>Guintherius</b> , Johannes, Andernacus,<br>natione Germanus.  | 130                 |
| Methodi ab ipso adhibitae illustra-<br>tio.  | 274          | Ejus merita in rem anat.<br>institut. anat.  | 131<br><i>ibid.</i> |
| <b>Grasfit</b> , Sigismundi solutio problema-<br>tis: <i>Qua via pleuriticorum sputa</i><br>ad arteriam asperam perve-<br>niant? | 385          |  |                     |
| <b>Gradibus</b> , Mathei de, anatomia.   | 112          |  |                     |
| <b>Graeff</b> , Regnerus de, structuram par-<br>tium generationi inservientium in<br>utroque sexu exposuit.                      | 294          |  |                     |
| Reliqua ejus scripta.  | 291          |  |                     |
| <b>Grew</b> , Nehemias anatomen compara-<br>tam ventriculorum & intestinorum<br>scripsit.  | 263          |  |                     |
| analogismus inter bruta & homi-<br>nes fallax.   | <i>ibid.</i> |  |                     |
| <b>Grassecius</b> , Georgius fabricam H. C.<br>masculi descripsit.   | 176          |  |                     |
|  |              | <b>H.</b>  |                     |
|  |              | <b>Hagendornius</b> , Ehrenfried absentiam<br>columellae observavit.   | 384                 |
|  |              | <b>Hallerus</b> , Albertus, structuram dia-<br>phragmatis exposuit.  | 478                 |
|  |              | <b>Hambergerus</b> , Georgius Albertus, ex<br>structura cordis existentiam DEI<br>probavit.                                      | 461                 |
|  |              | <b>Harderus</b> , Joh. Iacobus, novam glan-<br>dulam lacrymalem cum ductu ex-<br>cretorio in cervis atque damis de-<br>scripsit. | 326                 |
|  |              | <b>Hartung</b> , Valentinus, structuram<br>lienae exposuit.  | 286                 |
|  |              | <b>Hartmanni</b> , Phil. Iacobi scriptum de<br>primis anat. originibus laudatum.   | 89                  |
|  |              | <b>Harbaeus</b> , Guilielmus, circulationem<br>sanguinis primus detexit.   | 242                 |



# MEMORABILIORUM.

Adversarii ejus.	<i>ibid.</i>	<i>Heucherus</i> , Joh. Henricus de anat.	
Desiderata circa hoc inventum.	<i>ibid.</i>	micorum ignorantia egit.	463
Reliqua ipsius scripta.	<i>ibid.</i>	Anatomen dixit artem magnam.	<i>ibid.</i>
<i>Heisterus</i> , Laurentius, anat. praestans.	478	<i>Heyne</i> , Joh. Christianus, ossium stru-	
Ejus compend. anat.	480. 481	cturam exhibuit.	455
Merita in rem anatom.	481 482	<i>Higbmorus</i> , Nathanael, disquisitionem	
	485 486 & seq.	anat. C. H. edidit.	242 243
<i>Helblinus</i> , Ioh. Casparus, epistolam		<i>Hippocrates</i> , vetustissimus anat. scriptor.	8
de structura oculi exaravit.	179	anatomica multa <i>incerta</i> , imo	
<i>Hemsterhuys</i> , Siboldi, messis aurea.	280 281	<i>falsa</i> continent, & cur?	25
Quos in se tractatus complecta-		An eidem circulatio sanguinis fuerit	
tur?	<i>ibid.</i>	perspecta?	25
<i>Henningeri</i> , Joh. Sigismundi, nova		Ignoravit veram arteriarum vena-	
methodus inveniendi <i>ductum</i>		rumque originem.	27 28
<i>thoracicum</i> in homine.	407	Strukturam cordis musculosam esse,	
Occasio inventi quae fuerit?	407	recte agnovit.	30
	408 409	Ejusdem de cerebri & spinalis me-	
<i>Herlitius</i> , David, tract. physiologico-		dullae substantia, opinio.	31
anat. edidit.	178	De vasis arteriosis ac venosis, nervis,	
<i>Herlinus</i> , Joh. Henricus, observatio-		tendinibus & ligamentis nullum	
nem anatômico-pathol. de fluxus		distinctum habuit conceptum.	31
<i>haemorrhoidalis</i> lethali ad pectus		Differentiam inter intestina tenuia	
translatione reliquit.	463	& crassa perspectam habuit.	34
<i>Hermannus</i> , David, tabulas osteolo-		Renes pro corporibus glandulosis	
gicas edidit.	466	aestimavit.	33
<i>Hermenau</i> , David, Hermannus ab,		Mammas itidem muliebres.	33
manualis anat. author.	289	Nervis cavitatem denegavit.	34
<i>Heracianus</i> , praeceptor <i>Galen</i> i fuit.	64	An ejus tempore sceletopoeia jam	
<i>Herophilus</i> , discipulus <i>Praxagorae</i> .	56	innotuerit?	37
<i>Herophilus</i> , quando vixerit?	52	Ejus vita & mors.	<i>ibid.</i>
An homines <i>bibos</i> secuerit?	<i>ibid.</i>	Duos reliquit filios, <i>Theffalum</i> &	
<i>Tertulliani</i> circa hanc rem testi-		<i>Draconem</i> .	<i>ibid.</i>
monium.	<i>ibid.</i>	<i>Hire</i> , de la, sententia de sede cata-	
Inventa ejus anatomica.	55 56	ractae.	226
Quae circa originem nervorum		<i>Hispani</i> anatomen non valde excolunt.	139
ejus sit sententia?	55	<i>Hobokenus</i> , Nicolaus, anat. secundinae	
Intestinorum tenuium primum vo-		humanae edidit.	207
cavit duodenum.	55 56	Ejus contenta & ordo tractatio-	
An vasa lactea ipsi innotuerint?	<i>ibid.</i>	nis.	207 209
An vesicularum seminalium <i>primus</i>		<i>Hoffmannus</i> , Casparus, successit <i>Tau-</i>	
fuerit inventor?	<i>ibid.</i>	<i>rello</i> in professione.	305
Ejus torcular.	<i>ibid.</i>	Ejus scripta.	305 306
		Vita	



# INDEX RERUM

Vita & mors.	306	Gregorius, Jun. specimen anat. pract. exhibuit.	310
Hoffmannus, Mauritius, anat. studium in deliciis habuit.	306	Horstius, Joh. Daniel, anat. C. H. tabulis comprehensam edidit.	308
Ejus praeceptores, Vestlingius & Wirsungus.	ibid.	Ejus reliqua scripta.	ibid.
Ductum pancreaticum primus in gallo indico detexit.	ibid.	controversia cum Riolano.	ibid.
Unde factum sit, quod a Wirsungo nomen acceperit?	ibid.	Hobius, Jacobus, singularem fovit opinionem de humorum ocularium motu circulari.	329
Ejus institutiones anat.	ibid.	Experimenta non solis in brutis, sed ipsis hominibus instituit.	330
Johannis Mauriti, sciagraphia notabilium in anatome corporis foeminini visorum.	397	Ruyfchius ipsum graculo alienis plumis superbi enti comparavit.	ibid.
anatomen 27. annos docuit.	307	Opposuit illi Hobius epistolam apologeticam.	331
Ejus scripta anat.	307	Novae ejus detectiones.	ibid.
Singulares detectiones.	ibid.		
Holt, Caroli singularia de situ viscerum observata.	453		
Horne, Johannes von, an ductum thoracicum primus invenerit?	291	I.	
Ejus sententia nova de structura testiculorum virilium.	ibid.	Iaponienses, an anatomen excoluerint?	23
Idem testes mulierum vocavit ovaria.	ibid.	Jasolinus, Iulius, anat. cum chir. professus est.	
Ejus microcosmus praelectionibus academicis aptus.	292	Ejus scripta anat.	ibid.
Ludovicum de Bils habuit adversarium.	ibid.	Jean Antonius, maitre de structura oculi egit.	452
Accusavit Regnerum de Graeff. quod alienis plumis superbiat.	ibid.	Jessen, Ioh. Lessenius a, historiam anat. Fragensis descripsit.	174
Hormannus Guilielmus, scripsit anat. C. H.	151	Ingrassias, Ioh. Philippus popularibus suis Hippocrates Siculus dictus.	142
Hoepfnerus Henricus, de signis virginitatis egit.	180	Ei officuli auris internae, stapedis dicti, prima debetur inventio.	ibid.
Reliqua ejus scripta anat.	ibid.	Ossis cribriformis structuram primus demonstravit.	ibid.
Homines vivos anatomico cultro subjicere, crudelitas est.	52	Judaei an quandam anatomes peritiam habuerint?	11
Rationes affirmantium & negantium desuper examinatae.	53	Jolibius an primus Gasorum lymphaticorum inventor?	239
Horstius, Gregorius, senior prof. Giesseus.	309	Junius, Adrianus, nomenclatorem partium A. C. scripsit.	173
Ejus scripta	309		Karthan,



# MEMORABILIORUM.

## K.

<b>K</b> arthan, Ioh. de, anatomicus	114
Ejus scripta.	<i>ibid.</i>
Keil Iacobus, compendiosum C. H.	
anatomen reliquit.	454
Ejus contenta.	455
Kerkringius, Theodorus, spicilegium	
anat. edidit.	315
Valvulas conniventes in intesti-	
nis adseruit.	320
Novae ejus detectiones,	316 317
	318 319
Ejusdem <i>osteogenia</i> foetuum mul-	
ta continet curiosa.	321
<i>Anthropogeniae</i> ichnographia ad-	
modum curiosa.	322 323
Kennedy, Petrus, <i>ophthalmographiam</i>	
edidit.	456
Strukturam oculi exposuit.	<i>ibid.</i>
Kirchheim, Christianus Henricus <i>Bade-</i>	
<i>mecum</i> anat. scripsit.	466
Klaunigius, Godofredus, multa in	
nosocomio Wratislaviensi cada-	
vera secuit.	466
Kniphofius, Ioh. Hieronymus, orga-	
norum auditus praeparationem	
anat. exhibuit.	526
Knoblochius, Tobias, disputationes	
anat. habuit.	279
Earundem contenta.	279 280
Krügeri, Bartholdi, <i>anatomicus</i> curiosus	
<i>Οιαδιδαντος.</i>	459
Kulmi, Ioh. Adami, tabulae anat.	475 476
Ejusdem demonstratio anatomico-	
physiologica foetus monstrosi.	476
Kynalochus, David, libros duos de	
anatome reliquit.	173

## L.

<b>L</b> acuna, Andreas, à gravitate	
Hispanica alienum non duxit,	
medicinam excolere,	139 140

Methodum scripsit anat.	140
Pyloro musculus constrictorium	
vindicavit,	<i>ibid.</i>
Lamy, discursus anat.	229
Lambsswerde, Ioh. Baptista de, histo-	
riam molarum uteri scripsit,	327
Lanzonus, Iosephus, observat. anat.	
chirurgic. author.	199
Ejus experimentum de motu &	
via chyli.	<i>ibid.</i>
Lancisius, Ioh. Maria, disquisitionem	
de <i>Vena sine pari</i> instituit.	432 433 434
Ejusdem dissertatio de structura &	
usu gangliorum.	435 436 437 438
Synopsis anatomica.	438
Eustachii tabulas anatom. edidit.	438 439
Laurentius, Andreas, archiater regis	
<i>Galliae.</i>	137
Elegans reliquit opus anat.	<i>ibid.</i>
Quid in eo praecipue laudandum?	<i>ibid.</i>
Riolanus eum acri perstrinxit	
censura.	138
Laurembergius, Petrus, collegium	
anat. 12. disput. proposuit.	278
Leal Lealis de partibus semen	
conficientibus scripsit,	200
In quo recedat à Graeffio?	<i>ibid.</i>
Peculiares opiniones ejus,	<i>ibid.</i>
Leon, Andreas, de anat. scripsit,	169
Leonis, Dominici scripta haud pauca	
continent anatomica.	161
Lemery, dissertatio de nutritione	
ossium,	222
Leporinus, Christianus Polycarpus,	
de <i>secundinis retentis</i> disquisitio-	
nem communicavit.	463
Ejus sententia de musculo <i>Ruysschia-</i>	
<i>no</i> in fundo uteri reperto.	<i>ibid.</i>
Licetus, Fortunius, non anat. sed	
physiol. illustravit.	168
De origine nervorum disputavit.	<i>ibid.</i>
	Ligaens



# INDEX RERUM

<i>Agaeus</i> , Iohannes, de harmonia C. H. scripsit. 154	<i>Malabarica</i> , gens an anat. coluerit? 24
Sublimiorem anatomen non vide- tur excoluisse. <i>ibid.</i>	<i>Malpighii</i> , Marcelli, praeceptores <i>Bar- tholomaeus Massarius &amp; Andreas Marianus.</i> 195
<i>Tiedern</i> , Francis. Balthasar van, osteo- logiae author. 465	Ejus officia publica & scripta. 195 196
Litterariae fraudes poenis sunt coër- cendae. 328	Argumenta pro demonstranda succi nervei existentia. 196
<i>Loeselius</i> , Iohannes scrutinium renum suscepit. 286	<i>Mangetus</i> , Ioh. Iacobus, theatrum anat. duobus tomis edidit. 373
<i>Loewenboeck</i> , Antonii van, anatome curiosa. 522	Multa in eo desiderarunt <i>Heisterus &amp; Morgagni.</i> 373 374
Anatomes solidae imperitus fuit. 523	authores à <i>Mangeto</i> omissi. 374 375
Ejus rei specimina. <i>ibid.</i>	<i>Marinus</i> , anatomicus graecus. 60
<i>Lobberus</i> , Richardus, structuram cordis adcurate evoluit. 247	Scripta ejus <i>Galeno</i> citata. 60 61
<i>Ludovicus</i> , Antonius, studio anat. clarus. 141	<i>Martianus</i> , citatus <i>Galeno.</i> 63
Ejus scripta. <i>ibid.</i>	Libros de re anatomica scripsit. 63
<i>Ludovicus</i> II. Galliarum rex permisit medicis, ut corpora hominum no- centium <i>viba</i> secarent. 53	<i>Marchettis</i> , Petrus de, scripsit chirur- gica. 191
<i>Lycus</i> , sectae empiricae addictus. 6	Dominicus de, anatom. & quo or- dine tractarit? 191 192 193 194
Ejus scripta anat. <i>ibid.</i>	<i>Veslingii</i> successor. 195
<i>Galeni</i> de illis iudicium. <i>ibid.</i>	<i>Marescotius</i> , discipulus Iacobi Sylvii, A <i>Riolano</i> oraculum scholae <i>Pari- sienfis</i> dictus. 134
<i>Lyserus</i> , Michaël, auditor <i>Thomae Bar- tholini.</i> 301	primus chirurgos anat. adfvevit. <i>ibid.</i>
titulum <i>anatomici adfistentis</i> in thea- tro anatom. nactus est. <i>ibid.</i>	Ejus conatus anat. <i>ibid.</i>
In sceletis conficiendis magnam sibi dexteritatem adquisivit. <i>ibid.</i>	<i>Marché</i> de la, in arte obstetricandi peritiam anat. requirit. 402
<i>Lysterus</i> , Martinus, observationem edi- dit de usu intestini recti in figurandis quorundam animalium excrementis. 258	<i>Martinez</i> , Martinus, compend. anat. scripsit. 533
Lymphaticorum vasorum primus in- ventor quis fuerit? 239	<i>Massa</i> , Nicolaus, a <i>Conringio</i> plagii accusatus. 117
	Ejus scripta anatom. 117
	<i>Massaria</i> , Alexander, acerrimus <i>Ga- leni</i> sectator. 166 167
	<i>Matthiae</i> Iohannis tr. de <i>effratura cranii.</i> 465 466
	<i>Mayobbe</i> , Iohannis tr. de respiratione 248
	Ejusdem reliqua scripta. <i>ibid.</i>
	Medicinae forensis scriptores. 460
	Medulla spinalis <i>Timmio</i> argumentum praeber existentiam DEI inde demonstrandi. 462
	<i>Meibomius</i>

## M.

<b>M</b> acrobii elogium <i>Erasistrato</i> datum. 57	
Mahometana religio causa est, cur Arabes medici in anatome pa- rum vel nihil profecerint? 108	
<i>Major</i> , Iohann Daniel, anat. <i>Kilonien- sem</i> scripsit. 339	



# MEMORABILIORUM.

<b>Meibomius</b> , Henricus, vasa palpebrarum nova detexit.	304	Reliqua scripta, huic tractatui juncta.	455. 556
Medici latino-barbari quo tempore vixerint?	110	<b>Montagnani</b> , Petri, anat. quanti momenti?	163
An & quid in anat. praestiterint?	ibid.	<b>Montanus</b> , Bernhardus de Monferra to anat. hominis edidit.	140
<b>Meletii</b> scriptum de natura humana à <b>Riolano</b> dictum <i>onomasticon</i> C. H.	105	<b>Morbofus</b> C. H. status an norma naturalis? Et an ab illo ad hunc tuto argumentari liceat?	256
Iudicium Nicolai Petreji de hoc <i>Meletiano</i> opere.	ibid.	<b>Molinettus</b> , Antonius, anatomicus	198
Quid in hoc opere praestiterit?	105	Ejus scripta.	ibid.
	106 107	<b>Moulins</b> , A. scriptor <i>Zootomiae</i> .	269 270
<b>Melli</b> , Sebastianus ductus lacrymales descripsit.	449	<b>Morgagni</b> , Iohannes Baptista anatomicus n. t. celeberr.	410
<b>Mercurialis</b> , Hieronymus, auream habuit praxin.	162	Successive anatomica <i>prima, secunda, tertia, quarta</i> , edidit.	410
Scriptis ejus multa anat. sunt interspersa.	ibid.	In <i>primis</i> quam plurima nova continentur.	410 411
<b>Meurerus</b> , Christophorus, orat. de anatomia habuit.	276	In <i>secundis</i> ac <i>tertiis</i> variae leguntur animadversiones in <i>Mangetti</i> theatrum anat.	411 412
Ejus vita.	ibid.		413 114 seq.
<b>Merianus</b> , Matthæus, chalcographus.	274	Ejus observat de uteri muliebris vasis lymphaticis.	419 420
Quid ad anat. contulerit?	ibid.	Adversaria quinta animadversionum in <i>Mangetti</i> Lib. III. T. A.	420 ad 425
<b>Mery</b> , acad. scientiar. Paris. socius.	225	Ejusd. animadversiones in Lib. IV. T. A.	425 426 ad 439
<b>Meaurio</b> , Francisci, observat. ad obstetricandi artem. spectantes laudatae.	452	Epistolae anat. multas novas in anat. detectiones continent.	431 432
requirit ad ejus exercitium scientiam anat.	ibid.	<b>Müllerus</b> , Guilielmus Henricus, disput. de thymo habuit.	465
<b>Methodici</b> anatomem contemtui habuere.	4	<b>Mannicks</b> Iohannes, successor <i>Diemerbroeckii</i> .	356
<b>Michinus</b> , Franciscus, observat. anat. edidit.	141	Ejus tr. de re anat.	ibid.
<b>Milichius</b> Iacobus, orationem anat. habuit.	159	<b>Muralto</b> , Iohannes de, scripsit <i>Sademecum</i> anat.	314
Ejus vita & mors.	ibid.	Circa usum glandularum intestinalium <i>Peyero</i> contradixit.	ibid.
<b>Minadous</b> , Ioh. Thomas, habuit disput. de adaequato facultatis anat. subjecto.	122	<b>Mussipontani</b> casus resolutio.	274
<b>Mon</b> , Petrus, tr. de homine edidit.	174		<i>Musgrave</i>
<b>Monro</b> , Alexander, commentator ossium.	455		
Ejus singularia de ossibus eorumq; partibus,	ibid.		



# INDEX RERUM

*Musgræbe*, Guilielmi, experimentum  
de vasis lacteis liquore coeruleo  
implendis. 266

## N.

**N***abothi* singularis opinio de ovario  
novo mulierum circa cervicem  
uteri. 374

Omni caret verisimilitudine. 376

Difficultates variæ à variis circa  
hanc hypoth. motæ. 377 378 379

*Nebelius*, Samuel, existentiam glan-  
dulæ lacrymalis *Harderianæ* va-  
riis in animalibus confirmavit. 401 402

Idem fibras nervorum ac tendinum  
cincinnatas observavit. 403

*Nemefius* qua ætate vixerit? 107

*Needham* descripsit membranas foetum  
involventes. 247

*Nicolai*, Henricus Albertus, in anat.  
apprimè versatus. 464

Ejus diatribe mechanico anatomica. 464

*Nicolas*, Nicolaus, qua ætate vixerit? 112

Ejus anatomica. *ibid.*

*Nigrosolius*, Francisc. Maria, chirurgico-  
anat. reliquis suis scriptis inter-  
mixta habet. 448

*Noble*, Carolus le, Observat. novarum  
de vasis lacteis mesentericis ac tho-  
racicis author. 209

*Nonnius*, Emanuel, de organo tactus  
scripsit. 169

*Norton*, anat. edidit. 247

*Nuckius*, Antonius, anat. professor. 367

Ductus salivales superiores minores  
detexit. *ibid.*

Ejus scripta anat. *ibid.*

Glandulas duræ meningis negavit. 201

Intra octennium ultra 60. cadavera  
humana secuit. 367 368

*Numesianus*, medicus *Galeno* citatus. 60

## O.

**O**bstetricandi ars peritiam anat.  
requirit. 451

*Oribasius*, Sardus. 104

archiater fuit *Juliani* apostatae. *ibid.*

Simia *Galen*i dictus. *ibid.*

Quo tempore floruerit? *ibid.*

Ejus scripta & fata. 105

*Ortlobius*, Ioh. Fridericus, experimenta  
circa lienem instituit. 324 325

## P.

**P***aëonis* & *Pythagoræ* exercitationes  
anatomico-medicæ cujus momenti. 326

Quales sub fictis hisce nominibus  
authores lateant? 326 327

*Padovani*, Ioh. scriptum de part. H.

C. significationibus. 165

*Palsyn*, Iohannes, anatomicus. 333

Descripsit partes genitales mulie-  
rum. *ibid.*

Ufus est *Swammerdamii* miraculo  
naturæ. *ibid.*

*Pallierius*, Paulus Francisc. disquit.  
med. anat. 203

*Pancreaticus* succus quo modo colligi  
possit? 293 294

*Paracelsus* an anatomes penitus  
fuerit imperitus? 180

An primus in systema Galenicum  
animadvertit. 145

A *Freindio* illiteratus & fanaticus  
dictus. 180

An anatomem contemptui habuerit? 181

Contra anatomiam Pseudo-medi-  
corum vehementer disputavit. *ibid.*

Quid in anatome præstiterit? *ibid.*

*Paraschistæ* quid fuerint? 19

*Pareus*, Ambrosius, chirurgiam cum  
anat. conjunxit. 131

Ejus scripta. 132

*Riolani* de illis iudicium. *ibid.*

*Parthenius* dialogos de sectione C.  
H. scripsit. 122

*Pascolus*, Alexander, historiam C.  
H. edidit. 202

Qua



# MEMORABILIORUM.

Qua methodo in ea concinnanda fuerit usus?		<i>Petiti</i> ars medendi morbis ossium. 222
Figuras ex aliis mutuatus.	<i>ibid.</i>	<i>Petiot</i> , Ioh. Honoratus, conspectum anatomico-mechanicum edidit. 498 499.
<i>Paschioni</i> , Antonius, fabricam & usum durae matris descripsit.	201	<i>Peyerus</i> Ioh. Conradus, glandularum intestinalium scrutator. 311
Glandulas conglobatas eidem vindicavit.	201	Ejus scripta. 311 312 313
Reliqua ejus scripta.	<i>ibid.</i>	<i>Petraeus</i> Henricus laudes studii anat. decantavit. 152
Officia publica, quibus perfunctus.	<i>ibid.</i>	<i>Phecianus</i> , medicus <i>Galenò</i> citat. 6
<i>Pauw</i> , Petrus, theatrum anat. <i>Leydense</i> variis sceletis ditavit.	160	<i>Pinus</i> , Petrus Matthias anatomicus. 118
Ejus scripta.	<i>ibid.</i>	Opuscula anat. <i>Eustachii</i> edidit & auxit. 118 122
Vita & mors.	<i>ibid.</i>	<i>Piccolhomineus</i> Archangelus anat. laude floruit. 126 127
<i>Paulus</i> Aegineta.	104	Ejus detectiones in anatomicis. 128
Qua aetate vixerit?	<i>ibid.</i>	<i>Philotimus</i> quid in anatome praestiterit? 39
Anatomica vix attigit.	324	<i>Pinaeus</i> Petrus, de notis virginitatis scripsit. 210
<i>Pauli</i> , Simon, anat. profess.	<i>ibid.</i>	<i>Pitcarinus</i> Archibaldus, pauca tr. anat. 458
Calluit modum dealbandi ossa pro sceletopoeta.	<i>ibid.</i>	<i>Platonis</i> notitia anat. rudis. 43 & 44
Ejus scripta.	<i>ibid.</i>	Ejus opinio de ciborum & potuum viis. <i>ibid.</i>
Vita & mors.	314	<i>Plateri</i> , Felicis vita. 153
Jacobus Henricus anatomiae <i>Bilsianae</i> anatomen edidit.	371	Ingens ejus fama per universam Germaniam. <i>ibid.</i>
<i>Pauli</i> , Ioh. Wilhelm, adnotationibus auxit <i>Joh. Ban Horne</i> opuscula anat. chirur.	372	Ejus scripta anat. <i>ibid.</i>
Ejusdem observata nova.	460	Cadavera humana plus quam 60. secuisse dicitur. 154
<i>Pechlinus</i> , Ioh. Nicolaus, in tr. de purgantibus anat. protulit		<i>Plempii</i> , Fortunati Vopisci, ophthalmographia. 291
<i>Pecquetus</i> Iohannes, receptaculum chyli commune cum ductu thoracico invenit.	206	<i>Plantinus</i> , Christophorus, tabulas anat. <i>Valverdeae</i> sculpi curavit. 173
PETRUS M. Russorum monarcha, anat. culturam suas in ditiones induxit	13	<i>Plinii</i> testimonium de anatome <i>Egyptiorum</i> . 19
<i>Ruyschianos</i> thesauros acad. scientiarum <i>Petropolitanae</i> donavit.	13	<i>Plissonicus</i> , discipulus <i>Praxagorae</i> . 39
<i>Pelops</i> , praeceptor <i>Galenì</i> .	63	<i>Plazzonus</i> , Franciscus, anat. publice docuit. 190
Quales in anatome fecerit progressus?	63 64	Ejus scripta. <i>ibid.</i>
<i>Perdulsis</i> , Bartholomaeus in anat.		<i>Poll</i> , Michaël structuram antropologicam publici juris fecit. 177
Iac. <i>Sylvii</i> commentatus est.	134 209	<i>Postelli</i> observat, circa tubas uteri. 230



# INDEX RERUM.

<i>Posthii</i> Iohannis vita & scripta.	152	Quo tempore vixerit?	<i>ibid.</i>
<i>Myotomiam</i> prae aliis anatomes partibus exercuit.	16	<i>Douglassi</i> testimonium de notitia ejus anatomica.	109
<i>Pozzi</i> , Iosephi orat. & epist. anat.	447	<i>Rhodium</i> , Iohannes, mantissam anat. scripsit.	242
<i>Praxagoras</i> , iudicio <i>Galen</i> i multa in anatome ignoravit.	39	<i>Rhumbaum</i> , Christophorus, quid in anat. praestiterit?	158
<i>Preibisius</i> Christophorus, fabricam H. C. disputando pertractavit.	179	<i>Richardus</i> , Anglicus de anat. scripsit.	112
Processus medullares cerebri an sint nervi?	466	<i>Ridley</i> , Henrici, observationes anatomico-practicae.	458
<i>Protospatarius</i> , Theophilus, medicus graecus.	107	Ejus anatome cerebri.	259
Ejus scripta	107 108	Opinio de <i>meninge arachnoidea</i> cerebri.	259 260
<i>Pythagoras</i> medicinam cum philosophia conjunxit.	42	Experimentum anat. ad veram durae matris motus causam detegendam.	260 261
<i>Purcell</i> , Iohannes, descripsit partes in colica adfectas.	457	<i>Riolanus</i> , Iohannes, sen. anatomicus famosus.	203
R.		Junior, homo gloriosus,	204
<b>R</b> <i>aedt</i> , Francisci de, monstrosi foetus descriptio anat.	311	Ejus rei specimina.	<i>ibid.</i>
<i>Rau</i> , Joh. Jacobus, celeberrimus, anatomicus.	356	scripta anat.	<i>ibid.</i>
Ejus controversia cum <i>Ruyfchio</i> circa septum scroti.	356 357	praecipua, quae sibi vindicat, inventa.	204 205
<i>Recorde</i> , Robertus, anatomem scripsit.	161	An lineam albam ejusque existentiam negaverit?	205
Quo tempore vixerit.	<i>ibid.</i>	Rationes, cur antiqui anatomem hominum neglectui habuerint?	66
<i>Reinesius</i> , Thomas, de vasis umbilicalibus eorumque ruptura observationem reliquit.	180	<i>Riberius</i> , Stephanus, figuras edidit in <i>Caroli Stephani</i> libros de dissectione partium C. H.	134
<i>Rommelini</i> , Iohannis catoptrum microcosmicum,	275	<i>Ribinus</i> , Joh. Augustus, inventor hiatus <i>Ribiniani</i> .	466
Ejus contenta.	275 276	<i>Rondeletius</i> , Guilielmus, discipulus <i>Guintherii</i> .	135
Reprehendere facile, imitari difficile.	309	Ejus suasu theatrum anat. erectum.	<i>ibid.</i>
<i>Reberhorst</i> , Mauritius van, dissertationem habuit anat. de motu bilis circulari.	365 366	Ingentis iudicii & ingenii vir fuit.	136
Argumenta pro veritate hujus motus evincenda.	366	Primus vesiculas seminales in homine notavit.	<i>ibid.</i>
<i>Rhasis</i> , medicus Arabs, experimentator dictus,	108	Censura notatus ob nimium anatomes studium.	136
		Ejus vita & mors,	<i>ibid.</i>
		<i>Rolfincius</i>	



# MEMORABILIORUM.

<i>Rolfincius</i> , Guernerus, dissert. anat. author.	303	Epistolae anat. multa nova continent.	502 503 504 & seq.
Reliqua ejus scripta.	303 304	Adversaria anat.	515 516 517 & seq.
<i>Ronssaeus</i> , Balduinus, centones scripsit de vitae humanae primordiis.	174	Controversia cum <i>Bidloo</i> .	520
<i>Rouhanti</i> singularem quorundam in placenta uterina & vasis umbilicalis detectio.	227 228	S.	
<i>Rouffetus</i> , Franciscus, partum Caesareum descripsit.	170	<i>Salzmannus</i> , Johannes specimen anat. curiosae edidit.	478
Ejus apologia pro partu Caesareo.	ibid.	<i>Sanctus</i> Marianus ob lithotomiam celebris.	163
<i>Rudius</i> , Eustachius, substantiam cordis musculosam negavit.	164	Anatomen vesicae tradidit.	ibid.
<i>Ruffus</i> , Ephesius, lienem pro viscere inutili habuit.	60	<i>Sandris</i> , Jacobus de, egit de ventriculo & glandulis.	449
Quo tempore vixerit?	ibid.	<i>Saracenus</i> Antonius, anonymi cujusdam anatomen in linguam ital. transtulit.	449
<i>Tubam</i> , hodie <i>Fallopianam</i> dictam primus descripsit.	ibid.	<i>Saviardus</i> fasciculum observat. anat. practicarum edidit.	453
Scripta ejus, quae supersunt, cujus momenti?	ibid.	<i>Sarpi</i> , Paulus, alias servita dictus, an <i>circulationis</i> sanguinis author?	167
<i>Rudbeck</i> , Olaus, an vasorum lymphaticorum primus inventor?	240	An motum pupillae primus in homine observaverit?	168
Lis hujus inventi causa <i>Bartholino</i> mora.	241	<i>Satyrus</i> , medicus <i>Galeno</i> citatus.	64
Judicium de hac lite.	ibid.	<i>Schackeri</i> Polycarpi Gottlieb, scripta anatomica,	462
<i>Ruhaltus</i> , Simon Petrus, observat. anatomica-medicae author.	446	Ejus vita.	461 462
<i>Winslobii</i> , censura.	447	<i>Schaeubius</i> , Henricus, ideam anatomicam scripsit.	323
<i>Ruhalti</i> responsio.	447	Ordo tractandi qualis observatus?	323
<i>Ratti</i> , Guilielmus, tract. de viis urinariis edidit.	454		324
<i>Ruyffus</i> , Gualtherius Hermentius anat. reliquit lingua vernacula.	151	<i>Schelhammeri</i> Güntheri Christoph. novae in anatom. detectiones.	336
Distinguendus a <i>Jacobo Rueff</i> , qui anatomen natricis edidit.	151	Ejus analecta physiologico-anat.	460
<i>Ruyfchius</i> , Fridericus, anatomicus nostri temporis consummatissimus.	499	Tract. anat. physicus de <i>auditu</i>	437
Ejus observationes laudatae.	499	Observatio de vase chylifero lymphatico coli.	400 401
Museum Petropolitae translatum.	500 501	Spermaticarum arteriarum defectus.	384 385
	499	<i>Skeleton</i> apud <i>Aegyptios</i> mensae illatum quale fuerit & quid denotaverit?	20 21
			<i>Skeleton</i>



# INDEX RERUM

<i>Sceletographia</i> variorum animalium	285	<i>Senguerdus</i> , Arnoldus, <i>osteologiam</i>	
	286	reliquit.	301
<i>Sceletopoeia</i> an <i>Hippocratis</i> tempore		<i>Sennertus</i> Daniel, celebrer practicus.	180
innotuerit?	37	Inter observationes ejus occurrunt	
<i>Scianobius</i> , Hector diascepses anat.		anatomicae.	<i>ibid.</i>
author.	177	<i>Septalius</i> Ludovicus, cartilaginem	
Quid in ea praestiterit?	<i>ibid.</i>	sterni mucronatam descripsit.	166
<i>Schenckius</i> , Johannes, observationes		Ejus vita & mors.	<i>ibid.</i>
anat. reliquis interspersas habet.	180	<i>Seberus</i> , Nicolaus, observat. anat.	
<i>Schenckius</i> , Joh. Theodorus scholam		author.	310
partium edidit.	287	<i>Sinenses</i> , an & quid in re anat.	
Idem exercitat. anatom. author	<i>ibid.</i>	praestiterint?	23
<i>Schillingius</i> , Jacobus, de oculorum		An illis circulatio sanguinis lon-	
natura scr.	178	ge prius, quam <i>Europaeis</i>	
Henricus Sigismundus discursus		cognita fuerit?	23 24
physiologico-anatomici author		<i>Sinibaldus</i> , Joh. Benedictus, gene-	
est.	<i>ibid.</i>	anthropiam.	189
<i>Schultzii</i> methodus iuveniendi du-		Judicium de illa.	<i>ibid.</i>
ctum thoracicum.	525	<i>Sleboctii</i> opinio: <i>Processus medul-</i>	
Ejus judicium de anatome <i>Aegy-</i>	16	<i>lares cerebri ex nervorum nume-</i>	
<i>ptiorum</i> .		<i>ro esse proscribendos.</i>	466
Historiae anat. specimina edidit	287	<i>Slegelius</i> , Paulus Marquardus, de	
<i>Sebizius</i> , Melchior 27. academias raro		dentibus scripsit.	286
exemplo visitavit.	175	<i>Schmidii</i> , Joh. Andreae descriptio	
Ejus scripta anat.	176	periostei ossis auditus.	466
Johannes Albertus disput. anat.		Ejusdem delineatio processus	
habuit.	<i>ibid.</i>	<i>Rauiani</i> in malleo.	466
<i>Schneideri</i> , Conradi Victoris, anatomo-		<i>Soranus</i> , Ephesius, sectae metho-	
mica scripta.	339	dicae ultimam admovit manum.	103
<i>Schifferi</i> Joh. Friderici omphalogra-		Sectator <i>Thessali Tralliani</i> .	<i>ibid.</i>
phia.	286	Quo tempore vixerit?	<i>ibid.</i>
<i>Schraderus</i> , Justus observ. anat.		<i>Spenerus</i> , Christianus Maximilianus	
medicarum author.	288	demonstravit anat. in theat. anat.	
<i>Schurigius</i> , Martinus, <i>spermatologiam</i>		Berol.	460
scripsit.	475	<i>Spigelius</i> , Adrianus, discipulus <i>Cas-</i>	
Idem <i>fiatographiae</i> , <i>chylologiae</i> &		<i>serii</i> .	272
<i>parthenologiae</i> author est.	476	Ejus merita ad dignitatem eque-	
<i>Swendendorfferus</i> , Georgius Tobias,		strem ipsum evexerunt.	<i>ibid.</i>
quaestionem medico legalem		Scripta.	272 273
ventilavit: An anatomia jure		<i>Sponius</i> , Carolus, myologiae au-	
divino & humano licita sit?	270	thor.	205



# MEMORABILIORUM.

<i>Sproegellii</i> , Joh. Christophori compend. anat.	393 394 395
<i>Sprengel</i> , Ernest. Victor tab. anat.	465
<i>Stablii</i> de anat. <i>curiosa</i> judicium.	3
<i>Stegmanni</i> , Ambrosii, singularia circa clitoridem observata.	483
<i>Steno</i> , Nicolaus, ductus salivales superiores majores <i>primus</i> de- monstravit.	146
Reliqua ejus scripta.	146 147
<i>Stephanus</i> , Carolus, primus partes animalium figuris delineavit.	133
Anatomen non ex libris anatomo- micorum, sed ex ipso C. H. didicit.	<i>ibid.</i>
<i>Stockamerus</i> , Franciscus, microco- smographiam edidit.	327
<i>Straussius</i> , Laurentius conatum anat. scripsit.	274
Ejus <i>casus Muscipontani</i> resolu- tio.	274 275
<i>Stroem</i> , Christianus in nova theoria motuum anatomes subsidio uti- tur.	458
<i>Stollius</i> , notatus.	115
Ejus judicium de anat. scientia <i>Aegyptiorum</i> .	16
Idem indignatur <i>Galeno</i> , quod sui ipsius laudator fuerit.	101 102
Ejus censura inutilis circa <i>Ta- liacotii</i> vitam & professionem.	128
Eidem chirurgia curtorum <i>Talia- cotii</i> chymaerica, videtur ad- modum ingeniosa.	129
<i>Stratonicus</i> , anatomen, <i>Galeni</i> te- stimonio, ignoravit.	64
<i>Swammerdammius</i> , Johannes, di- scipulus <i>Joh. van Horne</i> .	296
Ulteri muliebris fabricam descri- psit.	<i>ibid.</i>
Ejus reliqua scripta.	<i>ibid.</i>

artificium injiciendi ceram in vasa cujusvis generis.	297
<i>Sylbins</i> , Iacobus, anatomen <i>Parisiis</i> magno cum adplausu docuit.	134
Calamum strinxit in <i>Vesalium</i> .	<i>ibid.</i>
Discipulus fuit <i>Joh. Tagaultii</i> .	<i>ibid.</i>
Ejus scripta anat. cujus momenti?	<i>ibid.</i>
Vita & mors.	<i>ibid.</i>

## T.

<b>T</b> <i>aliacotius</i> , Casparus, aemulus <i>Arantii</i> .	128
Edidit chirurgiam curtorum.	<i>ibid.</i>
Judicium de illa.	<i>ibid.</i>
<i>Tanckius</i> , Iohannes observata anat. ser.	291
<i>Taubry</i> , Danielis anatome nova cum ratiociniis.	232
Horum ratiociniorum abusus va- riis speciminibus illustratus.	232 233
Negavit spiritus animales.	233
Brevis totius operis recensio.	233 234 235
<i>Thebesius</i> , Adamus Christianus sin- gularem habuit observationem de exitu sanguinis venosi in auriculis & corde.	335
Judicium de nova hac <i>Thebesii</i> opinionem.	336
<i>Thessalus</i> , anatomen inutilem esse dixit.	4
<i>Tirraneus</i> , Laurentius de glandulis urethrae virilis scripsit.	445 446
Testiculis instructus integris, pene vero breviori vel casu abbrevi- ato instructus an ad prolifi- cationem aptus?	459
<i>Teichmeieri</i> , Hermannii Friderici, anthropologia.	463
Auditus ossiculum à se primum detectum.	463 464
Ejus	



# INDEX RERUM

Ejus vindictae.	ibid.	Vita & mors.	ibid.
Reliquae in anat. detectiones.	464	<i>Vassaeus</i> , Ludovicus, discipulus Ja-	
<i>Timmii</i> , Ioh. observat. anat. pr.	461	cobi Sylvii.	132
Ejusdem collectanea.	462 463	Tabulas anat. edidit.	ibid.
<i>Tigeon</i> , Thomae <i>antimatologicum</i> .	171	<i>Verle</i> , Joh. Baptista anat. oculi ar-	
<i>Topelstein</i> , Henricus de anat. utrius-		tificialem tradidit.	198
que sexus scr.	161	<i>Vernay</i> , Iosephus du, anat. exercita-	
<i>Treßs</i> , Christophorus Iacobus <i>ossa</i>		tus.	212
<i>sesamoidea</i> , quibus in locis ab		Structuram auris accurate descri-	
ipso inventa.	461	ptam reliquit.	212
Quid de substantia mammarum		Reliqua ejus scripta.	213
muliebrium senserit?	525	<i>Vercelloni</i> dissert. de glandulis ocu-	
<i>Turrianus</i> , Marcus Antonius <i>practi-</i>		lorum conglomerat.	445
<i>cam</i> potius quam <i>theoreticam</i>		<i>Verbrug</i> , Iohannes, in examine chi-	
anatomen exercuit.	163	rurgico anatomen quoque tracta-	
<i>Tyson</i> , Eduardus observationes anat.		vit.	523
reliquit.	262	<i>Verduc</i> , myologiam scr.	452
U. V.		<i>Verdries</i> , Ioh. Melchior quaestionem	
<i>Valla</i> , Georgius opusculum ana-		examinavit: Num urachus foetus	
tomicum scr.	112	humani perbius sit?	407
<i>Val</i> , Petri du sententia de testiculis		<i>Venette</i> tr. gallicus de generatione	
mulierum.	170	hominis.	452
<i>Valsalva</i> , Antonius Maria professor		Castum requirit lectorem.	ibid.
anatomes.	202	<i>Vesalius</i> Andreas, celeberrimus anatomi-	
Auris structuram scrutatus est.	203	cus.	144
Multa nova priorum inventis		primus in <i>Galenii</i> errores anat.	
addidit.	203	animadvertit.	ibid.
Eorum series.	ibid.	anatomes restaurator à nonnullis	
<i>Valberda</i> , Iohannes, <i>Vesalii</i> sectator.	142	dictus.	ibid.
Figuras ex <i>Vesalio</i> est mutuatus.	143	Adversarium habuit <i>Franciscum</i>	
<i>Valentini</i> , Michaëlis Bernardi nova		<i>Puteum</i> .	146
matricis & morbonae muliebris		Ejus scripta anat.	ibid.
anatome.	391 392	A <i>Piccolhomineo</i> inter plagiarios	
Ejus pandectae medico legales.	460	relatus.	445
Novellae medico-legales.	461	Imputavit <i>Galenio</i> , quod brutorum	
<i>Vateri</i> , Abrahami, novi ductus		tantum corpora secuerit.	65
salivalis descriptio.	468	An brutorum partes per <i>analogiam</i>	
<i>Varolius</i> , Constantinus.	124	tribuerit homini.	147
Ejus inventa.	124 125	<i>Vesalius</i> Franciscus, fratris sui episto-	
		lam de erroribus <i>Galenii</i> in anatome	
		publici juris fecit.	ibid.

*Veslingius*



# MEMORABILIORUM.

<i>Veslingius</i> , Johannes anatomicus clarus.	276	<i>Vogli</i> , Joh. Hyacinthi <i>antropogenia</i> .	446
Ejus syntagma anat.	<i>ibid.</i>	<i>Volckameri</i> , Joh. Georgii colleg. anat.	344
<i>Verheyen</i> , Philippi, anatomia.	344	Ejus <i>Zootomia Democritea</i> .	42
Judicium Heisteri de hac anat.	345 346	W.	
Specimina eorum, quae ignoravit Verheyen in anat.	347 348		
Errorum a <i>Verheyenio</i> commissorum.	349 350	<i>Wagret</i> scripta chirurgica multa continent anat.	451
Reliqua <i>Heisteri</i> circa anat, Verheyenianam desiderata.	350 351 352 353.	<i>Waltheri</i> , Augustini Friderici exercitatio de lingua humana.	469 470
Nihil tamen honori ejus voluit detractum.	353	Ejus observat. de ligamentis, musculis & articulis.	471
<i>Vernoi</i> Joh. Georgius, vasa chylifera descr.	527 528	Earundem supplementum	<i>ibid.</i>
<i>Vieussens</i> Raymundus, in anat. cerebri spinalisque medullae versatissimus fuit.	213	Ejusdem observationes doctrinam de musculis illustrantes.	471
Quid in <i>nebrologia</i> sua praestiterit?	214 215 216	Ejusdem paris nervorum vagi & intercostalis singularis investigatio.	472
Reliqua ipsius scripta anat.	216 217	Observata de arteriae coeliacae divissione	<i>ibid.</i>
Novum vasorum systema edidit.	216	exercitatio <i>angiologica</i> nova de vasis vertebralibus.	373
Quae in eo nova reperiantur?	217 218	<i>Waltherus</i> , Conradus Ludovvicus de spina ventosa egit.	<i>ibid.</i>
<i>Vicarius</i> Thomas, anglico idiomate primus anat. tradidit.	173	<i>Warthoni</i> , Thomae, <i>adenographia</i> .	244 245
<i>Vigierius</i> , Johannes, encheiridion anat. scripsit.	302 303	Inventor est ductuum salivalium inferiorum majorum.	<i>ibid.</i>
Vidus Vidius multa anatomica reliquis suis scriptis inseruit	122	Operis distributio.	245 246
Ejus munia publica.	221	<i>Wedelii</i> , Ioh. Adolphi, singularis opinio de valvula venae subclaviae ductui thoracico imposita.	466
<i>Virsungus</i> Joh. Georgius, celebrer anat.	277	<i>Welschii</i> , Christiani Ludovici tabb. anat.	281 282 283
An ductum pancreaticum primus detexerit?	<i>ibid.</i>	<i>Wepferus</i> , Ioh. Iacobus, historiam apoplecticorum edidit.	304 380
Ejus facta.	<i>ibid.</i>	it. epistolam de dubiis anatomicis.	304
An Mauritius Hoffmannus ductum pancreaticum invenerit?	278	<i>Westphalus</i> , Ioh. Casparus hymenis existentiam adseruit.	396 397
<i>Ulmus</i> , Marcus Antonius, quid in anat. praestiterit?	168	<i>Wesensfeldius</i> , Conradus, singularem fovit opinionem de meatibus ab intestino coeco ad vesicam urinariam tendentibus.	314
Franciscus, <i>Laurentii Jouberti</i> discipulus fuit.	171	Judicium	
Ejus anatomiam professus.	<i>ibid.</i>		



## INDEX RERUM MEMORABILIORUM.

Judicium de illa.	315	<i>Wium</i> Eduardus Petrus.	467 468
<i>Willichii</i> , Iodoci vita & mors.	148	<i>Wolfstrigelius</i> Laurentius, os cunei forme accuratius aliis examina- vit.	332 382
Reliquit compendiosam C. H. par- tium descriptionem.	<i>ibid.</i>	X.	
Compendium totius operis.	148		
	149 & seq.		
<i>Willsius</i> , Thomas, ob anat. cerebri clarus.	248	<i>Ximenes</i> , Petrus, dialogos scripsit de anatomia.	140
Ejus methodus secandi cerebrum	<i>ibid.</i>	Z.	
Judicium de ejus anat.	<i>ibid.</i>		
Vita & mors.	<i>ibid.</i>		
<i>Winsheimius</i> , Sebastianus Theodorus de studio anat. orationem habuit.	160	<i>Zambeccari</i> , Josephi experim.	198
<i>Winfenius</i> , Menelaus, comp. anat. disputationibus aliquot exhibuit.	160	<i>Zeidlern</i> , Sebastiani Christiani a <i>somatotomia</i> anthropologica.	332
<i>Winslobbius</i> , Jacobus Benignus, prae- stantissimus n. t. anatomicus.	450	<i>Zerbus</i> sive de <i>Zeibis</i> , Gabriel, ana- tomicus.	116
Ejus expositio anat. structurae C. H. laudata.	450 451	Ejus scripta anat.	<i>ibid.</i>
Anatomes contenta.	462	Fata.	<i>ibid.</i>
Ejus fama.	<i>ibid.</i>	<i>Zypacus</i> , Franciscus fundamenta med. superstruxit anatomiae.	354
Opinio de peculiarium humorum secretione.	227	Ejus opinio de ramis lactiferis ex ductu thoracico ad mammas tendentibus & judicium de illa,	354
Sententia de situ cordis.	229		

# Monenda.

Cum duobus vel tribus in locis hujus *introductionis* unius ejusdemque personae bis mentio facta sit, rogatur B. L. ut alterutro in loco semel debeat. Hunc in finem conferantur invicem §. CCXIX. p. 161. cum §. CCLXVIII. p. 172. & §. CCLXXXII. p. 176. cum §. CCCCLIV. p. 276. Adde, si placet, §. CCXXVI. p. 160. cum §. CCCCLIX. p. 278. Errata typographica ipse velim corrigas,













Handwritten text, possibly a signature or name, located in the upper left corner.

Handwritten text, possibly a signature or name, located below the first block of text in the upper left corner.

5466

5683



